

UTL AT DOWNSVIEW



D RANGE BAY SHLF POS ITEM C
39 13 19 07 01 011 8

Nāmik Kemāl: Celālud-din

PL
248
K45C3

Kemal, Namik
Celāleddīn Hārzemšāh

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

P 3 / 36

مکتبہ اسلامیہ

جولہ ۱۹۹۲ء

—————

تعمیر کار

—————


۱۹۹۲

Kemal, Namak

تيازو

Calāleddin Harzemshāh

جلال الدين خوارزمشاه



اثر

نامق کمال بك

سنة

۱۲۹۲

— ❦ جلال ❦ —

« ن . کال »

اشخاص

محمد علاء الدین ! دولت خوارزم پادشاهلرندن

جلال الدین ! محمد علاء الدینک اوغلی

غیاث الدین ! « « «

أرق سلطان ! « « «

أرزاق سلطان ! « « «

قطب الدین ! جلال الدینک اوغلی

اوز بك ! امرادن و جلالک محرمالرندن

ملك نصرت ! « « «

اورخان ! « « «

نورالدین منشی جلال الدینک اصحاب دیوانندن

براق حاجب ! قره خطای دولتک مؤسی

سیف الدین ! امرای خوارزمیدن

بدرالدین ! « « «

امیرنوشتکین ! « « «


عماد الملك ! امرای خوارزمیدن

خادم خان ! « « «

عز الدین قزوینی ! مهر جهانک محلمردن

قوام الدین بغدادی ! تبریز قاضیسی

سلیمان ! ملك نصرت بعده براق حاجب توابعندن



899057

جابر ا..... « « « « «
 مبارك! مهر جهانك خادم اغاسى
 نيرة الاقبال! جلال الدينك برنجى حرمى
 مهر جهان! « ايكنجى
 زاهده! غياث الدينك والده، مى



[Faint, mostly illegible handwritten text in Persian or Urdu script, likely bleed-through from the reverse side of the page.]

برنجی فصل

ایسکون اطہسنده شاهانه فقط اسکی برچادر

پردہ

۱

برنجی مجلس

جلال الدین — نیرۃ الاقبال

« نیرہ »

کونش جہالک اقشام بلوطی کبی اوزرینہ چوکن شو ماتم
رنکندن نہ زمان قورتیلہ جق اوچہرہدہ بروقتلر نوہسارہ بکزریدی .
دائما اطرافنہ نوردن دوکلش شفققر تبسمندن یاپلش عنجہلر صاحباردی .
کیم برکرہ باقارسہ کوکلی صفای روحانی ، کوزلری اشک مسرت ایلہ
طولاردی . کونش طوتلدیغنی کوردمدہ ینہ اوقدرنورانی برجمالک بویاہ
قراکلق بررنک باغلایلہ بیلہ جکنی خاطریمہ کترمزدم . برکرہ جک
بر دقیقہ جق اولسون کولمز میسین ؟ . . اوللری یانندہ جان بولمش
بر مسرت کبی کوردیکک « نیرہ » کہ باقیورسکدہ یارہلی ارسالان اوقی
جک کرینہ صاپلانمش اولان صیادینی سیر ایدر کبی کوزلرندن آتیش
دوداقلرندن غضب دوکیلیور فلکہ باش اکمز ایکن بروقت بنم ایچون
پادشاہ پدینک آیاقلرینہ قیانوبدہ فارس سلطنتنی خاندانمدہ ابقا ایتدیرمشدک
شمدی کوکلندہ ، اومیلک اوتوجہک ذرہ قدر اولسون اثری قالمدیمی ؟ . .

« جلال الدین »

بر ذرہ سی بیلہ زائل اولمدی سنی برنجی کوروشمدہ نہ قدر

سودمسه هر یوزینه باقدقجه بر او قدر دها سویورم .

« نیره »

اوله ایسه چهر کده بو مخزونلق نهدردنیاده محبته مغلوب اولیه جتی بر الممی وار ؟ بوجهانک غنی ینه جهانه برافسه قده ینه یالکز مجتمزی دوشونسک اولمزی ؟ ایشته بویه بر مصیبت زمانه دوشدک حیات وجودیمزدن هیچ آریلمه جتی کبی طور یور . فاک بلا کونلرینک دقیقه سنی ییلر ، ساعتی عمر لر قدر اوزادیور . آنک رغننه و قتمز نه قدر آغیر کچر سه عمرک اک بیوک لذتی اولان صادقانه محبتدن او قدر زیاده استفاده ایتسه کده فلکدن لایقوله بر انتقام آلسهق نه اولور ؟ یوزیمه اوله محزون محزون باقه نه ایسترسهک فلکدن انتقاممزی اله - بیلیرز . کندی کندیمز بزم ایچون دنیاده هر بختیارلغی تأمنه کافیدر آم بیلیم نصل اولیورده قلبیکده بر قوجه عالمک نه قدر کدری وار ایسه هپسنه بر بولنیورده نیم کوکلم سنسکله طولمش سندن بشقه هیچ بر شی قبول ایتیمور . خاطر یکزه کلزمی ؟ بز نه وقت کورشدک بیلیرسکز یا ؟ قلبیجر شفق زمانی طوغمش هلال سیمی قانلر ایچنده یارلامغه : مزر اقلر قانی ایچمک ایچون وجودینه یاپشه جق مخلوق کوزه دیر اژدر کبی ترمیه ترمیه باشنی طوغر لتمغه اوقلر ایچنده صاقلانه جتی کوکل بولمتی ایچون میدانه آتلمش محبت کبی قارشوسنه تصادف ایدنلری تاجان اویندن اورمغه ، فیالر شدتلی بر زلزله یه طوتلشده عسکریله سلاحیله برابر یرندن قلعه بر جی کبی طاشلر ، دمیرلر ، اوقلر ، حربهلر ، نعره لر ، و اوایلر صاچهرق اوزریمزه یقلوب کلکه باشلامش ایدی . عجبا تعجیزی ایدیورم ؟

جلال الدين

سويابه سويابه همان سنك قدر سويديكم حاللري كوزيمك اوكنه
كتيريپورسك !

« نيره »

پدرم غوغايه كلركن بخنده ياننه آلمشدي مرحومه والدمه :
بيچاره قادين بيلسه كز نه قدر تلاش ايتدي ؟ هيچ اون سكز ياشنده
قز غوغايه مي كيدر ؟ ايكي ارڪك اولادم وار برابر كتوريپورسكز
بري زرهكز بري سپريكز اولسون ، وجودلري اوقدن قاندين ،
اطرافنه دالار صاليوپر مشده باشدن آياغه قدر كللري اولمش فدانه
بكزه سون . ينه افتحار ايدهرم فقط قزمدن نه ايسترسكز ؟ آني
بكا براقك ! آه ارڪك چوجق طوغري رز يدي سكز ياشنه كيرر كيرمن
يوزلريني كورمكه حسرت اولورز شمدي قز ليمزي ده بتون بتون ضبط
ايده جكسكز ؟ ديمك والدهلر چوجوغني قز اولسون ارڪك اولسون
قارنده طاشيه جق قوينده بيوده جك حسته نيرسه هر كيجه صباحه
قدر يتاغنك اياق اوچنده اغلايه جق ينه امر ونهي تصريف يالكز
پدرلك اوله جق ديه شكياتر ايتدي آغلادي يالواردي اياق لرينه قياندي
بر درلو تاثير ايتدي رهمدي آنك كورلتيلري فريادلري بتدكدن صكره
پدرم بر خفيف تبسم ايتدي . سزده كورمشكز دريا ! مرحوم جوابسز
قالير ظن اولنسون بر سوزه مقابله ايتديكي وقت نه قدر خفيف كولردى
ينه اويلاه كولدى پادشاه نسلندن كلانلك شاني هر درلو فداكارلقده
خالقه نمونه اولمقدر بن اولاديمي - ولو قيز اولسون - دولتمه فدا
ايمكه مجبورم . بر قزيمي مخاطره يه آتارسهم هر كس اوغلني ايستر
ايستمز سلاحى اوكنه تسليم ايدر . ديدى ينه والدمك يوزنده بر رجا

اماده می کورنجه : قادیانر پادشاه ایشنه قارشمز دیه بر کره باغردی
تویلیری اورپردی کوزلری آتش کبی قیزاردی پارلامغه باشلادی
کیزلیجه یوزینه باقه جق اولدم قارشمده بر ارسلان باشی طوریبور ظن
ایتدم الهی سورسه کز تعجیرمی ایدیورم ؟
« جلال الدین »

سویله سویله آر آدیغ کبی بر پدر تعریف ایدیورسک . مرد اولدیغی
دوشنیورمده کوکلم بر آزمتسلی اولیور . کاشکه بنده سنک قدر بختیار اوله یدم
پدرک واهمه می یولنده دولتی فدا ایده جکنه ، دولتک یولنه بی فدا
ایده ایدی .

« نیره »

نه قدر ادرا کسزم مراقیزی دفعه چالیشیورمده ینه هپ اندیشه یه
قوت ویره جک شیار سویلیورم .

« جلال الدین »

سویله سویله لاقردیکی ایشدکجه آغزینی اوپمش قدر قاچه
انشراح کلیور .

« نیره »

پدرم اوقیافته کیردی نه جکم بتون ، بتون شاشیردی صانکه
دوداقلری کیرپکاری بر برینه یاپشدی ینه بر لاقردی سویلسکه نه بر
کره یوزیمزه باقغه جسارت ایده بیلدی همان یرندن قالقدی حرم قپوسنه
ظوغری یوریمکه باشلادی بن ! بتون بتون حیرت ایچنده قالم .
پدرده یرندن طوراندی . مابین طرفه طوغرلدی . بر کره یوزیمه
باقدی صانکه آنک کوزلری کهر بازدن بنم وجودم چوپدن ایش
کبی احتیارسز آرقه سنه دوشدم . محاربه یه نه قدر نفرت ، عذاب

ایچنده کلدی کمی بن بیلیم . سانکه بوینه زنجیرلر طاقدیلارده بی
ایکی « اویچ ساعتک یره طاشلق اوزرندن چاللیق آره سندن سور و کلیه رک
کتیردیله . مکر بنم بوتلاشم چو جقارک عدمدن وجوده کلیرکن
ایتدکلی فریادله قیلندن ایتمش ! مکر جناب حق بکا اصل حیاتی
اوزمان نصیب ایلمشه استقباله چقیور ایتمش . مکر پدرم بو بیچاره
وجودی ایکی دولت آره سنده باریشقاغه آقربالغه خدمت ایده بیلیر دیه
اورالره قدر اختیاط ایچون کتورمش مکر « جلاله » اوراده نائل
اوله جتی ایتمش . برکره غوغا باشلادی . باشلار باشلامز عسکریمز
بوزولدی . اه بوزغونلق بنم کبی آناسنک قرینندن یکی آیرلمش
قزلره نه قدر دهشت ویریور . اوراسنی بردرلو تصور ایده مزسکز .
آتیلرک هانکیسینه باقدم . اولوم جانلانمشده قوشه قوشه اوزرینه
طوغری کلیور صانیردم پدریمی کوردم ! کندینی بیک قلیجک بیک
قارغینک اوزرینه آتور بر قایچ یرندن یاره لشمش آرقه سنده کی خلعتی
قان طامله لرندن قیلان پوستنه بکزه مش . هوا قرارمش . کوکلر
جناب حقک غضبندن مخلوق بر جهنم کبی قورقنج قورقنج کورلر
یرلر .. اولادینک قانی یوزینه کوزینه دوکولمش بروالده کبی آچی آچی
ایکلر . هر دقیقه بر ییلدیرم آتش رنکننده یرادلمش بر اژدر کبی
بوکیله بوکیله بلوطلری یرته رق یا بر آغاجه یا بر قارغی یه چاربار . یوز
بیکلرجه آدم زره لر کینمش سانکه کینمکله کوکلر ایده دمیر کسيلمش
جان آلمده عزرائله یاریشیر . بو طرفه باقارسک بر عسکر بشقه سنک
پقه سنه صارلمش کویا کندی روحی ایلمشه الندن قاپدیرمش کبی بیک
حرصله بیک غضبه جاننی آلمغه چالیشیر نره یه باقسه ک اوق ، یاره لی
غارغی ، موتا ، قلیج ، قان فیل ، آتش ، منجینق ، ییلدیرم . برادرلر

ياره لرندن آدميدر دکاميدر فرق اولتماز . والده : دنياک او بر
 گوشه سنده خدمتکارلر : ميدانده جان ايله اوغراشیر . جاريه لر :
 دهشتندن بايلمش يرلرده سورينور . روزکار چاديرک بر طرفی
 کوتورمش . وجود صغوقدن يغموردن خزان يپراغی کبی تتر انسان
 قورقودن کدردن اولور ديرلرسه يلاندر . اکر اولیدی بن اوکون
 بر دقیقه صاغی قاليردم .

« جلال الدين »

آه بيليرميسک که : بر مرد اویله بر بلا اویله بردهشت ايچنده
 بولنورده کندینی دوستنی بسکه دشمنی چکیشه ، چکیشه موتک
 پنجه سندن قورتارمغه چالیشیرسه نه قدر عمری آرتارنصل کوکلی آچیلیر؟

نیره

بيليرم ! سنی او محاربه نك او قياتک آرمسنده . . . کوردمده
 آنک ایچون بيلدم حالا کوزيمک اوکنده در . آردو يرينه کلان
 عسکر چاديرک ايارينه صارلمش ایدی او قلا آغاجه هجوم ایتمش آری
 طوی کبی برينک باشی برينک قنادينه ياپشیرجه سنه بر يرينه صيقشه رقی
 ویزلی یه ویزلی یه اطرافنده طولاشمغه باشلیدی . دقیقه دقیقه عزرايیلی
 بکلرکن قارشیدن قاصرغه کبی بر دومان پیدا اولدی . ده دومان بر
 قاچ یوز آدم اوزاقده ایکن یولک اوغراغنده هر نه وار ایسه
 روزکارندن پریشان اولوردی : برده دومان یاریلدی . نه کوره يم ؟
 مکر او قره بلوطدن بر مهتاب مهتاب دکل کل چهره لی انسان قیافتلی
 بر ماک صاقلی ایتمش : بر ماک که انسان قیافتنه کیرمشده نیه ملک کی
 یوزندن آقور کوزلیریمی جماندن آیرمقی ممکن اوله مدی . طالشم . . .
 حیران حیران حالی ، طرزینی ، طورینی سیر ایدیوردم . او قدر

طاشمکه چاديرك اوكنه قانلر اياغنه گلش انكاريمه بولاشمشده جبرم
 يوق . برده همان كوزيمك اوكندن غيب اولدك كيتدك . حالمى اونوتدم
 سنى آرامغه باشلام . اطرافنه كوز كزديرر طورركن قولانغه بر
 دلغريب صداكلدى . مكر يانمه گلشده تحت روانمى امر ايدر مشسكز .
 يوزيكزه باقدم بتون ، بتون غشى اولدم . وجودمك بريرينى حرکت
 ايتيرمكه اقتدارم قالمدى حتى بيليرسكز يا دوداقلريمى اوينا نوبده
 تشكر ايجون بر كله اولسون سويليه مامشدم . آره مزده طوپى اوچ ،
 بش آديم ير وار ايدى دكلى ؟ يوزيكه باقديغم آنده جان اويمه بر
 اوق آتمش اوليدك ممکن دكل قلبمه محبتكدن اول يتشه مزدي ظالم
 صانكه بنى اسير ايتدك اويله مى ؟ هانكى جاريهك سكا بنم كبي قوللق
 ايدر ؟

« جلال الدين »

« لطيفه يولو » آزاد اولديغنىمى ايستيورسك ؟

« نيره »

الله اسيركه سون . بن آكلايورم سز بندن صاقلايورسكز احتمالكه
 يوزيكزى كولديره بيليرم ديه عمرمه بر كره لطيفه ايده جك اولدم
 مقابلنده بنى اغلاينجه قدر چاليشه جقسكز .

ايكنجى مجلس

اولكيار - قطب الدين

« قطب الدين »

والده جكم نيچون كوزلريكز طولش اول بنم كوزلرمد، بر طامبه
 ياش كورسه كز طاريلير ايديكز دنيانك حالى دكشدى ايسه ننه لر

آغلايه جق چوجقار صوصدرمغه چاليشه جق قدرمى دکشدى ؟

« نيره »

کوزلرمى طولمش ؟ بديکه طوز قاچشدر هر کوزى صولانان
آغلاماز هايدى آرسانم طيشارى کيتده اکن اوق آت قايلج اور
شعر اوقو البته برشى بولور اکنيرسن دکلى ؟ بوراده جانک صيقامبور
آ ايکى کوزم .

« قطب الدين »

پادشاهمک همتهده ، پدريمک ، والدهمک ياننده ايکن نهدن جانم
صيقلسون . « قطب الدين چيقار » .

« جلال الدين »

بر لطيفه مى بيله چکميورسکز ؟

« نيره »

اويله آرياقله لطيفه مى اولور ؟

« جلال الدين »

چهره مى عادتا اولور رنكى باغلدى ينه کوزل روحدن حياتدن
کوزل ! دنياده سندن صيقلمق سندن آيرلمقى ايسته مک نيم ايچون
ممکنيدر ؟ ... الله عشقنه اويله خاطر ملره اويله واهمه لره الدائمده
برکره کوکلنه صور برکره وجدانه دقت ايت .

« نيره »

يوق اللهک عشقنه يمين وي رييورسکز يلان سويلرسهم قورقرم
جزاسنى محبتمده بولورم . حالنه باقدقجه خاطر يمه بيک وسوسه کليور
فقط بردرلو بندن صيقلديغنه کوکل قائل اوليور . اللهک جمالکله
تجلى ايتمشين ! . . . اوکه ، اوکه برقون ير آتمشين . بر حالده

یراتمشین که یوزینی مجوسیار کورسه لر کونشی بر آقیر بوکا طاپینیرلر .
 او قولنی ده بکا نصیب ایتدک : انسان قدر عاجز بر مخلوق آرسنده
 « جلال » قدر عالی بوجود یر آدان قدرته او قدر ممتاز یر آدیغک
 وقولنک کوکلنی « نیره » کبی دکرسنز بر بیچاره یه میل ایتدیرن مرحمتنه ،
 طوپراقدن دیکندن کل یتشدیردیکی کبی بندنده « قطب الدین » کبی
 بر ملک وجوده کتیرن عظمتنه صیغنورم بنی جلالملک محبتدن مأیوس
 التفاتنده محروم ایتمه .

« جلال الدین »

« نیره یه ! نه قدر خزین نه قدر غریب دعا ایدیورسک ! ایشته
 نینده کندینه بکرتدک « قطب الدین » کورسه عادتا آغلاپور ظن
 ایده جک پدرم دنیانک ائک بیوک پادشاهلغنی غائب ایتدیکی زمان کوزلرم
 بو قدر یشارماشدی .

« نیره »

آه بو سلطنت نظر کزده سلطنتدن بشقه بر شیتک قیمتی یوق
 پادشاهلغکز دکل پادشاهلق امیدیکز مخاطره یه دوشمش دنیا ده سویله جک
 نه وارسه هیچ بریسی کوزیکزه کورنمیور .

« جلال الدین »

چوجق ! بن کندم ایچونمی تأسف ایدیورم ؟ بن سلطنت
 سورمک ایچون پدرمدن مملکت بولغهمی محتاجم ؟ .. اجد آدیمه او
 ملکی قز آندیران قلیج عجبانم المده برایش کورده مزمنی ؟ شودها دشمن
 یوزی کورمدن بویله بوجود عالمی ایچنده برعدم گوشه سی بوله جق
 قدر قورقده مهارت کوسترن بابام قدر اولسون یر ضبط ایتمه مقتدر
 دکلمیم ؟ آنک ضبط ایتدیکی یرلر بر پادشاهلغه کفایت ایتزمی ؟

جهان ملكي صحیحاً بر طرناغنه دكيان نيره مك « باشنه يمين ايدرمكه
جلال النده بر قايح قليچ كو كسنده بر قايح زره پارده له نغی اختيار ايدنجه
دنیاك نره سنه كيتسه كندينه بر دولت پيدا ايدر . هيچ اولمازسه
شهادت دولتي خاطرده طور ييور . بن بر شيك غائب اولديغنه تأسف
ايد ييورمكه : بردها اله كيرمسی ممكن اوله ماز . اعاده سی قابل اولمیه جتی
بر دولتدن آيرلديغمز ایچون بویه كدرندن اولمشده ماتم رنكنده
كفتارم بونمش جنازه كبی كزیيورم خاند آنمك ناموسی بر باد اولدی .
آكلامیورميسك ؟ ظلم آتشی ماماكتاری كشورلی صارمش دومانی
افلاكه سرچكيور . دشمن قليچی ار ككوره ، قادينلره ، چوجقلره ،
اختيارلره مسلط اولمش . شهيد قانی طوپراغك اك آشاغی طبقه سنه
كچيور . دشمنله آره مزده بوقدر مسافه وار . روزگار بورالره قدر
انسان لاشه سی ، انسان يانغین قوقوسی كتير ييور . طوپراغی ديكارسه ك
ياتم اينكيتسی ايشيد ييور . صويه باقسه ك شهيد قانی كور ييور .
دنياه نه قدر كمالات ، نه قدر بدایع ككشسه بوكون جمله سی عرب عجم
ماكارنده طوپلانمش جهالتدن دنی وحشیاكدن ظالم بر خینزیر انسانیتك
آلتی بيك ييللق محصول حياتی بتون ، بتون محو ايدوبده يرلرنده آدم
كله سندن ياپلش قله لردن مظلوم قانیله يازلمش مرثیه لردن بشقه بر شی
براقماق ایستيور . اودارالغنونلرك محافظی بز ايدك اویله ايكن ييللرجه
مزارده قلمش میت اعضاسی سلبي پڑمرده پریشان مكروه بر حاله
دوشمش شو طپراقلر ایچنده چور ييورز .

« نيزه »

اللهم ! سن مرحمت ایت ! ...

« جلال الدين »

اللهن كيمك ايجون مرحمت ايستيورسك ؟ بزم ايجون دكلى ؟
 دعاك نصل مقبول اولسون بو كون كاشغردن تامغربك نهايته وارنجيه
 قدر هر كس دينيه اللهه عبادت ايديبور. اوغليله زنا ايتمش بر فاحشه نك
 مردار قانندن خلتي اولمش بر كلب او مكروه وجوديني حاشا جناب
 حقندن زياده عبادته لايق كورمش ير يوزنده الله نامنى قالد يرو بده يرينه
 كندى ملعون آدينى قائم ايتك حقتك نه قدر عبادى وارسه كندى
 كبي شيطاندن بيك قات دنى بر مخلوقه طايدرمق ايستيور، او عبادتخانه لر كده
 ديو آريده بزايدك اويله ايكن ايجنده كى سدرك قيريتى طاشلىرى، چوروك
 طوپراقلىرى قدر اولسون ايشه ير آميورز، ييغين ييغين بولنان كوشه -
 لر نده سورونيورز .

« نيره »

الله عشقنه صوص ! چهره كده كى باقيشنده كى دهشت عقلمه
 طوقنيور . شمدى چيلديره جغم .

« جلال الدين »

ديكله ! سويلتمكه سن سبب اولدك كوكلده صاقلامغه چالشديغك
 آتشار علولندي . بوندنصكره ضبط ايدهم اسلام اوزرينه بو بلايي
 دعوت ايدن بيز ايدك صكره دشمن كورنديكي كبي اك اول بز قاچدق
 طوپي بر كره غوغا ايتدك . آندهده غالب ايدك . دشمن بزدن يوز
 چويردى : كويا ! تاتارك او ك طرفى انسان آرقه طرفى اجل ايتمش
 كبي بزده او زمان قاچمغه باشلادق يوز سنه دنبرى فللك هر درلو ،
 جفاسنه قليجيمزك حمايه سنه صيغنان « بزى مرد همتلى ، كفتابلى
 غور ، حاصلى كنديلر ندىن بيوك صانوبده تبعيتمزه كيدن اياغزى باشلر ندىن

یوکسک ، قلیجمزی جانارندن عزیز طوتان نیجه یوز بیکارجه بیچاره یه [ایشته دشمن کلیور بزده قاچه جغز باشکزک چارده سنه باقک - دیمکدن اوتانمدق] قهار متقم حضورینه نه قدر کندینه عبادت ایدر . قولى وارسه جمله سنک هلاکنه سبب اولق کبی برو باک ایله کیتمک ، اخلاق ! زمانزده انسان دینلمکه لایق کیم وارسه یوزده طقسانک نا حق یره دوکیلان برقان ایله لیکه لشمش بر نام براتق نه بیوک بر مصیبتدر ؟ ذهنکه بوله میورمیسک ؟ بز الله حضورنده نمرودلر ، فرعونلر قدر مسئول اوله جغز استقبالده دنیا به نه مسلمان نه قدر انسان کلیرسه یزیدی ، شیطانی براقه جقده بزه لغت ایده جک ؟

« نیره »

او ف ! بن سنی هیچ بو حالده کور مامشدم لاقردی - سویلر کن آغزندن آتش صاحبیورسک . کوکاکده نه زبانیارمی - او طور بیور ؟ جنکیزلرک هجومنده سنک نه دخلک نه صنعک وار ؟

« جلال‌الدین »

بنم ذره قدر دخلم ، صنع اوله یدی جنکیزی الی باغلی اوکمه کتیرسه لر آنی براقیرینه کنیدی تلف ایدردم هپسنه پدرم سبب اولدی هپسنه او سبب اولدیده ینه پدرم ینه پادشاهم والده سی یمش یاشنده برقادین ایکن ایلانده محافظلق ایدیور . کندی قرق بش یاشنده ایکن آدی چیمش بر حیدود باشی بی بر صاحب طهور وحشت بیابانلرینک اک قوقش چرکابلی آره سنده پیدا اوله بر یرتیجی جانواری - کوکدن اینمش بر قضای مبرم ساندیده اوکندن فرار ایدی . عادتاً - بویله بر دنیا قوریله لی اوزریه انسان یاغی باصامش بر قیایا رچه سنک دلیکنه دشیکنه صاقلاندى او قدر بیلمش که حیاتی قور تارمق ایچون

مزار خاطرینه گلش یر آلتنه کیرمکه ییلدیرمدن ، نهابدن قورقسه کوك
یوزینه چیقاجق . آه هم فرار ایتدی هم نی ده برابر سوروکدی نه پیام
پدرمدر پادشاهمدر . ایکی جهتله اطاعتنه مجبورم یوقسه غوغا باشلادیغی
زمان حکم بنده اولسه یدی الله پیلیر شمدی حدوددن قاچ ساعت
کیرو دوشدکسه آنک ایکیسی قدر ایلروده بولنوردق .

« نیره »

آه خاطرنده مملکت ضبط ایتمکدن بشقه بر شی یوق . کاشکه شو
چادیرک . یاریسی قدر برکلبه ده بولونسه قده سنک فکرك بوقدر کنیش
نم کوکام بوقدر طاز اولسه !

« جلال الدین »

کاشکی ! کاشکی : جناب حقک شو قوجه عالمی ایچنده سنک او
دیدیکک - کوکله که قائلیم . لکن نه پیام ؛ کلبه ده طوغدم بشیکمی
پیله - اجدادیمک آیاغی آلتنده قیرلمش بر قاچ سلطنت تحتک
پارچهلرندن - یامشار . نیرم حقندن نائل اولدیغمز عنایتک خلقندن
کوردیکمز اطاعتک بدلی بویله کونلرده حق ایچون خاق ایچون فدای
جان ایتمکدی بز ایسه : بر جانلی پت : حاشا ! جناب حقک قدرتنه
غالب کله پیلیر کبی الله قورقوسنی بر طرفه بر اقمشز جنکیز قورقوسیه
کندیمری دیری ، دیری شو مزاره - کومبورزده جهنم قبولرینک
یوزیمزه آچلمسنی بکلیورز . آغله آغله : جلالک کرچکدن مرحمته
لاقدر کاشکه الله نبی دنیایه کوندره جکنه خلق ایتدیکی آنده جهنمه
آته ایدی ده بایکه اورانک عذابی - روحک شمیدیکی چکدیکی -
اذادن اهور اولوردی .

اوچنجى مجلس

اولكىلر - قطب الدين

« قطب الدين »

افدمز كزمكن دونمش بو طرفه كليور .

جلال الدين

كاسون حنى يوركلى اركاك . شاهن يمورطه سندن چيتمه چايلاق
اونجى وظمه ماته خدمتدن منع ايديور . بنده غالباً كندىمي آكا
اطاعتدن منع ايمكه مجبور اوله جفم « محمد خوارزم كير »

« محمد »

ينه نه اوليورسكنز ؟ بريكزك ايكي كوزلرندن يغمورلر بريكزك
چهره سندن ييلديرملر صاحچيليور .

« جلال الدين »

تعجبمى ايديورسكنز ؟ سايه كزده دوكيلان قانلرك يانان
مملكتلرك بدليدر ؟

« محمد »

سن بورايه كلدك كله لي ايا ايله كنايه ايله اعتراض ايدر طوررسك
شيمدى يه قدر حقمنز يره تعريضه اوغرامق هر بد بختك شانندن
اولديغنى دوشنوردمده سكوت ايدر دم . هر كس نه سويلارسه سويلسون .
زمانه خاتمك فكري سوزى حقارت نظرياه باقمه بيه دكمز . فقط
سن اولدجه انسانسك حقمده يالكش فكرلرده بولنديغنى كوكل
ايستميور . سوياه باقه يم بولديغك . قصور نه در ؟

« جلال الدين »

سبحان الله بنى بي ادبلكه مجبور ايدجكسكنز كندى ايله

یادینی طاشه طاپنیر بر آلائی جانوار موحدلری یرک دینه کچرمک
 توهیدی بتون بتون یر یوزندن قالدرمق ایستیور . جامعلریمزه
 آت چکیورلر . اجدادیمزک قبرستانه دوکدکاری شراب
 جرعلری شهیدلریمزک قانلی کفنته قدر بولاشدی عالمک اک بیوک
 پادشاهی اسلامیتک انسانیتک اک قوی ماتجاسی وقتیه اشقدیار کبی
 اردلشیر کبی ، غزنوی کبی سیتحر کبی بر پادشاهه جهانگیر دیدیرمش
 یدی سکر مامک صاحبی اولان ذات کوک یوزینی لوح محفوظ :
 منجماری هاتف غیب قیاس ایتمش قانی عراقی شرابندن فکری وزارت
 صورتده سلطنت هواسندن عبارت اولان « عبادالمک » دن بشقه بر
 مستشار بوله مامش ، آنلرک تسویلاتیه عدم عالمک وجود شکلنه متمثل
 بر پارچه سی دینلمکه لایق اولان شوکوشده چکامش اویله برکوشه که
 شیطان ایتدکرینه اوتامزده کندی بی بشرلرک مالکلرک نظرندن
 صاقالایه جتی بریر آراسه بلکه بوراسی خاطرینه کلزدی . صکرده
 قصورینی بدن صوریور .

« محمد »

هر منجمار لاقردیسنه اینانغی ، کوکده برسیاره کورنجه حاشا ! ..
 یرک تکریمی ظن ایتدک جنکیزی براق . بن دائما یاقلیچ . یا کتاب
 طوته رق پیووم . فوقزده الله دن بشقه دنیاه حکمی نافذ بر قوت
 موجود اولمدینی هم علم ایله هم تجربه ایله بیلیم . معتصمک غودیبه
 غزاسی ده ابوتمامک تبریکنامه سی ده تمامیه خاطر مده در .

« جلال الدین »

اویله ایسه ! ..

« محمد »

توره یمده آدن صکره سویله . بورایه کلیدم « عمادالملک »
 هذیانلرنی راینه ترجیح معناسیمی ویریورسک ؟ سن اولادیمک
 بیوکیسک ولی عندهسک شخصیینی بومزیتاره لایق کوردمده بر زمان
 یانمدن آیرمدم « عمادالملکی » ایسه اوغلمک خدمتکارلغندن بیوک بر
 ایشه قوللانغه لاین کورمامشدم . یاشمدی یه قدر هیچ پرایشه
 سنک سوزکله حرکت ایتدیکیمی بیلوب طوررکن آنک راینه تابع
 اولدیغمه نصل احتمال ویره بیلدک ؟

« قطب الدین »

افدمز : پادشاهم ! اویاه ایسه نیچون بزی بورالره کتیردیکنز !
 اولومدمی قورقدیکنز .

« نیره »

« قطب الدین » صوص : سنک پادشاه حضورنده سوزه فارشمق
 نه حدکدر .

« محمد »

« نیره یه » براق سویاسون پدرینک ذهنکده صاقلادینی تصورلر
 جوجفک وجدانه عکس ایدیورده اسانندن دوکیلیور « جلاله » سن
 نه حق ایاه بکا قورقافلوق اسناد ایده بیایرسک ؟

« جلال الدین »

غوغادن قاجانلره نه درلو وصف بولهلم ؟

« محمد »

خراسانی غورینردن قورتاردیغم وقت شاد پادشاهنک خندقنه ابتدا
 آت سورن برجنه ابتدا بیراق دیکن بن دکلیدم ؟ یاشک قطب الدیندن

زیاده ایدی . البته خاطر نده در . خراسانک ایکنجی سفیرینی اونوتد -
 کمی ؟ غوغایی یالکز بن ایتدم . هیچ بریکز بن ایلرویه واردتجه
 آتمک دیزکینه صاریاوبده وجودیمی مخاطره دن قورتارمغه چالشمقن
 بشقه برشی یامغه وقت بوله مدیکز اجدادیمزک اک بیوکنی خر جکزایه
 ایدن قره خطایی برصدمده اوستنه یلایرم دوشن کولله کبی یره
 کچیرم او آنده دنیا تره دی . اوغلبه نک تاثیر حالاسنک بیله چهره کده
 کورینیور . فیروز کوه کبی غزنین کبی مکانی قاف طاعی کبی خلق
 اژدرها قیاس اولمش یرل ضبط ایتدم او فتحک شهرتی حالا جنکیزک
 بیله لسانده طولاشیور ! مکء عراقده قزاندیم محاربه نک غینتمی
 دکلدز ؟ هانکی برینی ضایه لم ؟

« جلال الدین »

صایمقن دیلکز طولاشمزسه هپسنی صایکز یکرمی ایکی سنه در قلیچ
 قوشانمش قرق الی محاربه قزانش بر قاج کره مغلوبیت حالی
 تجربه ایش برجهانگیر ایکن مالکیزی ، وطنکیزی ، ناموسکیزی ،
 دینکیزی آتش ایچنده جانوار آغزنده دشمن آیاغی آلتنده ، شیطان
 النده ، براقدیکزده بر بوزلمش اردودن فرار ایتدیکز . یاری دنیا
 طولوسی انسانک هلاکنه سبب اولدیکز .

« محمد »

شو سویلیدیکک معناسز لقر دیاره باق : سن مکر بنی عاداتا دیوانه
 قیاس ایدرمشسک که منجمله آلداندیغمه « عماد الملکه » قاپلدیغمه ،
 بوزلمش اوردودن قاجدیغمه ، ذاهب اولیورسک یلمیورمیسک که :
 اوزریمزه کلان تاتار الارنده کی قرباچلرینی آتسلر قلعه لیمزک خندقلرینی
 طولدیرر . بزم حرب ایدن طلیعه می طوپو الی بیسک کشی ایکن

غوغاده دوکیلان قانلردن آتلیمیز دیزلرینه قدر چاموره باتمشدی .

« جلال‌الدین »

کاشکه آتلیمیزله برابر یرک دینه کچدک .

« محمد »

الدن نه کلیر ؟ جناب حق بر چوق کثورک حرانی بر چوق
انسانلرک هلاکتی مراد بیورمش زلزله کبی ، طاعون کبی برده
جنکیزیر اتمش . او قضای مبرمک ایناک حدمسنه بز تصادف ایتدک .

« جلال‌الدین »

یاربی سن صبر احسان ایت ! شمدی جنون کتوره حکم حال
بوله ایدی ده سنرک اسلامه نه قصدیکز وار ایدی که : تاتاره حرب آچدیکز ؟

« محمد »

عباداللهه بنم دکل بغدادده کی خانک قعدی وار .. بن جنکیز
اوزرینه سفر آچدم مغول طرفدن غائر خانه کلن تاجرلرده ،
جنکیزک صکره کورندیکی ایلیچیلرده علی العموم جاسوس ایدیلر آنک
ایچون اعدام ایتدیردم . اعدام ایتدیرمه ایدم جنکیز بشقه بر بهانه
بولورینه اوزریمزه کلیردی . ناصرده کندیخی یرزنده اناهک کر چکدن سایه سی
حق مثال مشخص حکمنده کوسترمک دنیاده نه قدر مسلمان وار
ایسه کندینه طاپدرمق ایستیور . انسانی کندی سفاهتته خدمت
ایده جک قولار بولنمق ایچون یرادلمش اسلامیتی کندی عظمتنه عالمی
سجده ایتدیرمک ایچون تنزیل اولنمش صائیور . بز کندینه رعایتی
عبادت درجه سنه کتره مدک یالکیز بنم شخصی انتقام آلمق ایچون محمود
بالواجی واسطه ایتدی جنکیز کبی بر غضب الهی خلق اوزرینه
مسلط ایتدی آکلادکی ؟

« جلال الدين »

فسبحان الله : جنكيزى اوزيمزه ناصر تحريك ايتمكاه اوكنندن قاجلمق نهدن لازم كلسون ؟ دولتوز ناصرك اعانه سيله مى بقا بوليوردى شمدى شورادن چيقالم شبهه يوقدر كه ينه بايرانمرك آلتنه بيوك دنيايى ضبطه كفايت ايده جك قدر عسكرو طوپلايه بيليرز . .

« محمد »

براردولى عسكرو طوپلايه ميزيا : ولوكه سئنگ بوطنك طوغرى اولسون طوپلانه جق يادكارلرك درقيوز بيك كشى الى بيك تاتاره مقابله ايده ميان عسكرو دكلى ؟ بر كره دوشونسهك آبرى عسكريمز ، امرامز ، مطرود ، مرتد ، بيلور ناصرى ريوزينه اينمش بر معبود حكمنده طوتديغمز اچون كندى بنده لريمزك نظر نده بيله جنكيز كچي برمعلوندن بتر كورنمكه باشلادق . دها كچن كون امرامزك ياريسى اردودن فرار ايتديار دشمن بايراغنه صيغنديار رئيسارى ده بدرالدين ايدى كه : وجودىنى پارچه پارچه ايتسه لر اچنده بزم نعمتمزدن بشقه برشى بولماز . كوپك اتمكنى يديكى آدمه خيانت اتمز . دوموز بيله سايه سنده قاولادىنى آغاجه ديش اورمز بونلر وطنارينك اوزرينه بيلوك ايله كلديار قلانلارده ياره اردوسنك بونكدقلى وجودك براوفه جق پارچه سنى ضبط ايتديار . آنكله كچنمكه چاليشورلر . هيچ برينك ذهنكده ، قلمبنده استقلال دعواسندن بشقه برشى بوله مازسك يمىن ايرمرمكه قرداشارك بيله بن صاغ ايكن ميراثى آرملرنده تقسيم ايتشاردر . شمدى بورادن چيقمش اولسه م مزارمدن آدم كورمش كچي حيرتار دهشتار اچنده قالىرلر . ناصر دشمن اسلام پادشاهارى حسود ، اولاد واقربا حريص ، امراخان ، عسكرو غافل ، خلق

عاجز ، جنکیز کبی یوزبیک کشیایک یکر می اوتوز اردویه مالک بر بلایه
یا لکنز سنکله می مقابله ایده می ؟

« جلال‌الدین »

واهمه ذهنکزی استیلا ایتش نه طرفه باقسه کنز کوزیکزه مصیبت
خبائت کورینور . جنکیزه مقابله ممکن دکل ایسه قارشوسنده
قدریکزله ، شانکزله اولمک ده می ممکن اوله مز ، شاهانه بر مزارمذلت
طوپراقلرندن عالی دکلیدر ؟

« محمد »

نصل شاهانه بر مزار ؟ حربه چیقهمده بی خائلر تاناره تسایم
ایتسونلر اوله می ؟ بوباش یکر می ایکی سنه در دنیانک ال بیوک تاج سلطنتی
طاشیور . بوندن صکره جنکیزه بیک طاشی اوله ماز . کندی کوزینک
یاشیاه ، جکرینک قانی ایله بوغولمغه لایق اولان ناصری حالمه کولدیرمک
سرورندن هلاک ایتک المدن کلز .

« جلال‌الدین »

دولتمزی وجودکزله ذلیل ایدن حکیم مطلق قهار منتقم اسملرینه
یمین ایدهرمکه باشکزی جنکیزه بیک طاشی ایتک ناحق یره دوکیلان
بو قدر یوز بیک مؤمن قانک وبانی یوکلنمکدن ، حالکنز ناصری
کولنج اولمق محشر طولوسی طولار یتیمار آغلاتمقدن حیرلیدر . محاربه
هیداننده بوله جتکیز مزارک شاهانه اولیه جفی خاطر یکزه کلیور .
جنکیزک انه دوشه بیله جککزی دوشونورسکیز حتی اولیه بر مصیبت
ظهور ایدر ایسه تابعداده کی ناصرک خنده لرینی استهزالرینی نظرکزده
تجسم ایتدیریورسکیزده وجودیکز شو ایکرنج توزلر طوپراقلر ایچنده
بر مزار بیله بوله ماز . اللهک ید قدرتی بورالره یتیشر . آدمی ناصر

دكل قيامته قدر شرقده غربده ظهور ايدوچك عرفاتك هپسنه رزبل
ايدر بورالري هيچمي زهنكزه كيور؟

« محمد »

سن بوي ادبلكه نووقت الشدك؟

« جلال الدين »

سزك پدرلكي ترك ايتديككز دن برى !

« محمد »

نصل ؟

« جلال الدين »

هيچ عباد الهي دشمن قايجنه عزرائيل پنجه سنه تسليم ايدوبده
دشمن حدودندن برقاچ آيلق يول ايجري قاچان ، هيچ اوچر دردر
ياشنده كي اوغلاريني قيزلريني تانار جاوارلرينك اك اول پنجه صانه جني
يرلرده بر اقوبده حياتي سلامتده چيقارمق ايجون اجاك بيله كوزينه
كوچ تصادف ايدن بر آطيه صاقلانان ذاته پدرمي دينور ؟ كيمسه يه
كورينه جك يوزيكز قلمدي آلي بيك سنه در اللهمك بوكنيش مسكنه
نه قدر انسان كلديسه ذليل اولمقده جمله سنه تفوق ايتديكز . بو
نامردلكدن بيزارم الله شاهدمدر كه بيزارم . نهدن اطاعت اوزريمه
فرض اولسون سز اولادكزك وحق عندكزده اولادكدن عزيز
اولمق لازم كلن عباد اللهمك هانكي حقه رعایت ايتديكز كه بنده سزه
اقتدا ايديمده پدر حق دوشونه يم شمدی بورادن قارقارسكز طوغري
دشمنك مقابله سنه كيدرز برنجي عسكريكز بن اولورم . بر دقيقه
يانكز دن آيرلام اما خيانت كوررمشز مغلوب اولورمشز . بر بريمزه
صاريبورز . سز آرقه مي صيوارسكز . بن سزك آياغكزي اوپرم

قلیجمره طیانهرق شهید اولورز نه دنیاده اسارت قورقوسی قالیر نه
آخرته سفالت

« محمد »

نه شاعرانه خیال !

« جلال الدین »

خیال دکل حقیقت سویلیورم . سوزلرم لوح محفوظده یازیلان
حقیقتنر قدر طوغریدر . دیکله من ایسه کز بن یالکز کیده جکم آما
پدریمه عاصی اولورمشم ! آخرته آلهک عدالتی نه یه اقتضا ایدرسه
راضی یم دنیاده قیامته قدر ملعون اولمنی اختیار ایدم .

« محمد »

« نیره » قیزم ! نیچون او قدر حیران حیران باقبورسک ایشته
سویلدیکم لقردیبرک بر دلیلده کوزینک اوکنده طورییور . سوزلرینه
یاقجه نم ایچون جان فدا ایدم جک دکلی ؟ حالا سلطنت هوسنی فدا
ایدمیور . بن بر بلا حالنده بر مغلوبیت ایچنده یم . یا صاغ ایکن
اولمش حالنه کلممی ؟ کیده جک میراثی آرایه جق آلمق ایچون
آقرباسنک هر برینی بر صورتله اتلاف ایتمهک چالیشه جق !

« جلال الدین »

بنی ؟

« محمد »

مقصدی حاصل اولورسه نه آعلا ! اوله مزسه باقره قرمده نویان
یاخود بغداده روان اوله جق ینه جهسان یا جنکیزک یا ناصرک حکمی
آلتنده ازیله جک ! . . . بر طاقم یقیله جق یرلر دها وار . جلال
انسان قانندن سیلار پیدا ایدوب اورالری خراب ایدم جک ، نه

ضرری وار خلق عنذنده ماعون اوله جق ینه بن دکلمی یم ؟

« جلال الدین »

الله سزی نه قدر چیرکین بوزکلی یراتمش کیمسه یه ذره قدر
امداد ایتمیورسکز . هم امداد ایستیاناری یدیکزه کوز دیکمش .
خان ایدیورسکز . باری وجودی اولسه جنکیزی آناسندن طوغدی طوغلی
برکزه کولامش دیورلر . لاقردیلر یکزی ایشتهسه بلکه بایلنجه قدر کولردی .

« محمد »

حکم وار دنیاده کیمسه نک باشنه کلامش بر مصیبت ایچنده یم
حالمه اوغلم کولیورده دشمن نیچون کولسون .

« جلال الدین »

سزنی مطلق کدرله حدتله هلاک ایتمک ایستیورسکز . جلالمی سزک
حالکزه کوله جک اونصل سوز کولککزه ذره قدر انصاف قالمدی یم ؟

دردنجی مجلس

اولکیار - قطب الدین

« نیره »

« قطب الدینه » ایکی دقیقهده برکزه چادیره نه کیرر طوررسک ؟

« قطب الدین »

شمدی قارشیدن بری کلدی مطلق افدمزک خاکپانیه یوز
سوره جکم دیور سویلیه جکی حوادث وار ایش امیر اورخان کوندو .
دیده آنکچون کلدیم طارلدیکزمی ؟

« محمد »

« قطب الدینه » کل ایکی کوزم کل بن صاغ ایکن سکا طارلق

کیمسه نك حدی دکدر . هایدی سویلده کلن کیم ایسه بورایه
 کوندرسونار « نیره به » شوچادیرک آرقه سنه کیر پارچه پارچه ایسه ده
 برقادینی نامحرم کوزنده صاقلایه جتی قدر صاغلام یری بولنور .
 « جلال‌الدینه » احتمالکه سزی سلطنته دعوت ایچون کشدر . بز
 دنیانک منفوری دکلی یز پادشاه لغمزی کندیمز ترک ایتمدکی بز دن
 صکره اومسند ذاتاً سزک اولیور البته هرکس پادشاهی تحتیده ،
 دولتده کورمک ایستره .

« جلال‌الدین »

سزک بو حالده ، بواطدهده براققله حاصل اوله جتی سلطنتک الله
 بیک درلو بلاسنی ویرسون پادشاهم ماتمی سودیکم مات یولنده جان
 ویرمک ایستدیکم ایچون سز بنی شخصکزه دولتکزه خاتمی ظن
 ایدیورسکیز ؟

بشنجی مجلس

اولکیار - اوزبک

« قطب‌الدین » کیره رک پادشاهم ایشته بوقولکیز .

« محمد »

« حیرتله کندی کندینه » اوزبک « قطب‌الدینه » هایدی اوغلم
 کیت سویلدهده کتیرن کیمجی به پاره ویرسونار سنده التفات ایت
 « قطب‌الدین چیقار » « اوزبکه » بن سنی رکن‌الدینک خدمتده
 برقامشمیدم بوراده نه کزیورسک ؟

« اوزبک »

پادشاهم بیلم سزه نه اولدی که یکر می ایکی سنه در دشمنلرکزک

ملکنه خبر کزدن اول قلیچکیز یتیشرکن شمدی کندی ملکیزک
خبرینی دوشمنکیزک خیالی بیه یتشه میه جک برکوشه دن ایشتمکه
چالیشیورسکیز ؟

« محمد »

سندده می تریه کی اونوتغه باشلادی ؟

« اوزبک »

ایللیکرمده طوران نعمتک حق ایچون نه قدر تجاوز ایدر سه م
معذورم ملکینی کوردم . اول بوفانی جهانده جنت صایلو رکن شمدی
برقوجه قبرستان اولمش ایچنده کیمک پارچه سندن موتا قوقوسندن
کچلمیور رکن الدین ولی نعمت زاده می کوردم آه رکن الدین « سزک »
اوغلکیز بنده روح ایدی دنیایه کلدی سزیالکیز صفاسنی کوردیکیز
بویاشه وارنجیه قدر قهرینی بک چکدم سزک دها بو قدر اولادیکیز
وار . بنم یالکیز بر شهزاده رکن الدینم وار ایدی . آنی ده کوزیمک
اوکنده شهید ایتدیلم .

« محمد »

نه صادق خدمتکار ایمشک رکن الدینی شهید ایتدیلم سن مبارک
وجودینی بورالره قدر کتوروبده مصیبت دللالغی یایمقی ایچون
صاقلادک دکلی ؟

« اوزبک »

یادشاهم تحقیق سز حکم ایتک نه سنک شاننه نه بو موقعک حائنه
یا قیشر بن اقدمدن صکره صاغ قالدسه کندی امرینی یرینه کتیرمک
ایچون قالدیم سز عراقدن کیتدیکیز . راحت ، انتظام حکومت ،
سلطنتده سزکاه برابر تابید اولدی . کندی میزی طوبیایه بیلیمک

امیدیه کرمانه یوریدك امرادن كورمديكمز حقارت قالمدی چينلرك
هربری دینار قدر دونك : لون دكشدكجه حاللرنده برتبدیل كورنمكده
باشلادی . صانكده برساحل ايدك آنلر طالعه ايدیلر یواش یواش یانمزده
صوقیلیورلر برآز صكره اطرافزندن قاچمغه باشلارلر . آرمسی برآز
دهاچكر كچمز طوپلانیرلر اوزریمزده هجوم ایدرلر برایکی صكره
چارپیشیرلر صكره ینه پریشان اولورلر . باقذك ! روزكاره نه قدر
كووه نیلورسه آنرك حالنده او قدر اعتماد اولنه جق اللهك طوپراغی
كنیش قولى چوق دیدك اورا یسده ترك ايدك . اصفهانه یوریدك مكر
آنكده قاضیسی ناصرک طرفدارلرندن ایتمش .

« محمد »

آه كاشكده : الله وجودمده نه قدر قیل وار ايسه او قدر جنكیر
یراده ایدیده اوناصرى اوبلائی اوزریمزده مسلط ایتسه ایدی . قاضی
هپكزك كفریکزده قتلکز حکم ویرمشدر دكلی ؟

« اوزبك »

اصفهان اهالیسنندن كوردیکمز خصومتی تاتاردن كورمدك یزید
اهل بیته : حجاج بیت اللهه نصل معامله ایدرسه اصفهانلیلرده بزده او یله
ایتدیلر غلبه بزده ایدی فقط اوغلکز بوکوپكلی انسانك کبرتمسی
لایق دكلدر اعانهلریده مملکتلریده حاللریده ، جانلریده شیطانك
جنكیزك اولسون دیدی آتی سوردی . تاتاری آره یه رق حدود
اوزرینه یوریمكده باشلادی .

« محمد »

بیچاره چوجق !

« جلال الدين »

رکن الدین سکا بیک جان فدا اولسون هیچ اولمزه سن خاندا -
تمزك ناموشنی محافظه ایتمشك .

« اوز بك »

رکن الدین یالکز سن دکل نه قدر انسان وارسه هپسی افتخار
ایتسون « فیروز کوهده » برابر بولسه ای دیکز قهرمانلق نه مرتبه یه
واره بيلمش او وقت کورر ای دیکز . طوپی اوج یوز الی کشی ایدک
تاتار هر بریمزه اوج یوز کشی ایله مقابله ایتدی او یله ایکن آلتی آی
اوغراشدق وجودیمزه طوقونان هر یاره یه بدل هیچ اولمزه بش
تاتارک یر یوزنده مزاری قازلدی . آم ممکن دکل غیرت ، چوقاغه
غالب کله میور عاقبت مملکتی آلدیار . یالکز رکن الدین ایله ایکی
ساعتدن زیاده اوغراشدیار . کویاکه : عزرائیل یالین قلیچله میدانه
اوغرامشدی کوزمله کوردم طاغ پارچه سی کبی بر ملعون بر نعره سنده
یره قیاندی هلاک اولدی .

« جلال الدين »

ارسلان قرداشم : نه بیوک خطا ایتمشکمه : پدریمه ندیم اوله جغمه
سکا عسکر اولماشم . دین غوغاسنده انسانیت یولنده وطن فداکار -
لغنده بیوکه کوچکه می باقیلیر؟ دنیاده حق یولنده جان ویرمک ایستیانارک
اوکنده بولمق کبی بیوککم می اولور؟

« اوز بك »

جناب حق محافظه ایتمش برابر بولسه ای دیکز دین غیرتی انسانیت
طرفدارلنی وطن محبتی سزک کبی بر قهرماندن محروم اولوردی .
هیچ غلبه ممکن اولسه یدی رکن الدین اودولتی قزانمغه کفایت ایتمییدی؟

خدا بی‌لور پادشاهم : کوستردیکی شجاعت او یله یکریمی یاشنده نازک بر شهزاده‌نک دکل : علاء‌الدین جهانسوز لره بر فیله متقابل طوتدینی په‌لوانلرکده کاری دکدر . نه‌فأندمی وارکه وجودی طاشدن دمیردن یرادلمش دکل : یکریمی آتی یرندن یاره‌لندی بوضعیف ات ، بوچورک کیمیک او قدر او قدر قلیجه قاچ ساعت تحمل ایدجک ؟ نه قدر شجیع نه قدر آتیک اولسه انسان دکلی ؟ نهایت یاره‌لرندن دوککش قانلر بیچاره‌ینی بیتاب دوشوردی . آیاغی یوریمکدن ، قلیجی کسمکدن قالدی تاتارلر یاره‌لی ارسلان کورمش آوکوپکی کبی اوزرینه طوپی بردن هجومه باشلادیلر . زوانلی پادشاهزاده‌م قلیجی آیاغنک آلتده قیرمه‌ه چالیشیرکن هر قولنه هر آیاغنه هر یامغنه بر دشمن سارلدی بر قاچ دقیقه آنجق اوغراشه‌یلدی . اوده فأنده ویرمدی طوتدیلر بیک درلومذلتله سردارلرینک چادرینه کوتوردیلر . آه بیچاره شهید !... آه بختسز قهرمان !...

« محمد »

یامم نیچون عسکر اولمشسکده توجه‌کر اولمامشسک ؟

« اوز بک »

« ایشتماز لکه کلهرک » عسکرندن شهید اولدق طوپی آتمش بش‌کشی قالمشداق اوته کیلرده قره بلوط ایچند اوغرامش یریلدیرم کبی یرتاتار آلاینی یرترق بنم یامه طوبلانمغه باشلادیلر قلعه‌دن تاتار سردارینک چادرینه وارنجیه قدر . دوکوشدک بیچاره‌ینی قورتارمق ممکن دکل ! تقرب بیله ممکن اوله‌مدی اطرافنی لا اقل بیک دأره چویرمشدی . قریله‌قریله چادرک کنارینه ایرمشدک . شهزاده‌یه سردارلرینک حضورنده یاش اککی تحطراتدیلر اوباش جلاد اوکنده اکیلیر باشاردنمی کوپکله

حقاتر دن بشقه بره عامله کوره مدیاره . ماعونلر ولی نعمت زاده می او قدر عالیجناب کندیلرینی او قدر آلحق کوردیلرکه حدتلرندن عادتاً قودوردیلر اوسردارلرندن امر آلمدن املک پییمان تاتار دها سردارک آغزندن لقردی چیمقمسزین رکن الدینی دیشاریله طرناققریله یارملغه باشلیدیلر .
« محمد »

بیچاره رکن الدین !...

« جلال الدین »

بیچاره اودکل بززه مزاری نور ایله طولاسون شهید اولمش ذلیل اولامش !

« اوز بک »

کرچکدن شهید اولدی همده غیرتله عظمتله شهید اولدی بز اوصرده تاجادیرک ایلرینه قدر صارلوق مرحوم فریادیمزی ایشتمش . بکا طوغری عصبوبانه برنظر ایتدی دهشتندن آز قالدی اریبه جکدم اللهم بونه قدر غیرت بونه قدر فدا کاران ایدی مرحوم دنیایه کندی ایچون دکل صرف الله ایچون کلش بنه اللهم دینی عباد اللهم حالنی دوشونورمش اک صوک لقردیبسی « ایزانده عسکر یوق سز بوراده بیهوده یره کندیکنزی تلف ایدیورسکز یولنده شهید اوله جغم دین حرمتله ایرانک امدادینه یتشک » امری ایدی تاتارلر بوخارقه نکل قارشوسنده معجزه کورمش منافق کبی حرکته اقتداردن قالدیلر بتون بتون وله کتیردیلر کدیلمیزی کویکلریمیزی صاغ برانماغه چالیشیرکن اوزریمزه بر اوفق اوق آتمق بیله خاطرلرینه کلدی . جان اولمک ایستر . وظیفه حیاتی اقتضا ایتدیرر . اجل پنجه سنندن قورتیلیرکن سیاست میداننه کیدرکبی نهایت درجده بریاس ایله اورادن آیرلوق .

« محمد »

رکن‌الدین ، رکن‌الدین : زوالی رکن‌الدین دنیانک و فاسنه باق
 « اوز بکی کوسترمک » ایشته بر نمونه می‌ده میدانده طور یور . ولی
 نعمتک آخر نفسنده کی وصیتی نه کوزل طوتمشک اوسنی ایرانک
 محافظلغنه کوندرمش سن بوراده قره خبر مزده جیالکی ایدیورسک .

« اوز بک »

انسان بویله دنیا ایچنده ایکن دنیان خارج صایله جق بر انزوا
 کوشه‌سند بولمیلدرکه دنیانک حالندن بو قدر بی‌خبر اولسون ایرانی
 تاتار ضبط ایده‌لی بر آی اولیور .

« محمد »

آه جلال شو دوشوندیك عسکره ، شو کوندیك امرایه
 باق : آرسالن کبی برجنه شاهین قنادلری یتشمز بر قلعه بی تاتاره
 تسایم ایتشلر خانلر پادشاهلرینک والده‌سنی اولادینی دشمنه صاتمشلر .

« جلال‌الدین »

سزک کبی پادشاهک بنده‌سی‌ده آنلر کبی اولور . برانسانه کورمه
 وطن والده‌دن مبارک بر پادشاهه کوره تبعه‌کزی دشمنه ترک ایتدیکنز
 یا تربیه ایتدیکنز آدملر والده‌کزی اولادیکزیمی دوشونه‌جک ؟

« اوز بک »

وباله کیرمش اولورسکنز ایلان‌غازیلرینه افرایتمیک آنارمه نفسکزدن زیاده
 کندی قلبکزدن زیاده صداقت ایتدیلر تاتارهر طرفلرینی صارمش یه‌جکلری
 بتمش فلک اوزرلرینه مثلی کورلمدک بر حرارت مسلط ایتمش قلعه‌نک
 صهرنجلرنده کی صولر قورومش بیچاره‌لر دشمن قلیجک وجودلرندن
 قویاردینی اعضابه وارنجیه قدر یمشلر یارملرندن دوکدکاری قانه

وارنجده قدر ایچمشار . غیرتی امکانک نهایت حدینه کتورمشلرده
 آندن صکره تسلیم اولمشار قلمه تسلیم اولندیغی کون بن یانمه طوبلایه
 بیلدیکم فرقه ایله خراسان قپوسنک قارشوسنده پوصوده ایدم چیقاناری
 کوزمله کوردم . سانکه قیامت قومئشده اولولر چورومش کیکلر
 قورومش دریلریله مزارلرندن چیقیور ظن ایدم . چیقانلر طوبی
 اوتوز ، اوتوز ایکی کشی ایدی . آنلرکده بر چوغی دشمن اردوسنه
 کانجهده قدر آچلقدن ، مذلتدن برر ایکیشر یقلدیلر . هلاک اولدیلر
 بر وزیرک قورتولوی مکر الله آنی ده ایکی معصوم اولادینک تاتار
 قلیجی آلتنده پارلندیغی کورمک ایچون صاقلامش :

« محمد »

آه !

« اوز بک »

بیچاره قودوردی ، چلدیردی دیشاریله اوموزلرندن ات قویارمغه
 باشادی . بر درلو کندینی هلاک ایدمدی عاقبت تاتارلر باشنی طاشلرله
 ازدیلمده اوله شهید ایتدیلر .

« جلال الدین »

بیچاره آدم ! کیم بیلیر پادشاهندن بر آز غیرت کورده ایمش ،
 نه خدمتارده نه فاکارلقارده بولنه جق ایمش ؟

« محمد »

صومس جلال ! الله عشقنه صومس ! هر لاقردک بر اوق
 کسلیوردده کوکملک اک یارملی یرلرینه یاپیشور .

« اوز بک »

بر والدک قورتولدی بیچاره قادین نده بد بخت بر اولمش دنیاده

ایکن جهنمدن زیاده عذاب چکیور هر کون قپوسنده بیک فقیر بسلیان
شمدی جنکیزیمک یرکن کوپک کبی عاداتا آوکوپکی کبی قارشوسنده
زنجیرینی صاللایهرق باشنی ایکی النک اوزرینه قویبوردده او خنزیرک او
ملعونک آتدیغی اتمک پارچه لریله تعیش ایدیور .

« محمد »

جلال ! جلال ! قطب الدینک نیره نک باشی ایچون بنی شونک
لسانندن قورتار .

« جلال الدین »

بايله حق ! زواللی قادین کدرندن قورقوسندن ، کوزینک اوکنده
بو قدر مصیبت تصویر ایدیلورده چهره سنده حجابندن ، غضبندن
اولسون بر پارچه قرمز یلق پیدا اولدی طمر لریته قان یرینه صفره
حلویش صانیرسک !

« اوزبک »

ایکی حرمکوز قورتولدی البت شمدی آنلرده جنکیز خان
حضرتلرینک صاغ قولنده بری صول قولنده اوبری یثار .

« محمد »

آه جلال مکر حقک وار ایش مکر کچکن دنیانک لعنه
حقک غضبه لایق اولشم که بو قدر فلاکتلری کور بیورم بولامازیم؟
انتقام آلمغه اولسون بر چاره بوله مازمییم؟ بنده کیمدن استمداد
ایدیورم . دنیاده وجودمدن اک زیاده استکراه ایدن وار ایسه
« جلالی کوستره رک » بو دکلی ؟

« جلال الدین »

بنی پدرم ؟ ولی نعمتم ، پادشاهم ، متبوعم سندن نفرت ایدن

اللهك رحمتدن دور اولسون : پادشاهم بركره ميدانه چيقي ! كشورلر
 طولوسى خالق او كنده جان و ير مكه حاضر طور ييور . اك برنجى عسكرك
 يته جلالدر . بر قىلكه وجودمك هر ذره سى آيرى آيرى قربان اولسون
 الله عشقكه عزمنده طور ثبات ايت ! دين جرمتنه رايكدن دونمه بز
 ايسترسهك اوملعوندن انتقام المغه البته چاره بولورز بزغيرت ايدرسهك
 او كوپكى شهيدلر يمزك قاييله اولسون بوغه بيليرز .

« محمد »

آه قولوم : بونصل سانجى ؟ سانكه قدر پنجه آچمشده صاخ
 قولومى يرندن قوپارييور غالباً فاك وجودمده جنكيزدن انتقام المغه
 پرواسطه بولنديغنى ايسته ميور . قولوم قوپويور . او قدر آچيوركه
 طارناقاريمى يانعه كورمسهم جكر يمه صاپلانمش ظن ايدم جكم .

« اوزبك »

« كندى كندينه » نزولى كليور ؟ نزولى كليور ؟ يار بى ظنمى
 ياكش چيقار يار بى بزه بوفلاكتى كوسترمه .

« محمد »

آه او كيم ! .. قارشومده طوران كيم ؟ آه ! ... جنكيز آه ! ...
 جنكيز ملعونك رسمنى كورمشم قياقتنى ده پك اعلا بيلورم .

« جلال الدين »

پادشاهم نه اوليورسك ؟ الله عشقنه كندىنى طوبله قارشومزده
 كيمسه يوق .

« محمد »

نصل يوق كوزلر كى پرده لندى ؟ ايسته ايسته كورمسيورميسك ؟
 قليچه باق او جندن دو كىلان دامله ردن چاديرك ايچى قان درياسى

کسلی . کوزلرندن اطرافنه علولر صاحیور آه رکن‌الدینک باشنی
دیشار یله تاشاح طمارلرندن ایصیرمش حالا آغزندن قویو قویو قانلر
دوکیلیورده قره ییلان کبی وجودینی صاریور .

« اوزبک »

پادشاهم ! سز بوراده اوتورک راحت ایدک ! آنکله بز اوغرا شیرزه .

« محمد »

آه اوزریمه طوغری کلیور . بن صول قولمهده او کویکک جگرینی
سوکه بیلیرم . برقلیچ برقلیچ یوقی ؟ آه قولوم ! ... آه قو ... لوم ! ...
قولمی جناب حقک انتقام قلیچی پارچه لیور ... آندن بشقه قلیچ ...
یوق یوق « دوشر تسلیم روح ایدر »

« اوزبک »

بایلیدی بوراده هکیم ده یوق کیمی چاغرسهق ؟ یوقسه هیچ تمعین
ایتملمی ؟

« جلال‌الدین »

دیوانه : دمندنبری چکدیکی عذابی کورمدکی ؟ بوقدر غوغاده
یولندک سکرآت موتی ده می آکلامیورسک ؟ پادشاهمز وفات ایتدی .

« اوزبک »

یوق دکدر انشالله !

« جلال‌الدین »

همه حیاتی اک زیاده لازم اولدینی بروقتده وفات ایتدی حق
رحمت ایتسون آه کاشکی تاتاره حرب آچمندن اول وفات ایده ایدی
یا خود برقاچ سنه ده قالهیدی .

« اوزبك »

« لقردی آره سنده محمدخوارزم شاهک نعشی معاینه ایتد کد نصکره .
 آه بن سبب اولدم پادشاهمک تلغنه بن سبب اولدم جنکیزه ایتدیکم
 خدمتی شیطان بیله ایده من . « جلال الدین » پادشاهم ! شو مرحومک
 خاکنه خرمت ایتده بنی آخرته کوندر بر آز کوشه سنده یا تهیم بودنی
 دنیانک ظالمندن چاه سندن قورتیلهیم آه نه منحوس زمانده دنیایه
 کلشم اوچ ییلدیر اوغراشیورم . اون سکز یرمدن یاره لندم او قلمری
 بریره دیزسه لر بوی سمرقنده واریرینه کویپکک وجودندن برقیل
 قویاره مدمده برقاچ لقردی ایله پادشاهمک ولی نعمتمک هلاکنه سبب
 اولدم مرادم وجودیمی یولنه فدا ایدوبده آیا قلمرینه قیاندیغ حالده تسلیم
 روح ایتمک ایدی شمدی او وفات ایتدی بن باشنک او جنده صاغ
 طور یورم هلاکنده بن سبب اولدم . اولدور پادشاهم بنی اولدر
 شو مصیبت عالمندن قورتیلهیم .

« جلال الدین »

جنکیزه ایتدیکمز بر خدمت قلمش ایدی اوده بر بریمزی اولدیرمک
 ایدی شمدی آکاده بن باشلا ییم اولیله می ؟ سلطنته ایتدار ایچون
 نه کوزل حرکت توصیه ایدیورسک سنی هانکی قاضینک حکمیله
 اولدیریم شو مجنونه باق دشمنی بتون بتون خاطرندن چیقارمشده
 یالکیز دنیادن کندی وجودینی قالدیرمغه چالیشیور بن طاشدن
 طوپراقدن مسلمان پیدا ایتمک ایستیورم او مسلمان ایکن کندینی
 طوپراق ایتمکه چالیشیور . شمدی حاضران . مرحومی دفن ایتد .
 یککز کبی حربه چیقاجغز .

« اوز بك »

حقكز وار حقكز وار پادشاهم اوله جك عسكر دشمن قارشو -
سندہ یاقیشیر . جلاد اوکنده دكل پادشاهم ! محاربه یه بن كندیمی
بیلام بیله لی حاضر م فقط بر زمان بودر جده حاضر اوله جغمی بیامیوردم .

آلتنجی مجلس

اولکیلر - قطب الدین - نیره الاقبال صکره خدمه

« قطب الدین »

پادشاهم کیچی خا کپایکزه یوز سورمك ایستیور ؟

« جلال الدین »

قطب الدین ! کیت اوتکی چادرلرده کیم وارسه بورایه کلسونار .

« قطب الدین »

اقدامن زرده ؟ بکچی !

« جلال الدین »

سکا امر ویردیلر حالا بوراده طور بیورسك !

« قطب الدین »

« محزون محزون چیقهرق » پادشاهم سن یا تمزده یوقسكده آنك

ایچون بنی آزار لیورلر .

« جلال الدین »

ملیکه نیره نیره !

« نیره »

« چادیرك آرقه سندن » اقدام اونصل سس ؟ ...

« جلال »

باشکزه برشی اورتو کزده بورایه کلیمز .

« نيره »

کليورم !... نه اولديکيز ؟ کوزيکيز دکمه بر بلا ايله يشارمزدی .
شمدي سسکيز آغليور . آم بو چادرده تاتار دريسندمی نهدر ؟ بر
قاريش يرنده سکيز اون اوق پاروسی وارده يته قوپمز کادم پادشاهم
« نيره بر چادير پارچهسنه بورغمش اولديغی حالده ايجري کيرر متعاقباً
قطب الدين کبير » الله عشقنه نه اوليورسکيز ؟

« جلال الدين »

باق پادشاه نه حالرده ياتور .

« نيره »

ياربي بو قدر دولتدن بو قدر سلطنتدن المزده يالکيز بر پادشاهم
قالمشدی . آني ده می آلدک ؟ دنيا ده کی مجازاتم بويه اولورسه آخرت ده کی
عذابم نصلدر . پادشاهم تحتده ملعون بر تاتار او طور يبور . سن بو
مذلت طوبراقلرنده می ياتيورسک ؟

« جلال »

آغله مه اوته کی چاديرده کيلر کليور شمدي آنلری ده کنديته
اويديررسک ده بنمده اختيارم المدن کيدر .

بدنجی مجلس

اولکيلر - قطب الدين - اورخان - خدمه

« جلال الدين »

مادامکه طوغمشز البته اوله جکيز ايسته پادشاهم وفات ايتدی
« عموم آغله مه فریاد ایتسکه باشلار » نه فریاد ایدیورسکيز ؟ کوز
ياشيله جنازه می یقانونور ؟ پادشاهم ذاتاً کندي دیری دیری بو مزاره

کومدیکی وقت آغلنمغه لایق ایدی . موتی لازم اولدینی زمانلریشادی حیاتی الزم اولدیغی وقت وفات ایتدی . باقک جنازه سی کوزیمزک اوکنده نصل طور یور ؟ میتده نطق اولسه « انتقام ، انتقام » دیه باغره جق بوقدر بدبخت پادشاهلرک ماتمنده کوز یاشی دکل دشمن قانی دوکیلور . بن مرحومی دفن ایتدیکم آنده بورادن چیقیورم انله عهده ایتدم یا اسلام ممالکتی تاتاردن قورتایرم یا شهادت بنی بویمیندن قورتارر . وطنی ، ملتنی جانندن زیاده سونلر برابر کلکده مختاردلر راحتنی سلامتنی آرایان ایستدیکی یوه کیده بیلیر .

« اورخان »

پادشاهم ! بویر یوزنده ، قبرستانده بیاه پدرکدن آیرلمیان بنده لرک غزا میداننده جنت قپوسنده سندن آیریلیرمی ظن ایدرسک ؟

« جلال‌الدین »

سز بیلورسکز . هایدی صو ایصیدک مزار قازک دهانه لازم ایسه

پانک !

بیچاره نك زوحنی قلبنی عقلنی جنکیز کبی ناصر کبی برطاقم کوپکر یدی باری وجودنی قوردلره قوشلره بر اقیهلم « خدمه چیقار » « قطب‌الدینه » قطب‌الدین بورایه کل جدک باق نه حالده یاتور ؟ ایکی پیل اول دنیا ده نه قدر انسان وار ایسه هپسنه شاهانه برر خلعت کیدیرمکه مقتدر ایدی . شمدی ملکنده سکز آرشون کفتاک بر بز پارچه سی یوق مزاره شو بیرتق اثواب ایله کیره جک . بقده عبرت آل .

« قطب‌الدین »

باباجم : پادشاهم ! قوللرینک بوقدر فلا کتته رجم نصل قائل اولیور ؟

« جلال الدین »

سن او یله شیار دوشنمه یواش یواش او کره نیرسک چکاکریمز
هپ ایتدکلریمزک جزاسیدر چکرز « اوز بکه » المده هیچ بر قاعه
قلمدیتی ماسکینی نریمه برانه جغز ؟

« نره »

الله وجودیمک هر ذره سنی بری برندن آیرسونده بنی سندن
آیرمسون پکا قلعه وارسه وجودک ، صافلانہ جقیر وارسه قوینکدره
سندن کولکهک آیریلیرسه بن آیرلم یشارسه م آیاغنک او جنده یشارم
اولورسمده کوزینک اوکنده اولورم .

« جلال الدین »

یا چوجق ! قطب الدینی نه یارز ؟ ...

« قطب الدین »

پادشاهم بورایه کلیرکن آوه چیقمش بر آرسلان کورمشدک
آرقه سنده برده یاورسی واردی البته خاطر یکزه کلیرنه حکم آرقه سنده
اوافاق بر یاورسی واردی دکلی ؟ یا قطب الدین سزک آرقه کزدن
نمن کلسون ؟ بن حیوان یاوروسندنده می آشاغییم ؟

« جلال الدین »

حقکز وار ایککز کزده حقکز وارتاتار اوزرینه کیده جکز اولومه
قارشی قادینک ارککدن ، چوجنک بیو کدن نه فرقی وار ؟ « محمد
خوارزم شاهک جنازه سنه یا قلاشهرق » باباجم پادشاهم ! شمدی سنک
مقامنده بولنیورم ! . . . ینه حکمنک اسیرییم روحک الیته سوزیمی
ایشییر . شو مزارلق طور اقلرنده سورینان جنازنگ حضورنده ریم
ایله عهد ایدهرمکه اللهه ، جنسمه ، ماتمه ، خدمت ایتکی کندی

جانمندن ، کندی راحتمدن حتی سنک انتقامندن بیله مرجح بیله حکم !
 شهیدایمه ک جناب حقندن نیازیت جلاله یا عهدینی ایفا ایتمک ، یا خود ،
 شو پارچه پارچه کفنک چورومه دن آخرتده سنکله کورشمک نصیب
 ایتسون ، « عمومه » عهدمی ایشدیکنز دکلی ؟

اوز بک - اورخان

الله معینمزد در پادشاهم !

« جلال‌الدین »

الله ایشنه قارشیده جغز یولنه کیده جکز .

— ❦ — پرده اینر ❦ —

خوارزم سراینده غایت مکلف بیوک بر او طه ، صاغ طرفده ینه کوچک بر او طه ، بیوک او طه ده آرق سلطان براق حاجب بدرالدین - عماد الملک - امر نوشتکن - ملک نصرت - کوچک او طه ده اوز بک - اورخان نورالدین - منشی - نیره الاقبال .

« نیره »

« کوچک او طه ینه کیره رک اوز بکه ، مرادک نه ایسه سویله : بکا سرایمی ، طولاشدیرته جقسک ؟
« اوز بک »

« نورالدینه » اقدمزه عرض ایدیکزملکه حضرتلرینک کندیلرینه مهم لاقردیلری وار ایمش شمدی بورایی تشریفلرینی نیاز ایدیورلر « نورالدین چیقار » « ملکه ینه » شو فویه یاقلاشکده دیکلیک .
« بیوک او طه ده عماد الملک »

« آرق سلطانه » پادشاهم : برادریکز رکن الدین مرجومک شهادتندن صکره قولکزه مجرد اقدمزک خدمتنده بولنق اوزره کلام برادریکزه اسیر اولق ایچون ذکل .

« نیره »

آه !

« اوز بک »

ایجه دیکلیک !

« براق حاجب »

پدریکزک حکومتسر قالمش بو قدر ملکی وارکن جلال الدین

بیله مکه نه ایچون حصه وارثکوز خوارزم کشورینه حصر امل
ایتمده بورایه کلش خاندانکزک اکبری ایسه سنا کندنن کوچوک
اولان قرداشلرینک دواته حسدله می اثبات رشد ایده جک بتون جهانک
عالمی اولدیغنی بتون جهانه غلبه سیله میدانه قویمش اولان جنکیز
خاندانندن اولسون عبرت آلمی دکلمی ایدی؟ جنکیز کندنن صکره
سلطنتنی اک کوچک اولان اولادینه وصیت ایتدی کندنن بیوک اولان
قرداشلری باری جهانی ضبط ایتشار ایکن پدرلرینک صاغلغنده بیله
کوچک قرداشلرینه جنکیزدن زیاده حرمت و اطاعت کوستریورلر .

« نیره »

ملعون : جنکیز بتون جهاندن بیوک ایسه عنندنه حاشا الاهدنده می
بیوکدرکه : آنک وصیتنی شریعتک حکمنه ترجیح ایدیورسک .

« براق حاجب »

هیچ امیدسز ، عسکرسز پادشاهی اولور؟ بوسلظنت بزم اطال -
عتمزله قائم اوله جق ایسه بزجلاله اطاعت ایدنلردن دکلز .

« نیره »

آه ! . . . مکر شیطان مکر کوپک قیافته کیرمش .

« آرق سلطان »

« براق حاجب » سوزیکز حقلی کورینور .

« نیره »

آق صقالیلر او یونجانغی اولمش بک : سنده می حقلی بی حقسز
فرق ایتک دعواسندهسک .

« نوشتکن »

اکر جلال الدین زمانک حکمنه واقف اولسه ایدی دنیا قوریله لی

انسان آياغی باصمامش بر آطيه چکيلوبده بوقدر قيمتلی زمانلر غائب
آيده چکنه دها اووقت فرصت الله هر درلو تشبث وتديبر امکانه ايکن
بر طرفنی طوتر اوزيمزه مسلط اولان بلانک دفعنه بر چاره دوشنوردی
بويله بزدن عاجز بر آدمک حکمنه داخل اولوبده نه قزانه جغز .

« نيره »

ملعون : ديمک جهنم آتشارندن دوکولمش قلیچارله طوغر انسون .

« ارزاق سلطان »

برادر نه ياپسون ؟ پدرک پادشاهک امر يله اورايه کتمشدی
پدرده اورايه چکلمديمی ؟

« نيره »

آکلادکی کويک ؟ سوزلرک اون ياشنده بر چوجنی بيته آلدانه ميور

« عماد الملک »

پدریکز بشقه : آنک وجودی غالمه لازم ایدی جزيره بزم
اتفاقزله چکلدی سنکز دها کماله ايرمامش هر حقیقتی لایقيله دوشو -
نه من سکزده آنک ایچون معذور سکز يوقسه سويلدیککز سوزلر
بشقه سندن صادر اولسه عصيانته حکم اولنور جلال الدينه دارفدارلقدن
برادریکزه خیانت چيغمز می ؟

« ارزاق سلطان »

بکا نیچون اویله شیلر اسناد ایدیور سکز خاطریمه بر نقردی کلدی
سويلدم . قباحه ايسه برادریمک عفوینی استرحام ایدهرم .

« نيره »

شو پادشاهزاده يه باق برکوپکک قارشوسنده تیره يور .

« امیر نوشتنکن »

جلال‌الدینک اولکی حالی افعالی محاکمه حاجت یوق شمندی
بوسلطاتک ارکانی بز خوارزم شاه دولتی قلیچمزه طیائمش اوسایه ده
طوریور .

« نیره »

های قلیچک جکرینه صاپلانسون .

« عمادالملک »

آکا یکم اشتباه ایدر ؟

« امیر نوشتنکن »

حالبویه ایکن جلال‌الدینک حضورنده اوز بک قدر اورخان قدر
اوله میورز . اما اوز بکک وجودنده اون سکز یاره سی وارمش بنم
حکمنده اوتوزبیک قلیچ وار اورخان اردونک اوکنه دشمنک اوقته
کوکسنی سپر ایدرمش بن اردومزک اوکنه بویلی بوینجه زرهلی
سواریدن بردمیرسد چکه بیلیم بویه یاره بی قلیچدن شهیدی عسکردن
خیرلی کورن آدم پادشاهی اولور . جلال‌الدینه اطاعت ایدوبده
شهرلریمزی خسته خانه خانلریمزی قبرستانی یالم !

« خادم خان »

ایشته بحث مسئلهنک اک مهم جهته انتقال ایتدی .

« نیره »

بر ییلان دها ایصلق چالغه باشلادی باقم آنک آغزندن نه درلو
زهرلر دوکیله جک .

« خادم خان »

جلال‌الدینک بوملکه طمعی بزہ معامله سی بوندن اولکی تدبیر .

سزلیکی ولوکه بتون بتون حکمسنز اولسون ولوکه بوخوارزم دولتی
آنک ذاتیه قائم اولسون ! ولو انسان ایچنده جلال الدیندن بشقه
پادشاهانغه لایق بر فرد قالمش اولسون بز آنک اطاعتته نصل کیره -
بیلیرز ، مبارک : تاتار ایله حرب ایتمکه حصر مقصد ایتمش شمدی به
قدر اجدادیمزک قلیجاریله بولدقاری ملکی مالی المزدن آلوده اویله
صرف ایده جک . بیلیمورسکز تاتار ایله غوغا نه در ؟ قضا ایله کولشمک
قدر ایله حرب آچمقدر تاتار عادی انسان دکل فیلدن هیبتلی ، قیلاندن
خونریز قرتجه دن کثرتلی بر قوم . اردوسی حرکت ایندیکی زمان بر
مملکتک اوزرینه بر عالم یقیابوب کلیور کبی کورینیور یورودکاری
وقت آیاقلرینک آلتده دنیا ایکلیور ثقلترندن ربع مسکون یره کچه جک
بوکثرتلریله برابر دیو جنسندنمیدر الهک غضبندمی مخلوقدرلر نه در ؟
بر فرقه لری اللی مملکتیزی محو ایتمکه کفایت ایدیور بر قادیناری
آتمش ارککیزی اتلافه مقتدر اولیور . هر بری بر بلای مجسم ،
هر بری بر موت ذی حیات محاربه آچیله لی دهانه قدر زمان اولدی ؟
اطرافی آلتی آیده کوچ طولاشیلور بو قدر معمور مملکتلری جهانی
وجوددن آیردیار . عدم عالمه الحاق ایندیله آیاقلرینک توزی
کچدکاری مملکتلری ده الهک کونشنی کوسترمیور . وجودلرینک
قورقوسی اوغرادقاری یره اولوم طاغیدوب کچیور . آتارینک عزرائیل
یدکنی چکرمش . جهنم قویروقلرنده باغلی سوروکلنیرمش کبی بر کره
کوروندکاری طرفه مزاردن یانغین یرندن بشقه برشی قالمیور . ایلاک
کلان تاتار اردوسنک قارشوسنده بولندم خدا بیلیرکه هر بریمز بر
خوارزم شاه سلطنتنه مالک بولنسه قینه جنکیز بزی ایصنر چولرده ،
خیرسنر آطه دلرده آچلقدن اولنکه مجبور ایدر . کیم چوجقارینک

وجودینی قورد قوش آغزنده قاریارینک کوردنی دشمن زنجیری
آلتده کورمک ایسترسه او جلال‌الدینه تابع اولسون غابر خانک
سرگذشتی کوکلده نقش اولمش طوریبور بن جنکیز ایله محاربه‌دن
عاجزم .

« نیره »

آه او شهیدک ترجمه‌ه حالی سنک کبی کوکلک کبی جهنم قبولینه‌می
یازلمغه لایت ایدی غابر خانی اغفال ایدوبده جنکیزی اوزریمزه کتیرمکه
سنب اولان ملعونک شمدی سویلدیکی لاقردیلره باق « اوز بکه » بن
طیانه‌میه‌جغم بو کوپکلرک برر برر دیلرینی یرندن قویاره‌جغم .

« خادم خان »

نه دوشمنیورسکیز غوغا طرفداریمیسکیز ؟

« اوز بک »

دیگیلیک : نیتارینی تمامیله اوکر نهلم آندن صکره چیقہ بیلیریز .
سرایک ایچنده الی قلیجلی بش یوز مرد حاضر طوریبور .

« خادم خان »

کیمسه‌نک آغزندن برلقردی چیقمیور . بزبوسکوت بو حیرتله هیچ
برشیته قرار ویره‌میه‌جکزه . نه وقت تاتارلرک قلیجی باشمزه ، غارغیسه
کوکسمزه طوقونور ايسه بزده اوقت بو غفلت اویقوسندن اویانیریز .

« امیر نوشتکن »

بن جنکیز ایله محاربه‌دن قورتولمغه بر چاره بوله‌میورمده آنک
ایچون ضوصیورم .

« آرق سلطان »

اوت بر کره حرب آچلمش . بوندن صکره نه یاپه بیلیریز ؟

« خادم خان »

حرب آچامش ايسه الله مصالحه نك امكانيدمه دنيادن رفع ايتامش يا:

[بدر الدين]

بن تمهد ايدر مکه جنکيز هم کسند بنجه هم سزجه خيرلى بر
صلاحه راضى اولور .

(نيره)

جاسوس کوپک !

« خادم خان »

« ملك نصرته » سز بر شى سويله ميورسکيز .

[ملك نصرت]

دميندبرو هانكى سوزيکزيک دهها زياده حيرته شايان اولديغنى
دوشنيورم . آنى ده تفريقدن حيران اوليورم بو کون جلال الدين
پادشاهزک اکبر اولادى دکليدر .

« عماد الملك »

اولمقله نه لازم کليز ؟

(ملك نصرت)

نه لازم کله جک ؟ شرعه مطابق هر امرينه اطاعت لازم کليز ؟

[نيره]

بوکيم ؟

« اوزبک »

ملك نصرت : بونارك پادشاهه سوء قصدينه هيمزدن اول حکم

ايدن بو ايدى .

[آرق سلطان]

پادشاه او ايسه بن نه پيام ؟

﴿ ملك نصرت ﴾

پادشاهمزهك اك بيوك برادری یعنی اك یقین بنده سیسكز حكمنه
قدرینه رعایت ایتك همزدن زیاده سزه یاقشیر .

(امیر نوشتن)

جلال الدینه اطاعت ایدملمده قپوسنده کی کوپکردن ده آلچقمی اولهلم؟

(ملك نصرت)

سن شمدی اعتقادنجه کوپکدن آلچق دكلك اوپله می ؟

(نیره)

آفرین ! . . .

« نوشتن »

شونك جسارتنه باق بیلیرمسك كه [ادب مجلس] مانع اولسه
انسانی بر قیچده ایکی یازچه ایدر لر .

﴿ ملك نصرت ﴾

هانی اوپله برهمت ایدهك ذات اولسه بلانك وجودی قالقارده
دنیاده برخائن اكسیلیر یاخود بنم وجودیمك برپارچه سی اولسون خائن
آره سنده بولتمقدن قور تیلور .

(خادم خان)

« آره یه کیره رك نوشتکینه » برادر شم دیدیمی اختلاله باشلایه جغز
« ملك نصرت ه » بزى تاتار قلیبی آلتنه می دوشورمك ایستورسكز ؟

(ملك نصرت)

سزك مرادیکز نه در ؟ دنیاده افراد مسلماندن نه قدر مخلوق وار
ایسه اللهك امرینه ، پیغمبرك سنتنه ، انسانیتك شرقنه قارشى
طورسونلر کندی حریتارینی کندی آیقاری آلتنه آسونلر نفسارینی

ماللارینی طوع رضالریله تاتار مشرکارینه اسیر ایتسونلرچی دیمک
ایستیورسکیز چوجقلریکیزی قورد قوش یمسون دیه تاتارک ساقلیک
خدمته می ویره جکسکیز . قاریلریکیزی زنجیر آلتنده کورمامک ایچون
کلینک ائوابلریله دشمن قوجاغنه تسلیم ایده جکسکیز اولیله می ؟ اللهدن
قورقق ، خلقدن اولمزسه باری کندی نفسکزدن اوتانمق سزیک
ایچون دکلیدر ؟

(خادم خان)

بوخیاله ته نیجه بروجود ویروب طوره جقسکیز ماساقدن عبرت
آلق سزک ایچون دکلیدر ؟ جنکیز دها برعشیرت بکی ایکن فلکک
حکمنه رام اولمامش بونجه قبائی قلیجنه باش اکدیرمش ایدی چین
ملکنی دوشونکیز شو دنیا قوریله لی خارجدن کیسه یه مغلوب اولمامش
اسکندر کبی بر جهانگیری اوزاقدن حالته خسرته نکران ایلش
قلیجلرینک اوجی شرقدن غربه قدر ایرشمش خلفا دروننده اسلامک
شوکتی باری جهانی طوتمش ایکن « قبتیه » کبی برظفر مجسم پای
تختک طوپراغنی چواللره طاشتمدقجه آباق التنه آلهامش اولان چین
ملکتی یالکیز بتون جهاندن معمور ، بتون جهانیه یقین غابه لک اولان
چین مملکتی دوشونکیز : جنکیز اول ملک بیله بر جمله ده عموم
اهالیسنی مذلت طوپراقلرنده سوریندیردی . آباغنک باصدینی یرلره
سجده ایتدیردی . ماوراء النهرک نه حاله کیردیکنی بلمیورمیسکیز ؟
طوپراقلری آتش ، صولری قان کسلدی پادشاه حیاتده بتون ملک
الده عسکرک اطمئناتی امرانک اتحادی کالده ایکن مقاومت ایده مدیکمز
دشمنه ملک یاریسی خراب اولدقدن معمور اولان یرلرک هر برنده
یر بشقه حکومت وجوده کلدکن ، دهشته هر کسک اتحادی دکل

اجزای بیله تارومار اوله جق درجه‌یه وارد قدن صکره می قارشو
طوره جقسکز؟

« ملك نصرت »

اوغرادینگز بلارک سبجی هپ بوضعف اعتقاد دکلی؟ هیچ
انسانک حیاتی موجود ایکن دینانی، دنیاسنی محافظ ایچون بشقه
واسطه‌یه اختیاجی اولور؟ دشمنه قارشو طوره مزایسهک قارشوسنده
محو اولمقده می المزدن کلز؟ غیرتکز یوقسه عقلکزده می یوق؟
تاتارک مزراعی کوزکزدن چیقمیورده جلال‌الدینک قلیجی هیچ
خاطر یکره کلز می؟

(خادم خان)

مرا دکزی اخفاده معاندر؟ جلال‌الدیندن قورقیورسکز دکلی؟
اوقدر تلاشه حاجت یوق: بز لازم اولان تدیرلرک برنده قصور ایتمک
شمدی پنجه می صیقیورسه م طرفناقلرمدن جلال‌الدینک قانی طاملامغه
باشلار! ...

﴿ نیره ﴾

آه! ...

﴿ ملك نصرت ﴾

اوله بر زمانده عزرائیل روحکی قبض ایتمک لازم کلسه خالقنک
حضورینه ایکی النده نه کوزل هدیه لر کورتورردک مکه کوفه اعیانک
نفاقده خیاننده نفردی صرف یلانجی بر شهرتدن عبارت ایمش.
شونده بردری ایله وکیکه بورنمش ارواح خبیثه وارکه انسان حاللرینی
دوشندکجه وقتيله امام حسینی مکتوبلر، نیازلره عراقه دعوت ایدوبده
صکره کربلاده مبارک وجودینه قصد ایدن ملعونلره حاشا رحمت

اوقويه جق ، باق شو انساناره ، باق شو امرايه : ديمز دنيامن خراب
 اوليور مملكتريمز بايقوش يواسنه بکزه دی . عبادتخانه لمزده
 « لفظه جلال » لوحه لرتي آياق آلتنه آيسورلرده جنکيزک اسمنه
 طاپنيورلر . سزده بر طرفدن اولانجه همتکزي ، ولي نعمت زاده کزک ،
 پادشاهکزک وجوديني دنيادن قالدرمق اچون چاره تدارکنه مي حاضر
 ايتديکيز ؟ اسلاميتک ، انسانيتک ير يوزنده جلال الديندن بشقه
 استنادکاهي قالمدي اوکاده شيطان سزى مسلط ايتمش ، حياتنه قصد
 ايدييورسکيز . امت محمدک بتون بتون يتيم قالديغنه بتون بتون غريب
 اولديغنه چاليشيورسکيز اويله مي ؟ بالله العظيم کعبه مي ابره لر ،
 حجاجارده سزدن زياده نفرته لايق دکادرلر .

(بدر الدين)

« قهقهه ايله کوله رک » امين اول . جلال الدينک قيمتني بز سندن
 زياده بيليرز حقک وار دنيانک آندن بشقه استنادکاهي قالمدي بري
 حياتنه قصد ايده جک اولسه يولنده اولورز ديم « چونکه دلي دکاز »
 لکن قصد ايدنلرک وجوديني قالدرمغه کسندی حياتمز کبي چاليشيرز .:

[خادم خان]

آکا شهه مي وار !

(عماد الماک)

« خادم خانه » سزده مي ؟ . . .

✽ نوشتکين ✽

يالکيز او دکل بنده او اعتقادده يم .

(براق حاجب)

« قليجک قبضه سنه طيانهرق » مقصد بزي سويلمک ايدی

دامه طوتلدق اويله مي ؟

[بدر الدین]

قورقه قورقه : ییلانک ییلانه زهری کار ایتمز .

✽ آرق سلطان ✽

نه دیمک ایستیورسکز؟ دیندنبری آغزیکزدن چیقان سوزلر نه
ایدی بکامی بر قصد ایتدیکنز؟

(بدر الدین)

استغفرالله پادشاهم ! خادم خا امیر نوشتکین بنده لریکزله اول
مذاکره ایتمشیدک . حقیقه برادریکزک وجودی بزه الزمدر سلطتکیز
آنک سایه‌سنده قورتیله‌جق . جنکیزک قوتی شوکتی میدانده ،
خاندانکیزه اولان خصومتک درجه‌سی ده معلوم شاهانه کزدر بونکله
برابر قولکیز آنک طبیعتده بر بیوکک کوردم بزم طرفدن قدرینه
لایق بر معامله کنیدی دوستلغکیزه قانع ایده‌جک بر حال کوررسه
ینه راضی اوله‌جغندن امینم فقط مرحوم پادشاه زمانده کچن وقعهلر
اوزرینه مودت شاهانه کزده قوتلی دلیللر کوسترمک ایجاب ایدر .
شمدی عالمده جنکیزک جلال‌الدیندن بشقه غیظ ایتدیکی بردشمن قالمدی
آنی کندینه تسلیم بیوررسه کز هم جنکیز طرف هایونکزدن
مأموندن زیاده بر رعایت کورمش اولور . همده !

[نیره]

« قیوی تکمه‌لیوب طیشاری چیقهرق » پادشاهنک قاننه کیرمش
بر دیوانه‌یی کوشه‌یه اوطورته آنک نامنه ایرانده ، تورانده سلطنت
سورده‌سکز دکلی ؟ کوپکار . سزه ارسلان اوزرینه چیقهرجق
قدر جسارت نره‌دن کلدی . پادشاهکیزک قلیجنه هانکیکیزک کوکی
سپر اوله‌جق . قولنی ایچکیزده هانکی یکیتک پنجه‌سی بوکه‌جک . سز

جلال الدینی عرضکنز ، ناموسکنز ، دینکنز ، ایمانکنز ، کبی حکمکنز
 رشیمی قیاس ایندیکنزه : هان ایستدیکنزه کبی جنکیزه تسایم ایدیو -
 یرمک اعتقادندهسکنز ؟ آچقاره باق ! طاش کسلدیله . یمین ایدهرمکه
 هانکینسک وجودینی یاره لسهله طمارلرنده کی قان کبرمش قره ییلاندن
 صفوق بولنور وجودلرینسک بر قیلی بر ذره سی حرکت ایتیمور . الله
 بلاکزی ویرسون بومذلتکنز ایله برابر اوزاقدن اوزاغه مهتابه
 حاولایان اویوز کوبکار کبی پادشاهکنز آرقه سندن سوز سویلکه
 جسارت ایدیورسکنز اویله می ؟ نکاحکنزده اولان فاحشه لربته
 سزدن بیک قات مرزدر .

﴿ نوشتکین ﴾

بوجقارتی نه وقته قدر چکوب طورده جغز ؟

(خادم خان)

صوص ! کورمیورمیسک ؟ اوز بک قونک آرقه سنده طور بیور
 اوطله جیخانه یه بکزه مش نه طرفه باقسه ک قلیجدن بشقه بر شی
 کورندیکی یوق .

« نوشتکین »

قورقو هر تشبثک اولومیدر . ایش بویله کورلمز پاجغمز نه ایسه
 شمدی پیارز . جنکیزه بو سلطتی بو کوزالکی بو فصاحتیله ماسکه
 حضرتلرینی کوتوررسده البته جلال الدیندن زیاده مقبوله کچر .

﴿ نیره ﴾

آه !

ایک نجوی مجلس

اولکیار - جلال‌الدین

جلال‌الدین بر قبودن کیرر ملکه‌نک فریادی اوزرینه اوز بک
بر طاقم عسکرله اوته‌کی قبودن هجوم ایدر لر .

(نیره)

کل پادشاهم : سنی بورایه الله کوندردی بوخاتار بو ملعونار ملک
نصرته باقمه او دکل اچلرنده برصادق آدم وارمش شونلر شوکوپکالر
سنی طوتوبده جنکیزه تسلیم ایده‌جکلردی .

« جلال‌الدین »

« امرایه » سعیکز مشکور اولسون .

(نیره)

آه بالله‌العظیم شیطانده بوناردن آلیق دکلدر . وجودلرینک هر
ذره‌سی خاندانک نعمتدن حاصل اولمش ایکن یالکز نفسنه دکل
عرضنه بیله خیانت ایتک ابستدیلر . نی نیره‌کی بیله اوتاتار ملعوننه
کوتورمکه قالدیدیلر .

﴿ جلال‌الدین ﴾

آه ارواح خیده‌کی پدریمک طمارلرنده طولاشدیکز قلبنی استیلا
ایتدیکز . تاتار ایله حرب آچدیردیکز صکره قوه‌ واهمه‌کی بیننه
صوقولدیکز طبیعتنه غلبه ایتدیکز . یکر می ایکی سنه شانیه ، شهرتیه
مقتدای اولمش برپادشاهی اجلاک قضانک قولایلقله بوله‌میه‌جفی برکوشه
خفایه صاقلادیکنز یاری جهانک خرابنه ، یاری جهانک طولوسی
انسانک تلفنه سبب اولدیکز شهرلر آتشدن جهنم دره‌لرینی صحرائر

موتادن محشر میدانلرینی آکدی ریور ... آنالرنیک رحمنده کی
چو جقلر، مزارلرنیک گوشه سنده کی اولولر تاتارک قلیجنندن، قارغیسنندن
امین اوله میور بو بلارک جملاسنه سز سبب اولدی کز صکره نهنسک
لاشه سنی تقسیمه کوپک یاوریلری کبی هر بریکز ملک بر پارچه سنی
صاردیکز هر بریکز جنکیزه قسام اولمقدن بشقه اوزنه جک بر شی
بوله مدیکز کوپک ایکن قیلان مقادلکنه قالقشیدیکز هر بریکز عباد-
اللهک باشنه تاتاری آرمه جق قدر بلا کسلدیکز حالا دیشلری کزدن
طریقا قلیری کزدن شهید قانی طامامه یور آکاده قناعت ایتدی کز شمدی
پادشاه کزی ، یالکز پادشاه کزی دکل پادشاه کزک عرضی دشمنلره
تسلیم ایتکه قالقشیدیکز اوله می ؟ حیثلر مادامکه دنیکزک ملتکزک
خرابنه قصد ایتش بر ملعونه رشوتله حلول ایدوبده دنیا ، آخرتده
ماعون اولغی مراد ایتشسکز بوتکلفه نه حاجت وارایدی ؟ قایلر -
یکزی ، قیزلری کزی تقدیم ایدک جنکیر آنلرده قناعت ایدر .

(ملک نصرت)

دینم حقیچون بوملعونلر مقتدر اولسه لر بر قاج کونلک دولت
ایچون جناب حقیده جنکیزه تسلیم ایتمکدن چکینمز لر .

(اورخان)

پادشاهم بر عقرب یواسنه اوغرادک عباداللهک سلامتی ایچون
هپسینی بردن نحوایت

« اوزبک »

هر کس فرمانکزه منتظر طور ریور امر ایدرسه کز هپسینی
ایاغکزک آلتده ازلش بولورسکز .

(نیر)

جلالم ! بالله بوغزا جنکیز محاربه لرندن افضلدر .

(جلال‌الدین)

« بارد بارد کوله‌رک » بونلری فاک بیاه فعللرینک مجازاته لایق کورمامشده بنی تأدیب‌ترینه تنزل ایده جکم ؟ قلیجه بروقت طموز قانی بولاشدیرمق ایسته‌م « حدتاه » « برادرلری و طرفدارلری اولان امرایه » شورادن جهنم اولک . بنی لاشه‌لریکزله اوستنده کزدیکم طوپراقلری تلویث ایتمکه مجبور ایتمک .

* آرق سلطان *

پادشاهم بنده کزک

(جلال‌الدین)

قارشومدن دفع اول صولوجان : بوده کندینی انسان یرینه قوی‌میشده لاقردی‌یه قاریشیور .

* آرق سلطان *

بو حقارت نهدر ؟ بنده سزک کبی بر شهزاده‌یم .

(جلال‌الدین)

اوت شهزاده‌سک . لکن بنم کبی دکلسک . بنم کبی شهزاده اولیدک قرداشکک وجودینی پادشاهکک عرضنی دشمنه تسلیم ایتمک ایستدکلری وقت قانک برطامله‌سی اولسون آتشنیردی وجودیکک بر ذره‌سی اولسون حرکته کلیردی آغزندن برلقردی اولسون چیقاردی قارشمدن دفع اول . کندینی شهزاده ظن ایدرکن دینلجی چوجنی کبی طلاق ییه جکسک .

(نیره)

« آرق سلطانی کو ستره رك » شو بادشاهزاده به باق : قطب الدین
ایکی یاشنده ایکن بر کونده ایکی حواله کلدی ایدی ده بونك كبی
چهره سی اولورنکی باغلاماشدی .

« ملك نصرت »

هانی خوارزم شاه دولتی قلیجنزه طیانه رق طور یوردی دیزلریکنز
تره مکه باشدی برر برر یره قپانه جتسکنز بلکنزده کی قلیچاری کندی
وجودیکنز بیله چکه میور .

* نوشتکین *

بن بوقدر حقارت آدمی دکلم پادشاهم عفو ایت جلاد ایسهك
اولدور زبانی ایسهك ایتدکارك اذیت الویرر .

اوچنجی مجلس

اولکیلر — برعسکر


(عسکر)

پادشاهم تاتار اردویی باصیور طلیعه سی اوق منزله یا قلاشدی .

(جلال الدین)

« کمال سکووتله کندی توابعنه » مقصدکنز بو خانلرک هلاکی
دکلیدی ؟ شمدی هنر قبلرینک قارشوسنده یا براوق یا برقارغی بولنه جق
« آرق سلطانه » سنده بنم کبی شهزاده ایسهك ایشته امتحان میدانی
آچیلدی چیقکه هر کس قدرینی پاسون ! « نوشتکینه » بن پادشاهم
عفو ایندم لکن اولوم جلاد اولمش همده تاتار قیافته کیرمش — سنی
آرایوب کلیور کوك یوزینه چیقسهك ، یر آلتنه کیرسهك پنجه سندن
قور تیله منزهك هله زبانی سن کبردکنصکره بر وقت یانکندن آیرماز

« جدّ وحدتاه » دوست دشمنان آیرلسون : ملکک ! اوز بک ، اورخان ، نورالدین ایوجه بیلکک : بوجهانک نهایتی البته اولومدر کیم دشمن قارشوسنده نفسنی فدا ایدرسه دنیاده حرمتلی برنام آخرتده سعادتلی بر حیات قزانیز . هانکیمزی الی الابد شو بولندیغمز حالده قالمقاه فانی عمریمز قدر جهنمده بولنمق آره‌سنده محیر براقسه‌لر البته جهنمی خیرلی کوروروز . اویله ایکن بو حیاتک نه‌سنه رغبت ایدوبده سعادت اخروی بی ، ناموسی انسانیتی فدا ایده جکسکیز . دنیانک هر طرفی مزار اولدیغنی اول عقلمزله ادراک ایده بیلردک شمدی کوزیمزله کورمکه باشلادق . امین اولکک که حیاتک هر حالی بردر . دنیاده یر عقللی پادشاه بر عقلسز دیانجیدن زیاده بمختیار اوله‌ماز کندیمزی اولو بیللم اولی بیلکم دکل : انسان کبی اولمک بویله یشامقدن بیک قات خیرلی اولدیغنی ایجه ذهنمزه آله‌لده دشمن قارشوسنه اجلمزی آرایه‌رق چیقلم . سز او آلچققره باقیمکز . آنلر اولوم قورقوسیله اولور طاقتدندر . هایدک غزایه ، هایدک بقای نام میداننه ! هایدک جنتک اک کسديرمه جاده‌سنه ! الله معینمز اولسون .



برده

۳

« از دو کاهده بر شاهانه چادیر »

برنجی مجلس

جلال الدین - نیره

(نیره)

پادشاهم : بر بیوک مخاطره کچیردک . خوارزنده تاتار هجومندن
قورتولیشمز بقایای معجز اتدن دکلیدر؟ جناب حق سنی بویله فوق العاده
موفقیتلر ایچونمی یاراتمش البتده حاطرنده در بیک سکز یوز کشی ایله
طقسان بیک دشمن آرمستندن قورتولدق قارشیمزه کلن آیلیری
ییلدیرم بلوطی کبی پاره لدق اطرافزه یغمور قدر اوقلر یاغدی سیل
قدر قانلر آقدی ینه قورتولدق همده یوز دشمن لاشه سته قارشو بر
شهید ویردک بورالر قدر کلدک الحمد لله صاغز . سلمز ! صاغ اولدقدن
بشقه غایده بزم !....

﴿ جلال الدین ﴾


عالمک محنتندن هر کسک لسانندن ده اویله سهولته قورتوله بیلسدک :

(نیره)

عالمک نه محنتی قالدی ؟ خلق سزه نه دیه جیک ؟.... پدیریکزک
حالی معلوم حق رحمت ایلسون برادرلریکز امراکز ماهیتلرینی
خوارزنده فعللریله اثبات ایتدیلمز . ملتتمه اسانیتتمه سزدن بشقه

خدمت ایدن کیمسه قلمامش ایکن هر کس دواسندن استکرا ایدن مجنونلر
 کبیینه سزدمی شکایت ایدم جک؟ دهانه یامق الکزدن کلوردی . دنیایی
 دهشتندن تره‌دن جنکیزم یالکزجه قارشو طور دیکز اوردولرینی
 بوزدیکز . لندن مملکتازینی آلدیکز « تانار یا جوجدر » دیورلر
 اکر اویله ایسه او « یا جوجک » قارشوسنده سز سد اولدیکز .
 بو قدر غیرتدن بو قدر موفقیتدن صکره حق‌کرده نه سویلیه بیه‌جک؟
 (جلال‌الدین)

بن‌المدن کادیکی قدر وظیفه‌می یرینه کتیرمه‌که چالشدم . فقط
 یالکز غیرت احتیاجه مقابل کلپور دشمن قانندن سیلر اقسه‌ق اوده
 یزم مملکتلری خراب ایدیور بر قاج پارچه اولق‌المدن کلز که هر
 فرقه‌نک باشنده هر یرک محافظه‌سنده بولنیم . بز بوراده بر اوردو
 بوزیوروز . تانار اوراده بر پادشاهلق بانیریور بز بوراده بر غوغا
 قرانیوروز . اسلام اورته‌ده بر کشور غائب ایدیور . بز بوراده بر قاج
 بیک مردک یوزینی کولدیوریوروز . فلک اوتده بر قاج ملیون قادین
 یتیم، چوجق اغلادیور . هپسندن بن مشولم . جناب حق هپسنی بندن
 صوره‌جق آه : کاشکه پدرم حیاتده اولیدیده بن پادشاهلقه بدل
 امری آلتده بر عسکر بولنه ایدم . باری یالکز یاپدیغم ایشندن
 مشول اولوردم . یاپدیغم شیلرک اولسون مسئولیتی بکا عائد اولمزدی .



سبحان‌الله سزدن بشقه هر کیم اولورسه اولسون افعالکزک
 یاریسنی میدانه کتیرمش اولیدی افتحارندن دنیالره صیغه‌مازدی . سز
 بر درلو کوستردیککز بیوک‌که قانه‌میورسکز جنکیزی ییلدیردیکز .

حالا كوله كه سندن قورقان چوجقار كې افعال كرزك قارشوسنده تير
تير تيره يورسكز .

(جلال الدين)

بم وظيفهم جنكيزى ييلدرمق دكل اسلام ملكنى قورتارمق تاتارك
تسلطى اذان سسي ايشتمش مملكتاردن بتون بتون بر طرف اولنجيه
قدر نه ياپسهم آذرر . انسان ايجون مادامكه دها يپاجق واردر .
يابدغى شيارله قناعت فصل جاژ اولور ؟ بر كره دوشون . اهون شر
عد اولتمق اشرف مخلوقات جنسندن اولان بر وجود ايجون نه
بيوك مذلتدر .

[نيره]

پادشاهم هر نه ايسترسك ياپ . هر نه ايسترسك يپارسك . هر
نه ايسترسك يابمغه مقتدرسك ! تاتارك وجودى بوردن دفع ايدن
همتك انشاء الله بتون بتون دنيلردنده قالديرر . يالكز شوراسنى
اونومه كه : افعالك سكا نسبت نه قدر كوچوك ايسه سائلره نسبت
او قدر بيوكدر . ايسته دنياده كيمسه سنك كې اوله ميور سنده بر آز
هر كسه بكزه سك نه اولور ؟

﴿ جلال الدين ﴾

نه مى اوله جق ؟ كندىمى ارلك ، بيوك پادشاه بيليركن ، فداكارلقده
سكاه تحمليه قطب الدين ايله هتمده چاديرك قوسنده طوران
اوشاقلرله مى مساوى طوته يم ؟

(نيره)

سزه كيم ديدى ؟

« جلال‌الدین »

لاقر دیلر کدن اونتیجه اکلایشیلور . ایجه بیل حالا وجداتم راحت
دکل اسکا اولان محبتمی بیله وظیفه به مفتونیتدن زیاده کور بیورم .

﴿ نیره ﴾

سز ایستدیککنز قدر منت ایدک بن سزه صداقتمی وقتنده
کوستریرم .

ایکمنجی مجالس

اولکیلر - قطب‌الدین

« نیره »

ینه ندر ؟

(قطب‌الدین)

هیچ ! . . . اوزبک کاش مطلق افندمنی کوره جکم دیورم .

(جلال‌الدین)

« نیره به » صکره قونوشورز ایکی کوزم .

﴿ نیره ﴾

فرمان پادشاهک لطف بیوریرده مهم برشی وارسه بکاده خبر
ویررمیسکنز . . . ؟

« جلال‌الدین »

دمینکی حدت نزاکنته دوندی اویله می ؟ الله سنی کونش کبی
یارتمش انسانی شمدی حرارتلندیر بیورسک . برقاچ دقیقه صکره
چیچکلر ، کللر ایچنده براقیورسک . مهم برایش اولنجه سکا یلایر-
میوبده نه پیاچم ؟ سندن بشقه بروح نافی به مالکمی یم که خزینه می
آنکله پایلاشه یم . « قطب‌الدینه » سویابه ده کلسین بنم ارسلان چوجنم

« نیره جیقار »

اوچنجی مجلس

جلال الدین — قطب الدین — اوزبک

« جلال الدین »

خیردر انشالله !

﴿ اوزبک ﴾

خیر دکل پادشاهم بنده کزی طالعم بايقوش کبی مصیبت تاتارلغنه جنکیزک آدمی کبی اقدمزی مخزون ایدجک شیلاری خبر ویرمهک تعیین ایتمش. نورالدین کلدی بزده بو طرفه حا... صکره خوارزنده اولان اردو بتون بتون پریشان اولمش. امر اکزدن بری کندیسنی قورناره بیلمش اوده یارد لرندن بایللمشده میت ظن اولمش تاتار مملکتی یغما حرصیه اردویه باقامشار مکر احسان بیوردیفکنز کهیلان کندی قدر صادق بر مخلوق ایش بیچاره دینی دیشی ایله ارقه سنه آتمش برکنارمه جیقارمش .

« جلال الدین »

او قدر تفصیلات لازم دکل خوارزم کتمشمی ؟ برادر لر نه اولمش ؟
اوته کیلر ...

﴿ اوزبک ﴾

« لاقردیسنی کسه رک » مملکت کیتمش پادشاهم ملغونلر اونزده بخارایه خیومه بکنزتمشار یرله یکسان ایتشار .

﴿ جلال الدین ﴾

آه ! ... ایچنده طوغدیف ایچنده بیودیکم مملکتیم ! سنی ده می وجود عالمدن جیقار دیلر . اوف انسان فکرنی نه قدر سلاحه صرفه

ایتسه بویله دفعه ظهور ایدن فلاکتار اوزرینه خود پرستلکدن کچوبده
بتون بتون وظیفه اسیر اوله میور بوقدر اسلام ملکی خراب اولمش
قدر متأثر اولمده معناه در؟

الله فرصت ویرسه تکرار معمور ایتدیکم زمان بنالزنده تملیرینه
ناتار کیکی قوللانیم !

(اوزبک)

هلاک اولمشار .

« جلال‌الدین »

حق رحمت ایتسون شهید اولمشار .

« اوزبک »

خیر پادشاهم بایراغز التئده فدای جان ایتمش اولسه لر ایدی او
وقت شهید اولور لر ایدی آنلر کندی سلطنتلرینی در شمشلر او بولده
آخرته کتمشلر اسلامه خدمت ایچون چکیلان قلیچ دین دوشمنلرینی
ایکی یه بوله ر . موحدلر شوروعصیانه آلت اولمز اوزرلرینه فرض
اولان اطاعتی یرینه کتورسه لر ایدی بوکون خوارزم مملکتنک یاریسی
اولسون الله بولنوردی احسان بیوریکز پادشاهم قولکزه اوله
وجدانکزک حسیاتنه حائل اوله حق برظن ایله بائیکز . ادبه مغایر
لاقردیله سویلینورسه م دینه ملتیه اولان محبتم پادشاهمه مملکتیه اولان
صداقم ایله سویلیبورم .

دردنجی مجلس

اولکیلر — نورالدین

— نورالدین —

« ایچری کیره رک پادشاهم ! »

« جلال الدين »

كل مولانا الله همتمكردن حشونود وراضى اولسون شويله يانجه
كلده اوتور . آده تشريفاته حاجت يوق خوارزمك اردولر يمرك
صاغلقله اولسون برادرم اوله جق بدبختارك حالى اوزبك سويلى .
بريكي خاشلر ! هانى نوشنكيين خادم خان طاقى نه اولدى آنلر جنكيز
طرفه كچديلر دكلمى ؟ اوراسنى آكلامق ايستيورم .

— نورالدين —

خير پادشاهم حمد اولسونكه ملعونلر اومذلته بياه نائل اوله مديلر تاتاره .
عرض . ايتدكلرى ايمان ياس حاشا استغفرالله ايمان ياس دكل شرك
مايوسانه . صايلمش هپسنگ اعدامنه امر و يرلش سببى آكلايه مدم
هرنه اولور ايسه اولسون برخانه يه دوشن آتش ايچنده كى مؤذياتى ده
ياقدينى كچي تاتارلر اسلام مملكتنده بو قدر يوز بيك انسان شهيد
ايتدكده نصكره برقاچ يوزده عقرب تپه لديلر اسلاماره او قدر جق بر
خدمتلرى طوقندى ايچارندن يالكنز براق حاجب قورتولدى خيتم
مكر پك جسور ايمش پادشاهم داعيكنز ده ياره لمدن حريقك يانده .
نه قدر حشرات وار ايسه تاتار آتلىنك اياغى آلتنده ازيلدى . بولنديغمز
ير پك يقين اولديغى جهتهله وقوعاتى كوزمله كوردم . حتى آتى ده
وورلدى كندى بيچيله جك تارليه اوغرامش اژدر كچي تاتار عسكرىنى
ايكى طرفه بولهرك برده شتاه بر نمايشله صيرلدى ايتدى . شجاعتنك
يوزده برى قدر اولسون دين يوانه الله عشقنه فداكارلغى اولسه ايدى
كرچكدن خدمت هابونكزه لايق آدم اولوردى .

﴿ اوزبك ﴾

بوراده آندن زياده تأسفه شايان آدملر وار . سيفالدين عراقى :

... بيلورميسكز ؟

« جلال الدين »

آنك كچنكى غلبه مزده پك چوق خدمتى كوردى طوتكه غلبه يني
يالكز او قرانمش اولسون نه ديمك ايسترسك ؟ هر هوسنه اسير مى اوله لم
؟ قوس قوجه آتى آلتون چلنك كې باشمزده طاشيه لم ؟

(اوزبك)

خير پادشاهم ! مقصد اودكى حريف معاملات شاهانه كز دن آجى
آجى شكايته ايدىور الله بيلير اما خيانت ايده جك بيلم دشمن طرفنه
كچه جك قدر آلچقمى در هاله خدمت هايونكز دن چكيله جكى شپه ستر
كې كورينور .

« جلال الدين »

كيم سيف الدينى ؟ اودانا عسكريه برابر طاغه طوغرى چكيلوردى .
بر چاريك اول اته بنش « بنى سون آرقه مدن كلسون پادشاهى سون
بوراده قالسون » ديه باغريوردى . بن حالتى كورددمه شهيد اولغه
كيدىيور كندىنى ملتزمه فدا ايده جك ظن ايتدم .

﴿ اوزبك ﴾

پادشاهم نه فرمانكز اولور ؟ اردوده اختلال وار . شهزاده حقيقت
حالتى بدن جسارتلى سويليور .

(نورالدين)

اوده بريكى خانلارك هانكى حانه اوزنمشده ابوجهل ايله يزيد ايله
آخرت يولداشلغنه هوس ايتمش .

« جلال الدين »

جهنمه قدر يولى وار سكا بر رتبه شهادت نصيب اوله جق دكلى ؟

مزارده رفیق ایله خدمتکار ایله کیدلز بن قسمتی آلفه کیمسہنک
یاردمنه محتاج دکلم اوکورتی ندر ؟

بشنجی مجلس

اولکیلر — سیف الدین

« سیف الدین »

« اچیری کیره رک » پادشاهم بارگاه سلطنتدن البتده هر کس نصیبی
ایستر . ینده کزک ایستدیکم یالکیز قدرمه رعایت اولمقدر ایکی ساعت
اولده مخصوص آدم کوندرمش عرض ایتش ایدم بی تحقیر ایندیله
امریمه تابع اولوبده یولکیزه جان ویرمکه کلن عسکرلر آمرلینک
حقارتی کورمسنی ایستمیورلر . اردولر ایرلیدیله سز افندمزه بدن
زیاده معلومدرکه بنم آتمه قریاج اورمق کیمسہنک حدی دکلدر .

« جلال الدین »

آتکزک باشنه قریاج اوران آدمک بونونه قلیچ اورمقله می جزا
ایدم ؟ بزده خاطریکز ایچون احکام شرعییه بی براقلمده جنکیزه
سیاستله می حرکت باشلایم تاتارک برخنزیری الوهیت مقامنه چیقارمق
ایچون تلف ایتدیکی آدملر یتشامش کبی بزده سزک قوجه آتی اجل
سامری مقامنده طوتمق ایچونمی قریاج اوران آدمی اولدیرم ؟ آتسه
قریاج ایله اورورلرسه اردوده اختلال پیدا اولیور . فقط اسلامیت
بوکبی مخاطرده للهک اسم مقدس آیاقلر آلتنده سورونیور منارده لریمز
جنکیزه سجده ایتسون دیه یرله یقیلیور . تاتارک قلیچی قورقوسندن
دنیاده کیمسه مسلمانم دیه میور . بونلرک ضرری یوق سزک آتیکز
عندکیزده دیندن وطندن انسانیتدن مقدس دکلی ؟ تاتار برکوپکه

طاپور اسلام‌ده خاطر يکيز ايجون بر آز طابق لازم کلير اويله مي ؟
چيق طيشاري کافر کيت جنکيزه معين اول سزک قدر آچق مخلوقاته
اونک قدر آچق پادشاه ياقشير لندن نه کليرسه بريني اجرادن قصور ايمه!

(سيف الدين)

پادشاهم !

« جلال الدين »

دها لقردي سويلک چاليشيور . چيق طيشاري شمدي مردار
قانک تامارلرندن جهنمک جانک بدندين چيقديغني کوررسک .

(سيف الدين)

پادشاهم ! بن قدرمک حيثيمک محافظه سني ايستيورم بنم آتمک
باشنه قراج اوريله ما ز بن ده ايکنجهي درجه ده بر . . . پادشاه

« نورالدين »

اوف قارنجده کندي . ملکک پادشاهي ايمش . بر آدم سلطان مسلمانک
فرمانه بويله مي اطاعت ايدر ؟ اوسکا احکام الهيدن بحث ايديور سن
آکا قدر کي آتک باشنه قراج ايله اوريله ميه جغني سويليورسک اوسکا الله
نامنه دين نامنه اسلاميت نامنه انسانيت نامنه . امرلر ويريور . سن آکا
حيثيت کي حيوان باشي کي باموهم : يا خود بر قاج درهم گوشه
آله ييلور شياردن سوز سويليورسک حجابکمي يوق ؟ دينکمي يوق
عقلکمي يوق ؟ نه غريب مخلوقسک !

« سيف الدين »

پادشاهم ! سن غالباً بوجنونک خيالاتنه باقيورسک ؟ اجداد
عظامکيز بوني التزام بيورديلر دوشونکيز بنم مرتبه مده بر آمرک آتله کيم
حقارت ايده بيليرده جزا کورمز .

« جلال الدین »

الله اوقاعده مار کده سنکده آتکده بک درلو بلاسنی ویرسون .
 دنیایی بویله جهنمدن بدتر حاله کتیردن هپ آنک کبی شیطان ایجادی
 قاعده لر هپ سنک کبی الله دشمنی مخلوق لر دکلمیدر ؟ به حیث . اسلامیت
 اوسنکده قیامة قدر بقاسنه اعتقاد ایتدی کک اوسنکده آخرتده نجاتی آنک
 سایه سنده بکله دیکک اسلامیت برحاله کلادی که ! قدسیتنه کیم اینایر مه
 دنیادن ازاله سی واجب صایلیر همزه وجود ویرن حیات احسان ایدن
 الله عظیم الشانک طو پرانک اناشاغی طبقه سینه دوشن مزحرفاندن
 دریانک تاقهرینه چوکن سوپرتیلردن آلحق بر مخلوقی - حاشا کندی
 مقام الوهیتنه چسوق ایستیور بتون عبادانله کدی قومی کبی معامیه
 ایتک ایستیور سن بونلرک هیچ برندن متأثر اولمورسک حکومت
 اسلامیه یی اوموهوم حیثک محافظه سیله اوغراشیدر مقصدن بشقه برشی
 دوشونیمورسک اوله می ؟ سنک معبودک آت دینک نخوت ، عبادتک -
 انتقامی در ؟ سن مکر اسلامه تاتاردن مضرایمشک !

« سیف الدین »

بوندن صکره نه پارسه م پادشاهم معذورم بنم افندمزدن امیدم حتمده
 رعایت ایدی .

« جلال الدین »

سبحان الله رعایت انسانه اولور . یقل شورادن

« سیف الدین »

بک اعلی مادامکه بز انسان دکلز کیدوز « سیف الدین جیقار »

« اوزبک »

پادشاهم امرایت خائک وجودینی دنیادن قالدیریم دشمن طرفده

چکر سه باشمزه بر جنکیز دهاپیدا اولور .

« جلال‌الدین »

اسلامک قوتی شواردویه انحصار ایتمش شمدی آرمیه قلیچ دوشورمه
 بر بریمزی تلف ایدمده جنکیز اوزاقدن یالکزجه حالمزی سیر ایتمکه
 بر مظفریت قازانسون اویله می ؟ اللهم عونی بزمله قالور اوخانی اللهم
 ترجیح ایدن آرقه سندن کیدر نه یالم ؟ ذاتاً مقصدیمز عزرا وشهادت
 تکلمی ؟ الحمد لله غازی اولدق شمیدده شهادته نفسمزی توطین ایدهرز
 یاربی ! یاربی عالمده کوستردیکک استغنا حکمتنه نه بیوک دلیلدر . اکبر بر
 اراده نک وجوده کلمسی قوللرینک رأینہ معلق اولسهیدی نام مقدسکه
 یمین ایدهرمکه بوملعوندر ذات الوهیتی خلقت آدمدن پشیان ایتمکه
 چالشیور لر دی .

رده اینز



پرده

۴

« سنت نہری کنارندہ براردو موقعی »

برنجی مجلس

اوزبک — جلال الدین

(اوزبک)

« جلال الدینک آیاغنه دوشهرک » پادشاهم ! ... سکا برجان بورجلی
 ایدم اوده دینم ، دولتم ، ملتیم ، یولنده کیدیور . ذاتا ارادہ ہایونک
 اویاہ دکلی ایدی ؟ ... اللہ اسلامی مظفر ایتسون ... انشالہ . او
 دولته سن نائل اولورسک ! ... « لالہ الالہ وحده لاشریک له »
 (دیر دوشر تسلیم روح ایدر)

« جلال الدین »

« یانہ کیدمرک » اوزبک آہ شہید اولمش کورہ کورہ موتک ہر
 درلوسنہ الشدق چہرہ سی نہ کوزل کولیوراومت غیرتیہہ سیاستہ چوکن
 مخزونلق ، آغیرلق بتون بتون کیتمشدہ اک سوینہ جکی برمطابنہ نائل
 اولان معصوم چوجقار کبی کولیور ! ... یوزینک رنکی اوچوبدہ یکی
 آچلمش صاری کلرہ بکزدہ دی اوزبک ! مسلمان ایدک ، مرد ایدک
 دنیاہہ برفلمندن کیمسہ سنی بحق مسؤل طوتمدی ایشته جناب حق سکا
 مکافات اولہرق شہادت نصیب ایتدی آخرتدہ کی سئوال وجوابدن
 خلاص اولدک آہ تابوت ایچندہ امامک افعالہ دائر تذکیرلری مزار آلتندہ
 منکرینک اعتقادجہ سؤاللری سنک کبی کرچکدن انسان اولنارد کیم
 بیاور نہ قدر آغیر کلیردی . انہک دیوان عدالتنہ کیتمدن ایکی مضیق

اضطراب ایچنده ایکی شیدن استنطاق کچیرمک ، برقاج یاره آجیسیله
برقاج سنهک عمر فدا ایتک نسبت قبول ایدر غانله لر دمی در ؟

ایکینچی مجاس

اولکیلر — نورالدین — برقاج عسکر

— نورالدین —

پادشاهم ! اردو تارومار اولدی . خانار ذینرینی برباد ایتدیلر .
سیف الدینک حیثیتی جناب حقک امرینه مرجیح طوتدیلر . اوزبک
کی خواصکز بتون بتون شهید اولدی ، برایی ززیلدر سیف الدینک
آرقه سنه دوشدیلر جکدیکی ارفه کیتدیلر . کیمی تاتاردن آمان
ایستدی . میدانده یالکیز مالک هر اته آجان قالدی اردونک بقیه سنی
قورقارمق ایچون تاتارک هجومنه سدا اولدیلر نصرت الیه اورخانک زرده
اولدقلرینی بله مم یالکیز عسکرلرندن دهها شهادت دولتنه نائل اولمامش
برقاج کشی کوردم ملکه یی محافظه ایدیورلردی . قطب الدین اوشیل
الاسد اوقیلجی وجودندن بیوک قهرمان بویاشنده دشمنه اوچ کره آت
صالدی ایکی یرندن یاره لندی شمدی زرده ایسه کلیرلر .

(جلال الدین)

سبحان الله ! شمدی به قدر نیچون بکا بوبوز غنلقدن خبر ویرمدیلر ؟
برساعت اول دشمن قارشوسنده ایدم بن حالاردوی غالب ظن ایدیور-
دمده آنک ایچون آزیحق شوراده راحت ایدیم دیدم صاغلقله کلیه ایدم .

(نورالدین)

پادشاهم ! کیمک خبر کتیرمه وقتی واردی افندمز باشمزدن
ایرلدیکز ! تاتارک برقاجی بردن بربرینی متعاقب امدادی کورنمکه
باشلادی اردودن بر آدم ایرلمق اسلامک برقولنی قیرمق حکمنده ایدی

افندمزده آت اوستنده آتی کیجه دشمن قارشوسنده اون سکز ساعت
کچیردکن صکره شوراده برقاچ دقیقه راحت بیورمق ایستدیککره
تعجیزه نه لزوم واردی .

(جلال الدین)

« طورینی دکشدپرەرك » سبحان الله بو قدر غلبه لردن غنیمت لردن
صکره ینمی خیانت ؟

﴿ نورالدین ﴾

پادشاهم ! محمود یلواج حیثتک رشوتنه ناسک تویلاتنه جنکیزک
دهشتنه طوره جق کوکل بو قدر اخلاقسز حشرات ایچنده قولایمی بولنور ؟

« جلال الدین »

آه پدر : پدر کو ستردیكك یأس لایقسنز ایدی فقط سببسز دکش .
بو آدم لرك قلبی خیانتدن طاغدنمی یرادلش : ظمار لرنده قان یرینه
ایرمنی طولاشیور بر انسانده بو قدر آچاقلق تصور ایده مزدم . بر
خبیت فرعون کسلمش دنیادن توحید الهی نی قالدرمق ایستیور . بر
موحد ملت قازشیسنه طورمش دینک ، ناموسک ، وطنک ، حیاتک ؛
مالک محافظه سنه فدا اولیورده سیف الدینک بار کبری بو قدر مقدس
مقصد لردن زیاده اعتنا بولیور . بو خنزیرک حرصی بو خوینسز آتک
شئامتیاه دنیاده نه قدر انسان اولورسه جکر لرنده کی یاره لرك قانیاه
بوغیله جق کوکل لرنده تحسیر آتشی ایله یانه یانه محو اولوب کیدجک . .
سویاه آتمی چکسونلر اوته کی دنیاه کیتتمک شهادت دولتی بیاه اولیانه
بو قدر ارازیل ایچنده یشامقدن بیک قات اهوئدر مکر انسانک دوره
عمرنده حیاتک کرچکدن مذلت ، موتک صحیحاً سعادت اوله جنی
زمانلرده وارمش « سویلیک حیوانی چکسونلر »

اوچنجی مجلس

اولکیلر — اورخان — صکره ملک نصرت

« اورخان »

« بر قاج یرندن مجروح اولدینی حالده کله رک ، صره سی دکل
پادشاهم جنکیز بالذات اردوسنک امدادینه یتشدی بر حمله ده ملک هرات
احابن حتی عسکرک عمومی شهید اولدی لر . میدانده یوز کشی قانلی
آنرک ایچنده ده مجروح اولدق آدم بوله مزسکز مقابله یه امکان متصور
دکلدر بنی اسرائیله دکر ایچنده یوللر کشاد ایدن جناب حق بلکه
زده شونلرک آره سنده بر طریق نجات احسان ایدر .

(جلال‌الدین)

بن بوقدر دین ارقداش مک سلاح ارقداش مک حق یولنه وطن
اوغرینه فدا اولمش جنازه لرینی تاتارملعونلرینک ایاقلری التنده بر اقوب
زویه کیده جکم شهادت شهادت !... بوند نصکره بنم ایچون حیات
آخر تده در الله یولنده شان میدانده دائما برابر بولندیغم بوقدر قهرمان
جنتک اک عالی اک آچیق قیوسی اولان شهادت شانندن می آریله جغم ؟
بن بشقه جنسدن بر مخلوق دکم وجودم دنیا یه دیر کمی اوله جق ؟...
شهادت !

✽ ملک نصرت ✽

« کله رک » پادشاهم غزا ویردیکمز شهیدلر الویرمدیمی ؟ وجود
هایونکمز دنیا یه دیرک اوله جق دکلسه اسلامک اعلا ی شاننه خدمت
ایده جک شمدی بو مخاطره دن حفظ حیات ایتک متوباتدن کری دکلدر .

« جلال‌الدین »

ماک ! سنده می بو اعتقادده بولنیورسک ؟ سنده می بنی فراره
ترغیب ایدیورسک ؟

﴿ ملك نصرت ﴾

بوفرار دكل بادشاهم ! اسلامك حاله مرحمت بيورمزيسكز ؟
ملوك آره سنده عباداللهك سز د بنشقه براعتماي قالمدي شهيد اوله ملده
شرقي غربي تاتارك پنجه سنه مي براقم ؟

﴿ جلال الدين ﴾

بكا بوندن صكره شهادتدن بشقه يابه جق برشي قالمدي . حالي
كورميور، يسكز ؟

حالي بك اعلا كوريسورز افندمزه بوندن صكره بردولت برقاچ
اردو ترتيب ايمكه چالشفق قالمدي بادشاهم .

﴿ جلال الدين ﴾

يتمش كشياه مي براردو بردولت تشكيل ايده جكز ؟

﴿ نورالدين ﴾

بوده شسته اقباليه آتي يوز سنده نبري نصف جهانده حكمة الله
اعلان اي دن دولت محمدية قرق كشياه تشكلا ايمكه باشلامدي مي ؟
بادشاهم شرع الهى مؤيددر . بالطبع فيضيه ده هر زمانده جلري اولور
احكامنه صدق و نيت ايله اتباع ايده لم ينه هر طرفدن تايدات غيبه يه
نائل اولورز انشاالله بر دكل برقاچ دولت تشكيلنه موفق الورسكز ندر
فتور ولى نعمتم ! ايسكوندن چيقديغمز خوارزنده تاتارك تسلطندن
قور تولديغمز صره لرده صكره كي قزانديغمز غلبه لري حاصل ايده جكز
اميد وارميدى ؟ غيرت شجاعت افندمزي موته سوق ايديور فقط
بالله العظيم بوحيت حفظ خيانه چالشفقدن خيرلى دكلدر . بوكون
وجوديكز اسلاميته الزم تاتارك اوكنه همتكز طور مزسه ملعونلر
روضه مطهره يه ! ... مكه مكرمه بقدر .

(جلال‌الدین)

« سوزنی کسهرک » صوص ! ... ذهنمی اویله دهشتلی خلط‌لاره
 طولدیرمه غلورلر کبی واهمه کوزیمک اوکنده تجسم ایتمه باشلادی
 بیک کرده اولوم قارشوسنده بولندم ذره قدر برحاجان حس ایتدم ! ..
 شمدی حیالک قارشوسنده سیکیرلرم چوزیلیور ! ... روضه
 مطهریه ... کعبه مکریمه قدرمی ! ... یاربی ! ... اراده الهیه
 عاصی قولارینه جزا ایسه جهنمی یریوزینه حیقار ! ... فقط عزتک
 جلالک حرمتنه امت محمدی اویله بر بلا اویله بر مصیبت کورمکن
 حفظ ایله حقک وار حقکز وارالله ملتنه مملکتنه خدمت ایتمک ایستیان
 پادشاهلری سنک کبی مستشاردن بولرکبی معاوئلردن محروم ایتسون
 حقکز وار مراد شجاعت ایسه جنکیزی ده اوتاندره جق قدرینی
 کوسترمک لازمدر . مادامکه اسلامیه لازمز نیچون بهوده یره تلف
 اولم ! بو قدر قان نهرلرندن آتش در یالردن مصیبت طوفانلرندن کچدک
 الله عنایت ایدر « اوزبکک نعشنه باقهرق » غیرتلی شهید سنک ده می
 وجودینی بوملعون تاتارلرک آتاری چیکنیه چیکنیه محو ایده جک ؟ « نورالدین »
 نه مانع زوحی عرش اعلا دن اسلامیتک مظفرینه دعایدیور شو بر آووج
 طوپراق کیکلری یا عمل اولور اولسون جوهر انسانینه نه طوقونور ؟
 — اورخان —

آنسک چکنه دیکی یاره‌لدیکی تاتارک کیکلری بریره طویلانسه
 یانه جنی یرد بر مکمل تر به وجوده کلیردی کنسینی بر قاج بار کیر
 چیکنه مش بر قاج خنزیر دیشله مش نه حکمی اوله جق ؟ مزارده کوموه
 لسه کیم بیلیر وجودینی قاج بوجک یه جک طوپراغنی قاج حیوان یا عمل
 ایده جک ایدی . اویله بر وجود نه قدر سفالتله محو اولسه یه طوپراغنی

برقاج دنیا دگر بادشاهم کیدلم ! ...

(ملک نصرت)

بادشاهم تاتار یاقلاشدی . آخر تمزک سلامتتی اولولر آره سنده دگر
دیریلر ایچنده آره یه جق وقتدر !

(جلال الدین)

هایدک ! هایدک ! شوط العسز لکه باقک که ! بنم کبی اولومنی آراز کنوز
بر آدمه بیله دشمن اوکندن قاچق اک بیوک اک مقدس و ظالمندن
اولدی « جلال الدین ، اورخان ، ملک نصرت ، نورالدین ، برقاج
عسکر بر برینی متعاقب نهره آیلیر اوصره ده نهرک کنارنده بر او قاچق
اوچوروم آرقه سنندن برقاج عسکر و متعاقباً ماکه و قطب الدین
کورینور . »

دردنجی مجلس

اولکیار — برقاج عسکر — نیره — قطب الدین

(بر عسکر)

« برقاج یرندن یار ملی اولدینی حالده قوشه رق « امداد بادشاهم
امداد الله عشقنه عرضنی تاتار النده براقه دینه دولته دها زیاده خدمت
ایتمکه اقتدارم قالمدی (کندینی نهره آتار) (فریاد اوزرینه هان
جلال الدین صودن چیقار)

« جلال الدین »

آه بن ملکینی دوشونماشدم اونزده !

(عسکر)

« نهردن کندینی خلاص ایتمکه چالیشه رق و قارشیدن مجروح اولدینی

وقوجاغنده قطب‌الدینی طاشیدینی حالده کن ملکہینی پرمغیله کوستره‌رک
ایشته اینته ... پادشاهم عسکر غرق اولور (جلال نیره یه طوغری
قوشار سائرلری یوزره‌رک نهرک اوتہ یقہسنہ واصل اولورلر برقاچ
عسکر بزبرینی متعاقب نهرہ آتلغہ باشلارلر)

— نیره —

پادشاهم ! بزى بو حالده برافوبده نره کیدیورسک ؟

« جلال‌الدین »

« منہانہ و متجلدانه برطور ایله » دیتک دولتک خدمتکارلغہ
کیدیورم سکا نہ اولدی ؟

— نیره —

جلال : تانارلرینی اسیر ایتک چالشیدیلر مکر سندن زیاده عرضہ
دشمن ایملر ! سایہ کده شمدی یه قدر برکل دیکنی طوقونماشکن
اوزرمدہ یکرمی قدر اوق یارہسی وار بویچارہ چوجوقدہ اولوم
حالده الله عشقنہ بزى بوملعونترک الندہ براتہ .

(جلال‌الدین)

بن منتک دیتک خدمتہ کیدیورم سزى محافظیہ مقتدر دکلم‌الله
معینکز اولسون .

— نیره —

پادشاهم بزہ مرحمت یوقسہ اسلام حرمتنہ انسانیت غیرتد
ایکمزیدہ صویہ آت تک بورادہ براتہ ! محمود یلواج ملعونک سسنی
کندی قولانغہ ایشتدم « نیره یی جنکیزہ اوطللق قطب‌الدینی ده کندیمه
ساقی ایدہ جکم » دیه قودورہش طوموزکبی باغریوردی .

« قطب‌الدین »

پادشاهم ! باباجم ! درت یانمدن یاردلی یم بنی الکاه اولدیر بن او

ملعون نثره خدمتکارلق ایدهم نصل مشرکله شراب ویریم ؟ ارسلان
یاوریسنک کوبک یلاغنه صو کو توردیکنی کیم کورمش ؟ آجی
پادشاهم ! بزه آجی ! بزه آجی یاربی ! نه مجرم قوللرک ایمشزکه بوکو-
نلری ده کوردک بولاقر دیلری ده ایشتدک .

« جلال الدین »

کلکز باقیم ! سن نیره شو طرفه ایکی کوزم سن ده بو طرفه
بلکه بر بلا دریاسندن دها پکرز بسم الله « نیرینی صاغنه قطب الدینی
صولنه آلهرق صویه آیلیر اوصرده تانار عسکری ده هجوم ایتمک
باشلار سنت نهرینه آیلان اسلامک برچوغنی قارشیه واصل اولور .
جلال الدین فوق العاده یوریلیر همان همان باتمه یوز طوتار »

— نیره —

« حزین برصدا ایله » دیننی سور ایسهک نبی براق .

﴿ قطب الدین ﴾

نبی بویارملر ذاتاً اولدیره جک ! پادشاهم باباجم الله عشقنه باری
کندینی قورتار .

(ملک نصرت)

« قارشیدن » پادشاهم الله عشقنه حالنه حرمتنه کل کندینه کل
آرقه کدن یوزن خان سن ده آنلری ده اسیرایدو جک ! ...

« جلال الدین »

« آرقه سنه باقوبده بر تانارک اوچنی بردن اسیر ایده جک قدر
یا قلاشدینی کورنجه نیرینی و قطب الدینی برر قولندن یوقاری قالدیره رق
یاربی یاربی احسان ایتمیکک سلطنتک هر درلو کنائزی ایچنده یالکز
سودیکم شو ایکی وجود قالمشدی آنلرده یولنه قربان اولسون

«ایکینجی ده سنت نهرینک آفتیمینه براقیر کندی ساحله چیقار طاش
ایله کندیسینی تعقیب ایدن خاننی اولدیور .»

— نیره —

[باتمق اوزره ایکن] پادشاهم جلالم نیره کی خاطر کدن چیقارمه . . .

(جلال‌الدین)

« قطب‌الدینک براقاج کره باطوب چیقدیغنی کوره رک » چوجق
قورتیایه بیله چک .

« قطب‌الدین »

« استغراقی حالده » چوجق او حوری کبی والده سنک قویبنته
کیردی . عرش اغلاده کی ملک کرک یانه کیدیور .

﴿ جلال‌الدین ﴾

« کندندن کچمش بر طرز ایله » قطب‌الدین ! . . . قطب‌الدین

(قطب‌الدین)

« باطلرکن » افندم ! . . . باباجم ! . . .

« جلال‌الدین »

بیوک پدیریکی کورر سهک سویله کندینه قاووشمدم فقط جنازه سنک
یانده کی عهدیمی برینه کتیردم . سفیده والده کی ده الهه قربان ایدیورم
[جلال‌الدین یانده کی اون بش قدر توایی ایله نهرک کنارنده طورر
صویه آتیلان ونهرک کنارینه کلان تاتار لر ایله اوق محاربه سنه باشلار
برقاج دقیقه صکره نیره وقطب‌الدینک جنازه لرینی نوابعنک برقاج کشی
نیره آتیلر نعلری ساحله چیقار لر]

« جلال‌الدین »

« کندندن کچمش بر طرز ایله » ارقداشلر بوشهیدلری ده قره مطور اغه
تسایم ایدلم تاتارک شردن دنیاده بشقه مؤمن قالمدی ! . . .

پرده قیایر

برده

۵

« تبریزده برکوشک »

کیجه

برنجی مجلس

« مهرجهان — عزالدین قزوینی — نورالدین منشی »

(عزالدین)

ایجه معلومکنز اولسونکه بوکون تبریزک حاکمه سی ملکه حضرت تریدر .
 قادیلرک دولت ایشنده حکمی اولماز دیانلر ، شیرازده سعیده نك ،
 اندلسده صبیحه نك سلطنتلرندن خبردار اولمایانلردر . اوت بوقلعه ایله
 تاتارک هجو منه قارشى طور مق بر مردک بر قهر مانک الندن کلز پادشاه ؛
 اسلامک اتحادی اوزرینه بر دولت قورمق ایستیور بوقلعه نك ایده بیله جکی
 خدمت اودولتک بر تمیل طاشی اولمقدن عبارت اولدیغنی بیلیرز! شوقدر
 وارکه تبریز بوکون قلب دیدکلری مهر عالی به دوشمش فکر دیدکلری
 دولقرای املده بیومش بر نازنین محبتک جهازیدر . بز تسلیمه حاضرز
 اکر بدلنده جهانک اک بیوک پادشاهی زمانک اک بیوک انسانی اولان
 ذاتک کوکلی قدر قیمتدار بر مهر مؤجل ایسترز .

﴿ نورالدین ﴾

بر آز ایضاح بیوریکز که مر امکنزی اکلامق قابل اولسون ؛ بوکون
 بالفعل قلعه نك حکومتی سلطان افندمزک اولدیغنی بیلنلر دنز ، اوحقیقتی
 ادراک ایچون سعیده ویا صبیحه مثالرندن عبرت آلمغه احتیاجمز یوقدر ؛
 فقط سز قلعه نك جهاز محبت اولدیغندن بحث ایدیورسکمز ؟ بنده کنز
 ایسه ذهنده اوجهازک عروسنی بوله میوم .

«عزالدین»

نه وقتد برو عارفله اشارت کفایت ایتماکه بشلا دی جهانک صا -
جه سندن بشقه عروسیمی اولور ؟

﴿نور الدین﴾

دیمک که ملکه حضرتلرینک انا بکدن آیرلدقارینه داتر اینشیدیلان
سوزلر صحیحدر .

(مهرجهان)

اتابک درت آی اول آذجق قلعه سنه چکیلوبده یا تختک محافظه سنی
بکا براق دینی زمان نکاحک کندینه ویردیکی اقتداری ده بنم اختیاریمه
براقشدی .

«عزالدین»

صا زیر که ایشک محتاج ایضاح بریری قالمدی همه بر کره پادشاهک
نوبهار ایامنده یکی طوغش کونش کبی خواب غفلتدن اورینغه باشلایان
کوزلری نوره غرق ایندن شععه اقبالی ایله ملکه نک حزان کیجه لرنده
بدر اولمنه یوزطوتان قمرکبی راحت او یقوسنه حسرت اونش وجودلره
چارشینی سحر بلوطندن بیاض اورتوسنی یاسمن یاراغنک لطیف کوسترن
انوار التفاتی بر مر کزده برلشسون اوزمان حسرت کیجه سی نسبتی
سیاه صاچلرینه بورنمشده او یقویه یاتمش براسمر کوزلک صیرمه صاچلرینی
بوینکد کوکسنه طاعیده رق یکی او یقودن قالمش شفق چهردلی بر قیزه
نسبتی کبی قالیر هاه بر کره جلال ایله جمال بر نقطه دن نجلی به باشلاسون
اوزمان جنت باغچه لرینه بکزه تدیکمز یرلر ایله جهنم دره لرینه مساوی
طوتدیغمز کشورلرک آره سنده کی ماینت کلاره غرق اولمش بر نوبهار
ایله نوردریاسی ایچنده قالمش بر شهر آیین آره سنده اولان قرقی اندیرر .

(نورالدين)

پارلاق ! پارلاق تصورلر ! فقط اوليه شاعرانه حبالره جدي شيلري قارشدير رسه ق رؤياده كيدرديكمز ذوقلري ده حياتك لذت نرندن صاعمش اولورز . نظريمزي ايلروده كي اميده وقف ايدوبده حالي كوز اوكندن قاجيرميه لم . بزه دوشن يابه جنمزي جهانك ياري عمرندن اوزون امكانك ياري وسعتندن بيوك اولان استقباله قدرت الهيه دن بشقه كيم حكم ايدوبيلير ؟ داعيكز بورايه كلك ايچون پادشاهم دن رخصت ايستديكم زمان بو يولده بر تكليفه منتظر دكلم او جهته اراده سني صورمدم . فقط بر پادشاهك الله بر مملكت تسليم اولنه جني صرمد . وجودينه برده روح ثاني اضافه اولنق ايسنينلر ايسه الله جق جوابي كشف ايتك كوچ برشي دكلدر . او جهته رسمي كوزلردن بيك قات فوتلي اوله رق عرض ايدورمكه ملكه حضرتلري شمديدن مطلوبوي حاصل اولمش بيلسونلر .

« مهر جهان »

سز شمدي كيديكز : منلانك خانه سنده بكميكز اقشام اولنجه كندى ده كلير اردويه كيدر سگز سفارتكزي اكل ايدر سگز : امين اولكز خدمتكز قيمت بيلمياناره مصروف اولماز . سلچوقيلرك مذهب مكارمنده كوردكلري ايلكي اونونمق اوغرادقاري فنالفي خاطر . كتيرمك كبي حرام عد اولنور .

« نورالدين »

ملكه حضرتلرينك شو خدمتي داعيلرينه وديعه بيورمقندن بيوك حقمده بر عنيتلري اوله ماز : سايله لرنده ايكي اسلام دولتنك اتحاديته خدمت ايدبورم . جناب حق بريكزي برقرار ايلسون
(نورالدين چيقار)

« مهر جهان »

مولانا! مولانا! سویدیکك سوزلری دقتله دیکلدم فکرنده
 ضیای شفقندن یایلمه کالر نور سحر دن دوکله یاسمنار آچیلور فقط
 افاده لرینی فکر آ آکلیور ککوکل طویمیور قلبه بر لسان ویروبده
 سفارته آئی کوندرمک ممکن دکل که حیاتی ایستدیکم کبی میدانه قویتم
 قابل اولسون بنی دیکله! درت سنه اوتبه کنک نکاحنده ایدم. کنجک
 نور بهارینک اک رونقلی اک پارلاق زمانلرینی سزک شو حر مسرای
 دولت دیدیککز اسارت زندانلرنده کچیردم. بهار ایامی زندانه آتمش
 جلاد ننده قلمش بیچاره لک بلبل صداسندن بشقه نه اکلنجه سی
 اولور؟ بنده او مدت ایچنده بر اکلنجه م وارسه خلق آرمسنده
 شاعر دینلان ظرافت بلبلرک نغمه لری ایدی محبتک پک چوق خیالی
 تصویر لرینی کوردم جمله سنده کوکل صباوتاه شباب آرمسنده دوشدیک
 سرده نازلی اویقوسندن کوزلرینه طولان نور آفتاب ایله اویاتمش بر
 نازنین کبی اک معصومانه اکلنجه لک قوتلی امیدلر ایچنده بر طاتلی
 غفلت بر جان پرور راحتته مألوف ایکن بصیرتی بارقه حسن ایله
 آچیلور. اطرافنه باقیور کندینی بیک رنگه بویاتمش نورلر بیک رنگه
 کیرمش لطافتلره مزین بر جنت ایچنده کوریور. تنفس ایتدیک
 هوای حیات رایحه سیاه آباق آتدینی طوپراقلری روح جوهر ایله
 آوده ظن ایدیور. عمرینک کیدیشدن مهتابک انعطافیه سروسنلر
 ایچنده قلمش بر نهرک کنرا تی سیر ایدر کبی لذت بولیور کلبشندن هر
 روحک متحسر اولدینی جاودانی سعادت « قالوبلی » دن بزی کندینی
 آرایه آرایه اوکنه چیقمش کبی سرورندن غشی اولیور حالی دوشوندکجه
 « فک غالباً دنیا طن اتمشده بنی جنته کوندرمش همده کلبشم او ایدی

زہتکاکہک بہار ایامنہ تصادف ایتمش « دیہ جکی کلیور . صکرہ آردیہ
 یادہ اولدورمکدہ انسانیتک طالعی اوتادیرہجق بر رقابت یا مایوسیت
 جانلاندرمقدہ موت ایابہ باربشہجق بر فرقت یاروح از مکدہ اللہت
 حشمنی آندیرہجق بر انفصالی پیدا اولیور! اوبیک رنگہ بویتمش نورش
 ییلان نقشندہ اوینیان تموز حرارتندن اوبیک شکاہ کیرمش لطافتلر
 روزکار اوکنہ دوشمش آتس طوفانی اویماقلرندن قورقنچ کورنیور .
 انسان ہوانک ہر ذرہ سنی بر طاملہ زہر ایابہ ممتزج بولیور . ہر دقبقہ سنی
 بر انسان لاشہ سنک خلاصہ سندن عبارت کورنیور بر قاچ کون اول
 بہارلرہ غرق اولمش بر جنت قیاس ایتدیکی مختہ خانہ نی فانی اولدیغی
 ایچون عذاب ابدینک مجموعی بر قاچ کونک زمان قانسدینہ حیقمش
 بر دوزح قیاس ایدیور . یابوشدئی انفعالات ایابہ از بلوب محو ولیور .
 یاعشوق ہر بلاسندہ بر لذت بولغہ چالیشیور . نظرندہ دوکدیکی قانلی
 یاشارک ہر قطرہ سندن کالر ایچندہ قالمش بر چمن ظن ایتدیکی آہلرک
 ہر ذرہ سندن خورشیدہ غرق اولمش بر فاک پیدا اولیور .

(عزالدین)

جان محبتی از لدن بری حوریلکنندہ بولتمش قدر کوزل تعریف
 نیورنیورسنگز .

« مہر جہان »

خیر تعریف ایتدیکم جان محبت دکل ! اوبربشتمہ عالم اوبرغریب
 تماشا فقط حیفا کہ تنہای شانندن اولمیان ابعاد تحلیلدن بشتمہ بر پردہ
 وجودی یوق بن محبتی اوشکلدہ کورمدم . اوطرزدہ حس ایتدم
 سودیکم شباب طراوت کبی جمال رونقی کبی تزیناتدن تجرید اولتمش
 بر محیل وجود دکل عادتا انسان بن جلالی انسان کبی سویورم !

انسان کبی هر درلو کالاتیه هر درلو نقابصیله برابر سویورم . بوندن
 اوج کیجه اول شو بچر ددن خوارزمیلرک خندق کنارینه هچوملریتی
 سیر ایدیوردم قارشمزده کی آغاجک آلتنده قلنجه طیانمش بری
 طورییوردی برصورتده برمه استده طورییور ایدی که کویا قلنجیک
 اوجی شو قوجه دنیانک کوکسته باصممشده لسان حالی ایله فرمانمه رام
 ون ایانک آلتنده سک دیوردی : ... اردوده یانان مشعللرک قزلغی
 یاری اندامنی تنویر ایتش برطرفنی بررنک آل ایله مخاوط بر حنیف
 نور ایله متسوج احاطه ایش برطرفنی اوضیانک قویو برانعطاییه ممتزج
 بر محسوس قرا کلق طوتمشده پیش نظرده او قدر عاشقانه او قدر غریب
 بر لوحه تماشا پیدا اولمش ایدی که کور میانره تعریف ایتک دکل کورنر
 ایچون عینیه حافظیه نقش ایتک بیاه قابل دکلدر . یللم بیلیرمیسک ؟
 بعض لطافتار واردر که قدر تک کالنی جامع اولدینی ایچون عالم حیالده
 بیله نظرنی کورمک ممکن اوله ماز بن اوسیمایی کوردم اوله بر زمانده
 کوردم که روحده نه قدر قوت نه قدر قابلیت وارسه هپی نقطه نظر مه
 طویلانمشدی کونشدن بر آز قرارمش بر حالده که کونش حنکه حسد
 ایتش رونقنی آزالتمه چالشمش یاخود که آفتابک ضیامی بیله نور جاننه
 تقرب ایدنجه قرا کلق کورونمکه باشلامش صانیرسک ! ... اوده بزم
 قدر بر انسان فقط بزم قدر بر انسان کورنیرکن بتون دنیادن بیوک
 بتون دنیایی همتک تضییق آلتنده از مکه مقتدر بر وجود اولدینی هر
 حالده هر روشنده تجسم ایدوب طورییور ایدی ! ... آه عجبای دنیا کبی
 نی ده آلماتق ایستیه جگمی ؛ دنیا کبی نی ده اغیار نظرندن
 قصقانه جگمی ؛ دنیا کبی هر حاللی هر طوریمی امرینه آرزوسنه توفیق
 ایتک ایستیه جگمی ؛ اوبوکلکده بر باد شاهه البتده بر عالم کنایت ایتز

نجی دہ ذوقنی حکمنی انفاذ ایچون یرادلش بر بشفه عالم کبی طو ته جقمی ؟
 او بیو کلکده یرادشاهک کوکلنده دنیا ایله رقابت ایتمک بکا نصیب
 اوله جقمی ؟

(عزالدین)

افندمز ! جهانی بتون بتون جلال الدینک الله مسلم قیاس
 بیوریورسکز . حالبوکه اوغرا دینی انہزاملر حاصل ایتمدیکی غلبه لردن
 زیاده در .

« مهرجهان »

آنک اک مصیبتلی برانہزامنده اسکندرک جهانگیر لکندن زیاده شان
 اولدینغی دوشنمیورمیسک ؟ کورمیورمیسک که اوغرا دینی یرلر محو اولمش
 بتش ایکن بر کره دها وجود عالمه کلیور . قوجه ملت اسلامیه نیک تحمل
 ایده مدیکی صحبتی یالکز آنک کوکلی استیعاب ایتمش تک باشنه فلکه قارشو
 کایورده بر قوجه کره بی طالک پنچه سندن قورتارمغه اوغرا شیور آه
 فلاکت زمانلری قهری آلتنده از یلوبده آیلرجه بر خنده التفاتی بکله مکده
 انسان عمر ایدین بیوک لذتلیر بوله جق اک کوچک بر تکدیر نی جهانک اک
 بیوک اماندن عالی بوله جق قدر مفتونی اولدینغیمی بیلمم که ایستدیکم کبی
 آ کلامغه مقتدر اوله جقمیسک ؟ ...

« عزالدین »

مأموریمی غریب بریوله سوق ایدیورسکز بزکندی میزی بر آز آغر
 طومز سق مطلب میزی سیاسی بر مقصد حکمنده کوستر منسک تشبثا مزدن
 نصل موفقیت مأمول ایده بیلیرز ؟ سزانی کوردیکز سودیکز یا اوسزی ؟

« مهرجهان »

سویله سویله نه سویایه جککی بیلیورم بیلیورمده بلماماک دوشونماماک

ایستیورم؛ کنیدی آلتیورم فقط حیاتم اوغفلته منحصر. روحم اوغفلته غدا بولور! سوزلریمی عجایبی بولورسک؟ بیلمز میسک که حیات بیه یالکز غفلت سایهسک چکی نور. دنیاده انسانک سعادتق غفلتدن عبارتدر غفلتی اورته دن قالدر عمرک هر دقیقه سی آرقه سنده بر اشک کنجه آتی سورو کلایدرک کذار ایتکه باشلار. مقصدیمیزی فکر سیاسی حکمنده کوسترمکی دیورسک جلالک کولکی نرور تله مجبوریتله می بکا میل ایتدیره جکسک؟ اوقابی کیم اجباره مقتدر اوله بیلر؟... بونجه سنه لر در دنیا اوزرینه یقلیورده صلابتنه خلل کلیمور بونجه سنه لر در قضانک پنجه سنده یوغریلیورده ینه ازنیور امیدم یالکز آنک مرحمتنده در برده شاید بو قدر خالص بو قدر شدید محبتک بر معنوی تأیری بر روحانی جاذبه سی اوله بیلر.

« عزالدین »

سلطان جلال فی الحقیقه بر مبرم احتیاج کور نمکجه اسلام آره سنه قلیج دوشور مامکی پک زیاده التزام ایدیور!... اسلام غیرتی ملت محبتی نمایشلرینی مقصدی ایچون اک بیوک بر سلاح ظفر عد ایش اوسلاحی تهریزملکیله افندمن کبی خزینة اقبالنی تزین ایدم جک برقیه تلی جوهره نائل اولمق امکانی مقایسه ایدنجه فکر مزه بزدن زیاده مروج اولمق لازم کلیر فقط زه لازم اولان ینه احتیاطدر داعیکز دنیاده چوق الله قولی کوردم هیچ الله آدمی کوردم .

« مهرجهان »

آه باق بو آدمه نه لر سویایور! کونش بیه چرکابه منعطف اولنجه لطافتنی غائب ایتدیکی کبی بونک مرادر کولکنده اتوار معالیدن مخلوق اولان جلال نه قدر چرکین عکس ایش منک فکرک احتیاطک لازم دکل شمعی قلعه نک آناختارنی آل کتیر، سفارینی نیم ایستدیکم یولده طوته جقسک


لسانتي بر جاريه ايله بر جهانگير پادشاه آرسنده ياقيشن عبوديت شيوه سندن
 آرميه جتسك جلالى تضيق اتمك ايستيان نظر مدد جنكيزدن آلچق اولوز.
 «عز الدين»

فرمان سزك ! ... «عز الدين چيقار»

«مهر جهان»

نه پيام كو كلمه بر لسان و يرو بده جلاله كوندر مسك مكن دكل كه
 حسابتي ايستديكم كي ميدانه قويه يم .

«رذه اينر»



«برده»

۶

«تبریز پیشکاهنده بر کوشک»

«برنجی مجلس»

«زاهده - جلال الدین»

«زاهده»

پادشاهم غیاث الدین مرتبهجه برادنا قولکیز . برادیش جدهده بر
وزیر یکزدر ایکی جهتهله مرتکز . ایوقت کویسترر . پدریکزک نکاحی شرفی
اوزرمده طور یور جاریه کزه عنایه قصورلرینی عفو پوریکز . ایتد
کارینی کنجککنه تجر به سز لکنه باغشلا میکز اطرافنه طوپلانان امرانک
حفظ جاه ایچون آدم آلتا مقده شیطان ایله باریشور مقوله دن اولدقلری
معلوم شاهانه کزدر . بیچاره یی اغفال ایتدیلر دها معصوم ایکن
پدریکزک قوجاغنده رفیقز اولان غیاث الدینی بوکنجکک علنده دولته کزه
اقبال کزه بیکانه طوتمق شانکزه یا قشماز .

«جلال الدین»

بن برادرمه نه وقت بیکانه بولندم که بوستمره لایق اوله یم کندمدن
پدریمک قوجاغنده طو تدینی یری بلکه قصقاتم شدر . فقط بولندیم
تحت سلطنتده اوتوردینی کوشه یی اسیرکه مک خاطریمه بیله کلمدی ؟ ...
استقلال دعواسنه قالشیدیه ینه برشی سویلدم نه یاپدی ایسه ماضی کبی
معدوم نه یاپمده ایسه حالی کبی زائل عد ایدیورم نه زمان استقباله نظر
ایتسم موت قدر فاجع آخرت کبی هنال کوردیکم ایچون ایلروده نه
یپاجغنی دوشونمک بیله ایستیمورم کندی شمدی به قدر بندن ممنون
کورینور ایدی برشکاتی وار ایسه هیچ اعتراض ایتیمکز سویلیکزده
ایجابنه باقیم . والده جکم !

(زاهدہ)

آہ عاجز برقادینہ اللہدن زیادہ قورقدینی پادشاہنی الکز زیادہ سودیکی
 اولادی ایچندہ بولمق نہ بیوک دولت ایمش ! مبارک لسانکزدن والدہ
 تعیرینی ایشتدم اوشرفلی صفتک وظیفہسنی یرینہ کتیرمکہ المذن کلدیکی
 قدر چالیبیر ایسہم معذور بلکہ تحسین بیوررسکز ایکی کوزم پادشاہم
 غیاث الدین جاریہ کزہ برشکابت بیان ایتمدی افندمن ایسہ حقندہ
 مسامحہ کزی احسانکزی تعریف بیوربیورسکز ! ... جاریہ کز او
 مسامحہ نک او احسانک ہر دقیقہدہ بیگ درلودلائلی کورمکدہ یم شو قدر
 وارکہ بر طرفدن او غلمی وہمہ بکزر بر خفی اندیشہ هیچ بر شیئہ
 بکزدہ من بر کیزی تلاش ایچندہ کوربیورم بر طرفدن دہ ذات ہایونکز
 کبی حالی مشکوگ استقبالی قورقنج برشکلده کوربیورم

(جلال الدین)

نہ پاپیم والدہ ! غیاث الدین وہمہ دوشیورسہ قلبکہ حکم یکمز کہ
 قلبنہ فوت ویرہ یم . حرکتی حالنجہ استقبالنجه کیسہ یی ممنون ایتیمہ جک
 بریولده کیدیورسہ عقلی دکلم کہ افعالنی ایستدیکم کبی ارادہ ایدیدم .

(زاهدہ)

پادشاہم بوانفعالنی سوزلریکز طاتلی زہرہ بکزدہ یور . بر طرفدن
 انسانی لذتباب ایدرسہ بر طرفدن جکرلرینی پارہ لیور .

(جلال الدین)

خدأ بیلور انفعال ایلہ سویلمیورم کوکلمدہ کی حسیاتی نقش
 ایدیورم .

(زاهدہ)

ایکی کوزم ہم غیاث الدینک ہم برادریسکز ہم پادشاہیسکز .

اطاعتکز اوزرینه ایکی جهتله فرض اولمش کندینی قرداشجه تربیه پادشاهجه اداره بیورسه کز اولزمی سیاتی قرداشجه سویلسه کز پادشاهجه عفو ایتسه کز البتده متنبه اولور . البتده اثر هایونکزه کیدر دنیاده کونشه قارشو کلوبده نور آلیه جق وجودمی اولور . اسلام ملکترینک یاریسنی کوستردیککز فدا کارلقلرله کندیکزه بند ایتدیکز وقتیلله یوز تاتاره مغلوب اوله جق قدر مختکشلک کوسترن یرلر بیراغکزک سایه سی اوزرینه دوشنجه دشمنک عمومنه قارشو طور دیلر بتون جهاندن مرد اولدیلر . اوفیض اوتربیه بی الکریبکز اولان غیاث الدینه القا بیورمز میدسکز ؟

(جلال‌الدین)

والده ! والده ! اوبخت ایتدیکک فوق العاده حاللریم تأیرمدن دکل اسلامک معجزاتی بقیه لرنددر !

﴿ زاهده ﴾

جاریه کزده اوغلمک تربیه سنی او معجزه لر دن بکاسه م خطایم ایتمش اولورم ؟

(جلال‌الدین)

صاقین^۲ والده صاقین ! او معجزه لرک شمانی تربیه قبول ایتیانلری محو ایتمکدر الله قلنجیاه اوینانلمز !

(زاهده)

پادشاهم ! دهشتدن دینلم طوتیلور !

(جلال‌الدین)

سزاخوت سلطنت صفتلریه مراجعت ایتدیکزمی بن دده قرداشمک هر حالی عفو ایدرم پادشاهجه برقصورینی کورمک ایسته م .

(زاهدہ)

جاریہ کزک نیازم بویولده دکلدر .

جلال الدین

بشقه در لو حرکت المدن کلز سزک دیدیککز کبی یابدقارنی هم اخطار هم
 عنوا یتک زمانک احتیاجنه بتون بتون مغایر دوشر کوکلاردن حکومتک
 حیثیتی محو ایدهم پک جدی بر زمانده بز والده ! ... او یله مسخره جه معامله
 لرله اسلامک قوتی محو ایدهم . بن بن آهندلانه طور اتمدقجه کیمسه نک
 قلبنه بر آز صلابت کلیور مقصدیکز او غلو کزک راحتی ممنونیتی دکلی ؛
 بن آنی بشقه صورتله حاصل ایدهم کندینه اطمئنان ویر یرم قوللانیدیغی چهرة
 مستعارینی سیاسندن رفع ایتدکه چالیشیرم امین اولکز ! شمدی دائره کزه
 کیدیکز کوره جکم آدملار وار

زاهدہ

اراده پادشاهمک ! ... « کندی کندینه » یاربی یاربی او غلمک سعادتتی عنایتنه
 حواله ایتدم کندیغی اصلاح ایت صلاحتی ده او یولده اعاده ایله ! ...
 « زاهدہ حقیار »

جلال الدین

بیچاره قادین ! ... سعیدن امیدینی کسمش جناب حقندن عنایت بکلیور
 زردن دوشونسونکی اللهمک توفیقی ده استعدادده منتوندر .

ایکنجی مجلس

جلال الدین — خدمتکار

جلال الدین

طیشاریده کیمار وار؟

(خدمتکار)

ملك نصرت اياه امرادن اورخان بنده لریکنز وار فرمان هایونکنزه
انتظار ای دیورلز .

(جلال الدین)

کسونلر برادرده سویلیکنز آنی ده کورمک ایسترم بشقه کلان
اولورسه خبر ویرک کیمسه بی رد ایتیک : ...

(خدمتکار)

فرمان پادشاهمک ! ... « خدمتکار چیقار »

(جلال الدین)

« کندی کندینه » بقالم بو کونده نه غریبه لر کورجکنز کونش
طوغدقجه کویا بشقه بر عالم وجوده کلیور انسان انسانه مملکت
مملکته دنیا آخرته نه قدر بکنزه من ایسه کون کونه او قدر مغایر ظهور
ای دیور قدرت فاطره متنوع حادثه ابرازنده اولان کالنه برهانلر کوسترمک
ایچون بو زمانیی اختیار ایتشدنر ؟ نه در ؟

اوچنجهی مجلس

جلال الدین — غیاث الدین — ملك نصرت — اورخان

(جلال الدین)

بیوریکنز بقالم ایشلر نصل کیدیور ؟

(اورخان)

عسکر بر ایکی کیجه چالشمقله خندق هر طرفنی صار دیلر
پادشاهم ! رخصت بیوررایسه کنز بر شدتلی هجومه قلعه بی ضبط
ایده بیلورز .

(جلال الدین)

اوت بر شدتلی هجومده قلعه یی ضبط ایده بیلیریز . فقط خندق
اسلام قانیله طولدر مق لازم کلیر بنم المذن کلسه اسلامک یره دوشن
کولکه لرینه جان ویره جکم سن قوجه بر مملکت خلغنک یره سرلسنی
ایستیورسک ایچنده انسان اولدقدن صکره قلعه یی نه پیام جنکیزلرله
طوپراقلمی محاربه ایده جک ؟ اسلام ملکنی تاتارلر المذن دیوارلرمی
قورتارر ؟

(اورخان)

باری مساعده بیورسه کزده بزده بر ایکی منجنیق ترتیب ایتمسه ک
تلفات ده آز اولور .

(جلال الدین)

نصل منجنیق ؟ قلعه ده که اسلامک باشنه طاغ پارچه لریمی آته جغز ؟
و قدر سیاً تمزله برابرینه جناب حق اوزریمزه طاش یاغدیرمیور جناب
حقدن ده شدید العقاب اولمغه می قالقیشهلم ؟

﴿ اورخان ﴾

پادشاهم ! قلعه یی ضبط ایتمک ایسته میورسه ق بورایه نیجون کلدک
ایستیورسه ق نه ایله ضبط ایده جکز ؟

(جلال الدین)

امید ایدهرم قاندن سیالر پیدا ایدوبده قولرینی آنک زوریله آچغه
مجبور اولمیز !

« ملک نصرت » ملک نورالدین حالا عودت ایتمدی :

(ملک نصرت)

کلدی پادشاهم ! دمین قارشیدن بر قاچ آتلی کورنمش ایدی

احتمالکه آنک طاقمی در .

« اورخان »

آتا بکک الندن قلیچ دوشمدکجه قلعه نك مفتاحنی آلق مأمواک

خارجنده در .

(ملک نصرت)

آتا بک آلدیجقده قلعه نك محافظه سنی حرمنه بر اقمشدر .

﴿ جلال الدین ﴾

نه دیر سکز عجبار جولینن ده ملکه نك قارینلغنه تبدیاه مقتدر اولمشمیدر ؟

« اورخان »

نور الدین کمدکجه نه دیمش اولسهق رأی اولمز ظن ایددرم پادشاهم !

(جلال الدین)

« غیاث الدینه » برادر ! سن نیجون حال طییمیده دکاسک ؟ چه ره .
 که واهمه کبی شکلی آکلاشلمز بر نقاب غارض اولمش . نظر اطر افنده
 طولاشیور فقط نه قدر یا قلاشسه سیاکه التصاق ایدهمیور کندک
 میدانده کیزیورسک ماهیتک محوس ! کویا سن آرده دن غائب
 اولمشسکده برینه تردد دن بر مخلوق وجوده گلش کبی دایما بر وضعک
 بر وضعکی نقض ایدیور . دنیا به بکزه یورسک . کونش تاباشنک
 اوزرنده قرار ایتسه ینه بر طرفک قرا کلق طوره جق ! ... بلکه کیجه
 قرا کلقده مکنوز اولان خفایابی کورمک ممکن اوله جقده ینه بوظلماتی
 طوروشکده نه سر صاقلاندیغنی تخمین ایتک قابل اولیه جق ممنون
 ایسه ک کشایشک زرده متأثر ایسه ک غضبک نیچون کورنمز ؟

(غیاث الدین)

بیم کبی عاجز بر بنده نك کشایشنده غضبنده نه حکم اوله بیلور ؟

(جلال الدین)

بویله برجوابه هیچ انتظار ایتمیوردم بنمله برابر بولندیغک کوندنبری
عجبانه املک وار ایدی ده وجوده کلدی مالک بولندیغمز سلطنتک
هانکی جهتنه اشتراکنی دریغ ایتمک یوقدن کندینه بر عاجز عنوانی
طاقیورسک ؟ سنده کندی خیالک ایچنده کندینه یاس ایجاد ایتمکی
مرحومدمنی او کرندک ؟ سویله بقالم بزدن شکایتک نه در ؟

« غیاث الدین »

استغفرالله پادشاهم ! افندمزدن شکایت کیمک حدیدر .

« جلال الدین »

سنک حدک اولسون ! دیمک شکایتک اوراده بیاننی حدنک
خارجنده کوریورسک نه ایسه سویله بن رخست ویریورم حتی
رجا ایدیورم .

(غیاث الدین)

خیر پادشاهم ! هر سوزمدن آری برلسان پیدا اولسه یینه
افندمزدن کوردیکم نعمتارک شکرینی ادا ایدهم برعاجز بنده کز ایکن
پادشاهدن معزز طوتیورسکز عندمده افندمزه قول اولمق قولکنز
کبی مخلوقاته بیک قات اولادز .

« جلال الدین »

دیمک شکایتک بندن دکل بونلردن ؟

« غیاث الدین »

قولکنز کیمسه دن متشکی دکلم ! فقط برچفتجی اوغلی بیله باباسنک
اوراغنه بکزر برقلیچ طاققله امیر طوغدیغی کلبه قدر برشهر ضبط
ایتمکله ملک کچنوبده خاندان سلطنتک اعضاسیاه مساواتدن دم اورر

بلکه کندی بیوک‌کنی پادشاه اولادینک قدرینی کوچونمکه کوسترمک
ایسترنه بالطبع کوجه کیدر .

« جلال‌الدین »

برادر ! شکایتک کیمدن ایسه شخصی تعیین ایت بکا کوسترکه
بنم ایچون ایجابنه باقی ممکن اولسون .

« ملک نصرت »

پادشاهم : برادریکزک مقصدی قولکوزم ملک تعریلهده ایما ایتدی
فقط ایما ایتسهده حقمدهکی انفعالری برقاچ کوندیری بنده کزجه
معلوم ایدی . برایی کره یولده تصادف ایتدک قرشیلرنده معایب
تجسم ایتمش قدر استکراه ایله یوزلرینی بشقه طرفه چویردیلمشمدی ده
حضور کزده تحقیر ایدیورلر عدالت شاهانه کزه ایجا ایدرم جواب
ویره جکم حدیمی تجاوز ایدرسم جزاسته راضییم . « غیاث‌الدینه »
بن دولتی عنوانمی پدریمدن بولمدم بو حال بکا برتقصیر دکل شرفدر !
ایجه معلوم دولتکیز اولسونکه دییاده کیمسه آناسندن بیوک طوغمز
خوارزمشاه سلطنتی تاسیس ایدن ذات‌ده اودواتی پدرندن بولمامشدی
مشاهده بیوررسکیزکه هر کسی شان واقبال میدانلرنده کیم ایلروده
بولنورسه آنک آرقه‌سندن کیدیور . مقتداسنک اصل منبری سلطنت
سراییمدر ؟ فقراچادریتمیدر ؟ صورمیور . بلمدهکی قلیچ اوراقدن
بوزمه ایسه نه بیوک افتحاردورکه اوزرنده پک چوق پادشاهلرک
سلاملرندهکی یاقوت پارچه‌لرندن زیاده قان طامه‌سی بولنیور . المدهکی
قلعه برچفتجی قلبه‌سنه بکزرسه نه قدر شایان عبرتدر پک چوق پادشاه
زاده‌لرک بابالرندن قالان مملکتلر بشقه بردنیا ظن اولنه‌جق قدره‌سعتیابه
برابر ازیله ازیله براوچ دشمنک قبضه‌سنه صیغورده اولنم کندی

قلعجمله قزانديغم قلعه جك سد اسكندري پايمل ايدن قوجه قوجه تانار
 اردولرينك اوكنه حائل اوليور مشركارك صدمه قهرندن توحيد
 عالمك بو طرفلريني « جلال الدين كوستردرك » شو قهرمانك قلب
 جوهرى محافظه ايتديكي كبي اوراده كي يارچه لريني بزم برقاچ طاش
 ييغيتيسي وقايه ايدر ! ...

(غياث الدين)

« جلال الدينه » بوتقدير لرده ، بوتحقير لرده باقك ناموس پادشاهي
 آياقار آلتنه قالمسنه تحمل ايدرمي ؟

(ملك نصرت)

« غياث الدينه » برادريكزه باقمكز ؛ سلطان جلال الدين جلال
 الهى كبي دنياني لرزان ايدده جك برقوته مالك ايدن خصلت ؛ حقيقت
 بيلمكده كوسترديكى بيوكلكدر بود عواده آندن معاونت اميد ايتمك حقسر
 ايشده حقدن عنایت بكلمكه بگزير قولكيزه توجيه خطاب بيوريكز
 بنده كزي تكدير ايديكز ؛ ولي نعمت زاده سگز هر معامله كزه تحمل
 ايدرم پدريمي تحقير ايتديكز پدرم ظن ايتديكز كبي چفتجى دكلدى
 سلاحك جوهريني دنيايه بكندير مش برعسگر ايدى . ولو كه چفتجى
 اولسون ينه تحقير ايتمك سزه دوشمزا ايدى . چونكه بندكزه ملك
 عنواتى همزك ولي نعمتى اولان پدريكز احسان ايتمى ؛ ملكذاده
 اوليانارده ياخود سزك ظنكز كبي چفتجى اوغلى اولانارده ملك صفتى
 ياقتماز ايسه اويله اهليتسزله اوصفتى ويرن ملوكده پادشاهارده
 پادشاهلق ياقتماق لازم كليز . اقدمز هم بنده كزه حقارت ايتديكز
 همده او حقارتلر صرده سنده استناد ايتديكز نجابتك شانى ، پدريكزك
 افعالى مدافعه ايتمكى ينه بنده كزه براقديكزه آنك ايچون بو قدر

سویلندم طوردم حطا ایسه معذور طو تکزده انفعالکزه حد تکزه
نه دن لایق اولدیغمی بیان بیوریکزکه بنده قصوریمی اصلاحه چالیشهیم.

(غیاث‌الدین)

« جلال‌الدینه » پادشاهم ابشید بیورسکز آنه سویایور بنده کزی
بو قدر دلخون ایتمک صحیحاً شانکزه یا قشماز .

« جلال‌الدین »

طوغری سوز اوق دکلدرکه انسانی دلخون ایتمسون ملکدن
کوردیکک سوء معامله نیچون آئی سویلمز سگده شخصنه طوقنور
اوزینه مقابله دعوت ایدرسک ؟

(غیاث‌الدین)

پدشاهم ! بو قدر شتم ایتدکدنصکره آنکاه مخاطبه ده می تنزل
ایده جکم ؟ آچقلغک بودرجه سنی دائره کزده کی سابسدر بیله قبول ایتمزه

« جلال‌الدین »

زده شتم یوق آچقلغنی ایجاب ایدن حال ایسه هیچ یوق آنکاه
مخاطبه تنزل ایسه بکا سویلمکده تنزلیدر ؟

(غیاث‌الدین)

استغفرالله ! ... افندمزه سویلرم ! ... بنده کزک دائره سندن
آیرلمش برسپاهی بی یانه آلق آنک حدیمیدر ؟

« ملک نصرت »

سبحان الله ! برداردن آریلان سپاهی البت اکمک اینستر بشقه
بر طرفه انتساب ایدر یانمزه کلمک ایستیان عسکره سرگذشتی
صوردیغمز وارمیدرکه بنده کز خدمته آدیغم برسپاهینک افندمزدن
آیردیغنی نه بیاهیم . طوته تم که بیاهشم بر مسلمانی یانمدن رد ایدوبده

جنکیزمی تسلیم ایدیم : قوکنزی سد ایتدیکنز آدهم اللهک هر
 قوسیده مسدودی اولق لازم کلیر ؟
 « جلال الدین »

برادر ! برادر ! ... بواظا پرستلکه بر نهایت ویر جنکیز بیوک
 والدهمزی کوچک قرداشلریمزی اسیر ایتدی . زنجیرکده ایکدی بیور
 تبعه مزک یاریسنی قلیچنک آتته آدی . دیری دیری مزارلق طوپرا -
 قلمینه صوقیور سن آنلری دشونمورسکده برسپاهی ایچون برمسئله
 چیقاره جقسک اویاهمی ؟ بو قدر مصیبت نخوتمزی قیرمغه کفایت ایتدیمی ؟
 فلکک بونجه حقارتی کوردک بر تاتار کوچیه سنک سایلری قدر خیشتمز
 قالمدی حالا بز بهوده یره نخوتی ساخته عظمنی شان سلطتدن لوازم
 دولتدنی عد ایدوب طوره جغز .

دردنجی مجلس

اولیکلر — بر ختدمتکار — صکره نورالدین

(جلال الدین)

« خدمتکاره » نهدر ؟ (خدمتکار)

نورالدین منشی بنده کز ، حضور شاهانه کزده یوز سورمک ایستیور .

(جلال الدین)

کلسون ! ... « غیاث الدینه » دائره که کیت برادر نورالدین چهره کی
 کورسه سنی انسان اندامنده یرادلش بر بشقه مخلوق ظن ایدر
 دنیاه مسخره اولدینغمز الویردی کندی آدماریمزه ده بر وسپایه
 استهزا و یرمیهلم « غیاث الدین چیقار » « اورتهیه » یازق ملت اسلامیه
 مظالم سایه سنده آلنان تربیه الک بیوکلریمزی انسانلرک دکل حیوانلرک
 بیه دوننده بر ایش بیلان طبیعتنه کیره شمر نه قدر بیوسدک آلچاقندن

قورتیاه میورز « قپودن کیرن نورالدینه » کل بقالم مولانا چه رکده بر
بر باشت وار انشالله خبرلرک خیرلیدر .

(نورالدین)

اوقدر خیرلی که پادشاهم ! دنیا به کادم کلاه لی زمانده بویاه مسعده
کور مدیکم ایچون عالم بر کیکجه نك ایچنده بر کره دها ید خاتمندن
چکشده طبیعتی تحویل ایش ظن ایده حکم کلیدور .

(جلال‌الدین)

بو قدر فوق‌العاده بر خیرنه اولسد کرک ؟ عجباً جناب حق تبار
ستانک موقفی دنیادن اسفل جحیمده می تحویل ایتدی ؟ یوقسه ناصر دن
سلسله نلغه یاقیشیر بر حرکت می صادر اولدی ؟

(نورالدین)

خیر ! بوده آندره یقین بر حال پادشاهم ! تبریز قدم هایونکره
حاضر طور یور هم خصم لریمز یالکتر قلعه بی ویر میورلر . مهر جهانی
ده آغوش التفانکره عرض ایدیورلر . حتی ملکه تبریز علماسندن
عزالدین قزوینی هم قلعه نك تسلیمنه هم نکاچک عقیدینه توکیل ایتش
بنده کزله برابر کلدی .

(جلال‌الدین)

نکاه ایچون نهده مسعود بر زمانه تصادف ایتش سور سرور مزده
تبار آلتنده محو اولمقده اولان یوزلرجه مملکتک احتراقنی مشعله ،
یوز بیکلرجه نفوسک فریاد واضطرابنی چالغی مقامنده قوللانده جغز ؟
« نك ملک باقسه کز آطیشاریده بر تلاش وار ! .. » « نك چیقار »

« نورالدین »

پادشاهم ! احوال علمدن بودرجه متأثر اوله جق ایسه خواش

خمسبی بتون بتون تعطیل ایچون زیرزمینه چکامکدن بشقه چاره
قالماز . بر مصیبت زمانه تصادف ایتدیگمز ایچون تناسب لازمه سنی
بینه ترک ایدملده جنکیزک موجود اولان مسلمانلاری بیترمهک غیرتی
یتشمیورمش کبی بزده اسلامک ذریفتی نحو ایتکه می چالیشه لم .

« جلال الدین »

بیم کبی بر آدمک نسلدن نه اوله جق .

« نورالدین »

نصل نه اوله جق ؟ پادشاهم ! اسلامک بیوک قهرمانلردن انک
بیوک محدودلردن بر صاحب ظهورک بر قایح نمونه ذی حیاتی یادگار
قاله جق آنلرله کرچکدن شاهانه کرچکدن مسند اقباله لایق بر
خاندان سلطنت وجود بوله جق انفسدمز دنیادن کیتدکدنصکره سرای
حکومتده اخلاف عالیگز یشایه جق .

« جلال الدین »

« کمال حزنه » بیم نسلمی سنت ایرمنی سوروکلیده سورکلیده عمان عدم .

کتوردی . بکا قطب الدین دن صکره اولاد بکانیره دن صکره ! . . .

« نورالدین »

« لاقردیسنی کسهرک » احسان بیورک پادشاهم ! انسان کچمش
زمان ایچینده یشاماز ماضیده ظهور ایتمش بر مصیبتک بتون بتون
عمریکیزک رفاهیتکه می حائل اوله جق ؟ هم الله یولنه احتیاز ایتدیگمز
بر فدا کارلنی معطی حقیقی یه منت ایدرکبی وظیفه دن تبرئه سنندی
طوتمق فضیلت شاهانه کره یاقتماز . کوکل مقبره دکلدرکه اولولرک
استیلاسنده بر اقلسون .

« جلال الدین »

مولانا ! مولانا بیم یاپه میه جغم تحمیل ایده میه جکم شیلری تکلیف ایتد .

« نورالدين »

اسلامك اڭ كوچك بر فائدهسى ايجون پادشاهمك ياپه ميه جنى تحمل
ايدميه جكى بر فدا كارلغى بولنه ميه جفنه بندكزى اقتاع ايتمك ممكن
دكلدر .

« بشنيجى مجلس »

اولكيدر — ملك نصرت — صكره خدمتكار

« ملك نصرت »

تبريز اهايسندن قاضى قوامالدين كلش افاده لرى وارمش !

« جلالالدين »

« نورالدينه » برادر كلديككز ذات دكلدى ؟

« نورالدين »

خير پادشاهم : آنك اسمى عزالدين ايدى . دمندنبرى طيشاريدى
بكيور .

« ملك نصرت »

اوبشقه او طهده پادشاهم ! قوامالدين شمدي كلدى طيشاريدى
كورولتى او ايدى

« جلالالدين »

كل ! . . . « ايجرى خدمتكار كير » تبريزدن قوامالدين كلش
سويلاده بيورسون

« ملك نصرت »

تشرىفات ايستمزى پادشاهم ؟

« جلالالدين »

پادشاه اولدقسه غيبانه اسير المنى تمهد ايتدك سز هر كسى حالا

تشریفات ایله می قبول ایدرسکڼ؟

(ملک نصرت)

استغفرالله پادشاهم! مشرب هایونکزی پک اعلا بیلیرم . فقط
سفیر در شاید کوز طولدیرمق لازم کلیر دیدمدد آنک ایچون بر
مناسبتسزک ایتدم .

(جلال‌الدین)

اویله کاذب نما یشلرله اوله‌جق سلطنتک بکا لزومی یوق . هله
خدمتمده بولندیغم اودرلو حاله احتیاجدن جناب‌حق ص. قلاسون .

التنچی مجلس

اولکیتر — قوام‌الدین

(جلال‌الدین)

بیورک او‌طورک! ... مولانا کیم طرفندن ونه ایش ایچون کلدیکز؟

(قوام‌الدین)

پادشاهم! تبریز اهل‌بسی مبارک عقبه‌هایونکزه یوز سوری‌بورلر .
بر آلا‌ی نفوس معصومه‌نک محاصره ایله تضییقی شان سلطنته لایق
کورمدکاری کچی پادشاه عالی‌شانه مقاومتی‌ده حدلرندن خارج بیاورلر .
شم‌دیقه‌قدر ایتدکاری کستاخقلرک عفو‌یله اوزرلرندن محاصره بلاسنک
رفعی استرحام ایدیورلرده قلعه‌ده نه قدر مجوهرات وار ایسه هپسینی
تقدیم ایده‌جکلردر .

(جلال‌الدین)

بز طاشک او‌قدر قیمتی جنسنه مائل دکلیز . شهرک دیوارلرنده کی
چاقل پارچه‌لرندن یشقه بر شی ایسته‌میورز اسلام آردسنده بر اتحاد
آریورز حاصل ایده‌بیلدیکمز انسانیت شریعت نامنه قلعه‌ینی تسلیمدر .

(قوام الدين)

مسئله نك جهت شرعى التزم بيورينجه ملاحظه مى سويليه
يلمك عهد و آمان آلفه محتاجم پادشاهم !

(جلال الدين)

نه ديمك ! جنكيز اردوسنده دكليز هر كس حكم شرعيدن بحث
ايمك ايجون بدن عهد و آمان آلفه مى محتاجدر ؟ هيات ! ...
وقتيله خليفه لك مقامه چيتمش ملحدهر جبار عينده هيتياه تهديد
ايتديكي ايجون « الله كسي مخلوقيدن منز اولان قرآن كريم مى
پاره نمش ؟ روز محشرده برينه ملاق اولورسهك بنى وليد پاره لى
ديرسك » كجى بر هذيان كفرانه يى لسانه آلمقدن خوف ايمه مش شمدى
او مقامه كلان بر منقلب ويا اكا تابع جباره حضور لرنده امر الهيدن
بحث ايدن بر مخلوقى نيجون پاره ليوبوده « كيت آخرته بزدن اللهكه
شكايت ايت » ديمكه جسارت ايمسون ؟ سويله مولانا فكر ك نه ايسه
سويله امين اولكه آمان الهيدمك .

(قوام الدين)

مقصد اتحاد اسلام اولنجه او اتحادى خليفه نك مطاوعتنده آرامق
لازم كلمز مى پادشاهم

(جلال الدين)

هانكى خليفه نك اطاعتنده اسلام ايجون اتحاد ، اسلام ايجون
سعادت آرايه جغز مشركلرى موخدرله ناصر مسلط ايمدىمى ؟ جنكيز !
ناصر ك تحريكيله اسلام ملكنك ياريسنى جهنم آتشارينه يا قش ايكن ينه
كنديسنه خايفه مى ديه جگن ؟

(قوام الدين)

احسان بيورديفكز رخصته استناد آشوراسنى عرض ايدهرمكه

پدریکز مرحوم آل علی به طرفدارلنی خوارزمیله بر شیعیت اثری
کوسترمش ایدی .

(جلال الدین)

سبحان الله ناصرهم خاندان نبوت قرابتنی خلافنه صحبت استحقاق
ایدرهم خاندان مجلرینی مشرکک سب قهری آتش ظلمیله محو
اولمغه لایق کورر اولمهی ؛ اهل بیتی طیب و طهارتاه وصف ایدن
جناب حقک قهار اسمنه یمین ایدهرمکه ابو لهب دنیاده بولنسه ایدی
امت محمدیه بو خیانتک بیکده برینی روا کورمزدی ! ... پک اعلا
خلیفه نك پدیره غیظی وارمش کندی مذهبنه دشنه قارشنی هر درلو سلاحک
استعمالنه جواز بولمشده تاتاری دولتک تحریننه انکچون دعوت
ایلش ! ... بوده سزک کبی سلطنتی دین دولتدن مقدم کورنلرغندنده
معذور طوتیلور ایمش ! ... پدرک ارتحالندن صکره شرقده بولنان
اسلامک ریاستی بزه انتقال ایتدی بنم ایسه محمد خوارزم شاهک اوغلی
اولمقدن بشقه برقباحتم یوق ایدی . حالبوکه بن خوارزم شاهک صلبدن
کندی احتیارمله کلدم ابسکوندن چیققدنصکره تاسنده ، اینجه به
قدر ملتیه مملکتیه ایده بیه جکم خدمتله ایچون شان میدانلرنده بو قدر
علنی دلیالر کوستردم قضای مبرم کبی دفعی ناقابل بلای آسمانی مقاومتی
محال عد اولنان تاتار اردولرینی راست کلدیکم یرده قهر ایتدم فخر
اوله رق سسویلیم اسلامک بدبخلغندنمیدر ؛ نهدر عرب و عجمک تاتاره
قارشنی برامید نجاتی قالدیسه بنم طوپلایه بیلدیکم قوتدن عبارت ایدی
ناصر مقلدرک برطاقم یادکارلرک همتیله سند نهری کنارنده کربلا قدر
برمشهد حمیت پیدا اولدقدنصکره نور دیدمی جگر یاردمی الله قابض
ارواحه تسلیم ایتدم کوکام حیاتدن اولوم قدر استکراه ایدرکن جنتیه

آرد مزده ايکي قدمدن زياده مسافه قالمش ايکن اسلامه خدمت
ايچون دولت شهادتدن بتر ايتدم حياتي اميد آخرتمی ده روز کارک
مساعده سنه بر اقدم . بر بالاسيلنه آتدم . ظاهرده دنيا قدر وسعتلي
حقيقتده قبردن صقينتلي بر اقليم ايچنه دوشدم . اوزر يمزده کي کونش
جهنمدن خزارتدن استعاره ايدر شعاه سنک هر نار يابه باشمزه برغز
غين ميل صاپلادی . اياغزک التنده کي قوملر صيبح قلقدده غيا
دزده لر ينک شراره لر يابه ياريشه رق باد سمو مک اوکنه دوشر . اوزر يمه
جانلانمش مزار کي قپلانلر طوکمش ييلديرم کي اژدر لر دوکردي .
ککيرديکم يرلرک هواسنده موت ياغاردی صولرنده ويا
قپناردی انسانلر ينک غيظي خصومتی ايسه او آسمانی بلالری اونوتديره .
حق قدر تحمل کنار ایدی بهرينه و جهان مصائبی ايچنده ديانندن
بشقه برشي دوشوندم . محالاته وجود ويرمه چالشم . اوغراشه
اوغراشه يتش کشي ايله براردو ترتيبه موفق اولدم عراقه کچنجه
جناب حق ميتدن مدارسز ، خيالادن حکمسز بر طاقم مخلوقلر ايچنده
نم ايچون جهان حميت ايجاد ايتدی ياننده کي اردودن بردولت ميدانه
کلدی بو مجربه لر اسلام ايچون ينه بر استعداد حيات بر قابليت سعادت
کوسترمش ایدی . اوکچمش ادوار بردها وجوده کلدی زمانمز بر چوق
عصر لر دن برو فوت ايتمکده اولديغمز معاليچون بردوران حشر اولمق
احتمالی عين حقيقت کورنمکه باشلامش ایدی . ناصرک اغراضنه فدا
اولان يوز بيکلرجه شهدانک قرب الهيده او قودقاری لعنتدن اولسون
قورتلغه حاليه بر استعداد کوردم . احرار مسلميني دوشدکاری فلاکت
زندانلر دن قورتارمغه تقديرده بر مساعده اماره سي حس ايتدم خيال
ايلر ولدکجه ايلر ولدی . امويه نك منتهای غربندن کاشغره ايصال

ایتدیکی نور ایمانی عباسیار دورنده مطلع خورشیده کتوروبده دنیانک
هر طرفنه عالم امکانده ضیادن پارلاق برنور کونشدن بدیهی
بر حقیقت موجود اولدیغنی کوسترمک ایستدم ایشته سزک خلیفه
دیدیککز آمدهده بن بوقدر عالی بر مقصدله مراجعت ایتمش ایدم
کوکلکنده علویته ذره قدر میلی اولانلر اودرجه پارلاق بر تصورک
فعله کلمش محال اولدیغنی لوح محفوظده کورمش اولسه نظرند
بر خطا وقوعنه احتمال ویررده ینه تجربه سز قالدیشر . سز آتی پر یوزند
جناب حقک سایه نورانیسی قیاس ایدیورسکز اوایسه جنکیز دیدکلری
ضم ذی حیاتنک ظل کشیفیدر . آره لرنده یالکیز بر فرق وار اکر
دقت ایدرسه کز بونک ماهیتی جنکیزدن دها ظلمانی بولورسکز او
جنکیزه بر اسلام ملکنی محو ایتدیرمک ایچون تلطفنامه لر ، هدیه لر ،
خزینه لر ، کوندرن یادکار اسلامک موجودینی قورتارمق مافاتنی اعاده
ایتمک ایستدیکم ایچون اسلام صلبندن کلمش ، اسلام قوجاغنده بیومش .
اسلامیتی محافظه ایچون اسلام اجه سیله تجهیز ایدلمش آدمار کوندر دیده
بنی اسلام قانی دوکمه که مجبور ایتدی . بن که عندمده بر مسلمانک
قانی کائناتک جوهر حیاتی قدر قیمتیدر . بنی که ! نظر مده بر مسلمانک
قانی بر آدمک دکل بر دولتک دامن اقبالی لکلکه کفایت ایدر .
ناصرک اسلامه ایتدیکی خیاتی نه یزیددن کوردک نه حجاجدن حریف
ملعننده جنکیزه مقتدا اولیور شیطان اجلک پنجه سنه دوشمدیکه طوپراغی
آنک مزارندن آلمش دیهم . یاسزللهدن پیغمبردن اوتانمز میسکز ! اشع
تعبیراتیاه روانتی کوسترمک قابل اولیان بر آمده خلیفه نامی ویریورسکز .
(قوام الدین)

معلوم هایونکز درکه هر خلیفه اسلامک دنیادن آز کوچک
اولان ملکنده اهل اسلامک علمدن بیوک اولان کوکلکنده هر نه اولور

هر نه پکرسه نظر احاطه به آملق دنيانک بر کوشه سینه کوندره جکی
اردولری نمازده حضورده قلب ايله تجهيز ايتمک او بر کوشه سینه کوندرديکی
عسکرلره ، خطبه لرده رفع صوت ايله تعليم ظفر ايتک کې گرامتاره
مظهر اوله من فاروق عصرنده دکليز پادشاهم !

(جلال الدين)

نصل کرامت ؟ بن وظينه آريوروم . همده وظينه نك يوزده بر
درجه سینه قائلم فاروق اعظمک حتی عثمانينک کعبنه وارمق عصر مزده
مکن اولديغنه باقه جنزده اسلامک اتقراضنه خدمت ايدجک نه قدر
اسباب وارسه جمله می بريره طوپلانسه بر وجود اولسه ده بغدادک
تحت حکومتنه تصور ايتسه آ کاده می خليفه ديه جکيز ؟ تپده چيقان
شيرنجی موقمک يوکسه کلکنه نظر آ اشرف اعضامی قیاس ايدرلر .
آه... آه... ناصر اسلامک مرکز خلافتنه صغنا ميلمی کوندرديکی
حشرات ايله قارشومه کليلمی ده او زمان او زمان کورمليديکه
کندينی حاشا ير يوزينک اللی کوسترمک ايتيانلرده دنيا ده بر او يوز
کوپک ياوروسنک حاله حسد ايتمک ، جهنمه شيطاندن شفاعت امید
ايتک نصل نصيب اوليورمش . فرعونک دوشديکی غضب دريالرنده
غرق اولمق ، اسلام قلنجی آلتنده يره باتمقن اهن ، نمرود کې
باشنی طوقلرله دوشکوزمک ، حيت کوزينه سپر اولمقن حقيقمی ايتمش ؟
هم مولانا ! سن بوراده ناصرک خطيبي ويسک ؟ يوقسه تبريز طرفندن
مأمور ويسک ؟

(قوام الدين)

تبريزدن کليورم پادشاهم ! ناصر دن بحث ايديشم خلافت جهتيله در .
بز خليفه نك لديات احوالنه واقف دکليز ، تحت بيعتنده بولنيوروز .

امری اولدقجه قلعه‌نی نصل تسلیم ایتکه مقتدر اوله بیلیرز .

(جلال‌الدین)

سز نه غریب انسانلر سکنز که قیلچار یکزی بلکزه طاقشکنز
دینک اعاتانه کیدر کبی اخوان دینکنزک مخوینه « مشرکلرک
خدمتته شتاب ایدیور سکنز سزک ایچون لازمه دیانت دنیاکنزی
بوئجه نفوس معصومه‌نک جوهر حیانتدن دار آخر تکزی بو قدر
اخوان دینکنزک قلب محروقدن تدارک ایتکمیدر ؟ ناصرک امرینی
کتاب‌اللهی‌یه نهدن فائی بولدیکنز ؟ جنکیزک طریق ضلالتی پیغمبرک شرع
رشادته نه صورتله ترجیح ایتدیکنز ؟ هم اسلامز دیرسکنز هم عبادتکنز ده
صویرینه شهید قایله وضو ایدرسکنز محراب‌یرینه جبارنه‌نک نقش پاینه
سجده ایدرسکنز اوله‌می ؟ ظن ایدرمکه ابلدسک تلقینیه برعالم وجوده
کلسه‌ینه سکنه‌سی هوای شیطانیه‌یه اتباعده سزک درجه‌کزه وارمنز .

«نورالدین»

یهوده نفس ضایع ایدیورسکنز پادشاهم ! بوزره افهام حقیقت
قابل دکلدز . بونلر زندانک طاشلرینی ارقه‌سندده طاشیان مجوسیلر کبی
از یله‌ازیله چکدکلری بارجهالتدن کندیلرینه برظلمانی محبس پیدا ایتشلر
علمی کیرپکلرینک اوجیله محدود اولان دائرة نظر دن عبارت قیاس
ایدلر لازمه دیانت ، ناموس ملت ، فضائل انسانیت کبی علویاتی خیال
اکندیرمک ایچون خلق اولنمش کبی کوررلر . افعالده کندی منفعتلرندن
مقدس بروظیفه تصور ایده‌مزلر ! ... کندیلرینی اسلامک اکیبوک
موقعلرنده کورمشلرده ملتک کرچکن اکیبوک اولدقلرینه ذاهب اولمشلر
موقعلرینی انسانیتک اجزای متممه‌سندن عد ایدرلر . عظمت الهیه‌ینی
آرده بر بشقه منزل تصور اولنه‌می جق قدر غریب اولان شرف انسانیتی

حاشا ! ... بولندقلری حساسندن عبارت ظن ایدر لر اعما ایچون ظلمتک پرده تقیض اولدیغنه حکم ایتمک نصل قابل اولسون دیوانه یه کندی وهیئتاسندن خارج بر عالم تمیزک وجودینی بیلدیرمک میسر میدر ؟ سؤال بیوریکز تشریف هایونکزی کیم بیلور نهدر لو هوسه حمل ایتشلردر کیم بیلور تصورلرینک نتیجه سی اوله رق بوذاتی حضور شاهانه کزد نه غریب تکلیف لرله کوندر مشلردر .

«قوام‌الدین»

داعیکزه محول اولان تکلیف لرده بر غرابت یوقدر ظن ایدرم پادشا همزه ده عرض ایتش ایدم

«جلال‌الدین»

نی حیدود باشمی ظن ایتدیکز ؟ سفاهتکزدن فضله قلان اموالی بدل امان ویرمک فکر نده بولندیکز . ذهنکزده بولنان شایان قبول بر تکلیف بوله مدیکز اوله می ؟ او جوهر سزک اولسون بر ایج دیواری چویر تمکده قولانیرسکز «یواش یواش اوزرینه طوغری کیدرک شدتله» تبریزک اناختارلری بوکون عسکریمه تسلیم اولنه جق . والاهپکز اقشامه قدر حیانتکزی قابص ارواحه تسلیم ایدرسکز اما آرده قان دوکیله جک ایتش ! هر قطره می بر جهنم آتشی اولسونده سبب اولانلرک جکرینه یاپشسون ! کیت کوردیکک کبی سویله ! ... «قوام‌الدین چیقار»

«نور‌الدین»

انشالله قان دکل عسکریمزک آئندن بر قطره تربیه دوکلمز . قولکزک تکلیفی قبول بیوریکز ناصر تبریز ایچنده کندی ایچون خاوالیه جق بر کوپک بولورسه پک زیاده بختیار صاییلیر .

«جلال‌الدین»

برابر کتیر دینک کیم ایسه آل کل ! «نورالدین چیقار» دره نر ایچنه
 دوشن خاشاکک نذ حسیسلی اوسته چیقدیغی کبی بو یادگار لرده قان
 سیلابه لری ایچنده یولارمان ابنای بشرک الک ایچقلری اولدیغی ایچون الک
 یوکسک مقاملرینه صمود ایتمشلر بر حاللرینه باقسهک دنائتک منتهای
 امکانیدر صانیرسک حسکره بر حاللری دهناظهور ایدرکه اسکینندن بعد
 مطلق کبی حد تصور اولنه، یه جتی قدر آچتی کورینور .

آلتنجی مجلس

اولکیذر - نورالدین - عزالدین

جلال الدین

«عزالدینه» سفارتکزک خلاصه سی نورالدین سویلمش ایدی قبول ایتدم
 «نورالدینه» مولانا سز وکیل اولکز «منک نصرت اباه اورخانه» سزده
 شاهد اولکز ! شمعی عقد اولنسون بو کیجه تبریزده یناجیم ! . . .

عزالدین

«قوینندن چیقاردیغی آناختاری جلالک اوکنه وضع ایدرک پادشاهم
 جناب حق متمعن بیورسون تبریزک مفتاحی بودر. انشالله چوق سورمز
 اناختار لرینی ده بونک کبی پیش پای هایونکرده کورر سکز . امر بیوریکز
 یانمده کی میرالردن برینی مژده یه کوندره یم عسکر آنکله برابر کیده بیلور
 قارشیده مزاحم یوقدر .

جلال الدین

هایدی اورخان ! عسکری سوق ایدیکز . ایوجه تاییه ! کیمسه نک
 برقیلنه برپولنه طوقونان اولورسه جان ویرمکه بیاه المذن کوچ قور تیلور .

اورخان

فرمان پادشاهمک ! . . .

ملک نصرت

دولتکده بین ایشا! . . .

نورالدین

ایته توفیقی مزدار بیورسون! . . .

جلال‌الدین

«کندی کندینه» نیره! . . . نیره! . . . نیمور ایلویده اختیار

ایتدیکم حاللر جتده دومی عذاب ایچنده براقیور .

پرده اینر

برده

۷

« بر مزین شاهانه او طه »

برنجی مجلس

مهر جهان — مبارک بر قاج طواشی — بر قاج جاریه

« مهر جهان »

مبارک عجبما شهر آیین ایستدیکم کبی مکمل اوله جقمی ؟ قندیار
مشعلر او قدر چوق اولملی که کورنلر فاک ییلدیزلیه برابر یره اینش
ظن ایتلی ! ...

(مبارک)

انشالله مطلوبکزدن مکمل اولور افندم ! اولره هر پنجره ایچون
اون قندیل ایله بیوککلکنه کوره بردن بشه قدر مشعله تنیه اولندی .

(مهر جهان)

« پنجره دن باقهرق » نه ایسه اولدقجه برتدارک مملکته کوندزقدر
آیدیکلق کله بیلمش ! قلعه قیوسندن بورایه قدر یادشاهک اوکنه
چکیله جک ، میدانده ، او طه لرده یناجق شمعدانلرک هپسنه عنبرلی
موملر قونسون سلطانک یالکز کندینک دکل آتک آیاغی نزهیه
باصه جق ایسه لهورلر دوشنسون یکرهی قدر کوله انتخاب ایت اللرینه
برر آلتون تپسی ویر ایچلرینه اینجو مجوهر طولیدرده آلائی یوریدکچه
امرانک سیرجیارک باشنه سرپسونلر مأمونک سور مسرتی اونوتدیره جق
قدر شعشه ایسترم جالام مأمونک تختنی فتح ایدوبده بر بنده سنه احسان
ایده بیلورلر . بنده بودان کبی بر وزیر قزی دکلام « بر جاریه یه »
بو او طه یی ایستدیکم کبی تزین ایده مامشک شو مجوهر چلنکلی

کثیر. آناری ده چیچک کبی دسته دسته باغده آلتون ساقسیاره قوی
شمعدانلرک کنارینه دیز، موملرک ضیاسی جواهره اوروبده اطرافه
انعطاف ایتدکجه جهه کاهمزی قوس قزحدن یاپیش ظن اولنسون.
شوخالیی کوزل ایشلتم دکلمی مبارک؟ موملرک شعله‌لری الماسلرینک
انجولرینک اوستنه اوردقجه کیمی پارلاق کیمی طونوق ییلدیزلری
آندیرمیورمی اما سن دیه جکسک که بونبه الماسلرک صاری یاقوتلرک نه
معناسی واردی؟ لالاجغم ییلدیزلرک صاریسی پنبه‌سی ده واردر. دقت
ایتده باق زهره صاریدر مریخ قرمزیدر هیچده دقت ایتدکمی؟ یالکنز
شو آلتون کموش تار فلکده کی تزییناتک هیچ برینه بکزه مز اما بن
کویا آره صره فلکده کونشله مهتابک حیات شعله‌می بر بردن کچرده
نقش‌لر پارمش کبی تخیل ایتدده آنک ایچون خالییی اویاه ایشلتم.
انسان طبیعتک کوزلکنی برقات دها کوزلکشیدره بیلور. بیلورمیسک
فلاحتیجغم؟ هله اوطه کولمک ایستدیکی کبی اوله یلیدی. آفرین قز
چیچکلری پک کوزل. دسته لمشسک. هایدی چانک‌کاریده اویاه دسته‌له.
دقت ایتده هم مجوهرلرک رنگاری بربرینه یاقشون همده چیچکلر
کیجه‌نک رسمندن آیرلسون! هایدی قزله سزده یاردم ایدک. آغاز
سز شو اوطده او طورک لازم اولورسه کز چاغیرم «مبارکه» کیت
مبارک وقت یاقلاشیور بنده شو آینه‌یه یاقلاشوبده کندیمه باقق ایستورم
بردلو جسارت ایده میورم آه... یاکندیمی خیالنده کی درجه‌دن
چرکین کوررده یأسمدن هلاک اولورسه م یوق بویله بروقتده انسان ایله
سعادتک آره‌سنی حائل اوله‌جق قدر اجل بیاه مرحمتسز دکلدرد! ...
آه یاشمده یکریمی بشی کچدی چه‌رمده طبیعتک هر نقصانی اورتمک
شانندن اولان کنجاک طراوتدن اثر قائندی! ... کیم بیلور نفرتمی

کورده جکم؟ ... آه! ... یوق ... یوق انسانک کوکلنه هم بو قدر
 شدتی بر محبت و یرونده هم سیاسیسه سو دیکنک بر نگاه التفاتنه دیکه جک
 قدر چرکنک کتورمک قدرت فاطره نک عدالتنه یاقشاز! ...
 «آینه یه یاقلاشهرق» نه قدرده رنکم آتمش! وصالنده ایکی اوج کون
 ترد ایتدیکم ایچون بو حاله کلدیکم ییلسه البتده مرحمت ایدردی کیم
 بیلور؟ بلکه بتون بتون کوزندن دوشدم. او قدر مردانه بر طبیعت بم
 کبی بر عاجز وجود ایله نصل امتزاج ایتسون. شاهینارک کله ییل ایتدکوری
 زرده کورلمش! «جاریه لر آلتون ساقسیدرله دسته لشمش بر طاقم مجوهر لر
 چانک کور کتورور اورتیه یه قورلر» او یورر! او یورر هایدک جهنم
 اولک! .. بر آزده بی کندی حالمه براقک! ... «جاریه لر حقیقتار»
 «وضعیتی دکشدر بره رک کمدی کندینه» جلالم امر ایتسون بزده مردانه
 بروش پیدا ایدیه بیلورم! بزده پادشاه! ... غریب شی چندیر مشمی یه
 ندیم؟ متانتلی کورونمک ایچون تقلید یاپمق قانتیشه جهنم ده بتون بتون
 مسخره کولنج بر شی اوله جفم! ... او بی سویور. سویور که آلیور
 جلاله ترین ایچون دکل سلطنت عالم ایچون ایستمدیکی شی یاپدر مق ممکن
 نکادر! ... آه! ... دیوانه شی زرده کوردی که سو دجک کیم بیلور؟
 سیامی سویور سه بلکه اخلاقی سویور. بلکه مقصدینه خدمت ایدنر
 ایچون کوکلنه اک یقین اولان اعضامی بیاه نم قدر یار اولماز.
 بیچاره! ... بیچاره! ... اوسنی برار ککله بر قادین لازم اولور دیمشدرده
 آنک ایچون آلمشدر! ... اوف دنیا کوزیمک اوکنده دقیقه ده بردونیور.
 هر دوندکجه بشقه بر شکلده کورینیور! ... بی برار ککله بر قادین لازمدر
 دیه آلیسه قائم؟ ... او قدر بیوک کوکالی برار ککده نم کبی محبتدن
 اطاعتدن یاردمش بر قادین لازم اولور. آه بیچاره مهر جهان! ...

سن دنياده بختيار اولمق ايچون يرادلما، شمسك ! ... « براز تا مد نصكره »
 بيلهم كد بختيار اولمغه لايق ميسك ؟ ... برقادينه ايكي كره اولمك بر آدم
 ايچون ايكي كره يشاغنه چالشمق كبي دكليدر ؟ ... آه ! ... بن آتا
 بلك زمانده كويا عورمي كچيردم . جلال الله غول يباقي قوينده نساغمي
 يشار بن آنك زوجهي دكل جهازيمك جهازي ايدم ! ... اقر اباز ادم
 نبي پادشاهزاده ايكن بر كوله يه اسير ايتديلر ! ... الله قور تاردی بر بيرچاره
 كوكرچين ييلان آغزينه دوشرده صكره قور تولورسه برده باش
 بو نمازمي ؟ بر معصوم كوكل بر كره شيطان پنجه سنه اسير اولديمي ايچون
 خلاص اولدق دن صكره الى الابدي حيات محبتدن محرومي قالسون كوكلده كي
 خندجانلر ، ترددلر الوير ميورمش كبي نه قدرده قدره خيالارله اوغر شيورم
 آتلك دون دار نجازاته كيتشش طوپراغه كوملديكني كوزلر يله كور ندر
 سويدي وجودي عمره له سعادتمك آرسنه حائل اولدي . مزار يده كوكله
 روح اضافي بيلديكم جلالمك آرسنه مي سپر كلوب طورده جق ؟ ...

ايكننجي مجلس

مهر جهان — مبارك

(مهر جهان)

نهر عرب ؟ نيه چهره ك كبي قبه خبرلرله مي كليورسك ؟

« مبارك »

پادشاه كليور ! ... آلاي سراي قوسندن كي ردی آلتيش صابري
 ثوبه كي اوضه دن ايشيديليور « خارجدن عايك عون الله صدالري ايشيرسكه
 باشلار » ايشته ! ايشته سبي بورايه قدر يتشدي شمدي كندی ده يتشير كيير .

(مهر جهان)

پادشاهي ؟ آه سرورك بوقدر زياده سيئه كوكلده بوقدر تخمن

اونماز تاثیر لر حاصل ایده جنی بیلمک زدم : کیت عرب قارشیه سن ده
اطرافه اینجورل صایح او قدر صاچکه ! او سیاه اثرینی نیسان بلوطی
ظان ایتمسونلر : ... « مبارک چیقار » « کندی کندینه » کو کلمده بو قدر
حلجان وارکن انسانک بکزینه طونوق کالر قدر اولسون طراوت .
کلز که ! ... شمدی چهرمه باقه جقمده بنی مزاردن چیقمش ظن
ایده جک بو خفقانلر نه در ؟ ... آه فلک بر بیچاره نی اتکنجه سی
التنه ازوبده اکنه جک زمان بولدی یا ... تیز چکسون دیه سینه مده
انفاس ۴ ریمی دو کومار باغلیور « طیشاریده کیتدجه سس زیاده اشیر »
کلیور یاقلاشور ! ... های بو چار پاتی نه در شمدی بایله جقم ! ...
هلاک اوله جغمده جمالی بر دقیمته جق اولسون طویه . طویه کورمک
نصیب اولیه جق مردیواندن چیقدی عجب او طویه کیردیکی وقت
ایاقلرینه می قیاسه م ؟ دلی ! ... کندینی مسخره ایده جکده مرحمت
یرینه استهزالی حقارتلر کوره جک یر فلک ! ... ۴ روزماندن عبارت
ایسه ینه یر ! ... طاقیم ! ... « قیونک پرده سی آچیلیر خادم
آغالری جازیله لر بخور دان ، شمعدان چکدرک او طویه کیرر دیزیلر لر
مهر جهان لاریله صاچلرینی دوزلته رک استقباله شتاب ایدر . جلال الدین
قیودن اینجور و کیر و بده مهر جهانی کوردیکی کبی کمال حیرت و تلاشله
کری چکلمک ایستیه رک و فقط کندینی طویلا یه رق « کندی کندینه »
نیره ! نیره آخرتدن بورالره قدر بندن انتقامکی آلمغه می کلدک ؟ ...

پرده اینر

پرده

۸

{ بر واسع صحرا ده بر چادر . هوا غایت قرا کلتی }
 { آره صره کوک کورلتیلری ایشیدیلیر - شمشکلر چاقار }

« بوحال پرده بیتنجیه قدر دوام ایدر »

برنجی محاس

مهر جهان — زاهده

(مهر جهان)

والده جکم ! بیلم حکمتی نه در ؟ جلا لم بنی کوردکجه مزار
 کورمش کبی اولیور چهره سنه بر حزن حالنه بر دهشت چو کیور
 کوزلرنده کی ضیالر ، دوداقلرنده کی تبسمار بتون بتون نحو اولوب
 کیدیور ! ... انکار ایتم کوردیکم رعایتار حدمدن پک زیاده در .
 فقط اخروی بر شیئه حرمت ایدر کبی چکینه رک کوزلری طولهرق
 رعایت ! ... بن آنی روح کبی کنجناک کبی سویورم یانه واردقجه
 وجودم بر مجسم حیات ، کوکلم بر جانلی طراوت کسلییور . او بکا
 هسته اکلندیرمکه چالیشیر کبی کریه قدر حزین تبسمار له یتیمه تسلی
 ویرر کبی ! آه قدر مؤثر تلطیفار له مقابله ایدیور . آه ممکن اولسه ده
 کوکلنه باقه بیلسه ده ایچنده کی اسراری کورسم !

(زاهده)

صاقین قزم ! صاقین قزم ! اوچوریمه باقق انسانک کوزینی
 قرار تیر پادشاهک کوکافی فلک او قدر درین ، او قدر واسع بر
 او جورمه بکرتمشدرکه قوجه بر عالی هر درلو احوالیله برابر استیعاب
 ایدیور اسرارینی اکلامق ایستمه . کوکلنده آره صره پیدا اولان

تېسملردن استفاديه چاليدش اوچورومه باقمه ، كئىنارلىنى تزيين ايدن كوزل
كوزل چيچكارى طوپلامقا قناعت ايت ايكي كوزم « شمشك چاقار »
« مهر جهان »

اونه ايدى ؟ قارشيدده نه كورينيور ؟ تپلردن قانمى ياغيور ؟

(زاهده)

تپه دكل قزم ؟ كلاه ييغنتيارى تاتار عسكرى اوغرا مشده كئىرانندن
نشاته براتمش باق شو اووه جفك حالى كورمكله وجود كده نه قدر قن
وارسه قلمنه طوپلاندى . چهره ك اولورنكى باغلادى . بو قدر رقتكلاه جلال
الدينك كوكلنه نصل باقمه جتسك ! سكا قايچ كره قايچ درلو تعريف ايتمشيدم ! ...
ايكي كوزم دنيانك ياريسى انسان كلاه سندن پائله خه بيك قه لرله طوموش ! ...
هر طرفده آتش طوفانلى قانايور او قدر اشكال بلانك برعيني ده جلالك
قلمنده در . دنياده نه قدر مصائب وارسه جمهاسنى بر نقطهيه طوپلانمش
كورمك ايسترميسك ؟ بيچاره پادشاه نصل شن اولسون نصل طاتلى سوزلر نده
آد تاثيرى نازك تېسملر نده كره حزنى كورنسون ! اكونده يوز بيكارله
نفوس هلاك آلام عالم تضيق ايدجك وجود بوله ميورده هپ بر يره
طوپلانيور آنك محزون كوكلنه هجوم ايدنيور ! ... بر آدم هم قوجه
دنيانك مصائبيله از يلىورده هم ينه نصل كولر ؟ نصل اكئير ؟ ...

(مهر جهان)

دكل ! ... دكل ! ... ايكي كوزم والده جكم جلالده كورديكم حاللر
دنياغمى دكل بكا مخصوص برسرى ، بكامنحصر بر كدرى وار ! ... بنى
كورديكجه حيات عالمندن چيقيور . دنيادن خارج برشى كورمش كى اوليور
البتده كوكلنك حالى سندن صاقلاماز غياث الدينك باشى ايچون اولسون ،
صور ، صورده بنى سوميورسه سندن برحالم بر فعلم ايچون نفرت ايدنيورسه

خبر ویر ! ... ذاتی بن جلالک نظر نیدن دوشدیکمی اوکر ندیکم دقیقه ده
اولورم جان چکشمکه بیله حاجت قالماز جهنمدن بروح قورتارمش
اولورسک دنیا جهنمدن خدا بیلیر کوکلمک چکدیکمی ادا عذاب آخرتدن
خفیف نکادر .

(زاهده)

پادشاهک سکا مخصوص محبتدن بشقه برسری اولمدیغنه امین اول
قرم ! کوکلای دولتک ایشنه وقف ایسه حسنک تاثیر اتندن بتون بتون
بری قلمن قابیلدر ؟ نظری دنیاک حالنه مسروف اولغناه کونشی ده می
کورمن صورازم ایکی کوزم لساندن ایشتدیکم لاقردیلری بربر سویلرم
اوزمان سن ده بنم قدر اطمنان کتیررسک ! کوکل لسان عشقی پک کوزل
اکلار دکلی ؟

ایکنجی مجلس

اولکیلر — برجاریه

« مهر جهان »

« جاریه یه » نهدر اوقز چاغریله دن نیچون کلایرده تعجیزایدرسک ؟

« جاریه »

افندمز تشریف ایده جکارده آنی خبر ویرمهک کلشیدم .

(مهر جهان)

افندمز می کلیور ؟ « زاهده یه » زماننده تصادف ایتدی وائده جکم

لطف ایدرده وعدنده طوررسک یا « جاریه چیتار »

« زاهده »

شمدی لاقردی ایدرم افندیجکم ! ... نیچون کندی ذوقنی ، رفاهکی

واهمه که فدا ایدیورسک امین اول که محبت بر جوهر ایسه ضیاسی امنیت ،
عشق بر حیات ایتسه سعادت اطمیناندر نره به کیدیورسک یا ؟

« مهرجهان »

کندیسی ایاه لاقردی ایتیه جکمیسکز ؟

« زاهده »

سن بوراده بولنورسهک لاقردی به مانعی اولورسک ؟

« مهرجهان »

یوق بن بوراده بولنیه یم . آغزندن حیقه جتی بر لاقردینک نتیجه سنی
بکلمک ایچون هر ثانیه ده بر اولوم عذابی کچیرمکه طاقت کتیره م . هم
بالکه بنم یانمده حقیقتی سویلرز . سویاسه ده کوکلم تسلی به حمل ایدر .

« زاهده »

سن بیلورسک ایکی کوزم . الله عشقنه مراق ایتمه یانندن
قورتدیغ کبی سکا خبر کتیر یرم هیچ کتیره جکم خبر لر کنندی مأمولدن
بیله خیرلی اوله جغنه امین اولسه م سکا بو قدر قوتلی سوز و یررمی یم ؟
برقادین محبت ایشلرنده کنندی کندی آداته بیلیر . فقط جکر پاره سنی
آداتمه قیه مز جکر پاره م دکلمسک ؟ کر چکدن قزم اولسه ک عندمده
دها قیمتلی می اولوردک صانیرسک ؟ بن سنی یکی کوردیکم زمان
طائلیقه سویشده ، سودیریشده ، حتی کولوشده ، آغلایشده یکی
طوغش برملکدن فرقتی بوله مامشدم وجودمدن آیرلده کسه روحه
یا پشدک کل ! کوکلر سروری قزم ! قوجاغه کل ید قدرتن هنوز
حیقه مش روحلر قدر لطافتلی مایکم !

« مهرجهان »

یاربی ! بو قدر شفقتلی بر قلبک اوزرنده روحی قبض ایتسه کده

بكا آخرت يوللارنى برمسرت اچىندە كچىرسەك نە اولور !

(زاهدە)

مەرجهان ! غالبا چكديك اذيتاره برلذت بوليور سك ، تردد
زمانى ممكن اولدنى قدر اوزاتقى ايستيور سك كه بنى ده كندك كى
كدرلر تندە ازە جكسك كيت ايكي كوزم . الله عشقنه سوديكنك باشيچون
ذهنده كى انديشه لرى دفع اتمكە چاليش بنده شمدى كليريتشيرم .

(مهرجهان)

نيچون اويله يمينار ويريورسكز ؟ انديشه مى دفع اتمكە مقدر مى يم كه
دفع ايديم ؟ چاليشمق فائده ويريورمى كه چاليشيم ؟ كيديورم والده جكم !
كيديورم افندم بكي بكتمه جهنمه كيدجك اولسهم قائل اولورم تك
بوعذاب اچىندە بكتمه .

(زاهدە)

بكتمه قزم ! ممكن اولدنى قدر بكتامكە چاليشيرم ايكي كوزم
هرلاقردك قلبمك بر بار چسنى قوباريور . روحك بر قوتنى ازالديور
« مهرجهان چيقار » بيچاره قزباشدن اشاخى به قدر كوكل كسيلمش
نورايه تفى ايدن چيچكلر كى يالكرز محبتله يشايور ! شمدى به قدر
هيچده دقت ايتامشدم عجب زوالى مهرجهانى بو قدر تلاشه دوشورن
التفاتسزلى دكدرده كر چكدن بر صغو قلقى وار ؟ التفات نقصانى ايسه
سببى دوشونمكە حاجت يوق . جلالك كوكلكى اسلام ملكندن
آيروبدە سراينه حبس اتمكە جنكيز ! جنكيز دكل فلك بيله مقتدر
اوله ميور . كوزينك او كنده مهرجهان كى ضياعى دنياى قاشديرمغه
كافى بر نور مجسم طورر . اوينه نظارنى يقلمش بر كلبه به ياخود ياييله جق
بر مزاره چويرر بو ذكله اكلنهز . آنكله مخزون اولور هر ايسلكى

کندیل کندن کلیور هر فناغی زور له یاپیلور ظن ایدر. وجوده سیاتک دفعنه
 حصر ایتمش محاسندن استفاده ایتمک خاطرینه کلمز نفس ایچون یرادلش
 بوکون پادشاهدر علمی راحتی ایچون خدمتکار ایتمک النده ایکن عالمک
 راحته خدمت ایتمکدن بشقه پادشاهلغک برحالی بلامیور . مهر جهان
 او حالاری نصل ذهنکه صیغدیرسون ؟ پادشاهک هر کسه خدمتی
 کندندن نفرت ظن ایدر . بلکه دنیایی جلالدن جلالی دنیادن قصقانیر
 بودنیاده ایکی آرشون بر مزار یرینه بیله یالکز باشنه مانک اولمق کیمسه یه
 نصیب اولمیش ایکن جلالک کوکلی کبی عالمردن بیوک عالمه شریکیز ؛
 رقیبسنر مالک اولمق ایستر . بو حسیاتک هپسفی اکلارم . فقط بنم
 ظنماه او بیچارهک تحمینی هیچ بر یرینه بکزه مییر جلال نیچون
 کندینه صفوق طورسک ، هله نیچون مهر جهانی کوردکجه حالنه برقات
 دهها صفوقلق کلسون ... سو مدی ... یا خود آنک وقعه سندن متأثر
 اولدی یا خود ... خیر احتمالی یوق جلال ریا تقابلی قوللانمز اک
 محجوبی اوله جنی بر حال ایله محشر دیوانسه کوندرسه لیرینه الیرینی
 یوزینه قیامز . بن آتی قولای اکلارم : جلالک او مجوهر آینه لری
 آندیران سیالری بر کره باقلدینی کبی ایچنده نه اولسه کورینور : ...
 بنمکی اولسه ... آه او جانی اوزرنده ایکن مزاره کیرمش میت کیمدر :
 سوزلرینی یالکز منکرین اکلار او اولو طوغمش چو جغه بکیز سرینی
 اللهدن بشقه کیمسه اکلایه ماز .

اوچنجی مجلس

زاهده — جلال الدین

(جلال الدین)

یالکز می ایدیکز والده ؟

« زاهده »

دکلام پادشاهم ! ملکه یانده ایدی اقدمزك تشریفنی ایشته دی ده
دائرة سنه چکلدی .

(جلال‌الدین)

نیچون بندنی قاجیور ؟

« زاهده »

استغفر الله ! پادشاهم ! ... کندیا به بولندی فکوز زمان حالکنزده بر
طور غناق حس ایدیوره شده اقدمزی تعجیز ایتمکن چکندی .

(جلال‌الدین)

آه ! ...

« زاهده »

آنک طور غونلق ظن ایتدیکی شیء مشغولیت حالی اولدینی دینم
دوندیکی قدر سویلدم بر درلو اکلته دم . معلوم شاهانه کنزدرکه محبتیه
وسوسه یا پیشیق طوغش چو چقار کبی بر بردن آریله ماز .

(جلال‌الدین)

بیچاره قالدین ! کسندیده ، خوبی ده شوفانی عراچنده نیم کبی برفانی
انسانی دکل حیات ابدیه سندن بر مالکی بختیار ایده جک قدر کوزل لکن
نه فائده سی وار ؟

(زاهده)

جاریه کزی هیچ اومدینم . اندیشه یه دوشوردیکنز . مهر جهانک تصویر
ایتدیکی صوغو قلق ، واهمه سندن عبارت دکلمه کر چکنن موجودمی پادشاهم ؟

« جلال‌الدین »

صوغو قلق دکل بشقه بر حال ! ... بشقه بر ابتلا .

﴿ زاهدہ ﴾

حقیقتی صورازسہم حدمی تجاوزمی ایتش اولورم ؟

« جلال الدین »

نه دن تجاوز اولسون : وجودیمی رحمتدن قوپاروبده بوفنا
طوپرانلرد آتان قادین دنیاده یوق که حاملی آکا سویلیهیم . کوکل
تأیرانه اشتراک ایده جک برزاداش بوله مزسه چکدیکی تضیدتک آلتندده
پک فنا از یلیور .

« زاهدہ »

کاشکی پادشاهنه کان هر بار المی بزله تحمیل بیوره بیلسه کزده
انسانیته اسلامیته کر چکدن الزم اولان وجود هایونکیز بر آزاراحت
ایتسه : نه در پادشاهم مهر جهان کوکلکزه نه درلو تأثر لر نه درلو اثر
ویریور .

﴿ جلال الدین ﴾

بیچاره نیرینی بر کره کورمش اولسه کز ایدی بوسوانه هیچ حاجت
قالزدی .

« زاهدہ »

مرحومه کوزلکچه حدامکانک منتهاسنده بولنش اولسه ینه بوندن
پک فرقلی اوله مز ظن ایدرم انسان دکل صانکه مهتاب در یا سنک
کو پکارندن یرادش بر ملک دها نه قدر حس اولور پادشاهم !

﴿ جلال الدین ﴾

حیفاکه پک کوزل !... تصویره صیغیه جق قدر کوزل نیره کبی
کوزل هیچ فرق یوقده آنک ایچون بوبالار میدانه کلیور .

« زاهدہ »

نصل پادشاهم !

(جلال الدين)

دنياده انسان انسانه بوقدر مشابه بر اديابه جفنه هيچ امکان ویرمزد م. ساده اندامی اطواری دکل چهره سنده کی ارفق بکاردن دوداقلرنده اک حقیف تبسملره قدر عینله تماميله اوته کنه بکزه یور . یالکز بونک صاحبلرنده بر حقیف صماریلق اثری وارکه او برنده یوقدی . آکاده باقدجقه نیرم ؛ او جامدن عزیز بیلیر ایکن یکر می ایکی سنه لک قیمتلی جاننه قیدینم نیرم آخرتدن کیری کدیکنی ایجه اثبات ایچون مزارینک توزلریله کزیور صانیورم . والده والده !... انسان کندی ایله تلف ایتمدیکی معشوقه سنک خیال مجسمنی دایما قارشوسنده کوزرده کوکلنده سمرت ، چهره سنده کشایش قانور می ؟ ملکه یانمده بولندجقه دنیاده می یم آخرتده می یم ؟ فرق ایده میورم . نیره دنیادن کیتدی کیده لی نظر مده یتانک مزاردن فرقی یوق ایدی . شمده برده کندی می هر کیجه اولوقوجاغنده ظن ایدیورم یالکز بر کره جک کوزینک اوکنده کزر ، یوزینه قارشو لاقردی سویلر بر میت کورمک دنیاده اک زیاده قوت قلبه مالک اولان قهرمانارک عتقنی ازاله یه کفایت ایدر خیالده منظرده هر دقیقه اولیه بر تماشای هائل بولنورسه آکا تحمل می اولنور ؟ ... باق لقر دیسیله نه حاله کلدیم تو یلرم نه قدر او پر دی . وجودم نصل لرزه ایچنده قالدی بن آکاده تحمل ایدهرم . اولولر دکل اولوم جانلانسه قارشومه کسهینه تو یلرم اور پر مز . ینه وجودم ترمز . لکن آه دنیاده یولنه جان ویرمکن بیوک بر دولت کوره مدیکم « نیره » بی تلف ایتمده کندی بر خنچرده شو مصیبت عالمندن قور تارمغه الم وار میور حیاتمک سعادتتی مخو ایتمکه مجبورم . وظیفه بی او سعادتسر حیاتک عذابندن قور تلما مغده اجبار ایدیور

فلك بكا ايتديكى اشا كنجهلرنا كلنمكى او قدر مراق ايتمش كه : جهنمك
ديوارينه جنان باغاريك رسمنى ياپار كې كوزيمك او كنده دالما فوت
اولان سعادتى اخطار ايده جك بر وجود كز ويريور .

(زاهده)

جناب حق : او قدر سوديكلگر ، ضايح ايتديكلگر خيات ابيدن
محروم اولمش قدر متأسف اولديفكلر معشوقه كزك عيني عينه بداني
كوندرمش . منتون اولديفكلر تمثال حسنى ايكي كره وجوده كشيرمش .
فلك بو قدر بيوك بر مساعده سنى ده دفعى محال بر مصيبت كې قبول
ايتك روايدر ؟

(جلال الدين)

والده ! .. والده ؟ ... نيره نك صولمش اونا زين وجودى كندى
المه تسليم ايتديكم طوپراقدر ايچنده كيم بيلير نه حاله كلشدر ؟ بونك
جمالنه باقدقجه آنك كوكلندن اولان خيالى استيلا ايديور ده بونك هر
شيوه سى ، هر طورى ، اوپرى طرفدن بر مجسم سرزنش حكسند
كوشتريور . كويا بونك نظرى نيره لسان حالى اولمشه يوزيمه باقدقجه
« ظالم بكا محبتك اولديرنجهيه قدر مى ايدى ؟ يريمه بر بشقه سنى
كشيمك ايچونمى بنى بر معصوم جكر پاره ماله برابر فنا سيلا به لرينه
ايتويردك » ديه تعريضلر ايديور اطرافنده كى هوايى مظلوم قانك
تخرندن حاصل اولمش صايورمه آلايغيم نفسدن استكراه ايديورم
بيلم نيچون كوزيمك تصادف ايتديكى بيلدزلر حيرتندن اريوبده
قيزغين معدن كې باشمه دو كوشيور ؟ ... بيلم نصل آيا نك باصدينى
طوپراقدر دهشتدن ياريلوبده بنى اسفل سافاينه چكمپورنه غليظ خلقتم
وارمش كه يشامق بيله هلاكي موجب اوليور نه قدر شايان نفرت

اولشم که اولوم بیه یانمه یاقلاشمق ایستیمور .

(زاهده)

پادشاهم ! ...

(جلال‌الدین)

یابدیغمی دوشونمبورمیسک ؟ جلالدرده تانارلرده بویورک اولماز .
الله یولنه اک بیوک اک صوک فداکارلق اولمق اوزره روح ثانی نیایدیکک
بر وجودی تلفایت صکره یرینه بشقه سنی آل صانکه یرد سنی سومیوردی
ظالم ! .. صانکه تبریزی امامش اولسه ک اللهک دنیا سنی شیطانلر غضب
ایرددی ؟ ... بدبخت ! ...

(زاهده)

تقدیرده مانعمی اوله بیاورسکنز ؟ اولان ایشلری ایستیمورکمی یابدیکز
بیچاره مهر جهان سزی اوله سی یه سودیکچون یأس ایچنده تلف ایتک
لایقمی پادشاهم ! ...

(جلال‌الدین)

او بیچاره نك هیچ قباحتی ، هیچ برشیدنه مدخلی یوق ! بن
لمدن کلدیکی قدر کوکله غلبه ایتکه چالیشیرم . ممکن اولدینی قدر
اندیشه سنی ، واهمه سنی دفع ایدرم . مراق ایتد وائده . فیک آتی
بیك بیالق عالم انسانیت ایچنده بکا مخصوص اولمق ایخون بیك درلو
اعتنارله میدانه کتیردیکی بر بلایه ضعیفه بر قادینی حصه دار ایتک بنمده
فک قدر انصافمنز اولمقاعمه توقی ایدر .

— زاهده —

الله کوکاکزده نه قدر الم وار ایسه جمده سنی دینت اک بیوک
مسرتلرینه تحویل ایتسون پادشاهم !

دردنجی مجلس

اولکیز — بر جاریه

﴿ جاریه ﴾

قیونک اوکنده بر بنده کز وار. مطلق افندمزی کورمک ایستیور.

« جلال الدین »

کیمدر؟

— اورخان —

« طیش-اریدن » قولکیزم پادشاهم ! عرض اولتمسی انزم بر وقعه
ظهور ایتدیده آنک ایچون تعجیز ایدیورم .

« جلال الدین »

« زاهدیه » کیت والده جکم ملکه ینه ممکن اولدیغی قدر تسلی
ویر بنده المدن کلانی پیارم . امین اول .

﴿ زاهده ﴾

« چیقارکن » بیچاره قالدین دنیاده تسلی کبی جائز صایلمش یلانلرله
یشایه جق قدرده بختسز ایمش « زاهده جاریه ایله چیقار »

بشنجی مجلس

جلال الدین — اورخان

﴿ جلال الدین ﴾

اورخان ! ایچری کل بقالم ! بووقتمده بکا سویلنمسی لازم
اوله جق نه ایش ظهور ایتدی !

— اورخان —

پادشاهم ! قولکیز بر وقت مصیبت پیام آورلکنده بولتمق ایستدم

نه پيام که وظیفه مجبور ایدیور. برادریکنز شمدی ملک نصرتی اوردی
نه امریکز اولور .

« جلال الدين »

غیاث الدین ، ملک نصرتی اوردی ؟ های تپه سنه الهک یوز بیک
غضب یلدریمی بردن اورسون . قلیجی مسلمان وجودنده تجربه
ایدیور . جنکیز عسکر لکنه یلیتلنور اولیه می ؟ نهمده قرداشم اوله جق !
نسان بویله برعائله اچنده بار اولدینغی دوشندکجه نیچون کوپک یاخود
عقرب جنسندن کدم دیه تأسف ایدیور کوپک خصم قارشوسنده
ایکن ارقداشنی ایصیرمز عقرب جنسنی صوقوبده سائر مخلوقات
سویندیرمز !... نه وقت اوردی نصرت وفات ایتدیمی ؟ قاتل نرده؟ ..

« اورخان »

شمدی اوردی پادشاهم ! ملک دها وفات ایتدی فقط حیاتندن ده
امید یوق کبی کوریا نیور . شهزاده چادیرک خارچنده طولاشیور .
عفوینی استرحام اچون فرمان هایونکزه انتظار ایدیور .

« جلال الدين »

دو کدیکی قانک بولاشغی ننده ایکن نهم یانهمی کله جک ؟ ینهمی عفو
ایتدیره جک نصل حجابندن اریوبده دنیایی وجودینک ثقلتندن
قور تاره یور نصل قور قوسندن یره کچوبده جهنمه بر آدم دها
یا قلاشمیور ؟ ...

التنجی مجاس

اولکیار — غیاث الدین

« جلال الدين »

« غیاث الدینه » کل بقالم ! ... انسان نساندن کلمش قانلی جنوار ! .

کل بقالم! ... سن سلطنت سرایندن بیومش حیدود! ... کل بقالم! ...
 قاتلو پادشاهی! کیمسه دن اوتانمزه سکه باری اللهنده می قورقمدک؟
 « شدتله کوک کورلر . متعاقباً بر کورلتی دها پیدا اولور » او دهشتلی
 کورلتی ندر! جناب حق باشمزه طاشمی یاغدریور؟

(اورخان)

« قیودن طیشاری باقهرق » کله تپه لرینگ برنی ییلدیرم دویردی
 پادشاهم!

— جلال الدین —

ای آتش قهر! شهید کیکارندن نه اینترسک بوراده وجودلر
 وارکه سن دکل هیئتیه جهنم باشلرینه ییقلسه ینه ایتدکلرینه جزای
 نام اولماز « غیاثه » نه اویله غیا طاشلرندن یاپلمش پت کبی قورقنج ،
 قورقنج صوصوب طور یورسک سویاسه ک آشو ایتدیگک ندر؟

« غیاث الدین »

پادشاهم! نه سویلیدیم؟ بر معذرتم یوق که عرض ایدیم .
 سرخوشلق حالیه بر قضا در المدن چیقدی در حال آیدم او آنده ایتدیگمه
 حتی دنیا به کلدیکمه . پشیمان اولدم . نه ییایم که اعاده مافات ممکن دکل
 عفو کزه التجا ایدرم .

(جلال الدین)

شو ادبسه باق بر کنهانی بر بشقه جنایتدن عذر مقامنده بیان
 ایتدکلنده حجاب ایتیمور عشرت هر کسه حرام اولنجه سن طبیعتده
 اولان آلچقلره کفر منزله سنی بولور . نه یوزله عفو ایستیمورسک نصل
 اوتانمدهن قاتلکنی سرخوشاغه اسناد ایدوبده نی الداتغه چالیشیمورسک! .
 حیاته قیدینگک بیچاره تبریز پیشکاهنده بر سپاهی ایچون ایتدیگک

معامله لر بزم يانمژده دگليدي ؟ سن عمرک اولدقجه برکينکي، برغيضکي،
اونوتمزسکده هرکس سنک هر فعلني هر ادبسنلکيني اونوديورمی ظن
ايدرسک ؟ آنکه بولاشان لکيني طمارلرندهکي قان ايله سيلاهچکم .
آخريته کوندرديکک شهيدک سکا دنياده مزاريني کوسترميهچکم اکلاد-
يورميسک شهزاده لکنه کوکنيورسک دگلي ؟ خوارزم شاه نسلندن
کانلر قان ايچر ظن ايدسيورسک اويله می ؟ شهزادهک قدر يوکسک
بر مرتبه دن قانک قدر آچق بر درکيه آيلانارک وجودی قاچ بيک
يازچه اولورمش بنسکا اوکرهديرم . سنی الموت حشاشلرينک تانارجلاد-
لرينک خاطرينه کلکک اذيتارله کبردهيمده دنيايه تاقيامت کونهک دهشت ويره
جک بر عبرت براقهيم آچق ! کوزکله کورمشدک که ملک نصرتک کرجستان
غوغلرنده دينه دولته ايتديکي خدمتلر براردودن زياده ايدی يالکيز باشنه فرقه لر
طاغتمدی برقاچ ارقداشاه قلعه لر ضبط ايتدی برقاچ يوزکشيلاه اردولر بوزدی .
برقاچ بيک عسکرله مملکتلر آنگه موفقی اولدی ييلارجه دشمن قارشوسنده
مهالکدن مهالک جان آتوب طوررکن اجل وجودينه طوقونغه
قيمدی ده سن نصل ملتني بر طوموز کينی بر قپلان غضبيله اويله بر
قهرماندن محروم ايتدک . اسلامک متين قلعه سنی ييقدک خان . باشنی
طاشلاره دوکه دوکه ازهچکم ، بينکی طوپراقله ايچيرهچکم . دينک
جوهرلی برقاچيني قيردک ماعون ! اتلريني قيزغين جينبزلرله چکچک
قوپاردهچغم پارچه لريني کويکلره يديرهچکم . چکديکک اذيتلر دن
قورتلماق ايچون جهنمه جان آتهچمسک ده کيتمک يول بولديهچمسک .

(غياث الدين)

پادشاهم ! مرحمت ! ... مرحمت ! ...

« جلال الدين »

شوقانك آده اولديز ركن هيچ مرحمت خاطرينه كتير ميوبده كنديني
قور تازمق اينچون مرحمتدن بحث ايتديكني كوردكجه كنديمي هلاك
ايده جكم ؟ بنده بروجودك قانلي اوله جنم . سن شمدي زندان اينجه ،
زنجيرلر آتسه ، عقربار آرسنه جالدرلر نه كيرده مرحمتي كوروسك .

يدنجي مجلس

اولكيز — زاهده — مهرجهان

« زاهده »

« برچادر اورتونمش و كندى كبي اورتولى مهرجهانى نندى
طومتش اولديني حالده كيردك « كل قيزم ! ايكي قادين برلشيره هر
حساريني ميدانه قورلر سه فلك جانسز مخلوقاتي كوكلسز مصنوعاتي ده .
رحمه كتورر لر .

(مهرجهان)

كليورم والده جكم ! « كندى كندينه » « ياربي ! ... ياربي ! ...
نه مصيبتلي بر زمانده نه آجينه جق بر حالده يزكه كيمدن درديمه چاره
استه سم آتاك بندن چاره آره جق دها بيوك بردردى ميدانه چيقيور .

« جلال الدين »

سز زردن پيدا اولديكز ؟ بوندنضكره قادين مشاوره سي قادين
امرى ايله مي ايش كوره جكيز .

« زاهده »

حاشا پادشاهم ! مشاوره دكل ! امر هيچ دكل ! استرحام
تياز . بن والديم پادشاهم ! مبارك اياقلاي كزه قبانوبده اغلايه جنم او قدر
آغلاي جنم كه يا قلب كزه تاثير ايده جك بكا مرحمت بيوره جقسكز .
ياكوزلر مده بر طمله ياش وجود مده بر قطره قان قالميه جق نيازيمه امداد

ایچون برده‌ملک کتیردم . ملک زهیه کیدرسه اوزرینه رحمتلریاغدیغنی ده دوشوندمده آنک ایچون کتیردم « یزه قبانه‌رق » او ککمزده طوپراقلره سوردیکم چهره‌سه یانغکزله اوررده کوزلریمک یاشنی قان ایله اورترمیسکز ؛ یاوریسنی اولومدن قورتارمقی ایچون سورینوب کلان ییلانلرک بیله بی رحیمانه باشنی ازمک مردلک شانسه یانتماز . بن‌والده‌یم پادشاهم وجودمدن قومیش جانمدن آیرلمش بر وجودک حیاتی ایستیورم ایکی مخلوقک بری قباحتملی اولمغه ایکیسنک بردن جانسه قیاریمسک ؛ اوغلم آخرته کیدرسه بن‌ده برابر کیده‌جکم پادشاهم ! بن ایسه آنک دنیایه کلمسنه سبب اولمقدن بشقه دنیاده بر قباحتم ازلمدینفی بیلیرسکز . آه جگر پاره‌م اولوم مخاطره‌سنده کوردکجه هر دقیقه عذاب ابدی قدر اذیت چکیورم .

« جلال‌الدین »

والده‌بندن نه ایستدیگیزی نه تکلیف ایتدیگیزی بیلیمورمیسکز ؟

(زاهده)

بیلیمورم پادشاهم اوغلم اولوم مخاطره‌سنده آندن بشقه دنیاده هیچ برشی بیلیمورم هیچ برشی بیلیمک کندمده اقتدار کورمیورم پادشاهم کوزلریکزی بشقه طرفه‌چویرمیک بر بیچاره والده‌نی اوغلی ایچون آغلامقدن جگر پاره‌سنک حیاتی ایچون مرحمت نیاز ایتمکدن حاشا شریعت ، جنکیزبیله منع ایده‌من والده‌لک ندر بیلیمزسکز ؛ پادشاهم بن اکر غیاث طوغدیغنی زمان کوزلرینک برنجی آچیلشنده کی جاذبه‌لری دوداقلرینک برنجی تبسمنده کی لطافتی کورمسیدم وجودی وجودمدن آیرلدیغنی ایچون کوزمدن او آنده هلاک اولوردم ! اولاد محبتی ، اولاد آجیسی نصل اولور بیلیمزسکز ! اوت بیلیرسکز . بر جگر پاره‌کنز

وار ایدی مقصدیکزه فدا ایتدیکز حضرت ابراهیم کبی المله قربان
 ویردیکز مردسکز ارککسکز مقتدر اولیورسکز یاپیورسکز بزضعیفوز
 عاجز یا همیز المزدن کلز؟ پادشاهم الله براه اولیه امتحانلره پدرلری
 اوغرا دیور. والدهلری دکل... جلال... جلال... جمال الله حرمتنه
 حامله مرحمت ایت باقسهک آهذیانلر سهویلیورم برقاتلی عدائندن
 قورتارمق ایچون اللهک کسوکلی کمنتخب قولارینی لسانه اللهقدر
 جسارت ایدیورم یوق!... یوق اقتدار الله دکل غیاث کندی کبی
 نی ده ملعون ایدهجک «باشنی جلاله طوغری چو یروب پرمغیله قارشی
 طرفده بولمان غیانه اشارت ایدرک» قاتنک شوراده اولدینغی بلیورم.
 او طرفه باقسدینم کبی دوکدیکی قانک لکسی کوزلریمی بولاشدیرر دینه
 قورقیورمده باشمی چویرمیورمینه ککوکلم آنک یرینه آخرتدهکی
 عذابیده بن حکیم دیور. قوجاغنده یآدینغی زمان برطمله قان پیدا
 ایتک ایچون وجودمک بتون قوتی امیدیک کبی شمیدیده بردقیقه
 یشامق ایچون عمریمی بتون بتون المدن آلمنی ایستیورم. روحمدن
 قوپمش وجودمدن آیرلمش، آیرلدینغی زمان وارلغیمی ده برابرکتور.
 مش نه قدر امیدم وارسه آئی ده تجسم ایتش قرق ایکی ییلاق عمرمک
 هردرلو لذتی بردقیقهده المدن آوبده وجودیمی جانمه برمایوسیت
 زندانی برادیت مزاری ایتمکه نصل قیه جقسک؟.. آه جلال سنک
 کوکلک نور شفقدن مخلوق ایدی شعله کبی برآه ایله تیره مکه باشلادی
 شمیدی نهدن بویله طوندی طاش کسیدیده بوقدر فریادلرم تأثیر ایتیور
 یاربی! نه سویلیهیم؟.. یاربی!.. یاربی... کوکلمدهکی خزنک بر
 ذره سنی اولسون لسانه احسان ایتیمسک؟ بردقیقهده دوشونمی
 وجودمده هر نه وارایسه ایتمکه کوزیاشنه تحویل ایتمکه کفی اولان بلال

بونلرك ساعترجه كوزلرى او كنده طولاشيورده ينه چهره لرنيك
 قاتلغى كيتيور قابلرنيك يوزى چوزولميور پادشاهم !... او غلامك
 حياتى سزدن ايسترم پادشاهم !... پادشاهم !... مرحمت ايت بارى بنى
 برساعت اول اولديرده آنك تلتف ارله جنغى دوشونمگدن قورتيلهيم
 « مهرجهانه » قيزم سن ده كوزلرنيك او كنده برانا قابنيك پارچه ارچه
 اولدبغنى كوزيورسك رحم ايتيورميسك ؟... امداديمه كميورميسك ؟
 ياربي !... ياربي !... اوزريمه كوكدن نه قدر لعنتلر ياغيوركه ملائكة
 رحمت بيله حمله آچميور . آه آوجيلر !... اودنياده جان ياققدن
 بيوك اكنجه بوله ميان آوجيلر برتلكى برقورد ياوريسنى بيله آناسنك
 ياننده ايكن اولديرمكه قيه مزلر . بونلر بر قادينك جگر پارسنى
 كوزنيك او كنده سوروكليه سوزوكليه جلاداوكنه كتوره جكلر اولد .
 يره جكلر اولديره جكلر « شدتله آغله رقى يره يقيلير »

« جلال الدين »

« غياث الدينه » بكنيورميسك قابل جنوار شهيد ايتديكك دين
 قرداشكدن بشقه وائده ننده كدرلر ايچنده هلاك ايدييورسك سيرايتده
 كدرلر ايچنده او طبيعتك غيظ آودنده يرادله كركلكه كشايشلر كسون ؟ .
 اوفلك كين مفرج تدن تركيب اولغش فطرتك اتحارلره غرق اولسون ! .
 بيچاره قادين !

« مهرجهان »

« جلالك آياقارينه قپانه نهرق » افندم جالام آنى بيچاره لكدن
 قورتارمق الكزده دكيدر ؟ مرحمت بيهره !... بونى اولديرسه كز
 حياتى ملك نصرته مى كيده جك ؟ برجان آنسبغى زمان برجان باغشلامق

سناك بيوكلكنه يافيشير مروتلردندر پادشاهم آه بزقادينز كوكلمزك
 حسياتي لسانز بردرلو سويليه مزكه دردمزي آكلاتلم بوقا كلا سگيز
 پادشاهم بزم دردمزي لسانزى تعريف ايده مزسه حاملزى تصوير شو
 بيچاره والده ينافك! .. دنيا ده الك حزين الك جگر سوز آلامى تجسم ايتمش
 كوزيكزك او كنده حور ييور او برى آدم اولدر ديسه بوبدختك نه قباحق
 واردر . بوكا مر حمت ايت! ... مر حمت ايت! .. ديسك مقعديك
 عشقنه؟ .. اودين او مقصد ايچون كندى الكه قربان ايتديك ايكى
 مقدس شهيدك طوپراغى حرمتنه مر حمت ايت! ..

«جلال الدين»

[شدت تاثيرى كتمه چاليشه رق كندى كندينه] ايكى بيچاره ناك برى
 اوغلى اوله جق خانك دردى هلاك ايد ييور او ته كنده شمدى كوكلماك
 هر حسنى چهرمدن مضمور نوره جك آنى ده شمدى بنم حالم تلف
 ايده جك! ارف مال صاقلامق عاربت چهره قوللانمق ، انسانه بشقه سناك
 حياتيه يشامى قدر كوچ كايور كندى دنيايه كوسترمه مده كه اوزر مده
 برمنار يقلمش صانيورم «مهر جهان» ملكه : نه دن كندى سوزلر نى
 او قدر حكمنز ، والده مك كوزندن دوكلان ياشدى او قدر تاثير سز
 قيناس ايد ييور سكه ده كوكلماك الك كيزلى گوشه لرينه كوممكه چالشد يغم
 برطاقم حسياتي قارشدير ييور سكه : ظن ايدرميسك كه بر حرفى! .. او
 كوز ياشلر ينك برطامله سى بنم ايچون دنيا ده هر ممكك اجر اسنه كافي
 دكلدر! ... نه ياييم؟ .. ايهك دنيا سنده فرمانك جزيانته مانعمى اوله ييم؟

«مهر جهان»

ممكمنيدر كه برجان باغشلامق حضرت ارحم الراحمينك رضاسنه

مغاير دوشسون پادشاهم!

«جلال‌الدین»

مهر جهان اکلامیور میسک ؛ بونی بن اولدیرمیه جکم شریعت قصاص
 ایده جک بن الهک قلیجنه نصل کوکس ویره ییم ده بر قاتلی جز اسندن قور تاره ییم
 «زاهده»

«شاشقین بر حال ایاه» یاربی مرحمت سکاقالیدی یاربی :... یاربی سنکده
 قدرته مانع اوله جق بر حال بولنماز آ... آه بو آچتلمنزه برابر بارگاه
 الهی یه ده فریادی تبشیر «ینه آغلیه رق اولدینی یه دوشر»
 «مهر جهان»

ااهدن امیدینی کسمه قادین دریای رحمت بر انسان قانی کبی طوکمز
 قوریمز که بروالده نک کوزلرندن آقان کریئایز ایله جوشه کلمسون !...
 سکزنجی مجلس

اولکیلر — ملک نصرت — سلیمان — خدمه

[ملک نصرتی بر سجاده ایچنده اولدینی حالده کتیر لر بر طرفنی سلیمان]
 [طوتار]

(ملک نصرت)

کوتورک پادشاهک یانسه کوتورک ده آیاغناک اوجنه براقک ؛
 پادشاهم مجروحم ! بو وضعده طوروشمی مرحمت بیورر ده معذور
 طوتار سکز ! ...

«جلال‌الدین»

نصرت ! ... نصرت ! ... سنی بو حالدرده می کوره جکدم ؟

(ملک نصرت)

کچمشه تأسف فائده سنز اولدینیچون کار عاقل دکلدن برده
 نتیجه سنده افعال الهی یه اعتراض چیقار کنیدی بیلدم بیله لی کز یاده

کوردیکم دشمن سلاحي کئندیمه الك یقین بولدینگ اجل ایدی اکثر زمانمی
موتک اک معروف کندرکاهی اولان یرلرده کچیردم بو کون اولمازسه
برقاج کون صکره بر جریحه ایله عالمک محنتندن فورتلش قولکوز ایچون
مقدر ایدی پادشاهم !

« جلال الدین »

آه امین اول سن دشمن قارشیسینده شهید اولوق دولندن محروم
ایده فی ده اللهم شریعتی ، معادت ایدیدن زیاده سودیکی حیاتندن
محروم ایدر .

« زاهده »

ایواه بن نه سویلیهیم ؟ ... حیاتندن محروم ایتدیکی آدم میدانده
طور ییور . او یقاسنه یاپیشوبده آخرته برابر کوتورزه جک .

« ملک نصرت »

پادشاهم : ملککک واهمه سنه تعجب ایتم اولادینک مخاطرده سی
قلبنه برقات دها ضعف ویره ییلور فقط ذات هایونکزدن بنم حقمده
بویله بر فکرده بولنمقی بر زمان مأمول ایتزدم احتمالی وار میدرکه نصرت
برجان غائب ایتدیکیچون حضور الهی یه کیده جکی وقت دنیاده صولک
ایشی دولتته صولک خدمتی بر مسلمانک و خصوصیه اسلامدن بر
شهزاده نک فقدانی ایشتمک اولسون شاهد اولکزرکه بن دنیاده آخرتده
ده شهزاده حضرتارینه هر حق حلال ایتدم .

« جلال الدین »

نصرت ! ... نصرت ! ... سنی جناب حق هم انسان هم ملکمی بر آتمش :

« ملک نصرت »

خیر پادشاهم ! عادتاً انسانم . انسانلغه بو قدر جق بر فدا کارانی

یا قیشر مز میسکز . [غیاثه] ولی نعمت زادم بن سزه بیلهرک هیچ بر
فدلق ایتماشدم فقط بیلیمهرک صدور ایدن افعلام جانگری صیقارمش
جلال ایتمز میسکز ؟ ایشته دنیادن کیدیورم !

« جلال الدین »

« غیاثه » قلبنی لعنت آتشاریمی نخو ایتدی و بلکه شیطان الیریمی
قویاردی . تجسم ایتمش غیظ مضمربکی وجودنده بر حرکت کورلیور
آغزندن بر لقردی ایسه دلیور جاننه قیدیقک آدم اوزرنده بر حقک
جلال اولمش کبی « جلال اولسون » دیمکه کافر کینک ، ملعون نخوتک
قال اولیور کوکلنک بو قدر طهارتسز لکنه چار پلقدنمی قور قیورسک که
اوشهیده یا قلاشه میورسک کیت ؟ ... شریزه زیارت ایدر کبی آیاقارینک
او جنده یوزینی طوپراقدره سور ؟ ... الله چارپهسی خائن ! المی مردار
وجودیکه طوقوندر مرغهبنی مجبور ایتمه بر کره یا قه کدن طوتارسه م کندی
رحم اولنه جق ملعونلر کبی بوغازینه قدر طوپراقدر ایچنده کوررسک .
« ملک نصرت »

الله عشقنه نم ایچون کوکل قیرونده نصرتی آخرته محزون
کوندرمه پادشاهم !

« زاهده »

« غیاثه » آه ! ... شمدی چیلدیره جغمده وجودیمی قویاره
قویاره تلف ایده جکم چو جق بن سنی سودیرینه قان ایله می بسلمه
بو قیلان طبیعتی نرهدن پیدا ایتدک آجی ! ... آجی نه صیریدیورسک .
شودیوانه یه باق ! کندیته ده مرحمتی یوق . کندی ایچون هر دقیقه ده
بر اولوم عذابی کچیردیکمه آجیمیور . جاننه قیدیغی آدم بو قدر سروتار
بو قدر التفاتلر ایدیورده دنیاده حیاتی آخرتده سعادتنی باغشلیورده

آغزندن بر ندامت حرفی ایکی تشکر کلمسی بیه چیقیمیور غیاث نه
صوصیورسک؟ کوکسنه کوکل یرینه بر آوج مزار طوپراغی آغزینه
دیل یرینه بر پارچه قان یختیمی می قودیلر سویلسهک آ؟ ...

« غیاث الدین »

لقردی به میدان ویر میورسکز طوتهلم که : ویرمش اولسه کیر بن
نه سویلیه جکمی بیلور می یم آنک هر حق بنم اوزرمده بندن ینه حلالق
ایستور ندامت فائده ویرمز اعاده مافات قابل اولماز که المدن کلانی
یاپه یمده نائل اولدیغ معامله نك بر ذره سنه اولسون استحقاق کوستریمده .

« جلال الدین »

« کندی کندینه » ایاغنک اوچنده اولوم حالنده بر آدم یا تیورده
طبیعتنه ذره قدر هیجان کلیمور کندی انسان دکل مزار طاشی کچی
قورقنچ بر مخلوق ، سویلدیکی لقردی دکل مزار طاشنه یازلمش یازییر
قدر روحسز برشی ! ...

طقوزنجی مجلس

اولکیلر — نورالدین منشی

« نورالدین »

پادشاهم ! شمدی ایلروده کی سواریمزدن آدملر کلدی تاتارک
قره غوللری سکز ساعت اردویه یاقلاشدقلرینی خبر ویریورلر .

« اورخان »

بولندیغمز موقع فادر پادشاهم : شمدی اردویی قالدیروب
ایلروده کی تپه لرده برلشمزسهک خراب اولورز .

« نورالدین »

امیرلر تاناك ياقلاشديغنى خبر آلدیلر عسکر چادرلری یقیمتمه باشلادی
هرکس حرکت ایچون فرمان هایونکره انتظار ایدیورلر « طبل سسی
ایشیدلمکه باشلار »

« ملك نصرت »

اونه در پادشاهم ؟ اردویی دشمنی باصیور ؟

« جلال‌الدین »

تاتار بوجواره کلیور مشده عسکری قالدیریوروز . مقابله سنه
کیده جکر .

(ملك نصرت)

« کیسک کیسک » بیک شکر اولسون که .. آخر نغمده
عسکریمی .. دشمن اوزرینه .. صواتنی کوردجکم .. کوزم آرقه مدد
قالیه جفی ... حیاتم بویله بر لذت ایچنده ... ختام ویرمکی .. الهک
عنایتندن بیله استرحام ایتمه که .. جسارت ایده مزدم .. حتی دنیاده ..
او قدر فقئاوقدر روحه ... حسارت کتیرر ... برحسن خاتمک ...
وجود اولدیغی ... تصورمه کلمزدی ... « کتدجکه سسنى ایشترمک
ایچون اقدامنی زیاده لشدیردک » آه پادشاهم ! الکی ویر ... صاغ‌النی
ویرده .. شوکر جستان حکمدارینی بازوسنک قوتنی کوسترمک ...
ایچون صاحب ذوالفقاری آرده جق قدر قهرمانلغه مغرور اولان
کر جستان ... حکمدارینی بر ضربه ده ایکی پاره ایدن ... صاغ‌الکی
ویرده ... هم اوپهیم ... همده آخرتده .. اسلامک سیف حمیتی ..
هانکی بر عدالتده در ديه صوران اولور ایسه .. اویله بر غضنفر
مهیک نجه حلاوتنده ... درکه قیچاق صحرالرنده ... صیده چیقارسه .

اظفارینه بولاشان ... قانی هند دکنزنده .. تطهیر ایدر . غزته
 اوچورومارنده ... فلسکه مسابقه یه قیام ایدرسه ... یورغنلغنی قنقاس
 شاهقه لرنده آلیر ... او پنجه آنک حالا نقشی طودا قارنده . حضور
 غزته عرض ایتک .. ایچون کتیردم ... دیهیم ... « جلال ترد ایدر »
 ویر ... ویر .. الکی چکمه پادشاهم ! .. یاره وجودیمه پک اضطراب
 ویرمهک باشلادی ... دشمن قیلچی ده دکلدی آد ... ویر الکی
 پادشاهم ! بلکه بر آز اضطرابه .. سکونت کتیریر .. ویر پادشاهم ..
 فوقنده ید اللهدن بشقه بر قوت ! ... اولیان .. او مبارک ال ..
 دودا قدن آریلیرسه کلمه شهادتله برابر ایرلسون .. « جلال الی ویریر
 نصرت آغزینه یاشدیرر کوزلرینی قبار هر کسه بر سکونت بر حیرت
 عارض اولور »

(مهر جهان)

« کندی کندینه » محبت قدر بیوک محبت قدر دهشتلی بر حال
 مکر ایکی کوکل بر برینه صارلدیفی زمان فصل بر برنده محو اولوب کیدیورسه
 ایکی فکوره برلشدیکی وقت او نشئه او اتحاد ایچنده قالیور . شوخاله
 باق : جلال دنیایی نصرت آخرتی اونوتدی . ایکسینک نظرنده ده
 دنیا آخرت بر برلرندن عبارت قالدی . وجودلری تماس ایدر ایتمز
 روحلری بر برلرینه کچدی بر برلرینه قاینادی « شدتله کوک کورلر
 چادیرک اوکنده شمشک آتشری کورینور »

(ملک نصرت)

« سسی زیاده توکنه رک » اوخ .. ییلدیرمدن بیه .. کوزیمک
 اوکنه نورلر یاغور ... کتد کجه وجودیمه .. بر راحتک کلیور ...
 پادشاهم آتی پک ییلاق عالم انسانیتی .. دهشتندن لرزه ناک .. ایدر

اولوم عذابى ... جان آجيسى وار . آكاده پك قولاي يشيليور .
 ايسته .. بتون بتون ... كچدى . حيات ايله برابر .. اراده توكندى
 مكر عذاب .. يشامقده ايش .. صو كى راحت راحت .. آمان ..
 آه ... بر شى دكل مراق ايتيك ... غالبا اجلك پنجهسى ... الله
 تسلیم روح ايندر »

(جلال الدين)

نصرت : .. نصرت .. شو مردك غيرته شو شهيدك سماتنه باقك
 خرتيه كيتمكده دنيايه كلك قدر بيايه مشقت چكمدى .

(نورالدين)

پادشاهم ! وقت كچيور معلوم شاهانه كيز در افندمزي او كنده
 كورمدكجه عسكرك حنت اچون بيايه بر آديم آتمق ايسته من .

(جلال الدين)

شو شهيدى صو كى منزلنه يرلشدير مەدن نره يه كيدەلم ؟

(اورخان)

اولو دفن ايتمكه مشغول اولغى اولوم قارشيسنه كيتمكدن خيرلى
 كوره چك ياد كارلر ا كسكى اولور او ايشى خدمتكارلره حواله
 نيوريكز ! ... تانود شاشيمقده كدالرك او موزى ده پادشاهلردن
 اشاخى دكلدر « هر كس برر برر چكلمكه باشلار »

(جلال الدين)

« خدمتكارلره » بو جنازه يى شهره كوتوريكز . بر مناسب يره
 دفن ايتسولور . آما تربلرك يرينه دكل كندى اچون آيرى تر به
 پچقم ير اوستنده فصل فرد ايسه ير آلتنده ده اوياه يالكز بولنسون
 غوغاده اولومدن آسايش وقتنده ضرورتدن قور تاردىغى مروت ديدە

لرینک هر بری طاش کتیرسه باش او جنده فدلکله یاریشه جق بر قبه
 حاصل اولور . « کوک کورلتیسی شمشک آتشی چوغالیر » « بر بطالتیه
 غیاث الدینه یاقلاشهرق » شو یرلری صاارصان ، کوکلری ایکلهدن ،
 کورلتیلری ایشیدیورمیسک . اللهمک زلزله قهری صاعقه غضبی بونتره
 ده بکزه من ظالمک عزلتسرای اقبالی « کوه البرز » کبی افلا که
 سرچکسه ینه بر صدمه ده سیل متحد کبی یرلره کچیرر . خائک اسامی
 دولتی زمینک اسفل طبقاتنه اینش اولسه ینه برضربه ده امواج طوفان
 کبی جوسمایه فشقیردر « شدتیه » اناهدن قورق [برنظر حقارتیه غیائی
 باشند آشاغی سوز دکدنصرکه قیویه طوغری یوریه رک] بدبخت !
 « جلال حیقار هر کس بر بری آردندن چکلمکه باشلار »

(غیاث الدین)

« زاهدیه » سن بزم دائره یه کل ... کلمزه ک بی غائب ایدرسک والده .

(زاهده)

« اویقودن اویانیر کبی بر حال ایله غیاثه دونه رک وشاشقین کوزلری
 یوزینه دیکرک » نیجون ؟ آه ... ینه چهره سنه بر کون اکسلیدیکنی
 کورده مدیکم قر آلق چو ککه باشلادی ینه کنندی دنیا سنک کیجه سی
 یاقلاشیور . کیم بیلیر دنیانک نظرندن نه درلو خائلمکیر . نه درلو
 جنایتلر ستر ایده جک « غیاث ایله زاهده چکیلیر »

اوننجبی مجلس

(سلیمان — خدمتکارلر)

(سلیمان)

« خدمتکارلره » کلک ولی نعمتسزک صوک خدمتی بز ادا ایدم
 جنت اعلا نیک قوسنه قدر کتوره مدکجه یانندن آیرلمیم « ایلیوب میتک

اوغنی اوپهرك « ملك مالك جامی بر كره دشمن قیلدجندن بر كره ظالم
 سنجمندن قورتارمشدك نبی الله او بورجی ادا ایتكك مقتدر ایتدی .
 دشمنك آرقه كدن كلدی . او كندن كلدی كه كوره یمده كندی وجودیمه
 سیر ایدیم . قاتلكی سن عفو ایدرسك پادشاهلر ، آمیرلر قتانلی
 اونو ترلر فقط سنك وجودینه صوقولان خنجر بنم وجودیمه طوقوندی
 سلیمان او آجی بی ! اونو تمیز فرصت اله كنججه غیائی طائلی جانندن
 محروم ایتمزسهم اللهم رحمتدن محروم اولهیم !

« جنازه بی قالدیررلر پرده اینر »

پردہ

۹

« بر حار به میدانی »

برنجی مجلس

« جلال بر اغاجك آئنده قلیچنه طیانش اوتورر بر فرقه عسکر
صف صف اطرافى احاطه ایدر نورالدین ارقه طرفده »
« جلال الدین »

اونه طوفان ؟ دهشتلی سیلار ایدی ... دریای غضب خروشه
ککش دنیای قیا کبی یرندن قویارده جقمده سوروکلیه سوروکلیه بر طرفه
کوتوره جک ظن ایتدم !

« نورالدین »

« یا قلا شوق » او قدر طوفانلر یا غارکن ، ینه یلدی رملر ، اطرافمزى
یانغین یرینه بکز تدی ! پادشاهم ! ...

« جلال الدین »

« نورالدینه باقهرق » سز بوراده میدیکز مولانا ؟

« نورالدین »

اسایشکزی بر آز تمدید ایتک ایچون غوغادن خبر کتیردم
پادشاهم !

﴿ جلال الدین ﴾

میداندن ایرلدیغم زمان تاتارک صفلرنده حیلی تزلزل وار ایدی .

« نورالدین »

صاغ قولده کی عسکرک بر شدتلی هجومی دشمنک صول جناحی
بتون بتون قیردی پریشان ایتدی پادشاهم ! اوقریمز یاغور ایله

قلیچلریمز ییلدیرم ایله یاریشیور تاتار کندی قانلرندن پیدا اولان
چامورلرده غائب اولدیلر . انشاءالله یارم ساعت سورمز عسکر آرقه لرینی
جویرر ده هپسنی کردابه طوتش خاروخش کبی یاتیرر . بخو ایدمه
« جلال الدین »

آئیمی چکسونلر ! ..

« نورالدین »

پادشاهم ! همت شاهانکزه احتیاج یوق . قرق ائلی ساعتدر
آت آرقه سنندن بشقه دوشک یاغور بلوطنندن بشقه اورتی کورمه یکنر .
بر آزام بیورسه کر نه لازم کلیر .

« جلال الدین »

قاعده یه مخالف کیتمش اولورز . بر عسکرک رئیسینی آرقه ده
بقیشیرسه مغلوبیت زماننده انهمزام حالنده یاقیشیر کیده لم برهجومده
بر ایدم محاربه میدانی دینک آخرته اک یقین منزلیدر . اوراده دولت
شادت ایچون بارگاه قریه بر عرض حال ده اتقدیم ایتک استرم .

ایکنجی مجلس

اولکیلر — بر عسکر — صکره اورخان

عسکر

« لندن سلاحنی آتمش اولدینی حالده قوشهرق » تاتارقدرده می
سر حمتک یوق نبی اولدیروبده عمریمک فضاندنی کندی حیاتنه می علاوه
ایده چکسک .

« اورخان »

« آرقه سنندن یتشدرک قارغی ایله اورر یره دوشورر » کبر معنون !
برک دیننه کج ! ... یولنده دینکی هبا ایتدیکک حیاتی سکا بر قیررمی

صانیرسك امدیکك سوت حرام اولسون بنی والده کدن شهبه به دوشوردك .

« جلال الدین »

شو قاتی طوتک : تاناری آرقه سندن براتشده غارغیسنی اسلام
جکرینه صاپلیور .

(اورخان)

« اوزرینه هجوم ایدنلره » کیری ! ... وظیفه سنی یرینه کتیرمش
بر آدمی حیدود کبی سلاح آلتنده می سورو کلیه جکسکز ؟

(نورالدین)

کندیکی تسلیم ایت ! پادشاهه اطاعتک یوقی ؟

(اورخان)

« باشندن مغفرنی الذدن غارغیسنی آتهرق » مولانا ! پادشاه
زرده ؟ بنی حضورینه کتورک . سویله ده قوللریمه صارلمسونلر بن
قول دکلم عسکریم : شمدی به قدر پنجه می فلکد بیله بو کدرمدم .

(نورالدین)

طوقونیک ؟ ... ایشته پادشاه ؟ ...

(جلال الدین)

« اورخانه » نه ایستدکده بو پیچاردنک حیاته قیدک ؟

(اورخان)

کهرن برادر زاده می ایدی پادشاهم . ایماتی مردار آیاقرینک آلتنه
آلدی تانار طرفته کچمک ایستدی . خاندانمک ناموسنی محافظله ایچون
جزاسنی المله اجرا ایتدم .

(جلال الدین)

صول قبول حالا یرنده طور یور ایکی عسکر بربرینه قاریشمدن بو

آدم نصل تاتاره کچمکه قلیشیر ؟ طوتهلم که قاتمش . تاتاره کیدن
آدمک بو طرفده نه ایشی وار .

(اورخان)

آه ! ... سزه صول قولک حالندن خبر کتیره جک بر صادق
بنده کز بولنمدیمی پادشاهم هیبات ! بر اوقوبده مصیبت دلنلالغنه شتاب
ایده جک پادشاهم ! تاتارک صاغ جناحی بلای آسانی کبی اوزریمزه
چو کدی . یارم ساعتدن بریدر قان ایچنده یوزیوروز ، نحو اولیوروز .
اوقلر توکندی ، زرهلر پارلندی ، قارغیلر ، قلیچلر ، خنجرلر
قیرلدی . عسکر کز اتلرینی ، کیمکارینی ، سپر دیشلرینی طارناقلرینی
سلاح یرنده قوللانیاورلر . بر پیاده مز اوتوز قرق آتلی ایله اوغراشیور
مکن اولدینی قدرینی اولدیریمور . فقط نتیجه سنده تلف اولمقدن
بشقه برشیده نائل اوله میور نه بیایدیر ؟ الله آزی چوغه یراتمامش .

— جلال‌الدین —

تاتار نرهدن چوغالدی ؟ بر طرفدن امدادی کلدی ؟

(اورخان)

او چوغالدی بز آزالدق پادشاهم ! غیاث‌الدین جناب حق ایلك
منزله یتشدرمسون عسکرک اونده طقوزینی برابر آلدی . بغداد یولنه
طوغری چکلدی کیدیور !

(جلال‌الدین)

آه ! ... کائات تملندن قوپوبده باشمه می بیقیلیورنه در ؟ صرعه لی
چو جقار کبی وجودیمی اداره ایده میه جکم . بو قدر مبرم بر غیرت
زماننده بیقلوب بر طرفده قاله جنم ملعون ناصرده جنکزه ده رحمت
اوقوتدی آه نیچون کبرتمدن ن نیچون دنیای اوله فضلات طیبعتدن

مرکب بر وجوددن تطهیر ایتدم کوردکی نورالدین انسانی بعض
 کرده مرحمت اللهم رحمتدن دور ایدیور نم وظیفهم قدرتك صرف
 چقوره آتلمق ایچون یرا دینی اویاه بر جیفه ذی حیاتی عالم حیاتک
 تسمیمنه بتون جهانک افاسنه سبب اولمجه یه قدر یر یوزنده کزدرمکی
 ایدی ؟ یاربی خنزیرده انسان قیافتنه نسخ اولنورمی ؟ لعنت تجسم
 ایدرده خاندان حکومت ایچنه دوشرمی ؟ ملعونک قلبی شیطان مایه -
 سندنمی یراتدک یاربی خان یارم ساعت انه ویروبده حیاتی حیات
 ابدیه می او آنده محو ایت قائم اغلا یچنده مسخره بر شی اولیور ...
 جنونده کتیرده میورم جهنسه ده کیده میورم که شوعدا بلردن شو اذیتلردن
 قورتیایم حیثک حالی هابیل قابل وقعه سنی ده اونوتدردی . قابیک
 قصدی بر جانه ایدی . بو نم جانندن عزیز مسلمینه قصد ایدی .
 حیاتک ضدینه موت بار اولدینی کبی نم ضدیمده غیاث خلق اولمش
 یاربی احبام طبیعت پارلاندن نصل بویاه یریحی جنوارلر وجوده
 کتیریور ؟ یاربی بو خاننا کار سنک عالمده وقوعبولیورده نصل
 جهنمک آغزندن قطرانلر کویوردرک آتشار پوسکوردرک یر یوزینه
 اوغرامیور ؟ یاربی باصدیغمز یرلر بو سیاتک آغزلقنه نصل تحمل
 ایدیورده اسفل ساقینه کیمیور ؟ یاربی بوملغتدرسنک حوزده قدر تکده
 ظهور ایدیورده نصل صدمه جلالک اجرام کائناتی بر برینه چارپه
 چارپه محو و پریشان ایتیور ؟ آه ! پدر پدر فاک بکا تعیب ایتدیکم
 حاللری تقاید ایه جزا ایده جک ! عدمک هانکی بو جاغنه جهنمک
 هانکی گوشه سینه چکیایم هانکی شیطانک قویینه صاقلانه یم که یچه یوز
 بیکلرجه یوز بیک خانک قوقش قانندن ، مردار جیفه سندن مرکب
 اولان شوننی دنیایی کورمکدن بر برینک لاشه سندن یاشار مخلوقر

ایچنده طولاشمقدن قورتیلیم کونش باشمک اوجنده طور دقجه اوزریمه
اجل ترلی یاغدیریور طوپراق آیاغک آلتنده اسندکجه ، اطرافه
اولوم قوقولری طاغیدیور . اوف !... سعادت دنیایه کلامکدن ایش
برکره کلنک اولومدن بشقه قورتولش یوق آه !... بن شمدی آرقه
سندن یتیشیرم . قضاکی باشه چوکه رم یاربی وجودینک هر ذره سنه
بشقه برجان احسان ایتسه کده هر برینی آیری آیری اتلاف ایتسه مینه
که کلام تسلی بولیمه جق .

« اورخان »

یتشمک ممکن دکل پادشاهم ! آرمزه بر قوجه تاتار اردوسی
کیرمش نصل کیلیر ؟

(جلال‌الدین)

اللهم تاتاری انسانیت عالمده نه قدر حیرلری مقصد وار ایسه
جهنسنه حائل اولق ایچونمی براندک ؟ بکابوقدر یرلرک شاهلفنی احسان
ایش ایکن شو عاجز عسکر قدر فرصت ویرمیورسک اوکندی شیطاتی
تپهلدی . بن بر یکی ملعونک آرقه سندن بیله یتسه میه جکم اوف بویله
حیاته هیچ طاقت کلز « اورخانه » دوش اوکه تاتارک غلبه لکی نرده
ایسه او طرفه یوری .

« اورخان »

پادشاهم ! او طرفه کیتمکه فائدیوق . یهودیه ره موتک قوجاغنه
قوشمش اولورسکنز .

(جلال‌الدین)

بن اولومدن بشقه نه آرابورم ؟ دنیانک چه ره سنده کی ایکننج
ایکننج خبانت بولاشقلرینی ستر ایتمکه کیده جکم .

(اورخان)

پادشاهم ! اردونك مركزى حالا یرنده متانت ایدوب طور ییور .
افندمز اوراده بولنورسه بلکه جناب حق برغلبه احسان ایدر .

« جلال الدین »

ایستم ایکی کون صکره بر خیانتله برباد اوله جق غلبه شیطانلره
نصیب اولسون

« نورالدین »

پادشاهم ! اونصل تصور ؟ ملت اسلامیه یی ناصرله غیث انهمی
براقه جتسکنز ؟

(جلال الدین)

یوق ؟ ... ایسترسهك قلبمدکی طمارلری ییلان دیشیمله یاردهده
بکا اویله لاقردی سویله ! ... آه مرکزده ... مرکزده یاربی ! ...
شو تاتار بلاسی نه وقت دفع اولوبنده ناصر دیدکاری ملعونه غیث
دیدکاری خنزیره نوبت کله جک « جلال آت اوزنکیسنه آباق آتار »

پزده اینر

پردہ

۱۰

«گرمانده برسرای — کیجه — هنوز صبح کاذب کورنمکه باشلار»

برنجی مجالس

غیاث‌الدین — زاهده

«زاهده»

«غیاث اویقو آره‌سنده دهشتلی دهشتلی باغیرمغه باشلار» نه
اویورسک؟ کوکلنده ظلمت کابوسی اولوبده اوزرینه می چوکیور آه
هلاک اوله جقمده لاشه‌سنه آغلامق مصیبتی ده بگامی قاله جق؟ غیاث غیاث!

(غیاث‌الدین)

«تلاش وشدتله یتاقدن فرلایوب نهنسک ائرینه صاریلهرق»
های؟ نه ایسترسک؟... نه وار؟ کیسک؟... براق... اولدیره جکیسک
خی.

«زاهده»

نه اولیورسک کوکلنک چرکینلکی والده کی جلااد کوستره جک قدرمی
ذهنکه وله کتیردی؟

(غیاث‌الدین)

«برایکی دقیقه حیران حیران زاهده‌نک یوزینه باقدقدن صکره»
سزه‌یسکیز؟ اوح طورک بر آز نفس الیم «تتره‌یه‌رک» آه اویومام
بوندن صکره بن بردها اویومام! کیرپیکارم بربرینه قاوشمغه هیچ
نصل جسارت ایدر؟ «آجی آجی کوله‌رک» اویقو، رحم مادرده
اولان آرقه‌سندن آریله‌مامشده میدانه کلش بره‌مال روحانیمی ایتمش.
اویقو، برکونک ایکی ثلشنده ضایع اولان قوه حیاتی اعاده ایچون

برادش بر احسان الهی ایمش بویله سوزلر سویلیانار هیچ اویقو
 اویومامش میدر؟ نه در اوف؟ اویومشدر. اویومشدر اما نم کبی
 اویومامشدر... نم کوردکاریمی کورممشدر. آه دنیاده هر نه قوته
 مانک ایسم جمله سندن محروم اولدم. وقتکم بر آزینی راحت کچیره جک
 بر اویقو و ارایدی اوده الدن کیتدی های؟... اویومام بن بوند نصکره
 والله اویومام: اویویه مام که اویویه یم.

« زاهده »

« کندی کندینه » عمری ظلمت ایچنده کیمور غالباً اوکا بدل
 جناب حق اویقور اچتندن محروم ایده جک « غیاثه » نه اولدک؛ دلی
 چوجق اویقوی اولومی ظن ایتدک؛ هیچ انسان اویقوسنی بتون
 بتون ترک ایدرمی؟ سنک ایچون ممکن اولان سعادت لک هپسندنمی
 قاچه جتسک؟

« غیاث الدین »

اویقومی؟ اویقومی انسانک والدهسی دکل کوزلری بیله رؤیاسنی
 برابر کورمز نره دن کوره جکسک؟ اویله اویقونک یارم ساعتنه بدل
 بر عمر ایدی ویرسه لر انسانینه قبولنه جسارت ایده مز:

« زاهده »

« حیرتیه » نصل رؤیا؟ نه کوردک!... نه کوردک!...؟ اللهسکا
 ایتدکارینی کوزلرک قیاندینی زمانمی کوستریور؟

(غیاث الدین)

سویلمه .. سویله ! ایتدکاریمه دکل

❖ زاهده ❖

کیم بیلیر؟

غیاث‌الدین

کیم بیایر دیمه ایتدکلریمک مجازاتی دکل ! ... کوردیکم رؤیا
ایندی : اولیه در دکلمی ؟ اولیه در ! دی ! اولیه در دیسهک آخی
چیلدرته جقسک ! ...

« زاهد »

به آدم نه اولیورسک ده چیلدره جقسک ؟ ایشه کوردیکمک رؤیا
اولدیغنی سن ده بیاورسک . انسان رؤیا دنده قورقارمی ارکک
اولدیجقسکک ؟ ...

« غیاث‌الدین »

کوردیکم رؤیا نصایر بیایورمیسک ؟ بردنبره هواده بر مهیب
آوازه پیدا اولدی یلری توکلری استیغاب ایتدی . کائاتک هر ذره می
آری آری تتره مکه تتره میه ، تتره میه ، برندن آیرامه باشلادی فقط
آتشلی قطران دومانلی ایچینده بر قاصرغه اجرام علویه بی بر برینه
چار په چار په بیک پارچه ایدر . هر پارچه سنی کره زمینک اوزرینه
صاروورردی هر دنیای اوقدر تضییق ایدردی که یلرک هر منفذندن
کوک یوزینه قدر آتشلر فشقیرددی . برحانده که هر برینک ایچینده
کونشک ذره لری علو رنگیده اولو کیمکی ، مزار طاشلی قیناردی نهرلر
هوایه طوغری علودن کساش بر اژدرها کسلدی . کوک کور اتیسندن
مشمش صیحه لر طاغیده رق طاغلیرندن اوینادی . قرغین زقسندن
جهنم ایکلته یسندن مهیب صدالر پیدا ایدرک نیجه یوز بیک پاره سی عالمه
قویرقلی ییلدیز کبی آتشلر طاغیده رق سوزیلور . بر بریه مصادمه ایدر
پارچه ، پارچه اطرافه اسانندن یقلمش ظن اولنه جق قدر دهشتلی
طراقه لرله ینه بر بیوک عالم کسایلیر ، ینه دیکر ، بر بیوک عالمه

چارپیشیردی . مصادمه لرك پيدا ايتديكى آوازده لايه كويا برصلا بت پيدا
 ايدر يكي يكر يايه طوقوشور . هر صدمه دن نيجه بيك صدای هائل ظهور
 ايدردى طملك هر ذره سى دونه ، دونه بيور بر جهنم اولوردى طرفه
 آتشله طاغتمنه باشلاردى طاغيمان آتش لرك هر ذره سى اوزايه اوزايه
 ييلديرم بوينده بر زنجير اولور . كنارينه صارييليردى . اشاغيدن يوقارى
 دنيا قدر آتش پارله آتايير ، يوقاريدن اشاغى كهكشان قدر صاعقه لار
 ياغاردى . كويا دهشت تجسم ايتمشده بر عالم شكلنه كيرمش ايدى . بله كه
 دنيا ده قدر موجود وار ايسه جهاسى دهشت كسلمشدى ينه هيسندن
 قورانچ ينه هيسندن جانشكاف عوالمك فوقده كلان صدا ايدى «كل
 دهشت» اللارنى قولاقارينه كتوره لرك «هاى كر چكدن صدا ايشيدلر كه
 باشلادى . فلک بكا اويقو كى اوياننى ياتمى ده مى حرام ايدى جك ؟ ...

« زاشده »

آهيم ! ايتدكلر يمزك مجازاتى ايچون جهنمى جنت كى كوتره جك
 كاشادن بيوك جهنمه مى ياد ايدى يورسك ؟

(غياث الدين)

دكل اويله سويله قادين ! سنى او جهنملره زيارتمى نصب ايتديار ؟
 دكل ابتهه قورقه جقم . رؤيا ايدى قيامت قورقه دى يا ! ..

« زاهده »

بيليرم ملعون ! عنادك طوتد ينى زمان كر چكدن قيامت قويسه
 آدن ده قورقمازسك اللهك جلالنه ميدان او قومقدن چكمنزسك .

ايكمنبجى مجلس

اولكيدر — بر خادم آغاسى

﴿ خادم آغاسی ﴾

امیر حضرتاری . افندمزی کورمک ایستیمورلر .

﴿ غیاث الدین ﴾

بیورسونلر « خادم آغاسی چیقار » بووقت بی نیچون کوره جک
ایمش چکیل قادین شورادن بقالم حریف نه ایستیمور ؟
« زاهده »

غیاث ! غیاث ! بیلیم سنی بورالره مانک نصرت قانیی سوروکنه .
دی . کتیردی بیلیم ! کوردیک روفایار قرداشک دینک ایتدیک
خیانتک جزاسندن نمونه مینر ؟ الله انجاننی خیر ایسون « زاهده
چیقار »

﴿ غیاث الدین ﴾

رنک ویرمه کلز جانوار انسنک چه ره سندن بر آز صولو قلان
کورسه انه میت کچمش غالی بر آز قرمزباق حس ایتسه قن کورمش
قیلان کبی حالدن . حیانتدن . استفادیه قانقشر هله کونگده کی
اضطرابه بر آز سکونت کلدی .

اوچنچی مجلس

غیاث الدین — براق حاجب

﴿ غیاث الدین ﴾

صفا کلدی کلز امیر ! انشاالله خیردر بویله وقت سنر تشریف کتزه نه مهنا
ویردم .

﴿ براق حاجب ﴾

بلالر وقت اتحابیله کلیمور شهزاده م که بند کزده ذات دولنگزی
کورمک ایچون مساعد زمان ارایم ؟

« غیاث الدین »

نه کبی وقتسز بلا ؟

(براق حاجب)

اجل کبی هیچ اوہ و ملدق زمانده یتشمش بر بلا شهزادہم : برادر یکنز جلال اندین شهری محاصره ایتدی . عسکره ایکی ساعتدز قلعه یه صارمقا : اوغراشیور بر مؤثر تدبیر بر قوتلی اتحاد حاصل ایدہ میوبده سیاھی بی بوفتور بو ترده حالنده بر اقر سسہق قور قارم که شهرک قپولری ضرب دست ایله آچارده بیک جانمز اولسه برینی قلیچدن قور تاره میز .

« غیاث الدین »

برادرک اسلام اوزرینه شدتدن احتراز بیور میگز .

(براق حاجب)

اوله عوام قویباً نه نمایشلره آدانغنی درایتکزه یا قشدره مدم . شهزادہم ولوکه دیدیکمز صحیح اولسون ... ذاتاً جلالک بزه اسلام نظریله باقدینی یوق ازدیاتی تاتار ایله حربه چالشمقدن عبارت بلیور بز کندی فکرینه پرستش ایتدیکمز ایچون عنندنه جنکیز قدر مشرکز . هم دنیا دواتی کوز اوکنده طوررکن آخرت کیمک خاطرینه کلش . برادر یکنز بو قوجه کوزلرک سلطنتی بر اقرده اوج آرشون مزارده راحت یاتمی امیدیه اکتفا ایدرمی ؟ نیچون کندی ذهنزده کی قوتی بر اقلده غیرک اخلاقده کی متانته اعتماد ایدلم . یقیناً بیلکرکه دیدیکم کبی بر قوتلی اتحاد پیدا ایدوبده بوراده تقسیرر ایتدیرمکن بشقه بزم ایچون چاره نجات یوقدر .

(غیاث الدین)

ذاتاً اتحاد موجود ذاتاً سلطنت بوراده .

« براق حاجب »

دكل شهزادهم دكل اتحاد نرده قایلر حالاً عسكری تمرك بر برینه اعتمادی
یوق هر کس دشمنك اوقنه ، قلیچنه کوکس خلوتارکن صاغنی ،
وصولنی ده آرقداشنك خنچرندن ، بیچاغندن صاقلامغه مجبور اولیور
حالاً صنفلیمز قرارلشمدی تابع متبوع آکلا شلمدی . حکومت ایکی
قوتله اداره اولتماز قلیچ ال ایله قوللانماز .

« غیاث الدین »

نه دیمك ایستیورسکنز ؟

(براق حاجب)

عرض ایدیم : بوقدر مخاطره ملی بر زمانده پادشاهز ادءلك . پادشاهانه
کافی دکادر رأس ادارهده هیچ اولمازسه یاریم عصرک تجر به سنی جمع
ایتمش بر فکر هیچ اولمازسه اوتوز قرق اردونك قارشینسه طورمش
بر کوکل ایستر . بنده کز آتاکم مقامنده بولغنی یمده سزه ایلروده
انفاذ حکم ایده جک بر سلطنت وجوده کتیر منیم بویله بر تدبیرده
امنیتله حاصل اولور . امنیتک روحی اشتراک منفعتمدر . دنیا ده بن قرابتدن
زیاده منفعت برلشدیرر بر حال کورمدم . بر ادریکیزله اولان ماجراینی
دوشمنیکز . قرابت ایکی طرفک منفعتمنی برلشدیرمکده نه قدر خدمت
ایدرسه آیرمغده اوقدر آلت اولور . معرفت ، قرابتی فائدهنی جهته
سوق ایتمکدر : ...

« غیاث الدین »

نه درلو قرابتدن بحث ایدیورسکنز ؟ بر درلو ذهننده بولدمیورم .

« براق حاجب »

حالبو که بحث ایتمدیکم قرابت پک ساده پک میدانده برلشدیر .

آتابك لفظك مدلولندنده انتقال بیورده مدیکز می؟ سنگز جلی
ایارولمشده دها پادشاهلغه لایق و لازم اولان مرتبه کاله وارماش
سزه پدر دخی لازم والده کز طول، دها سنی ده آلماش آنکده بر
ارککه احتیاجی وارملکه حضرتلرینی بنده کزه نکاح بیورسه کز قرابت ده
وصایتده وجوده کایر حکومتده لازم اولان وحدت، عسکرده اقتضایدن
اطمئنان ده حاصل اولور. بالطبع سلطان جلال الدینکده پدر معنوی می
مقامنده بولنورم. او وقت حتمزده اولان سؤنیتی قیرمق آئی ده
ترتیب ایتدی کمز دائره منفعت ایچنه آلتی قولایدیر. اورالرینی بنده کزه
براقی کز.

(غیث الدین)

لقدیدلرینی دیکلیورمده اریانقلتنده رؤیا کورمش کبی اولیورم!
حاجب بو قدر بالا پروازلغه سبب نه اولیور؟
« براق حاجب »

حدیکزلی پادشاهلق دنیلن اعلائی مراتبه چیقارمغه نه سبب اولدیسه
بنده کزک بالا پروازان بیوردی کز تصور اتمده اوسبب اولیور.
بلمده کی قلیجه باقیورمده قبضه سنه طیانقدن صکره دنیانک ال یوکسک
سلطنتنه صیچرامنی محال کورمیورم.

(غیث الدین)

حددن تجاوز الویرر!... اومدیغندن زیاده حقارت کوررسک.
« براق حاجب »
کرحکم آرسلا نیم؟ واه یاراماز یاوروجاق واه نه تخف حدت
ایدیور؟

(غیث الدین)

﴿ براق حاجب ﴾

« آغیر آغیر یزیدن قلقوب اوزرینه طوغری کیدرک » سن
 اس نکه ادیب تلمیم ایتمکه چالیش !... ایجه بلکه حیاتک آرسلاف
 پنجه سنده در ایجه بلکه پادشاهنک قلینچی باشنک اوزرنده طوریور .
 شودیوانه به بق . قرداشنی دشمن او کونده براقش تاتار اتلرینک
 آیفلری آلتنده قاتقان دومانری غول بیانی آلیاری ظن ایتش بورایه
 قدر کلشده جانی قور تارمق ایچون صغندینی ملکتی ضبط اولمش
 کشور ظن ایدیور بر کره پنجه صالحدینی کبی صالحدینی جاننه مقتدر
 اولان آدم سلطنتی کندیسنه ویررقیاس ایدیور . بی دیکله قارشونده
 طوران جلال دکل ! کوکلشده قرداش محبتی یوق منک نصرت هیچ
 دکل فکرنده حق نعمت کوزتمک کبی بدالاتاردن اثر بوله منسک
 مجنونلغی براقده حیاتک سکا لازم ایسه والده کی چاغر سویله نکاحه
 مخالفت ایتمسون !...

«غیث الدین»

سن دیوانه کی براق بن والده مک پدریمکه نکاحنه طلاقه قاریشهیم
 براق حاجب

چوجه لغکزه کوره پکده فبار عذر تدارک ایتمدیکز ملکه کی چاغر
 سویلم آنر سلطنتک کر چکنی کور مشاردر لواز مینده کر چکنن بیلورل
 کور دکلری بیوکلاکلر شاه مران دولتی کبی لغفی مراد برشی دکلدرکه
 شهزاده حضر تلرینه بکزه سونلر . کل !

«غیث الدین»

کیمی چاغر بیورسک ؟ نه بیجقسک ؟...

براق حاجب

قورقه یاوروم !... فالقه دکک اصار لیورم نه جکنی چاغرده جم

«اویایه کیرک بر خادم آخاسنه» ملکه زاهدده حضرتلرینه سویله ! . . .
 بر آزبورایه تشریف ایتسونر شهزاده حضرتلری اویایه امر ایدیورلر
 بنده رجایدهرم اونومه لقردی بی عینی عیننه سویله همان شمندی تشریف
 ایتسونلر مهم برایشمز ظهور ایتدی شهزاده حضرتلری اویایه امر
 ایدیورلر بنده رجایدهرم «خادم آخاسی چیتقار» .

«غیاث الدین»

بوشتقای نهوقته قدر اوزادوب کیده جکسکمز ؟

براق حاجب

چوجق ! بندها سنک سنک کله بن براقچ سنه اول شقای ترک ایتدم

«غیاث الدین»

بک اعلا جدی قونوشدم . بنی بو حقا رتله اوغراتقی ایچونمی
 کرمانه کتیردک .

«براق حاجب»

اولاد سنی کرمانه بن کتیرمدم سن جلال الدینک محربه میدانلرنده
 خصوصیه فکرینه طوقونه جق بر حادشه ظهور ایتدیکی زمانلرده اولونه
 قووالیوب کرمک عادی اولدیفنی بیایردک قرداشنک کندی سمعی کندی
 درایتی حق دنیاده کندینه مخصوص اولان دیلیکی سایه سنده وجوده
 کتیردیکی ایشار جنکیزی بیا، حیرته براق دیفنی کوزینک اوکنه آندک
 بن خوارزم شاه نسلندن دکلمیم ؟ سیاعینی عیننه بکزه میورسه ده
 بتون بتونده مشابهدن حالی دکلمر بن کیمسه ناک یانه میجفی ایشاره
 سونق اولورم افعالر تممی تممنه بکزه سه بیه البتده بر برنی آندیرر
 بر خدشکار جلالی براقوبده بن یانمه کلمیمی ؟ بر ملتده آندن آریور
 بکتاب اولورکی ذهنکده برقیاس ترتیب ایتدک دتی اطرافنی مال و قبل

دین‌جیلری ایله محاط کوردیکيچون . . . هر کس پادشاه اتمکله چينير
 انتقادينه دوشمش بر خاندان آرمسنده يتشديکندن عنوانی پادشاهلق
 قزانمز . پادشاهلنی عنوان قزانير اعتقادنده بولندک حسد ، قورقو ،
 کين ، رعوت ، کبی بر طاقم امراض نفسانیهده واعمه لرینک سووقنه قوت
 ویردی . . . هله جلالی تاتارک هجومی اوکمنده کورنجه سن یانندن
 آری بایرسدک آنک هلاک اوله جغنده او هلاک اولنجه دولتی واقبالی سکا
 قاله جغنده هیچ شبهه ایتمهکه باشلادک . راحتجه محاربه میدانندن قاجدک
 بغداده قدر کیتدک دولت عباسیه طرفداری کورینورسهک ناصر
 خاندانسه اولان کیننی اونودر . هیچ اولمازسه جلالهزغم ایچون سنی
 وقتیله ارطغرل بکک اولدینی کبی سلمنالق پادشاهلق نامیه اسلامک
 اداره سنه مؤکل ایدرضن ایتدک هیچ دوشونمداک که هر خایفه قائم
 با مراللهه بکزه مزه هله ناصر ! سن دکل ، زماننده مهدی ظهور ایتمسه
 آنی بیه ایشنه مداخله ایتدیرمن ارطغرل ایسه بغدادده سنک کبی بر
 قاج غوغا قاجنی ایله دکل خایفه نک ملکنی اوغورلرنده حاشیغه مقتدر
 بر اردولق لوندانه قیافتلی قهرمان ایله کیتتمشدی شهزاده لکک بغدادجه
 آلی ایله سرایده مسافرک نامیه حبس اولمقدن بشقه بر لطفی اولمديغنی
 کورنجه نظرینی عباسیلردن علویله چویردک سزه کورده مذهب
 دکشدرمک سیاه یرینه یشیل کیمکدن فرقنی طوتوله جق دکل یا تلاش
 ایتمک : تلاش ایتمک انسان وجداننه برهزیران پیدا اولدینی کورنجه
 نه قدر صمدیغنی بیلیم . فقط ضروری یوق مساعده کزنه سوزیمی اکل
 ایدیم ! سزه کورده مذهب دکشدرمک سیاه یرینه یشیل کیمکدن
 فرقنی طوتوله جق دکل یا دیماشمیدم برادریکوزک یانندن بغداده نصل
 قاجدیکزسه بغدادده اوله قاجدیکز ! الموته کیتدیکز . هیچ

خاطری بکزه گلدی که اما علییه طاقنک رئیساری وکالت نامنه پادشاهلق
ایتمکده دها سهولت کوردکاری ایچون امام معصومک اعتقادینی التزام
ایدولر خنجرلرینی ایستمدکاری ملوکک اک امین عزلتخانه لرینه ،
ایستمدکاری اصحاب حکومتک وجودلرنده کی اک جان آله حق گوشویه
صاپله یه صاپله یه دنیاده نه قدر تخت دولت واریسه اوزرنده او طور انرک
منظره لرنده واضحه دن یاپله برخنجر طولاشدیرمنه مقتدر اولان برقوم .
خوارزم شاه آدینی ایستمدکاری کی خیال لرنده طبیعی بر اباسعت بر
مغلوبیت توعم ایدولر ظن ایندیکنز . حالبوکه بغدادده صوری اولسون
بر دبدبه کنز بر اقبالکنز وار ایکن انوتده سزه انسان قیامتنه کیرمش
بر قورود نظریه باقیدیلر . وجودیکیزی خدمه دن تفریق ایتمدیله قیمه تکیزی
اوزمان بر درجه یه قدر آ کلادیکنز . فقط خوارزم شاه نسلندن
کلدیکنزی دوشوندجه کندیکنزی کر چکدن دنیانک بر پارچه سینه
حکومت ایچون یارانش ظن ایتمکدن یه تون تون بری ایدمه دیکنز .
پدریکنرک حکم ایتدیکی یرلره دوشدیکنز کی تحت سلطنت یرندن
قویارق ایانگنزه کله جکنه هیچ شبهه ایتدیکنز . امرکنز ایچنده بی انک
قوتلی ، امرکنزک طوتدینی یرلر آرد سنده کرهانی انانیتلی کوردیکنر بورایه
قدرکنندی رأ یکنرکنندی خواهشکنرکنندی آیانگنرله کلدیکنز بیسهم کلیرکن
« آنسزله سنچرک » ماجراسی .. هانی جندیکنز : .. « آنسز » حضر تارینک دها
بنده ایکن خوارزم شاه دولتی میدانه کیترمک ایچون سلطان سنچره ..
هانی شو سلطان سنچره که غم سزته کی پادشاهزاده همده خدمتنده
سزک کی بیگ شهزاده قوللانیر بر پادشاه ابدی نه یولده معامله ایتدیکی
اونوتمشد یکنز ؟ یاخود اونوتمدیکنرزه حکومت لذتی نعمت شناسلق
وظیفه سننه مرجح کورمک نظر کنرزه یالکنر جدا مجد کنرزه مخصوص

برحق ، یالکز جدا مجدکزک شانیدن صایله جق بر بیوکلی
 کورندی ! حدت بیور میگز ! سوزلریمه نتیجه ویریورم مرادم سزی
 بورایه دعوت ایتدیکم اکلتمق ایدی آریه بعض لغردیلر قارشدیه
 محاوره‌نک سوقیله قاریشمنی خلاصه سزی کرمانه بن دعوت ایتدم
 جدا مجدکزک سچردن قچدینی کبی اوکگز دنده قچمدم . خاندان
 دولتکزک شعاری اولان « خدای جهان تک نیست » قسمتی
 برادر یگز جلال‌الدین ایله ظهور ایدن حکامه تک عافیتنه صاقلیورم .
 سزی کرمانه بن دعوت ایتدیکم کبی حقکزده حقارت کوستر
 بر معامله بی ده اختیار ایتدم انا بکگز مقامنده بولمق ایستدم کیمسه
 کندینی یوقدن وار ایدمدیکی کبی انا تک مسندینی ده بالطبع ده دنیا
 یوق ایکن انا بکگر ایجاد ایتمش پادشاهزاده لر ایچون پادشاهلر اختراع
 ایش بنده کزده افندمزه آیین سلطنتدن بیکلر جه امثالی کورلمش بر تدبیر
 عرض ایدیورم والده کزله ازدواجه طالب اولدم بر ارککک والده کزه
 رغبتی حقارت ایسه اوسیده یه بنده کز دن اول جتتمکان پدر یگز
 تصدی ایتش ایدی !!!

« غیاث‌الدین »

« کندی کندینه » آه خان استهزامی انسانک کولکنه میلان

زهرندن زیاده تأثیر ایدنیور !

« براق حاجب »

« کندی کندینه » جبین ازورنده بیک جبین کورمکه تحمل ایدن

انسان دوداقلده اوفاجق بر خنده استهزا کورمکه تحمل ایدمدیکنی
 بیلیردم . فقط ایچنده کفی ستر ایتمکده ، ایقار آلتنده سورونمکده ،
 روحسزلقده قانسزلقده مزار طاششدن فرقی اولیان بر مخلوقکده

کولنج اولدیغنی کورنج بوقدر متاثر اوله جغنی اومزدم « غیاثه » برشی اراده بیورم دیکیزه جلال الدینک عسکری قلملرک دیوارینه صاریلور غیب ایتدیکمز زمانک نه قدر قیمتلی اولدیغنی دوشنمیورم دیکیزه ؟ بر دقیقه سی عالم فنایه کیدجکه همزک حیاتی برابر سوروکلیه بیلیر !

« غیاث الدین »

نه سویلییه ؟ سز بیلیرسکز حکمی اولیه جق برسوزی سویلامک ایچون ذهن یورمقده نه فائده اولور ؟

« براق حاجب »

بوده تجربه سزک ! هم ده افسدمزه مخصوص بر تجربه سزک نتیجه لر نندیر . والده کزملکه حضرتلری کلپورلر آنلر سزک رأ یکنزده بولمزلر ظن ایدرم

❖ غیاث الدین ❖

« کندی کندینه » آه هم جلالک پنجه سنه دوشسن هم آغزم بیوریلر دیه قیلنجی ایصیرمنه مقندر اوله . !

« دردنجی مجلس »

اولککلر زاهد

« زاهد »

نه درغیاث ؟ سیانه بر بحایب حال چوکش بی نیچون ایستدک ؟

« غیاث الدین »

بن ایستمدم بوچاغرتدی برملکک حاکمی طوررکن بشقه سنه امر ونهینه اقتداریمی اولور ؟

« زاهد »

بووقت بی معاصیل ایتدیورمک ایچوننی زاحتمز ایتدک ؟ مقصدک

نه ايسه سويلسهك آ

« براق حاجب »

کندیلرینه بعض تدبیرلر عرض ایتشدمده غالباً انفعال ایتدینر .
بنده کزک مقصدم ايسه دولتیرینی ثایدایتک حیاتیرینی دشمن الذین
قورتارمقی ایدی

« زاهده »

غیاث : نیچون بسوز دیکله مزسک ؟ عنسادک معروف اولدینی
مقصدی غائب ایتدیرمکدن بشقه نه تأثیری کورلمش ؟

« غیاث‌الدین »

قادین ، مناسب‌تسزیره کوه‌زدلنوب طورمه بو آدمک نه ایتستدیکینی
بیلیورمیسک

« زاهده »

نه ایتستورکه او قدر حدت ، او بذر تلاش ایدیورسک ؟

« غیاث‌الدین »

نه ایتسته‌جک ؟ ... سنی ایتستور ..

« زاهده »

اونصل لقردی ؟ چیندیردیمی چوجق ؟ ...

« غیاث‌الدین »

حینا که ده‌ها چیلدیره مندم سنی ایتستور دیسورم کنددی اتابک
اوله جقمش آره مزده اتحاد لازم ایش . اتحاد قرابته محتاج ایش سنی
ایتستور دولتلمزی محافظه ایچون یاپه‌جینی قلعنه‌ک چاموری اوله جقمشسک
اکلادکی ؟

« زاهده »

« برافه » حاجب شهزاده‌نه اولدی که بویاه مناسب‌تسز لقردیلسور بیلور

« براق حاجب »

حدث بيورديار اندم . حدثك انك بيوك بر فالغی ده نظرده هر
شیئی بیوتمکدر قولکیزک تکلیفی نه مطالبه دن طولانی ایسه دشمنارنده
بیوته بیوته کنیدیلرجه بر نوع حقارت شکنده قویمشار .

« زاهده »

نه کچی تکلیف ؟

« براق حاجب »

شهزاده حضرت تلمی ددین سویلشاردی صنایع فی الحقیقه خار
لره کلاهیه جک قدر چیرکین و صفا نه سادبشیر تپیرلره سویلیدیلر
فقط اندمن اودرلو ایدرلر آردسندن ده حقیقت ادبی استجراج اتمکه
مقتدر سکر .

« زاهده »

خوارزم شاعک حورملری بر حاجبک یتاغنه کیرمک درجه لینه
تزل اییدی ظن ایدرسک ؟ ...

« براق حاجب »

استغفر الله ؟ ... بر حاجب یتاغنی بر ملکیه ارامکاه اوله جق درجه .
لره اصعاد ایده بیلیر اعتقادنده یم .

« زاهده »

شموخانه باق ! ولی نعمتک عرضنه کوز آتمش هم غرضی نه قدر
سکینتاه نه قدر حضور قلبه میدانه قویبور .

« براق حاجب »

به اندم ... بر میت دنیانک هانکی نعمتدن مستفید اولورکه
بر بشقه سنه ولی نعمت اوله بیلسون دنیا آخرنک حرم دأره سیدرکه

صاغر ايچنده اولولرک عرضندن مسدود اوله جق وجودلر بولنسون ؟
 دنياده برقادين برارکک ايچونمي يراديلير ؟ انسانک عري فنا بولور .
 نکه حى ينه باقىمى قالير ؟ همده اغندم حق نعمتندن بحث ايدرکن
 قولگنرک قره خطاي خانى بندلرندن اولديغىمى خاطر دن چيتارميگنر
 خوارزمه کره لاک وياخدمتکارلغه کلامشدم دولتمکنر طرفندن خانه
 موعود اولان خراجى تحصيل ايچون کلشدم .

﴿ زاهده ﴾

کنديني قيامته قدر ملعون ايده جک قياسلر تريفينده شيطاندن
 کرى قالميورسک لکن بن کورکلى ابليس پنجه سنه تسام ايدر طاقدن
 دکلم .

« براق حاجب »

جلال الديك پنجه سنده قهر اولان نظريگنرده دهامى خيرلى
 کورينور ؟

﴿ زاهده ﴾

کوکلمک بو قدر طهارت نزلکيه برابر اولمبارک نامى لسانک
 آلمورسک ده بيلم نصل چارپليورسک احبابى امواته مقتدر اوله سک .
 جلالک اولديردیکی آدم سنک الله ديرلمک ايسته من . شوکوپک باق
 مردار تریاه تاويث ايتدیکی يتاق انسانه مزاردن خيرلى کورينور
 صانيور .

﴿ براق حاجب ﴾

مردار سوز فائلنک آغزىنى بولاشديرر بندگنر بورايه مشائمه
 ايچون کلدم جلان قامه نك اطرافنده طورينور . وجودىمى براردر
 صارمش ايکن قويندهده بريلان بسليهم .

« زاهدہ »

شو خائنه باق ولی نعمتتک اولادی ایچون نه هذیانتر سویلیور
ملعون ! بزى بورایه بوجنایتلره اوغر اتمی ایچونمی کتیردک !

« براق حاجب »

حق نعمت بختی شمدی سویلشدم غالباً اکلاشیاهمدی شتم ایله
شتم ایتک زهر ایله زهر تقطیر ایتمکه بگزر . اوزهرک ایسه انسان
برطاملهسنه تحمل ایدمز . سزى بورایه بن دعوت ایتدم . دمین
مخدوم مکرم حضرتارینه مرام اکلاتمق ایچون ساعتلرجه نفس تلف
ایتمش ایدم . شمدیده والده محترمه ایله اوغراشه جغز . سوزا کلامنه
نیتکیز وارمی ؟ فلک انسانی یالکیز سلطان جلال الدینک پنجهسنه
دوشسورمکه مقتدر دکدر . خوارزم شاه قدینلرینی تاتارلرده اسیر
ایده بیلیر اما تاتار قومنک حالی بشقددر . احتمالک آنلرک ترنده بر بخت
برشهوت قوقوسی بولنسون .

« زاهدہ »

آه غیاث ! ... آه غیاث ! سنی دنیایه کتیرمکدن ایسه کندم هیچ
دنیایه کلیم نه اولوردی ؟ سایه گده لقر دیلر ایشیدییورمکه برقادینه دکل
بردیشی یلانه بیله سویلیمکه حجاب اولور . سزده صفای خاطرله
دیکه یورسک . وجودنده کی قان سودمدن مایه لشمش ایکن جکریمک
آنشلر ایچنده قالدینغی کوررکن برطاملهسنه بیله حرارت کلیمور کوکلاک
چرکاب چقموریمیدر ؟ شو حریفک آغزندن چیقان لاقردیلره نصل
تعمل ایدیورسک ؟

« غیاث الدین »

قادین ! بنم نه قباحتم وارکه سزده بکامسلط اولور طوررسک !

« زاهده »

آلچق ! كندىنى قارىنىدى تاشىيويىدى دىنبايه كىتىرىن بىر قاندى بىر كوپكك
آغزىدىن قورتاردىمىور . هر والدە سنك كىي اولاد كىتىره جىكىنى بىلسە
دىنبايه انسانك نىلى كىلىرى .

(براق حاجب)

نىچون او قدر حدت بىورىيىورىسكز مالىكه ! اوغلىكزىدىن اولبايه
بىر محبت يىتاغلىكزى نازلى مخلصولدىن بو قدر نفرت لايىقىمىدر ؟
« زاهده »

بىه او بىر يىلانك آغزىدىن زهرلىر صاحلمغه باشلادى بىن دى نە دىوانە
قدىن ايشمكه يوزىنە تو كورمكه بىله لايىق اولمىان بىرەلەونە لاقردى
سويلىكه تىزىل ايدىيورم . « او طەدن چىقار »

(براق حاجب)

« غياثە » مكر افندىمزه حدت والدەدىن موروث ايش ! پدىرىكز
اولادىنى ، عىلىنى دىنىنى ، دولتىنى دشمنك آياغى آلتىنىدە بىراقوب
ابىسكونە چىكلمكه بىله تىحمل ايشاردى . ضررى يوق . حدت انسانك
باشىنە كان مصىبتلىر اىچىندە اك زىيادە سرعتلە كىچىلدندىر . شمدى
آنلىككە قانلىرىنە صوغوقلىق كلىرى . اوزمان ايشىمىزى قولاي قرار -
لشدىرىزى سراق بىورىمىكز . ظن ايشم جلال الدين بوكون يارىن قلەبە
جىرا كىرە بىلسون .

« غياث الدين »

بە آدم ! مقصدك نەدر ؟ بزدن نە كوردككە حقارتلە استەمزايىلە
تلفىمزه قصد ايدىيورسك !

(براق حاجب)

بو بدلا بىردىلو مرام اكلايه ميه جق . ايكى ساعت صىكرە يىلان كىي

آياغڭ آلتندە سورونە جكگىزى بيليركن نيچون بيهودە يره سردار
قانگىزى دوگەيمدە كوكلەمى ايگرنديرەيم سزڭ كېي تخته كېلەسى قىدر
عاجز مخلوقارى ازە جكم زماندە نيچون حدتە نەسمى ازعاج ايدەيم؟

بشنجى مجلس

اولكيار — زاهدە — صگرە جابرە

« زاهدە »

« قپودن عودتە » مگر بزه بورايى زندان ايتمشكەدە صگرە
ايدە جكك اشكنجهلرى اكلنمك ايچون يانمزه ككشسك اولەمى ؟
زبانلار بياە جهنمدەكى مجرمارە بوەماملەينى ايتمز مسافر خاى عهدهوامان
دشمنى ملعون !!...

(غياث الدين)

نصل زندان ؟...

(زاهدە)

نصل زندان اولە جق ؟ قپولرى الى سالاخە يوزلرجه عفریت
صارمش . بر آديم آتە جق اولدم . كو كسىمى قرق اللى خنچر
قارشوسندە بولدم .

« غياث الدين »

براق آە جساتك اوندى بىزى ترتيب ايتديكك دام خباثە
دوشوردك دە آنك ايچون ارسلان اولوسنە تصادف ايتمش كوپك قدر
تەالكلە تشفيلرلە ايصيرييورديك اولەمى ؟

(براق حاجب)

غالبا ملەكە حضرتارى حدتە خيالات كورمەكە باشلامش . بو قدر
حدتدە بر نوع حمادر خيالات كوسترە بيلير يا !!

(زاهده)

يالنجيلى ، ادبىزلىكى ، كندى مذهبنجه بر عبادتى بيليرسك ؟
هيچ محتاج اولمديغك وقتلردهه يابدیغنى انكار ايتكدن اوتانمورسك .

(براق حاجب)

مبارك جمالگیزی گوره میورم فقط ظن ایدهرمسكه غضب چهرگزه
بر حسن دیگر ویردیكى ایچون حدتسر لاقردی سويلنامكى اعتیاد
بیورمشسكز . انكاره محتاج اولمديغ ایچون سوزیمه ایناملیدسكز كه بن
سرایك اطرافنه عسکر قویعدم .

(زاهده)

آه يالنجيلىق قوتيله انسانی كندى گوزلردن شبههیه دوشوره جك
شو قيونك اوگنه قدر آرقه مدن كلن جالادلى سن تعیین ایتدكسه
شیطانى كوندردى ؟

(براق حاجب)

« تعجبله رفع صوت ایدرك » قيونك اوگنده كیم وارمش ؟

(جابر)

« گیرورك » بنده گز بورادیم افندم !

(براق حاجب)

اطرافه سنمى عسکر قويدك ؟

(جابر)

اوت ولی نعمتم !

(براق حاجب)

نیچون ؟

* (جابر) *

ضرورت ظهور ایتدیده آنك ایچون ! « اله بر کاغد ویرر »

(براق حاجب)

او نه در ؟

(جابر)

مطالعه بیوریکز افندم !

(براق حاجب)

« کاغده گوز گزدر دکدنصره » او آدم زرده ؟

بوراده افندم !

(براق حاجب)

چاغر کلسون « غیانه » آفرین شهزاددم سزدن بو قدر همت بو
قدر مهارت مامول ایتمزدم یاشایه بیلسه گز اولدجه ایش بیایر بر
پادشاه اوله جقسکز !

(غیاث الدین)

بو استهزازه بو حقاقلره بر نهایت ویره یه جکیسکز ؟ تحمل اولماز
درجه یه کلیور . نبی بر فنا مناسبتسزلکه مجبور ایده جکسکز .

« براق حاجب »

نه ییلان سویلیهیم . او طه نك اطرافنی عسکرله مخاط اولسه تهدیدیکز
تأثیرسنز قالمق احتمالک خارجنده ایدی بر دقیمه اوله کلهجه یه قدر
نظرمدده وارلغکز اثردر کبی موهوماتدن معدود ایکن شمدی ییلان
زهری کبی نامشهود فقط ییلان زهرینک تأثیری قدر قورقنج بر
وجود اولدیغکز یه لایقیله اکلادم .

﴿ غیاث الدین ﴾

نه دیمک ایستیورسکز ؟

﴿ براق حاجب ﴾

دهین بر چاریک قدر بشته نریاه اولان معامله کزک تعریفنده وجدانکزه
ترجمانلق ایتشیدم شمدی بنجه اولان معامله کزری ده وجدانکزه صورک
هیچ اولمزه خدمت یولنده خدمت قیدیاه وجدانکزه بکا ترجمانلق ایدر!

التنجی مجلس

اولکیلر — جابر — سلیمان

« براق حاجب »

« سوزنده دوام ایله » اما دنیاده شریکمنز نظیرسنز تملکیاه افتحار
ایتدیکنز آچقماق هر دقیقه ده وجدانکزدن وصفاریخی ایشیده، ایشیده
آشمشسکزدن . انسان آلدینی شیده وبوحیات کبی مایه هولذاند
اولسون اولیه بیوک بر خط بوله میور ظن ایدر مکده او اوصافک او
نصائتک بشقه سندن استماعنی ترجیح بیوریورسکز شبه یوق انسان
کولکسندن آینه ده کی عکسنی دها کوزل کورر « جابره » بودگی

(جابر)

اوت !

« براق حاجب »

« غیابه » ایشته قارشیکزده آدن کیمکدن یاخش بر آینه دها
طوریور توجه بیورک سؤال ایدک !

﴿ غیاب‌الدین ﴾

« کندی کندینه » بن بو آدمی کوردم فقط نرده کورشم ؟

نه وقت کوردم ؟

« زاهده »

« کندی کندینه » آه اللهمک آلق بر مخلوقی یوزینه قارشی
آچقماق دیور احتمالک طوغری سویلیور شیطان آندان طوغماشکه

مخلوقات ایچنده نیم قدر طالعیسز بری دها بولنق ممکن اولسون !
 یاربى بکا غیثاتک یرینه جلالی ده ویره بیلدک ! آه ... جناب حق
 انسانى طوپراق کبی سغلی ظلمانی برشیدن یراتمش ینه نوری انساندن
 ظلمنى شیطاندن کورسریور آه جلالک والدهسى کندينى دنيايه کتير
 کتير من طوپراق اولدى بن غياثى دنيايه کتير دیکم زمان یکی نور آلمغه
 باشلامشدم آه کورسریورم کورسریورم جلالک والدهسى طوپراق آلتنده
 ظن اولنور ایکن عرش اعلا دن قوللرینی آچیورده چوجغنهک
 باشنى قوجاقلایور . بن شو دنیا ناک تحت سلطنت کبی اکی عالی بر مقامنده
 غیاثک اوزرینه فنا دکریورم آرقه سندن کنیدی سفلی سافلینه قدر
 ایتورمده ینه دوشوب کنیدی اوچورومده برچمنک برقیانی اولسون
 طوته میورم « آغلیه زق بر طرفه ییغلیر »

« براق حاجب »

« غیاثه » والده کنزی دیکامکی ایستدیکنز بنده کنزده اونیتنده ایدم .
 ملکه حضرتلری مراق بیورمه مشار کنیدی کنیدینه سویلنورلر کنیدیلری
 سویلک ایشتیمک ایستورلر احتمالکه قوللار بیاه آغزلری آرد سنده
 اولیه بر مقاوله واردر . آنلری تعجیز ایتیمه لم . سلمان بنده کنز
 اراده کنزه انتظار ایدیورم . سؤاله تنزل بیورمز میسکنز ؟

« غیاث الدین »

نه اوکر نه جکم که نه صورایم ؟

« براق حاجب »

برشی اوکر نه جک دکلسکز افندم حافظه دولتکنزه بر معاونت اولمق
 ایچون معلوم دولتکنز اولان شیار تکرار اولنه جق مبارک لسان
 امیرانه کنزه زحمت اولسون بنده کنز صورایم « سلمانانه » امیر جابر

سویندیکک لقردیاری تکران ایت بقالم.

(سلمان)

دون اقشام اوستی شهزاده نك آدمئری بریره طوپلانمشاردی
بنده گیزده ایخارنده ایدم « براق حاجب صاخ اولدقجه بزه سلامت
یوقدر احتمالکه قلعه‌ینی ده بزی ده جلال‌الدینه تسلیم ایدر » دیدیلر .

« براق حاجب »

« غیثه » قلعه‌ینی برادر یکنزه تسلیم ایده حکم البته افندمز احتمال
ویرمأمشکزددر !

« غیث‌الدین »

اویله منسبتسز سوزلرک هانکیسنه احتمال ویریلیر .

« براق حاجب »

الله عز دولتکزی بردوام ایلسون « سلمانه » صکره ؟ ...

(سلمان)

صکره ذات دولتکزی تلف ایتمک ایچون برچوق تدبیرلردوشوندیلر .

« براق حاجب »

سعیبری مشکور اولسون صادق انسانلر ، درایتلی شیلر ایمش ،
نهایت ...

(سلمان)

نهایت سزی غافل دوشور و بده خنجرلمکه قرار ویردیلر .

« براق حاجب »

خنجر نه مک قولای ! فقط دوشورمک ایچون عجبا نه درلو حکیمانہ
تدبیرلر ، تشبث ایده جکلردی .

(سلمان)

بیله میوزم . شو قدر بیلیرم که یینارنده برشینته قرار ویرمشر . کندیلری

شہزادہ حضرت تارندن استیذان آیتدینرہ امرالیدیئر نیتیری بوکون اجرا
ایده چکاردی .

(براق حاجب)

شہزادہ حضرت تارندن امرالیدیئر اویاہمی ؟

(غیاث الدین)

بندن امرمی آلمشسر ؟ « سلمانہ » ملعون حریف بویلانیری
نرمدن ایجاد ایدیورسک نعل صؤوق صؤوق سویلیورسک انسانک
آغزندن انک ملوغری لاقردی چیقدیغی زمان بیله چهرہسی بو قدر
طیبی اولہماز .

(براق حاجب)

« سلمانہ » اعتماد ایت ای اوغل ! افدمنر کنجدرلر اما تجربہ لری
بیو کدر . کونده بیگ یلان سویلرلر سہ اونده طوغری لاقردی
اغزلرندن چیقار طورلرینہ دقت ایت سن دہ لقردی بی شوقلی شوقلی
سویاہ سوزلرینی یلاندر دیہ رد ایدیورلر ظن ایتمہ انسان خوارزہ مشاہ
اوغلی دہ اولسہ ینہ جہالتی کندی افعالتی خاطرلہ میہ جق درجہ یہ
کتورہ من نقل ایتدی کک شیلرک صحتنی آنلر سندن اعلا بیلرلر سویلدشکی
بکنمدیلر اوضاعندہ بر حرارت براہمیت کو سترہ مدکدہ آنک ایچون تکدیر
ایشتدک !

(غیاث الدین)

حاجب بو استہزائی دہ کچدی حقارتی دہ سن عاداتا شبہہ لنیورسک
بکا اینا نیمیورسک دہ شومسکینک سوزلرینہ اعتماد ایدیورسک ! ..

« براق حاجب »

واللہ شہزادہم او قبساتمک عفونینی لطفکنزہ براقیرم بندہ کیز

مراتب حکومتک ایکنجی درجه سنده یم المده یالکنز بر مملکت وارقوتم
 او درجدهه ایکن بر مملکت خلقنک بریده سویلیه بیله جکی یلانی بنده کنز
 بر کونده سویلیکه مقتدر اولیورم . سوزینه اینانق خصوصنده افندمری
 براقوبده شو فقیره مراجعت ایتدیکم بورانزینی دوشوندیکم ایچوندر .
 آمان شهزادم دنیا حکمکنزک آتتمده ایکن بزده می ؟ طوغری سویتک
 کبی بر ناموس ویرکوسیه مکلف اوله جغز او قیدلری اومدلتلری ینه
 نقرایه براقهلم .

(سلمان)

شهزاده حضرتلری بنده کنزک یلان سویلیدیکنی ده پک اعلابیلیرلر !
 « غیاث الدین »

حزیر حرین بن سنی نهدن بیلیرم که یلان سویلیدیکنی ده بیله یم .
 « براق حاجب »

« سامانه » بدلا : خوارزم شاه دورنده پادشاهنر بر قوجه کشور
 خلقنی ایستدیکی حاله قویمق ایچون سلطنت سورر . بر قوجه کشور
 خلقنک آرزوسی کبی حالی بیلمک ایچون دکل افندمرن سنک کبی
 چالشقانلقدن ، طوغریلقدن بشقه مزتی اولیمان احادیره می خاطرده
 طومنه تنزل ایدر ؟ چنقل کاریمزده کی حیوانلرده چالشقان باغچه لیمز .
 ده کی آغاچاره طوغری ... شمدی طوغریلرک ، چالشقانلرک هپسنی
 بیلمک ایچون ذهنمزه قوجه حیوانیه ، جماداتیه ، بر مملکتک رسمنی می
 نقش ایدملم ؟

﴿ غیاث الدین ﴾

« براقه » لاقردیلرمی دها بوغازمده ایکن ازوبده جنین ساقصط
 حکمنده براقنی می مراد ایتدک ؟

براق حاجب

دولتکاه بيك يشا ! ... نه کوزل بر تشيه : يورلدك شهزادهم : حقيقت
ملوكك سوزلری سوزلرك ملوكی اوليور ! عبداعلاکز آنسر . . .
استغفر الله سهو لسان واقع اولدی غالباً بر آز اولده بو خطايي ايتشيدم
. خاندان ادب پرورده لرندن دکلم بويه قصورلريمك عفو يي استرحام
ايدهرم . آنسر دکل ! هذاراسب حضرتلری : پک کوزل شاعر ایدی
حتی جاننی قور تارمق ایچون قچاق سحر الرنده ، قوم دریا لرنده یوزرکن
ینه شعر سوياردی . امور وئدر شهزادهم ! امارت کبی حسن طبیعت ده
خان دولتکزه مور وئدر .

« غیاث الدین »

لاقردی سويابه ميه چکمیسک ؟

« براق حاجب »

استغفر الله ! بیوریکز سويایمکز . عمر کزده نه قدر لاقردی سويایک -
آرزوسنده ایسه کز جمله سنی بریره طوبایمکز ده سويایمکز .

« غیاث الدین »

« سلمانه » بورایه کل کوپک . بن شمدی سنی بایورم اویاهمی ؟

« براق حاجب »

« سلمانه » افندمزک یاننه کیت کوپک . لیکن بر طرفلرینی ایصیرمه . . .
صکره برر برر دیشلرینی سوکهرم آنار سنک بر طرفنی ایصیرلرسه سسنی
چیقاره صکره صاخ ایکن درینی یوزهرم اک صکره کی سوزلری نه ایدی ؟ . . .

« غیاث الدین »

دطابق سسمی کسمکمی ایستیمورسک ؟ باری بوغازیمه صارلده نفسمی کس

« براق حاجب »

مرحمت بیوریکزده بو حدمتی اوتیه کی بنده لریکزه حواله ایدیکنز . چوق جالاد

قوللاندیم لکن شمعی به قدر جلالدلق ایتمدم . سویلیکنز افندم بنده کزده
والده کز کبی صوصارم . پدریکز قدر صوصارم .

(زاهده)

« بر آز کندینی طویلا یورق » آه بوکوپک : دنیاده انسانیتته مخصوص
برحس بر اقامنی مراق ایتمش دیریندر یتشامش کبی عجبا چور یتشامش
کوکل وارمیدر دبه دینلی کورک . دیشلرینی قازمه یرینه قوللانیور .
مزارلرنده کی اولولره ده مسلط اولیور .

(براق حاجب)

ملکه حضرت تبرینت ینه قاندیری قاینامغه باشلادی شمعی کوزلرندن
برقاج طامله یاش چیتار اوغلیان بر طرف . دوام بیورک : سویلیک :
نه دییوردیکز ؟ سلمان : سکا نه اراده ای دییورلردی ؟

(سلمان)

بنده کزی بیلمد کلرندن بحث ای دییورلردی حالبوکه دلك نصرتی
اوردقاری زمان بچاره قوجانغه یقلمشدی . بیلم نصل سیاهی تشحیص
بیوره میورلر احتمالکه اوزمان چهرمه صچرایان قان طامله لری بر اثر
بر اقاد یغند ندر .

(زاهده)

آه مقتول اولیور ... قوللر کناهی عفوایدیور . لکن فلک انتقامی
یراتمدن حالی قالمیور کوز یاشلرینک ندامت فریادلرینک هیچ فائده سی
یوق عادل مطلق جانه جانندن بشقه شی قبول ایتمیور .

(سلمان)

« غیانه » یوزیمه پک دقتلی باقیورسکنز . تخطر بیوردیکز صانیریم .
اگر ظنم صحیح ایسه یلانجی اولمدیغمده البته خاطر دولتگیزه کلیر .

هانی مجروحی باره لندیکی کبی اولم دیکندن هیچ اونیه جک ظن ایتشده یاره سنده
 بر خنچر دها اورمق ایسته شدیکنز بنده افند مزه [پیچاره ایکی ساعت
 یشاماز عنزرایل پنجه سنده اولان جانه خنچر چکیلمی] دیمشدم
 سوزم عینی عینه چیمدی می ؟ مرحمتی شهزاده م !

(غیاث الدین)

ملعون : بن سکا کچن عمر تمزک تاریخی می صور یورم ؟ دأره خاتی
 بندن نه وقت حاجبه قصد ایچون امر الیدر .

(سلمان)

دون اقسام وقتی مؤذن مناره دن اللهم قوللرینی عبادته دعوت ایتدیکی زمان

(غیاث الدین)

(صوص خنزیر !)

(براق حاجب)

« غیاثه » سکوتده بر فأنده وار ایسه او امری توابعکزه ویرمنک
 دها قولای دها خیرلی دکلیدی پادشاهم ؟

(غیاث الدین)

اینا یورد نیاده اوتوز سنه دنصکره حکومه تده بولنش بو قدر تجر بهلر
 کورمش حرینف بندن ملک نصر تک انتقامنی الملق ایستدیکنی کوزلریه
 کور یور قولاقزریه ایشیدی یورده کوزینی قولاغنی یلانچی ظن ایدیور .
 بو کوپکه اینانیور .

(سلمان)

فرض بیوریکز که : بنده کز مفتری یلانچی اولیم : توابعکزده
 یلانچیمیدر . هیچ بریسی هیچ بر سوزیمی تکذیب ایتدی امیر جابر
 میدانده طور یور .

(براق جابر)

« جابره » عجیب ؟ اقدمزك توابعيله بو قدر مهم اسراره واقف
اوله‌جق قدر محرمیت پیدا ایتشمیدك ؟

(جابزه)

سلماندن مسئله‌نی خبر آلدیغم کبی جمله‌سنی توقیف ایتدم . اشکنجه .
بی ایشته‌کوری آنده هپسینی برر برر سویلدیلر حتی ایچلرندن آشیق
چکمکه ، قزغین تاج کیمکه دکل ، فلقه دکنکه بیه محتاج اوله‌جق بر
یکیت بولمندی .

(براق حاجب)

یکیتك انارك حالنه دیرلر . جان قورتلیمه‌جق اولدقدن صکره
وجودی ازعاجده معنانه در برتك قیلنه خلل کتیر مکسزین روحی اولوم
نجه‌سنه تسلیم ایتمکدن بویوک یگتلیکمی اولور ؟

(غیاث‌الدین)

« جابره » هپسی برر برر نه سویلدیلر ؟ نه هذیان ایتدیلر ؟

(جابزه)

هر سویلدکلرینی تفصیل ایتسه‌م ایشامه قدر بیره‌م خلاصه‌سنی
سویلیه‌م حاجب حضرتلرینک حیاته قصد ایتدکلرینی اعتراف ایدیور .
دلر . عذر اوله‌رقدن بز امر قولی یز نه بیلم دیورلر .

(غیاث‌الدین)

آه الحقتلر ! ملعونلر ! او حیاتی‌ده آنلره ترتیب ایتدیلر اجراسنی
آنلر کندی اوزرلرینه آلدیلر یالکز بندن مساعده کورمدیلرده آنک
ایچون جسارت ایده‌مدیلر شمعی امر قولی یز دیورلر بی‌آهام ایتمکدن
بشقه کندیلرینه بر جاره نجات بوله‌میورلر . اوله‌می ؟

(زاهده)

كندی كندینه « سنك كبی افندیك تابعلری نصل اوله جق بیلان
ایزنده صولیبجاندن بشقه کیم یوروویه بیایر !

* براق حاجب *

« جابه » یکتیلکک ، مردلکک حقیقی همده ملو کانه سنی نصل
اولیورمش کوریورمیسک ؟ افندمز « ظلاه » کچنیرکن اوزرلرینه
کله جک بلاره الله قوللغنه قول خدمتکارلغنی ترجیح ایتش . براق
عاجزک سایه حمایتنه صغورلرده اوبر قاق عاجز نیچون نفسلرینی
مخاطرده کوردکجه ولی نعمتلرینی شهزاده لرینی کسیدیلرینه سپر ایتک
ایستمسونلر .

« غیاث الدین »

به آدم نصل یمین ایسترسهک ایدرم .

(براق حاجب)

افندمزدن اخلاقجه بر قصورم ایچون دها عفو استدا ایده جکم
آره صره یلان سویلدکجه یمین ایله تأمین ایتکه مجبور اولدیغم ایچون
بنده کزک نظرمده قسمده صدق و کذب بر بردن آیره جق برهانلردن
دکلدر .

« غیاث الدین »

نه سویلیه یم ؟ سکا سوؤ قصد ایتکی آتار کندی ازه لرنده قوار-
لشدر مشلر ایدی واقعا بکاده سویلدیلر .

— براق حاجب —

« لاقردیسنی کسرهک » لکن رد ایتدیکنز دکلی ؟ افندم البته ایشی
سنده کزه خبر ویرمیدیکزده بنم کبی اختیار بر قولکتری تعجیز ایتامک

ایچوندر. اما قولکیزک براق کونلک عمرنی چوق کورن بنده بیکزمه ده بر جزا بیور مامشسکز مرحتکز واسعدر . دور دولتکزده هیچ کیمسه نك هیچ بر طرفی ایجنیدیکی ایسته مزسکز. اویله دکلی شهزاده م؟
(زاهد)

وکندینی طوپلایه رق براقک یانه کلهرک « بنه سویلش نه صورال-
جقسه ک جوانی بدن ایسته .

« براق حاجب »

عجایب سزدن جواب ایسته می اویله می ؟ افندم هر والده چوجغنگ کیرلی اوابانی تمیزلمکی وظیفه بیلیر فقط ایکی اوج آیلق نهایت اوج بش یاشنده چوجغنگ : مکر خوارزمشاه سراینده والده نرک بو وظیفه سی چوجقار صقال لندقدن صکرده دوام ایدرمش . فرمان سزک ملکه بوندن صکره افندمزله قونوشورم هر حالده افندسزدن استیدان ایدرم فقط مساعده بیوریکز . برایکی دقیقه مساعده بیور-
یکزده شوغلبهانی دفع ایدیم ! جابر

« جابر »

افندم ؟

— براق حاجب —

سرایده نه قدر عسکر وار ؟

(جابر)

اوج یوز قدر .

« براق حاجب »

بک اعلا : شمدی یوز آدم کوندر معهود توایی کتورسونلرده شو میدانده کی آغاچاره آصیورسونلر .

« جابر »

قرمان سزك !... « چيقار »

— براق حاجب —

« زاهده يه » مرحوم خوارزم شاه اولديره چكى آدمك بوينى اورديردى
 حجاجك، ابومسلمك ده مرقى اويلاه ايمش واقعا انسانك بوينى وورلدينى زمان
 قانى فستيه كچي صيچرايه ، صيچرايه اطرافه دو كولوپ تخف ، تخف
 شكالر پيدا ايديبور اصلق بشقهمى !... آصيلان بر آدمك اعضاسندن
 هريرى بوزيله آچيله نظرلره موتك هردهشتنى عينيله تعريف ايدر.
 انسان آصديردينى آدمى هم اولديرر هم سكرات موت كوزيله كوزه ،
 كوزه اولديرر. بونكله برابر اورته ده قان بيله كورنمىز. بنده كز
 قاندىن ايكره نيرم هم ده پك فنا ايكره نيرم حريفلر كليورلر سير ايدر ميسكز ؟

« غياث الدين »

آه... بن سير ايدهرم خنزيرلر !...

(براق حاجب)

« سوزيني كسهرك سلمانه » يانكه برقاچ كشى آلده شهزاده
 حضرتلرني آغاچلرلك آلتنه كوتور. بسلكلرى خنزيرلرى سير
 ايدهر جكلر مش « غياثه » طموزى يبيان ملتار نصل اولديرر بيلم .
 او كرنمكى ده مرقى ايتامشدم حريفلرى آصديرديغ خطا ايسه عفو
 بيوزيگز « سامانه » جنكيز خان حضرتلرى پادشاه نسلندن بريني
 اولدرمك لازم كلديكى زمان كندى يايئك كيريشيه بوغولسنى امر
 ايدرلر مش . بوولى نعمت زاده ننده اوبله بوغكيز ! ياي شوراده
 ديوارده در : شوياى : ايشته اوزرنده « غياث الدين » يازيلي . صاقين
 شهزاده حضرتلرينه اذيت ويرمسونلر !... ايچكزده اداب ملو كينه

رعایتی اونوتان اولورسه پک فنا مجازات ایدرم اویابه خبشدرک بیک جانی
اولسه المدن قورتاره مزله « زاهدیه » بیوریکز ملکه شمدی
قونوشه بیلیرز .

« زاهدہ »

آہ ! ... قابل دنیادن کیتدیکی کون حوانک شیطان قلبنه صوقولمنه
بیلان وجودینی زهرملکه قالمشه مامشردی ! اللهم مکر انسانلر ایچنده
شیطاندن ملعون بیلاندن آخچق مخلوقات ده وارمش . بو آدم هم
جکر پاره بک جاننه قیور . هم ده بنله صیریده صیریده قونوشه جق
قاتی دیشارینی کوستره جکده بر بیچاره والده نک اولادی ایچون
دو کدیکی کوزیاشنی رحمت باراننه تصادف اتمش کبی اکلنه ، اکلنه سیرایدجک .

(غیاث الدین)

شمدی به قدر خاندانک نعمتیه یشادک ! شمدی بنم حیاتمه قصد
ایدیورسک سنک ایچون حقوقک عهدک ، امانک هیچ حکمی یوقیدر
بندن نه ایسترسک چی ات ایله کچینان وحشی آرسلانلر بیله ایلیک
کوردیکی آده طوقونمز .

(براق حاجب)

ینه حق نعمت : ... بر درلو اکلانه مدق « سلمانہ » سلمان سن
آلدیغک امرلری بویله می اجرا ایدرسک ! کوتور کوتور شوونک
سوزلرینی ایشتمکجه اوتہ کی دنیادن بورالره قدر سس کلپور ظن
ایدیورمدہ توپلم اورپر بیور [سلمان بر اشارتله قپودن براقچ عسکر
چاغیرر بغتہ غیاثہ هجوم ایدرلر]

(غیاث الدین)

« چبالهرق » آہ! جلال ! جلال .. خنزیر آہ « غیاثی چبقارلر »

(زاهدہ)

« جد و اہمیتاہ براقہ قوشدرق » یوق ! قیمہ اولادیمک جانہ قیمہ
بشقیہ ہر شیئہ راضی یم ! ہر شیئہ ؟

(براق حاجب)

اوقدریانمہ صوقولیکز افندم ! ترلہ مشدم قوقوسندن تعجیز اولورسکزمہ

(زاهدہ)

آہ وازکچ ! ... اہ عشقنہ ... اواستہز الردن اوقپلان صیریدیشی
کی جانہ قصد ایدیچی کولوشلردن وازکچ ! اوغلمی اولدیریورسک
بوزمانہ قدر اللہک باغش—لادینی جانہ سن قیورسک برقادینک الندن
جناب حقک ویردیکی نعمتی آلمغہ چالیشیورسک اناہدن قورقمازمیسک ؟

(براق حاجب)

کوزل افندم ! اما بندہ کزکدہ جاتمی جناب حق احسان ایتشدی .
مخدوم مکر مکزده اللہک بکا اولان احساننی غضب ایتمکہ چالیشدیلر .

— زاهدہ —

سن حیاتدمسک ! آنی اولدیرم جکر اوسکا قصد ایتدی ایسنہ
مقتدر اولہمدی صاغ قالان آدمک خصمنہ قصاصمی اولنور ؟ آہ ...
مالک نصرت اولورکن غیاثک جرمنی عفو ایتدی دہ سن صاغ طوررکن
عفو ایدہ میورمیسک

« براق حاجب »

دیمک کہ : سز او مبارک اولادی دنیادہ کیمی ایسترسہ اولدرسون
کیمی اولدیررسہ آغزندن صوک نفسیہ برابر عقولقردیننی چیقارمغہ -
دہ مظهر اولسون دیہ وجودہ کتیردیگز . والدہلر اویاہ بر خارقہ یہ
اعتماد ایدہ جک قدر خیالاتہ تابع اولہ بیلیرلر . بیلیم دقت بیوردیکزمی

افندمن قادینلر لخوسه زمانده آزیجق چیلدیرم یورلر اوچلغنلقدن هر
چوجق طوغوران قادینده بر درجهیه قدر آشی قالیورکه : بونک
آدینه بعض حسن تأویل اصحاب والده شفقتی دیورلر . ایشته او
سائقه ایله هر قادین طوغوردینی چوجنی دنیایه رحمت کبی کوریور .
بروقت هندستانده برسیام جاریهیه چوجنک تاریخ ولادتیی صورمشدم .
اوغلم طوغار طوغاز کونش باندی ! جوانی ویردی سوزینی او قدر غرور
او قدر افتحار ایله سویلشدی که : بر عرب یاوریمی نظرنده کونشه بدل
اوله جق : بلکه کونش اوتانیدیغندن عالم احتغایه چکلمکه مجبوراید جک
قدر غلوی ، نورانی بر وجود کبی کورندیکنه هر لقر دیسی دلیل
اولوردی . دلیلکدر . یالکیز صاقلی دلیلکلاک جمله سندن شدتلی
اولیور . مضرتی هم والدهیه هم اولاده طوقینور . حتی بر حکیمدن
انتتم دیشی کدی یاوریلرینی دنیایه هر شیدن کوزل کوردیکی چون
هر شیدن لذتلی ظن ایدرمشده آنک ایچون یرمش .

(زاهده)

آه نهک کبی جناب حقک یالکیز مرحمت صنعتندن یرادلش بر
حی ایله اکلنیورسک . بروالدهنک چوجنی زیاده کوریورسک جنین
ایکی رحمندن چیقارمغه قدرتک قلامش شمدی قلبنک هر طامارلرینی
هر سیکرلرینی آیری ، آیری پارملیوبده ایچلرنده سریان ایدن اولاد
محبنتی حنچرینک او جیله فنا طور اقلرینه آغغه چالیشیورسک : سنی
انا طوغورمدیمی ؟ شیطان کبی آتشدنمی خلق اولندک ؟

(براق حاجب)

آتشدن یرادلش اولسه کورنمزدم افندمن کندینی انسان کوزدن
صاقلایوبده راحت راحت هر ایستدیکنی یاپه بیلیمک نه بیوک بختیارلقدرد

بیلیمیسکز؟ آلتی یوز سنه دنبری حاجیار شیطاننی رجم ای دیورلر حالاً کور کوزینه طویال آیاغنه بیله بر طاش راست کتیره مدیار شیطان ایسه ابتدای خلقتدن بری ملکلرک انسانلرک جمله سیله اوغراشیورلر اولیه اوغراشیورلر که بزم کبی مخلوقاته بعض کره خالقنی اونوتدیر یور. مخدوم مکر مکز ایسه یالکز بنده کزله اوغراشمق ایسته مش خدمتکارلرینه بیاه حکم کچیره مدی. یکر می درت ساعت ظرفنده اوزرینه آتیلان قضا طاشلری کندیسنه او طور دینی سر اینردن بیوک لحه یاغنه کفایت ایلدی کورنماک بشقه بر قوت بشقه بر مزیتدر افندم نه قدر شیطان فکر وارسه هپسی تستر سایه سنده وجوده کایر.

« زاهده »

مخلوقاتک مقدس بیلدیکی فکرلر الویرمدی شمدی جناب حقهده دیل اوزادیورسک یقیدیغک کفایت ایتمدی شمدی کعبه یه طاش آتیورسک اولیه می .

(براق حاجب)

عجایب ... خاطریمه کلامشدی عجزه نسوان ایچندهده قدرت کلیه نك هامیسی کپینه جک مخلوقات واریمش حدت بیور میکز افندم چهره گزی کوردم سیما گزه غضب یا قشیمور . بورایه تشریف ایڈک ... شهزاده حضرتلرینی عمرلرینک آخر منزلنه کتیردیار دنیا کوزیله بر کره دها جمالنی کوزمک ایسته مزه میسکز؟

(زاهده)

« سرعته پنجره یه قوشه رق » کتیردیار ! کتیردیار ... کر چکدن اولدیره جکلر ... کر چکدن اولدیر یورلر ... بنی آندن اول اولدیره . جک قدرده می انصافک یوق کوکسمه برخنچر اورده جنازه می

اولوسنك اوزرينه آت « براقك قوشاغندهكى خنچرى قپار اوزرينه
«جوم ايدر» آه ملعون سكا غيانك موتى كوسترميه جكم كوپك سكا
اولادىمك اتى يديرميه جكم .

(براق حاجب)

« برمكانتاه خنچرى الندىن آتير زاهدنك كو كسنه صاپلار زاهده
يقاير » آدم اولديرمكى چوجى طوغرمق قدر قولايىمى ظن اينديكىز؟

يدنجى مجلس

اولكيدر — جابر

﴿ جابر ﴾

« تالاشه ايجرى كيرمرك » سلطان جلال الدین قلعه ديوارلردن
اشدى عسكريمزك ياريسى قيرلدى ملكتك ياريسى الدن كيتدى .

(براق حاجب)

نصل كچديلر ؟

« جابر »

كچديلر ائندم نصل كچكلرينى سويلكه وقت يوق : قارشيدن
قارغيارينك كولاكهسى كوزيمزه كيريور آشاغيده ياغز قهر اغنگز
حاضر در . بيك قدرده فدائي بنده كزده موجود برديقه غائب
ايدرسك بردولت بر عمر غائب ايتمش اولورز .

(براق حاجب)

او قدر تالاشه لزوم يوق كيدم . صاغدن كليورمى ؟

— جابر —

اوت ! ...

(براق حاجب)

شوطرقه بغداد قپوسنه : « چيقارلر »

❖ زاهده ❖

« ياره سنك بايقنلغندن اويانمغه چاليشه رق » غياث ، طالعمنز غياث!

آه جلال ! جلال ! ...

پردہ اينز

برده

۱۱

(برواسع میدان کنارنده بر سرای — سرای پنجره لرینک آلتنده)
(غیاث الدینک جنازہ سی — دها اوتہده بر طاقم اولولر کورینور)

برنجی مجلس

جلال الدین — اورخان — نورالدین

« جلال الدین »

« اورخان » فصل قاچدی ؟ ... تزهیه کیتدی ؟ ...

« اورخان »

اوکزدن قاچدی برسایه خشتان کیمش بریاغز قصرانغه بینمش
ایدی ظلمت نور اوکندن فصل محو اولورسه او قدر سرعتلی قاچدی .
دنیا قورلدی قوریاهلی کوندز کیجه یه یتشه مدیکی کچی بزده آرقه سندن
یتشه مدک . بردقیقهده بر ثابیده کورونمز اولدی پادشاهم !

« جلال الدین »

کیتسونده یرک دینه کچسون عجباً اوتہکی ؟ ... اوتہکی یادکار تزهده ؟

« سلمان »

« الیه غیاثک جنازہ سنی کوستر مرک » بوراده پادشاهم مذلت
جبله سنه قاووشدی ییلان کچی طوپر اقلرده سورینور .

« جلال الدین »

« سلمانه » ها ! ... سن حاجبک جلالر ندنیمسک ؟ ...

(سلمان)

خیر پادشاهم ! ... ملک نصرت مرحومک عنایت پرورده لر نده نم .

« جلال الدین »

آه یاربی نه غریب حکمتلرک وار؟ نصرت بیچاره سنک قانی عند
 مقدسندمه بوقدر اسلامک حیاتندن دهامی قیمتدار ایدی که: خانی
 آنک انتقامینه اوغر اتدک « سلمانه » کیت بزم عسکرله برابر بونک مملکتی
 یلیورسک هیچ اولمازسه یول کوستررسک « کندلی کندینه » انتقامندن
 چرکین برشی تصور ایدمه مزدوم واسطه انتقام آندن ده سربیه ایتمش
 « غیاثک جنازه سنه یاقلاشهرق » کندک ایچون کندلی هوساتک ایچون
 برادلمش ظن ایتدیکنک عالم باق سنی نه حالاره کتیردی یانندن آریلان
 بر سپاهی نی خدمتنه قبول ایتدیکی ایچون بر آدم اولدیردک توابعک ایچون
 قصه آنجلنک انهما کلک اودر جهده ایدی صکره جاننه قیدقری وقت
 اوتوابعدن محافظهک ایچون بر قیلنی فدا ایدمه جک کیمسه بولمندی . دولت .
 حکومت هوسیه اسلامک سعادتسرای اقبالنی یقیمغه جسارت ایتدک ،
 حالبوکه انتقامندن کندینه بر تخت سلطنت دکل بر تابوت یارچهمی بیه
 پیدا ایدمه دینکی ناموسکی یولنه فدا ایتدیکنک بودنی دنیاتک انسانه
 قاج کون وفامی اوله یلیرمش اوکرنک . فقط صووک نفسکده اوکرنک
 ده انسان دشمنک بیه بر دقیقه ده بر نفسده ایکی دنیادن ایکی حیاتک
 هر درلو سعادتندن الی الابد محروم اولدیننی کوررسه ...

(اورخان)

نهایت درجه نرده مایوس اولور پادشاهم ، خصوصیه او دشمن
 کندلی قانندن کندلی اخوانندن اولورسه ...

(جلال الدین)

« تردد » اوت قرداشمک دیننی دیناسنی بر لکده تنف ایلدیکی
 ایچون مکدر اولورسه م نی تعییبمی ایدرسکمز ؟ ...

(اورخان)

استغفرہ پادشاہم ! اللہک دنیا سنہ کور نمکدن حجاب ای دیور لرمش
کبی مبارک کوزیکزده صاقلانمہ چالیشان کریه تاثرک اک اوفقی طملہ سی
جناب ارحم الراحمین عنندنہ حق یولنہ دوکیلان بر شہید قانی قدر
مقبول اولہ جقدک امینم . دنیا محاربه لرینک اک مصیبتلی زمانہ نرنده
آرقہ کزدن آیرلدیغم کبی حسیات قلبیہ غوغالرنده ، اثر شاہانہ کزہ
تابع اولدیغمی کوسترمک ایچون سوز سویلمکہ جسارت ای دیورم !

(جلال الدین)

« تردده » یا کنندی برادر زادهک ؟ ...

(اورخان)

اوت پادشاہم ! برادر زاده می کنندی المملہ کوزیکزک او کنده
اولدیرمشدم فقط وجودینہ اوردیغم مزرانگک برعکس روحانیسی ده
کنندی کوکلمہ صاپلانندی افندمز قطب الدینی اللہ یولنہ قربان ایتدیگنیز
زمان نہ قدر متأثر اولدیگنیزہ بنده کزده طاہری اللہ یولندن آیرلدیغمی
ایچون تائف ایتدیگم وقت او قدر تاثر ایتمشیدم قرہ طوپراق دیددہ نہ
قدر تفاوت نہ قدر امتیاز وار ایسه ہپسنی ستر ای دیور اولوم میدانہ
حیقنجه اغالیان کوزلر ، یانان یورکلر ، فضائلی رضی اللہ کورہ میور .
حس ایده میور . انسان بر درلو فدا کارلقلردن قلاباً متأثر اولماز سہ
ذاتاً فدا کارلنک نہ مزیتی قالیر ؟ ...

ایکننجی مجلس

اولکیلز — زاهدہ

« سرای پنجرہ سندن کوریندرک » جلال : جلال : آہ نور الہی
جلال شکلنہ تمثال ایتمش بورالردہ گزیورده ہم آخر وقتہ مددہ گوزلریم
طامت اورتہ جک ... یوزینی کورہ میہ حکم ... جلال بنی یاننہ آل ..

سو باه ده بی یانسه کتیر سو نلر .

(جلال)

« تلاش ایله » او پیچاره یه نه اولمش

(نورالدین)

نخوردن جانسز بر حالده بیقلدی کیم بیلیر حاجب ملعوننی یارم ندیمی ؟
بوغدی رمنه می چالشدی دوشر کن حرکتی روح تصرفده کی وجودلرک
حرکتنه هیچده بکزه مدی .

(جلال)

یتشک شو پیچاره نک امدادینه یتشک ده بورایه کتیرک [نورالدین قوشارق کیدر]

(اورخان)

شمدی کتیر لر پادشاهم ! فقط افندمن یوقاری چیه سه کزدها
مناسب اولمز میدی .

(جلال)

وجود مده اقتدار می قالدی نه کوزل غلبه زمانه، تخف مسرت کونه تصدق
ایتمشز ! .. « آغلیه رقی ره بیلیر » یاربی یاربی ! سن عالم وشاهدسک که
وجودینه، کو کلامه، کوزلریمه، حکم کچمیور معشوقه می جکر یاره می الله
یوغدیغ زمان قوت ویردک سن نهرندن کچیردک اوسیلابه یه کوزمدن بر طاماه
یاش دو کلک نصیب ایتمدک نه چکر سه کو کلام چکر دی کو کلام ایسه انسان کوزینه
کورتمزدی ضعفی عجز می صاقلایه بیلیردم سنک یولنده اوغرا دیغ حالاری
سن بیلیردک . تأثیر لرم باب عدالتنده جرم ایسه عفو ایدردک عفو ایتمسک
سرم یالکنز سکا وودوع اولدینی ایچون فاش اولیه جغندن امین ایدم شمدی
کو کلام وجودیمی ادارمدن عاجز قالدی اللهم اقر بامدن بر خائک جنازه سنی

کورمکله بیچاره نك فریادینی ایشتمکله عبادینک قارشوسنده یرلره
 یقلمورم . آغلیورم . سکا هر قولنک بیک جان ایله بورجلی اولدینی
 عبادتلری ، خدمتلری چکلمز برادیت تحمل اولنماز برفدا کارلق کبی
 کوستریورم اللهم شاهدسک که : عاجزم کندیمی اداره یه قدرتم قالمدی .
 «اورخان»

«کندی کندینه» نه عظمتلی وجدان ! دنیاده کیمسه نك اوزرینه
 آلمغه دکل دوشونمکه جسارت ایده مدیکی معانی بی کندیسنه قباحت بیلور
 «جلاله» ولی نعمت دنیانک برکوشه مننده پادشاه دکل عرش اعلاده اک
 مقرب برملک اولسه کزینه بونئر ایچون برقاچ دامله کوزیاشی دوکمک
 حتمک تاثره غضبنی التهاب ایتدیره مزسکز ... !
 «جلال»

آره سنده می عبودیته لازم اولان مسکنتک ذلتک درجه سنی بیلورسک ؟
 «اورخان»

یک اعلا بیلیم : هر دقیقه نفسمه تجربه ایدیورم فقط افندمن
 اولت و مسکنتی او قدر علوی تصور بیور بیورسکز که اللهم عزتی نه قدر
 عالی ایسه بزم دولتمزیده آندن بردرجه اشغی یه تقریب ایتمک ایستیور
 سکز ! بلکه خالقیت مخلوقیت کبی ابعاد نامتناهی بی محیط اولان ایکی منزل
 بیننده برقاچ طامله کوزیاشی قدر برحد فصل کورینورسه آنی اخلاق
 الهیه دن تخالفه مانع کور بیورسکز .

«جلال الدین»

قولز ! ... قولز ! ... قول خالقنه خدمتنده ولو برطامله کوزیاشی
 قدر اولسون قصور ایتمک نصل جائز اوله بیلور ؟
 «اورخان»

معلوم شاهانه کز درکه : مخلوقات عبودیتہ لایق اولان شرأطی
یرینه کتیرمه مقتدر اولمش اولسه ایدی خالقك صفت رحمتی عبث قالیردی
«نورالدین زاهدنی قوجاغنده کتیرر»

«جلال الدین»

آه واده ! سکا نه اولدی بیچاره قالدین او غلامك وجودینی طوغدیغی
زمان پاره لیه مدیده شمیدیمی پاره لدی ؟

«زاهدنه»

«جلالک شدت بندن اویانه رق» آه سویاه او لقردی نی بر کره ده
سویله واده دیمد کی سنك آغزندن واده سوزینی ایشدکجه الله سنی
کر چکدن دنیا به بندن احسان ایتمش بو کونک کونشی بن طوغور مشم
بو ملکك حیاتی بندن سریان ای دیور صانیور مده وجودیمك هر ذره
سندن هر دقیقه ده بروح پیدا اولمش قدر لذتار سعادتار ایچنده قالیورم
« جلال »

والده حکم !

« زاهدنه »

هر نفسده درجه درجه تسلیم روح ای دیور مده سنك لسانندن
والده تعیرینی ایشدکجه ینه هر نفسده بروح تولید ایتمش قدر لذت
بولیورم . بویاره ده آچان کوپک قدر مرحتسز کوکاک یشامقدن
زیاده سودیکی بر قاج سوزی سویلکه میدان ویرمیور جلال ! پادشاهم
اولیورم الله قاووشدیر رسه پدریکه واده که سندن سلامنر کوتوردم
آه بوراده چکد کاریمی بیلمز سنك بیلسهك البته کوردیکم جزا ایتدیکم
قباحتدن بیک قات زیاده اولدیغنی آکلار دکه عفو لیدر دك والدمك
نه یاهیم چوجغنی بر تپیدن اوچار کن کوروبده آرقه سندن آلمیه جق

هانکی والدہ اونور . آہ اودنیاده کوپکارک بیلہ مرحمتنه لایق اولیان
 بدبخت ایچون چکدیکاریمه باقده اولاد محبتنی آندن آکله بکا والدہ
 دیدجه کوکله کلان حائری آندن قیاس ایت اوغلم ! ایکی کوزم
 جلالم او کوپک او حاجب ملعونی سنی بکا والدہ دیمکندن ده محروم
 ایدم جک ایدی خنزیر ارسلان یتاغنه کوز دیکمش ... انا بک اولمق
 اینسترمش ... بنی ... بنی آہ ... سویلیه میه جکم ... سویلیه جک
 اولور سدهم دیتی الیهک غضب قلیجلیری طوغرایه جتی صانیورم ! ...
 اکلادک یا :

« جلال »

نان کور ملعون :

(زاهده)

پک ملعون ایش ... پک نانکور ایش ... اویولده غیاثک جاننه
 قییه جتی کوزیمک اوکنده طولاشدی طور دیده پدریکه آخرتده
 « پادشاهم افندم سکا دنیاده اوغلم ولی نعمت زادهم » دیه بیلیمکن
 محروم اولغنی بر درلو کوکله قبول ایتدیره مدم سکا یالکز اوغلم دیه
 بیلیمک شرفی کوکله والدہ لک لذتندن بیلہ بیوک کورندی صکره ملعون
 آریه بر بهانه برفساد لاقردیسی چیقاردی بیلیم اصلی وارمیدی ؟
 آکاده قیدی بکاده قیدی آنی تلف ایتدکن صکره بنی دنیاده براقمدینی
 ایچون قانمی ایدم جکم کلیور .

— جلال —

هریاره سبب موت اولماز والدہ جکم انشاه قورنیلیرسک ده دنیانک
 برکولر یوزینی کورنجهیه قدر یشارسک !

« زاهده »

یوق جلام ! اولوم وجودی استیلا ایدنجه نك قولای حس اولنیور
هیچ تجربه به محتاج اولمقسزین کندی کندینه کوستریور هم یشایوبده
نه پاجنم او غلم صاغ ایکن حالته باقیورددمه حیاتی عذاب کبی کوریوردم .
آنی ده المذن آندقدنصکره یشامغه نصل تحمل ایدیم دنیانك نه سنه طالب
اولیم ؟ الله نتم قدر بختسزیر آندینی قوللره طونی بر سعادت نصیب
ایتمش . اوده دنیا عذابدن قورلقدن اولیم جلام کبریم یاره جکریمی
پاره لیور . وجودیمك هر ذره سی آری آری بر عذاب ایچنده قالیورده
او اذیتلره غیائی دنیا به کتیرکن چکدیکم آغریلر کبی سوه سوه تحمل
ایدیوردم آه ولی نعمت زاده اولادینی غائب ایتمش انایه دنیاده اولومدن
بشقه لذتی قالیر ؟..

(جلال)

والده جکم ! نیچون بتون بتون مایوس اولیورسك بر اولادنده
بن دکلمییم ؟ او کتدی ایسه رینه نی قبول ایتمز میسك ؟ ...

(زاهده)

سزی ... آه الله جلالی بندن دنیا به کتیرمش اولسه یدی کندیمی
کائنه جان طاتمغه ، آفاق نور ابتدا ایتمکه مؤکل اولمش ظن ایدردم .
بکا والده دیدیکنگز ایچون کونده بر کونش طوغران فلکه باش
اکیه جک قدر غرور کایور . غیاشه سزیمی بدل اوله جقسنگز ؟ نه
پارلاق خیال ؟ ... محال اولدینی میدانده ایکن ینه اولوم حالنده بر
بیچاره می سوینچ دلیسی ایدم جک قبول ایتم جلام : یلاندن اولسون
بر قاچ دقیقه والدهك اولمق عمرمك هر بلاسنی اونوتدیرمغه کفایت
ایدیور ! قورمه ! ... مرحوم والدهك قصقانتز . نیچون قصقانسون !
اوبر حقیقی دولته نائل اولمش بن اودولتک خیالیله قناعت ایدیوردم .

طالع آنک قوجاغنه برکونش ویرمش بن اوکونشک کولکهسنه مالک
اولق ایستیورم آم غیسانه بدل جاللم . سن بدل اوله جقسک ایکی
کوزم اوله می ؟ کل قارشمدنه طور طویه طویه برکره دهـا یوزینی
کوره یمده اوله روح تسلیم ایدیم « مجنونانه برحال ایله یرندن اوینامغه
چالیشهرق » آم بویه یوزینک هر طرفنده برکونش طورمشده بن
نیچون کورمزدم . اونهدر ؟ یرلر کولکر برلشیور . مکر دنیساده
نه قدر حالوت نه قدر روحانیت وارمش ؟ باصدیغمز طوپراقلدن بیه
کونش کبی ضیاجوشیور... آم آکلادم آکلادم... انسانیشامازمش!..
اوزون اوزادییه برقورقویی رؤیا کورمش!... اولزمش ، اوقور-
قویی... رؤیالری... کوسترن حیات اویقوسندن اویانیرمش...
اللهم... « تسلیم روح ایدر »

﴿ جلال‌الدین ﴾

یاربی ! یاربی ! بوشهیدلر نه وقته قدر مسرتلر ، نورلر ، روحانی
خیاللار ایچنده کوله ، کوله قرب عزتند کله جکلرده جلال بوبلا
زنداندنه قوجه بردنیانک آلامنی یالکز باشنه طاشیوب طورمغه محکوم
فاله جق « آغلیه‌رق بر طرفه چکیلیر »

﴿ نورالدین ﴾

بادشاهی پک زیاده ضعف قلب آلتنده کورییورم!..
« اورخان »

نه یاپسون ؟ کوزینک اوکننده طامله ظامله دوکیلان مصیبت
قاناری برقلبی دکل ! طاغ پارچهسی قدر برقیایی اریتمکه کسفات ایدر.
پرده اینر

برده

۱۲

بر نحی مجالس

جلال الدین — مهر جهان

« جلال الدین — چهره می صولق نهایت در جهلده متاثر بر حال ایله »
 « گوشده او طورر مهر جهان قارشنده طورر »

(مهر جهان)

وجودیکزه هیچ آجیازمیسکنز ؛ الکزده کی دشمن اسیرلری بیده
 سزک قدره مشقت چکمیور باری بزه آجییکز ملته بر آز مرحمت ایدیکزده
 بر آز او بوییکز . ایکی ساعت قدر راحت ایدیکز ... « محزون محزون »
 اوچ کیجه دنبرودر بر دقیقه جق کوز قیامتدی ال قریبکنز ایکن بن
 سزه نصل حسرت ایسه م کیرپکلریکزه بر برلرینه او یله مشتاق او یله
 حسرت اولدیار بر یاصدق ویره می ؛ دیزیمه یاتارمیسکنز ؛ بر بیچاره
 قادینک دیزینه یاتمق شانکزه ذل کتیرمنز پادشاهم سویلیه جک لقردی ده
 بوله میورم ! ... آی ضیاسنی کونشدن آلدینی کبی ، نیم ذهنمه ده بر آز
 انجلا کایسه چهره گزک نورندن کلیردی . شمدی نه وقت قارشیکده
 اولسه م آره یه جهان قدر المار کدرلر قاریش یور فکرم بتون بتون
 متخفف اولوب قالیور . یاصدقی ویره می ؛ جانسز کولکسز بر بز
 پارچه سنی دیزیمه ترجیح ایدرمیسکنز ؟

« جلال الدین »

هایدی کینده او یقوکه ، راحتکه باق :

(مهر جهان)

پادشاهم : بن او یقویه راحته محتاج دکلم : وجودم ازلدکجه بر آز

اویورم یانہ کلدکجہ ...

« جلال الدین »

اویاہ ایسہ کیتدہ بنی راحت براق !

(مہر جہان)

اوف ... انسانہ سودیکندن آیرلمق قورقوسی سودیکنک حقاراتی
ایچندہ یشامق کبی برعذابیدہ چکدیریور بردرلو افتراقکزی کوزہ
آوبدہ کندیمی تلف ایده میورم . پادشاهم بندن او قدر میزاز ایسہ کوز
بوصفوق معاملہ لزلہ اولدیرہ جکگزہ کوکسمہ برخنچر اورسہ کزده ...

« جلال الدین »

« نہایت درجہ لڑدہ تاثر و تہور ایہ » شوکا باق : جلالی قاری

اولدیرمکی کندینہ اکلنجه ایتمش برجنوار صانیور .

« مہر جہان »

« جد و اہمیتاہ بویننہ صاریبارق » پادشاهم ! اللہ عشقنہ نہ
اولیورسکوزہ ؟ کندی حالندہ دکلسک جاللم . سن اولدیرہ جکک آدم
بیسلہ طوروب طوررکن بویاہ معاملہ ایتمزسک . چہرہ کدہ یاقوت
پارچہسی قدر برحدت رنکی یوق آہ آکلادم ! ... آکلادم ! ...
« قوللرینی بوینندن چوزہ رک آیاقلرینہ قپانوب » عفو ایت پادشاهم
مرحمت ایت جاللم . کوکسمہ برخنچر اور طارلیسک اللہ عشقنہ ...
کوکسمہ برخنچر اور دیدیکم کچن ایشلری ایما دکلدن فصل سویلیہیم
مرحومہ بی ، نیرہ بی خاطر یگزہ کتیرمک ایستہ مدم نیچون اویاہ غریب
برفکرہ زاہب اولدیگزہ یوزیمہ او قدر حدتلی باقدیگز ! ... آہ ...
بن ذاتا سزی سودیکم زمان او بیچارہ نک ، اوشہیدک سرکدشتنی
ایستمدم ! ینہ مناسبتہ منزلکہ می باشلادم ؟ آہ یوزیگزہ غایت حیف

کوزلره کورنیه جک کبی حنیف ، کندی نی یالکنز روحه کوستره جک
 قدر آز بر التفات اماره سی کورمدکجه عقلمی طوپلایوبده کوکلده کی
 حسیاتک بر ذره سنی بیله میدانه قویغه مقدر اوله میورم آه ! بن بو
 جنالی ده محبتک اگ لذتلیارندن قیاس ایدردم لکن کوز بتون ، بتون
 نور ایچنده قالمه تحمل ایده مدیکی کبی کوکلده حسیات عشق آلتنده
 ازلمکه نایق کتیر میور جلالم ! بنی عفوایت ! یوزیمه بر نظر مرحتله
 باقی ! چکدیکم حالدری هول جانه نه ده بگزه میور .

« جلال الدین »

« کندی نی طوپلایه رق متأثرانه بر حال ایله » یوق ! اغلامه ! ...
 او کوزل کوزلرینه دنیا ده نه قدر شیوه واریسه هپسی هپسی یاقشیورده
 آغلامق یاقشمیور کل ! ... شویله چهره کی کوکسنگ اوزرینه قوی ! ...
 آه ... قلم . او کونش جمالنه یاقشه جتی قدر یاقلاشدیره ینه بر درلو
 ظلمتدن قورتل میور . هیچ سننگ کبی لذاند حیاتدن یرادلمش بر
 وجودی انسان ایستیه زک خرپایه بیورمی ؟ کندی جانمی نه قدر تعذیب
 ایدیورم اکادقت ایدرسه ک اختیار سز اغمی پک قولای آکلار سگ ؟
 « مهر جهان »

افندم جلالم ! ... آغزندن نغمه روحی دوکیور ؟ شو بر قاج
 کله جک حیاتی بتون بتون تازه لدی هر کون بر التفاتی کوریورم
 هر کون سایه گده بر کردها دنیا به کلش قدر سوینیورم اما آره صره ...
 یوق پادشاهم بکا هر معامله ک . هر حالک بشقه بر التفاتدر . شودیوانه
 قاری به باقی . بر فردوس سعادت ایچنده یشایورده حیاتک هر آتی بر
 لذته اولسون دویور اذواق محبت دکشدکجه برقات دها روح آور
 اولدینی دوشونه میور . بو قدر تبر به لر ایتمش ایکن ینه دوشونه میور .

جلال جناب حق بوانسان قیافتنده کی مخلوقاتک کو کسر نده کوکل
یراتمامشیدر ؟ بر کوکل اوخیال بشرک آریوب ، آریوبده بریزده
برشیده بوله مدینی آمال روحانیہ فی نظرده تشخص ایتدیرمک ایچون
یرادلمش اولان وجودینی کورر یاخوداوتاریخ عالمک یوزلرجه عصر لرده
بیکلرجه مفاخر انسانیہ نیک برحلاصہ سنی میدانہ کتیرمک ایچون ظهور
ایدن افعالی ایشیدیرده نصل اسیرک اولماز . نصل حکمنده بولنغی
کندیسنه اک بیوک مقصد بیلمز ؟ ... ینه اوچهره گزیده کی حال نهدر .
« جلال الدین »

نه اوله جق ؟ آلام عالم بردرلو کرکله صقشه میورده ساعت ، ساعت
وجودیمک هر طرفنده برشکل مدہشتی بررنک ظالمانیسی کوستریور .
سنک قلبک محبتله طولمش نظر عبرتی بر نوازی عالم علویہ یه حصر
ایتشسک : کونشه باق . باق دنیایی کورمکدن عاجز قالان کوزلر کبی
پارلاق . پارلاق خیالرکله اوغراشمتدن . انسانلرک حالی دوشنمه که
وقت بوله میورسک الله بلالرینی ویرسون ! ... ایچمزدن یتشان برطاق
خائلر دوستی دشمندن اسلامی مشرکدن فرق ایتماک سیئہ سنی بونجه
پیلدبرو دین یولنده حمیت میداننده کفنلرینی آرقه لرنده ، حیاتلرینی
آووچارنده کز دیران بوقدر بیک مجاهده ده سرایت ایتدیردیلر . بر کره
دوشون جلال الدینک عسکری اخلاطی اوردی جلال الدینک عسکری
اسلام قلیچنه دین قرداشلرینک قانی بولاشدیردی . سانکه او قانک
هر طامه سی بر آتشاره کسلیورده جسمک روحک بر طرفنه یایشیور
« مهر جهانک النی طوتهرق » ینه وجودده کی حرارتہ باق ! .. کندیمی
شیطان کبی آتشدن یرادلمش صانیورم کندی باشلرینه کله جک بلایی
تعریف ایچون نورالدینی ناصر جنابلرینه ملوک طوائف حضر ترینه

کوندردم بوکون یارین کلیر کوررسک نه غریب خبرلر ! ... نه ملعون
 تکلیفار کتیره جکدیر اسلام ایچون مانعی : عدم خرابه لرنده : خیال !
 آتس طوفانلرنده ! استقبال ! فنا و اضمحلال مقبره لرندن عبارت
 کورینور . انسان بو مصائبی دوشونورده چهره سننده زنکمی قالور
 حقت وار ! حقت وار افراندیجکم هابرقاچ کیجه در او یوقوده او یوماشدم
 لاقردی سویلکه بیه اقتدارم قالمدی ! کل ! ... شویله کل ! دیزینه
 یتیم سن روحدن مخلوق بروجودک بلکه تماسکدن وجودیه برآز
 حیات سرایت ایدر . برقاچ دقیقه راحت او یویه بیلیرم ! ...

« مهر جهان »

کلدم پادشاهم ! بر دقیقه جق استراحتکنزه بتون حیاتم فدا
 اولسون ! ... « جلال مهر جهانک دیزینه یار منظره دکشیر ، یسه
 تبریز سراینده بر دیگر اوطه »

ایکنجی مجلس

جلال الدین — نور الدین — اورخان

(جلال الدین)

بورک مولانا ! سیاحتکنزدن خیرلی خبرلر امید ایدر بیلورمی یز ؟

« نور الدین »

افندمزک وجودندن بشقه زمانمزده خیره بکزر نه کوردک که : اویله
 براینده محل اولسون پادشاهم ! ...

« جلال الدین »

ضرری یوق ! سویلیگزده شر اولسون فناخبر دیکلمکه اوتهدنبرو

آیشغز ناصری کوره بیلدیکنمی ؟

(نور الدين)

امکانی و از پادشاهم ؟ بروقت ناصر ایچون شیطانتر سایه ظلمانیدر
 بیورمشدیکنگز کندینی کورمدیکنگز حالدده حقنده ایراد بیوردیفنگز
 تعریفه کرامت دینسه بنادر . شمدی بغداد تختنده بولنان مستهر گده
 آندن بر فرقی اولدیغنه امنیت بیورلسون . مبارک ذات کیتدکجه بر
 غریبک بورونیور بیلم خشمیدر ؟ یوقسه چهره منده ایکنیچ ایکنیچ
 چبانلمی وارد ؟ یوزینه ده برسیاه نقاب طوتیور . صوقاغه چیقیدینی
 زمان غضب الهیه اوغرامش کبی قبولیچ خردار قبانیور طاعون تجیم
 ایتش ؛ لکتی طولاشغه باشلامش کبی هرکس بر طرفه قاجوب صاقلانیور
 جهنم قیلرندن برصن یا پشمده دوره چیقارمش کبی هر راست کلن
 سجده لره قبانیور . اوغظمتده اوده شتده بر مخلوق بزم کبی عجزه می
 حضورینه می قبول ایدر . وزیریه . علماسیله ، کتاب دیوانیه ، امرای
 عسکریه سیله ملاقات ایده بیلدک ، اوده بیگ بلا ایله حاصل اولدی !

(جلال الدين)

اوت ! ... حکومتلری بغداده منحصر ایکن کندی تصور لرنده
 بر قایح بیگ دنیا قدر بر ملک ایجاد ایدوبده آنده خالق کچنمک
 ایستدکلرینی بیلوروز . تاریخ خاطر یکنزده دکلیدر ؟ خاندان ساچوقینی
 تأسیس ایدن طفرک بیاغی جهانگیر اولمش قائم با امر الهیه اسیر ایدن
 متغلبه دن قور تارمش ایکن مبارک بغداده کلدیکی زمان اواقصدارده
 بر پادشاهه انی او پدرمک قائمک عظمتنه طوقونمشدیده تقبیل ایچسون
 یوزوکنی ویرمشدی . شمدی یادکار جلال الدینک سفرینه طفرک
 قائمده کوره نیکی یولده عنایتلر ایده جک دکل ؟ اما مقصد اسلامی
 دوشدیکی بلادن قوتارمق ایش . بر بیوک بابانک اسلام ایچنه تهیه ایتدیکی

بالارک دفعی اوغلندیمی بکلیه جکز؟ عباسیاردن دردیمره چاره بکلمک
 قلیچنی نیشر ظن ایتک قیلندندر. بئم آنک اوتهدنبرو هیچ امیدم
 یوقیدی شو قدرکه جنکیزک نفس اماره سی اولان ناصر مادامکه تلویث
 ایتدیکی تحت حکومتدن برکزه زائل اولدی * شاید وزراسنده ،
 وکلاسنده ، اصحاب دیواننده هیچ اولمازسه عسکری طاقنده بر اثر حجت
 واردد . بر قوجه عالم صایله جق قدر کیشورلرک طرقت اندراسیله بر
 قوجه دنیا طولایره جق قدر انسانلرک ولوله سی بلکه غفلت اویقوسنده
 اویانمشلردر مأمولیه آنره برایش کوردرمک ایچون سزی بنفاده
 قدر سفر مشقته مبتلا ایتدم آنلر نه فکرلرده ، نه مطالعه لرده بولورلر .
 « نورالدین »

عرض ایدیم پادشاهم ! مستعزک جملة الملکی علقمی داعیگزی
 بک بیوک التفاتلر اکراملره قبول ایتدی ناصرک بعض شدتاری
 اوزرینه خوارز مشاه علیه بنفادجه حاصل اولان انفعالک شمدی
 حکمی قالمدینه وافقرجه هر درلو آمالک زمان رواجی کلدیکنه دائر
 برچوق مقدمه لر سرد ایتدی . سوزلرینی جدآ حقیقتاً حمل ایتدم
 مجنون کبی برچوق امیدلره دوشدم . پادشاهمز ایچون خلیفه نک بر غلبه
 سطوت ، اصحاب توحیدک صاحب الرأیه اتحادی اولوبده دنیایی تاتار
 تسلطدن قورتارمقدن بشقه برامل موجود اولمدیغنی بیان ایلدم . مکر
 بونلرک نظرنده زمان رواجی کلن امل مستعز طرفندن اقدمزه برات
 سلطنت اغطاسنک امکانی ایش ! بونک استحصالی ایچون نه قدر هدیه
 کتیردیکی صور دیلر ؟ مع مافیه هدیه دن بشقه بویه بر آتک ویرلمسینه
 تاتار محاربه سنده فراغت وعدینی ده شرط ایتدیلر بر درلو نفسمه غلبه
 ایدمدم . موجود اولان مالز المزدده قارغیده قولمزدده کی یایدن بلمزدده کی

قلیچدن ، آتمزده کی آتدن عبارتدر هدیه ایله ، رشوت ایله ، سلطنته طالب دکاز . بوقدر سنه دزبرو راحتنی ، اقبالی ، الملکنی ، ملانی ، اولادینی ؛ عالی ترک ایدوبده پادشاهمک آرقه سنده کوزنلر اوکنده جان ویرنلر بزدن ناصرک ، طاهرک ، مستعزک ، براتی صورمدیلر بزنی بغداد تاتار محاربه سنندن فراغته دعوت ایدیسور ملیونلرجه یاردینی ، خسته ، اسیر آچ ، طوق ، اخوان دینز امداده چاغریسور . اسلامیت هانکی طرفه حاجتی اقتضا ایدر ؟ . . . هیچ دوشونمورمیسکیز که بز محاربه دن ال چکر سهک تاتار آتلیرینک برنجی وجهه تسلطی بغداد اوله جقدر دنیاده موجود اولان ثروتک یاریسنندن زیاده سی بوشهرده ایکن بر آلتون ایچون بر مملکت بیقه مقندن چکنمیان تاتار خائنلری سزی بویله شدادک جنتی آندیران بریرده سفاهتگزه راحتگزه بر اقبیر صلحه ، عهده ، رعایت ایدر لر می ظن ایدر سگیز ؟ هیات ! . . . اجل قضا یا قه گزه یا شمش سز حالا امید ایله یشامغه چالیشیور سگیز . حیاتگیز جلال‌الدینک حیاتیله حرکاتیله قائم اولدیغنی بلیور سگیزده اولوم قلیچلری عذاب آتشاری بر ساعت اول وجود گزه یتشمک ایچون اوکنگزه کی سد محافظه سنک چکامسنی ایستیسور سگیز امین اولگیز که جلال‌الدین بغداد خلقنی بلاسنه مشتاق اولمش دبه حربدن چکلپورده مشرک آتلیرینک آیاغی آلتنده براقازیوللو بر آزدیریجه سوزلر سویلدم بک زیاده منفعل اولدیلر بردها علقمی ایله کورشدیرمدیلر بشقه بر حکمدارک سفیرندن بویله تحقیر کورمش اولسه لر احتمالکه اعدام ایدر لر دی فقط مظان‌الدین وقعیمی خاطرندن چقماش سسیف اقتدار گیزک سایه سنده داعیلرینه تعیسدن بشقه برشی یاپه مدیلر .

الله بلالینی ویرسون ! ... ارادل ... یانوب نحو اولان بوقدر
 یک مملکتلرک دوماتی ده می کور میورلر زنجیر آئنده ایکلیان بوقدر
 یوز یک بیچاره نیک اینتی ده می ایشتمیورلر که حالا محسولانی دنیاده
 تاتاره و بالنی آخرتده ملاک ججیمه تسلیم ایتک ایچون اهل اسلامدن
 هدیه نامیه جزا آلفه چالشیورلر . نرهدن کوره جکز ؟ نرهدن
 ایشیده جکز بغدادک درت یواری آره سنه قیامتشار . عالی کوردکلری
 یلردن علمنک حالنی سوردکلری سفاهتدن عبارتدر ظن ایدر . اگر
 جناب حق بزده نصرت احسان بیورمه جتی اینسه تاتارک سلاخی نه
 قدر خونریز ، سورکنی نه درجه مهیب ایش یک یقین زمانده
 کوره جکلر ایشیده جکلردر . دینارینی تبدیل ایدرلر . شیطانک ملعنتدن
 اک بیوک حصده عذاب اکا اوین انسانره عاقد اولدیغی کبی بونلرک
 خنزیرلکلر نندن ده حاصل اوله جتی مصیبتلرک اک زیاده سی اطاعتارنده
 یولنان برطاتم مجزیه قترایه نصیب اولور . مولانا ! بغدادک علماسی ده
 بومشوارده دکلدرلریا ؟ ...

« نورالدین »

خیر پادشاهم ! اومشوارده دکلدر فقط آنلرک فکری بونلردن دها
 اشنع عداولنه بیلور معلوم شاهانه کزدرکه بغداد علماسنک بر طاقنی
 شیعی ، برطاقنی سنی در . شیعی گروهی افندمز ایچون ، مذهب شیعی بی
 ترک ایتدی کندیسنه اعانه جائز دکلدر دیورلر . سنی گروهی ، شیعی
 بروقت تسنن ایتز جلال الدینک طوتدیغی مسلاک خوش کورنمک ایچون
 اختیار اولمش بر تعیتدر . سنیلک اعتماد اولماز که امدادینه جواز تصور
 اولسون اعتقادنده بولنیورلر .

(جلال الدین)

ديمك كه نظر لرنده بنم سنى اولديغ وياخود تقيد ايتديكم جنكيزك
سركتدن دهاشنيغ ايتش كه بكا امداد ايتماك اچون تاتاره قارشو
مليونلرجه اصحاب توحيدى معاونتدن محروم براقق لازم كليور
مولانا! ... مولانا! ... بونلر محكمه كبراهه اويابه اعتقادلر اچون نه
جواب ويره بيلرلر؟ ...

«نورالدين»

والله پادشاهم : بغداد علماسنك ا كثرى اويابه محكمه كبراسؤال
ع جواب آخرتى دوشونديكى يوقدر . بو نواسك معهود قصيده سنده
امرئيف ايتديكى جوفى كى «لااله الاالزعيف» اعتقادينه ذاهب اولمشار
ولى نعمتلرى اولان علمى يى كنديلرنجه حاشا رزاق عد ايدىورلر
آنك رضاسى نه جهتهده ايسه بونلرك اعتقادلرى اوجانبه تحول ايدىور
بر آزينك ذهنيده جهل اياه تعصبدن تركيب ايتش هم اويابه اعتقادلر دهده
بولنورلر . همده فقرايه صدقه ويرهرك ثواب قزانمغه چاليدشان طاغ
حيدودلرى كى آخرتهده اواعتقادلرى اچون مأجور اولمق ايتىورلر .

«جلال الدين»

بونلر نصلان عالم؟ ... نصل مسلمان؟ ...

«نورالدين»

معلوم شاهانه كزدر كه بوندن برعصر اول شمال طرفندن همان
كشترده تاتاره يقين بر قوم موصل اتا بكنه مراجعت ايتديلر مسلمان
اولمق ايتديلر! ... فقط بزم يرلر يمز پك بارددر . علاج قيبلىندن بعض
مسكرات قوللانمىنجه ياشايه ميز ديديلر . بونلرك طلبنده زمانك علماسى
برعشرت مجاسنده اجتماع ايدهرلك ارض وسمايى بر بربندن فرق ايدهميه جك
تدر بدمست اولدقلىرى حالده استغراق ايدر كى بر «اولماز» جوابى

ویرونده حرامی و بلکه مباحی منع ایچون او قدر تفوتک ضالتمده
قالسنه سنب اولما شمار میدی ؟ ایشته بونلرده آنلر قییلندن مسلمان ! ...
ایچلرنده آدم کوردم که : مجرد مرکب یرادلشده شیطان عباد الاهی
ازعاج ایچون بزه انسان قیافتنده کوستریور دیه حکم کلیور !

« جلال الدین »

کاتب نازینلری نه حالده بولنیورلر ؟ ...

« نورالدین »

آنلرک حالی نه بشقه : سفیر کله جکی خبرینی آلدقاری کبی اوصاف
علیه کزده قصیده لر ترتیب ، دینه اولان خدمات شاهانه کزی اسلامک
افندمزه اولان امید استقبالی ، فرزدقلره ، بختیاره ، یاقشه جق
درجه لرده فصاحت و بلاغتله تعریف ایتمشلر .

(جلال الدین)

آنلرده اولسون بر حقیقت محبتی ، برحمت شوق واردیمک ؟

« نورالدین »

استغفر الله پادشاهم ! خاعت محبتی ، جائزه شوقی وار مدایمه
بردرجهیه وار مشارکه حضر هدایت حیوانکیزک یدکنی چکدیکنی ،
ملائکه علیین اوزریکزه سورده فتح او قود یغنی سویلیورلر . اسکندری
چاوشلغنده بهرامی رکابدار لغه کزده قبول ایتمیورلر .

« جلال الدین »

بن بویولده کی مبالغه هذیانلرینی عجم لسانه مخصوص ظن ایدهرم .

(نورالدین)

عباسیار نمرود مقلد لکنی الزامه باشلیه لی دنیانک نرسنده برسینه
وارکه بغداده نقل اولنوبده اکمال ایدلمش اولسون .

« جلال‌الدین »

عسکری طاقی دمی ادبسنز ؟ ! ! !

« نورالدین »

ادبسنز دکل جلااد اولمشار پادشاهم . امت محمدك تاتاردن چكدیكى
بلائر هیچ کیسه نك خاطرینه کلیور . جلال‌الدین نامی اکلدقجه مظفر
الدین وقعه سنك انتقامنی المقدن بشقه برشی دوشوندکاری یوقدر .

« جلال‌الدین »

دیوانه لر : قصاب آغلنده بربرلییه دوکوشمکه چالیشان قوچار
کبی جنکیزك دائرة تضیقی ایچنده ده اسلام ایله اوغراشمغه چالیشیورلر .
نه دییم یاربی ؟ جمله سنی قهار اسمکه حواله ایدرم . فقط ضعفایه مرحت ،
ایتده اوزرلرینه تاتاری مسلط ایتمه . دیمک که بغداددن برامید یوق ؟

(نورالدین)

ذره قدر امید یوق پادشاهم .

« جلال‌الدین »

البته سزده یالکیز بغداد ایله اکتفا ایتمدیکز ؟

« نورالدین »

بغدادده نه یاپلدی که : آنکله اکتفا ایدهیم فرمان هایون نکزه
اتباع ایتم بغداددن مایوس اولدیغ کبی طوغریجه شامه کیتدم ملک
اشرف مستنعره بکزه مز... ظریف ، متواضع ، نمایشنک یرلرده
سورونشنک ییلاندن هیچ فرقی یوق . داعیکزی برقاچ کره حضورینه
چاغردی . اسلام ایچون موجود اولان تهلککری براتحاد یاسیله مزایسه
یقنده جهاهنک محوالمسی مقرر اولدیغی دلائل عدیده سیاه برابر دیمک
دوندیکی قدر تعریف ایتم علاءالدین کیفیاد ایله تجاوزی ، محفظی ،

اتفاق اولديغندن و آنك موافقتی اولمديجه هيچ بر حر كته قيام ايدمه جكمندن
 بشقه بر جواب آله مدم . حتى نه قدر قوت ايتدمسه تاثير اتندن بيله هيچ
 برشی تفرس ايدمه مدم . يا : اوموز لر ينك اوزرنده كي جهره دكل باقر دن
 دوكلش بر نقاب ! محزون اولسون ، مسرور اولسون حدت ايتسون ،
 اشراج بواسون ، اوچهره نك رنكمنده شكمنده دزه قدر برشی
 كورلك احتمالك خار جنده در ! چارمسز كنديسندن آچيقي بر توصيه
 آلم فونه عزيمت ايتدم كيفيادايه كورشدم داعيكنزي بك خوشونه
 قبول ايتدی ! ... دولت شاهانه كنز حقمده بك لايقمز لسان قوللاندی
 تفصیلاتيله تمجيز ايتيميم . چونكه مقابله ده قصور اولمندی .

« جلال الدين »

مذاكراتك نتيجه سنی سويليكنز !

« نورالدين »

نتيجه سنی نه اوله جق ؟ كيفيادايه اشرف اتفاق ايتملر دولتكنزه
 حرب آچق اوزره درلر .

« جلال الدين »

عجایب : اسلامك باشنه بلای مبرم اولمق تانار الويرمدی غیث
 الويرمدی سيفالدين الويرمدی ، شمندی سلجوقيلر ، ايوبيليرمی پيدا
 اولدی ؟ بش آتی يوزسنه لر حاكم عالم كچنمش قوجه روم امپراطورلنی
 خزجكذرايدن آلپ ارسلانك خرسستيانلق عالمنك اك منعصب ، اك
 فداكار ارباب حربندن مركب بولنان اهل صليبه قايينجنه باش اكديران
 صلاحالدينك - اولادلری اقباسی ضبط ايدمك يربوله مامشارده
 چنكيزك پنجه سندن قورتارديم اسلام ماكنی يغما ايتمك ايتيوزلر
 بشقه ايدينه جك برمال دوشونماشارده شهيد مزارنده صويمق اچون

کفن آریورلر اویله می ؟ اخوان مسلمیندن صایدیغمیز یادکارلر
اجدادینک مزارینی اولادینک بشکنی محافظه ایچون مشرک لک سلاحنه
کوکس کرن مجاهد لک آرقه مندن اوق آغنه قلیچ اورمغه چالیشیورلر
عجا بومردلکک ، بو حیثک ، بو دیندار لک سائقی نه اولسه کرک ؟ ...
« نورالدين »

نه اوله جق اخلاطی ایستیورلر .

(جلال الدين)

اوی ! ... ینه ذهنمه بیک درلو خیال لر چو کیکه هر طرفم مظلوم
قاندن لکه لر ایچنده کورنمکه باشدی کندی کندمدن ایکره نیورم .
بو اخلاط بیچاره لرینک انقمامیده بیلیم نه زمانه قدر سورمه جک ؟
بیلیمدها نه درلو بالار تو صدایدوب طورمه جق حقلری واردر علیهمزده
نه یارلر سه حقلری واردر بزم کبی قاتلاره انسانمی دینور ؟
« نورالدين »

پادشاهم ! کوک کزک بیوکاکی ذهنکزی تغلیط ایدیور آنلرک
اخلاطده تلف اولنلری دوشوندیکی یوق هر کون تحصیلدارلرینک ،
جلالدرینک النده اخلاط مقتوللوندن زیاده آدم تلف اولیورده آتی بیه
خاغرلرینه کتیر میورلر آلق ایستدکاری اخلاط مقتوللرینک اتقامی
دکل قلعه نک طاشی طور اغیدر .

« جلال الدين »

مولانا ! ... مولانا ! ... اویله قاره قاره خیالر تصویر ایتمه کوکلده
نه قدر متانت وار ایسه بریره طوبیلا یورمده بیک بلا ایله زوالدن
محافظه ایده بیلورم . اشرفک کیفیادک جنکیز ایله نه مناسبتی اسلامه
نه قصدی اوله جتی ؟ ... اخلاطی بندن ایستیورلر ! ... آلسونلر

مبارك اولسون دیرز غوغا پتر... بلکه اتفاقدہ کیرہ بیلیرز طوپلادقلری
 عسکر و خصوصیه عربك سوارسی تاتاره قارشى خیلی ایشه یارار .
 (نورالدین)

بادشاهم ! حیف که شمدی به قدر ایتدیکمز تجربه انسانی بویه
 برامیده دوشوره میور بونلر اوج کون صکره کلهجک بلایى بر کون
 اول ظهور ایدن خسته لغه ترجیح ایدر طاقمدندر افندمزك جنگیز ایله
 محاربه لرنده موفقیت تمامیه بزده قالمدینغه عسکرک آزلغندن امرانک
 حیانتندن بشقه برسب اولمدیغنی لایقوله اوکر نشار کندى عسکرلرینی
 افندمزك تو ائمندن کثرتلی کندى ضابطلرینی بزمکندن صادق بیورلر
 اودرلوافعال عظیمه نك جلال الدیندن بشقه کیمسه به میسر اوله میه جغنی
 دوشونه میورلر آنک تاتاردن پروالری یوقدر . اخترازاری ذات شاهانه
 کزک سلطنتندن و خصوصیه اسلام آرمسند اولان شهرتکز دندر .
 سلطنتکزک قوتی زاید ایدر سه تاتاردن صکره نوبت کندیلرینه کلهجکینه
 ناموس اکبردن ایشیدلمش بر حقیقت کبی اعتقاد ایدیورلر یقیناً معلوم
 شاهانه کز اولسونکه اخلاط ایچون مناسبتیه علاوه اولنسه بیلهجک
 براق بیک کرد سوارسی قصقانداقلر ننددر .

« جلال الدین »

فسبحان الله : مادامکه ترجمهء عالمی بیورلر بنم سلطنت ایچون اسلام
 ایله اوغراشمق وبالنی اوزریمه آله جغمی هانکی حرکتمدن استدلال
 ایدیورلر . بن اسلام قانی دوکرک توسیع ملک ایتک ایستسه م بغدادی
 ضبط ایدوبده تخت عباسی به خیال کبی جلاد کبی حرکتسز ! عاجز
 برینی او طورتهرق آنک نامنه محاکم اسلامک هر طرفنده انفاذ حکم
 ایده مز میدم ؟ یوقدر سنه لر دنیرو کوستردیکم اثرلرده می مقصدمی

بو آدمارك نظر نده حقیقه تصویر ایده مدی !

(نورالدین)

اکثر خلق برینک حقیقه اولان مطالعه سنی آنک اشارتندن دکل کندی
خلیاسنده استنباط ایدر آنلرک افندمنز حقیقه اولان تحمیلاری افعال
شاهانه لریینک دکل کندی حسیات وجدانیه لریینک خلاصه سیدر !

« جلال الدین »

نه دیمک ایستیورسک ؟

« نورالدین »

سوء ادب ایسه ده سویلیه یم پادشاهم . شم دی یه قدر دین خدمتکار لغی
ملت طرفدار لغی یوانده هر نه یایدیکز ایسه کندی امللرینه کندی
فعللرینه تطبیق ایتدیجه بر درلو طبیعت بشره موافق کورده میورلر جمله سنه
خهانکیلرک مقصدینی ستر ایچون ترتیب اولمش بر نقاب نظریه باقیورلر
ریا ایله او قدر الفت ایتمشلدرکه دنیاده ریا دائره سندن خارج بر ایش
اوله منز اعتقاد نده درلر یادکارلرک خواص ندما سندن براق کشی ایله
کور شدیم ابراز بیوردیغکنز غیرت اسلامیه به طور عوا مفریبسان نامی
ویرمشلرحتی بو طور عوا مفریبانه ده اولان حس تاثیرده قهرمان لغکنزی
بیله فائق کورئیورلر .

(جلال الدین)

یاربی ! محکمه عدالت نده ده ثبوت دین یالکنز قول شهادت نه محتاج
اولیدی بزم کبی عاجزلرک حالی زویه وارردی نه مزه لازم نه اعتقادده
بولنورلرسه بولنسونلر هر کسک ذهابنی تحویله کیم مقتدر اولمش بن
ذاتا آنلرک تحسیننه مظهر اولقی ایچون برفداکارلق مسلکده
کیرمدمکه : حقه ده حاصل ایتدکاری فکره اهمیت ویره یم بکا باق

آنری آخالطه دکل کرجستانی ده ایسته سهر بکا مرائی حتی آلحق
 نظریاه باقسه لرینه اسلام اوزرینه قلیچ حکم ! بایرم وجودک
 یورولسه ده همتنه فتور کلز بوده الله یولنه برخدمتدر همان حاضرلق !
 قونیه یه می ؟ شاه می ؟ هانکیسه اقتضا ایدرسه کیتده اسلام اردوسندن
 بواختلافی قالدیرمغه سعی ایت حرب اولنسونده صلح ایچون نهدرلو
 شرط قورلرسه بن هپسنه قائلم !

« اورخان »

چارسز برمدتده قولکنز تصدیعه مجبور اوله جغم صلحک اعاده سنه
 امکان قالمدی پادشاهم .

(جلال الدین)

نهدیمک ؟ صلح نهمان بوزلدیکه اعاده سنه امکان قالمسون ؟ ...

« اورخان »

بوزیله لی یکر می درت ساعت اولیور پادشاهم ! کیفسزک مناسبتیه
 خبر ویرمامشک ؟

« جلال الدین »

اونصل لاقردی ؟ سزبکا کندمدن زیاده می آجیه جقسکز ؟ بر
 پادشاه کیفسز اولورسه مملکتک حالندن یجبر می طوتیلور اداره مده
 یولنان اسلامه هر نه فنالق کلیرسه مسؤلیتی بکا عاند ایکن بنم خبرم
 اولمقسزین نه جسارتله حرب آچمغه قالقشورسکز بوکونلرده برغریب
 مسلك طوتیدیردیکز بنی صداقتکزذن بیزار ایده جکسکز .

« اورخان »

اوت پادشاهم : بز افندمزه کندندن زیاده آجیرز هم یوز بیک
 قات زیاده آجیرز . حتی یوز بیک قات دیدیکم آزدرو . افندمزه هیچ

نفس هایونکزه آجیدینگیزی کوزمه دیکه شفقتکیزله ذات هایونکزی کندیکزه رحمی آرسنده برنسبت بولمقی قابل اولسون اوت پادشاهم ! برپادشاه کیفسز اولورده صحتی ایچون اندیشه دن اشتغالدن بری طوتمسی اطباطرفندن توصیه اولنورسه مملکتک حالندن چاره سزنی خبر طوتیلور . بندکاز ، عسکرز ، جلاد دکلزکه چکدیککز عذاب روحانی نی کوز مزله کوروب طور رکن قلب شاهانه کزه نه قدر شدتلی تأثیر ایده جگنی بر طاقم قره خبر لره ولی نعمتمزه اشکنج ، ایتکی کوکلز قبول ایتسون ! ... ذات هایوندرینک خبری اولمق سزین ایتدیکمز حرکتک نه قدر مسؤلیتی وار ایسه نزد الهیده افندمزه دکل هم عند الهیده هم عند پادشاهیده بنده لری کزه عاڈدر آچیلان محاربه تک - اکر وار ایسه - هر مسؤلیتی قولکزه در . بز آچمدق پادشاهم ! کیفیا ایله اشرف بغته حیدود کبی کدیله زرا اداره کزده بونان اسلام مملکتیه مسلط اولدیله وجود لری نه قلب جمزک آلتنه کیرن تانارلرک ارواح خبیثه سیمی حلول ایتشدله نه در ؟ اوغرادق لری نه راست کلن کویله ری ، قصبه لری سیلان یووه سنه تصادف ایتمش کبی ایچنده بونان معصوماری قادینلره برابر محو ایدیورلر بر برینی متعاقب ایکی ایلیچی کوندردم . صلحه یناشمق دکل ، حتی مقصد لری نه اولدیغنی بیله سویلیه میورار آغزلرنده انتقامدن بشقته برسوز یوق قلیچلرندن قان او قارندن زهر آقیور قارشینری نه بر قاج بیک کشی کوندردک ، آنارده مدافعیه دائره سندن چیقما لری نی توصیه ایتدک !

« جلال‌الدین »

آه ! اخلاط ! ... ! اخلاط ! ... ! بومصیبتی اوزریمزه دعوت هپ
اخلاطده کی حرکتمزدر .

« اورخان »

پادشاهم ! اخلاطی اوران عسکرایدی آنک انتقامنی کندی حالیه
مشغول اولان قادیزلردن ، الله نظرنده بیه گناهدن معصوم اولان
چو چقلردنمی آینور ؟

« نورالدین »

پادشاهم ! مرحمت بیوریکزده حریفلرک اوزرلرینه مکماجه بر
عسکر کوندراسون شرلری اسلام اوزرندن دفع اولنسون .

« جلالالدین »

مولانا ! آنلرده اسلام... بز آنلرک شرینی اسلام اوزرندن دفعه
قالقیشیور یا بزم شریتمزی آنلرک اوزرندن تاتار مشرک لریمی دفع ایده چک ؟

« نورالدین »

نکن اولدینی قدر سوزی قیصه کسمک ایستدکجه آرده مسئله
تولید ایدیور . چاره سز تصدیع ایده چکم اویله اسلامیت اولمز پادشاهم
اسلامیتی بیلنار اخوان دینک جان وعرضنه تسلط ایتمز کستاخلمی
عفو بیوریکزمقصد هایونکنز اسلامی تاتار بلیه سندن قورتارمق دکمیدر ؟

« جلالالدین »

سندهمی مقصدمده شبهه ایدیورسک ؟

« نورالدین »

استغفر الله پادشاهم شبهه دکل سوزه نیجه ویرمک ایچون بر مقدمه یه
احتیاج کورندی شمدی مادامکه اسلامک تاتار الندن قورتاسنی ایستیورز
تاتارک قوته اسلامک ضغننه سبب ایسه هرشیدن اول آئی دوشونمک
افتضا ایتمزی ؟

« جلالالدین »

پك اعلا ايدر بقالم چيقاره جنك نتيجه نه اوليور ؟

« نورالدين »

شو اوليور پادشاهم ! تاتاره قوت و یرن آره لرنده کی اتحاد ، بزى
ضعفه دوشورن بینمزده کی اختلاف دکلیدر ؟ بو اختلاف ایله تاتاره قارشو
طورمق قیریق قلیچ ایله حربه کیتمک اولزمی ؟

« جلال‌الدین »

نه یالم؟ اختلافه بنی سبب اوليورم اوته کیلرک حالی کور میور میسک؟...

« نورالدين »

خير پادشاهم اختلافه سبب اوليور سگمز فقط اتحاد اچون لازم
کلن تدیردن استغنا بیوز بیور سگمز .

« جلال‌الدین »

بنم استغنا ایتدیکم تدیر هانکیسی اوليور ؟

« نورالدين »

اسلام ملکفی لطف ایله اولمزسه قهر ایله برلشدیرمک تدیرندن
بجٹ ایتمک ایسترم .

(جلال‌الدین)

مولانا : بیلزم میسک که قلیجک شانی آیرمقدر برلشدیرمک دکل .

« نورالدين »

بیلیرم پادشاهم : فقط یاره لر دن اقتدینی قانک حرارتیه برلشیر !

« جلال‌الدین »

الله الله دنیا ده کیمک نه آرزوسی وارایسه اسلام قانی سایه سنده می
حاصل اوله جق تاتار اسلام قانی ایسترم . خلیفه اسلام قانی ایسترم ،
سلاطین اسلام قانی ایسترحق اسلامک نجات کبی بر مقدس مقصده ینه

اسلام قانی ایستیور اویله می؟

« نورالدین »

اوت پادشاهم ! اوقدر بدبخت بر زمانه تصادف ایتمشز که اومقدس مقصدینه اسلام قانی استیور .

« جلالالدین »

مولانا : سن نه سویلیورسک بنم ایچون کیبوک وظیفه تاتاری براقوبده اسلام ایله حرب ایتکمیدر ؟

« نورالدین »

مسئله یی بویله هر درلو شرأطدن تجرید بیورر ایسه کر قولکوزک سوزی طیبی هذیان کورینور قولکوز علی الاطلاق اسلام ایله حرب ایتک مشرکله غزادن دهاببوک بروظیفه در دیمورم الدهارلان جزئی برقوتله بیکده برغلبه احتمالی موجود دکل ایکن تاتار ایله اوغراشمقدن ایسه اسلامی بر رأیت حمیت آلتنده جمع ایتک ایچون اوزر لرینه مسلط اولان خائیرک پنجه سندن قورتارمق دهاببوک بروظیفه اولدیغنی عرض ایدیورم افندمز بونلرک اسلام اولدقارینه می باقارسکز خدا بیلورکه جمله سی اسلامه اهاننده تاتاردن شینعدر تجر به لر کوزیمزک اوکنده طور بیور .

(جلالالدین)

« لاقریسنی کسه رک » بیلیورم بیلیورم حربده تلف اولان آدم لر یالکوز دیدیکک خائیر اولسه آندر ایله اوغراشمغنی تاتار حربنده دکل هر درلو فرائضه مقدم طوتارم آره صره بیهوده یره از یاه جک بیچاره لری دوشمنیورسک . کندی خائین ایسه عسکر لرینک نه قباحتی وار اوی بیچاره لر هر کسک ماهیتنی زهدن بیلسونلر ؟

(نورالدین)

پادشاهم ! بوخانیتر افندمزه تابع اولان غزاة اسلام اوزرینه بر
 الای ساده دل بسوق ایدرلرسه وبالی سزه می عائد اولور . نصل
 ایدلم ؟ آرده برطاقم اصحاب غفلت ایتدکلری خطانک جزاسنی
 کورسون دییه بر اقلنده شیطاندن شینع بر قاج ماعون دنیاده نه
 قدر احرار مسلمین وار ایسه جمله سنی مشرککلیک زنجیر تغابنه تسلیم
 ایچون ، رکندن غرانه کاشغردن غرناطه یه قدر ممتد اولان مالک
 مسامیتی اسیر پانزارینه می بکرتسوانر ؟

« یول الیسه سیاه بر عسکر او طه یه کورد اورخانه بر مکتوب ویرر »

(جلال الدین)

« مکتوبی آچوب او قومتمده اولان اورخانه » اونه در ؟

« اورخان »

دشمنک قارشوسنه کوندر دیکمز امیر ابراهیمدن بر مکتوب پادشاهم !

« جلال الدین »

او قوباقالم :

(اورخان)

« بر آزکوز کزدیردکن صکره مکتوبی نورالدینه ویره رک حدت
 تاثردن مرکب بر کسیمک صدا ایله » سز او قویبیکز .

« جلال الدین »

او قوباقلم مولانا ! اسلام اردوسندن ایرلدیغی ایچون برادر زاده سنی
 ایسه اولدیره جیک قدر متانت قلبه مالک اولان اورخان آغلامق
 درجه سنه کتیرن کاغد پارچه سنده نه صیبتنر مندرج ایش .

(نورالدین)

« او قور » امر عالیکز و جهله ارز نجانه طوغری عزیمت ایتمک
 اوزره ایکن دشمنک طبیعه سی ایکی قوناق بر یرده بولدم جهله واحده
 ده استقبالی می ممکن ایدی فقط مآذونیت اولمدیفندن کچیدلری ضبط ایله
 اکتفا ایلدم اله کچن بر ایکی اسسیرک افاده منه کوره شمده اوزریمزه
 کان دشمن یکر می بشبیک سواریدن عبارتدر . کویلیلو اعدانک
 قوتی دهاکرتلی نقل ایدیورلر حتی یوز بیکه ابلاغ ایتمک ایستیورلر
 فقط بو مقدار عوامک و امله مندن تولید ایتمش اولم ککر ککر .

(جلال الدین)

« قرأتنی کسیرک » یوز بیک آتلی مبالغه اوله بیلور فقط ملکلر
 حضراتی بنم اوزریمه اوله یکر می بشبیک کشی ایله کله جک قدر جسور
 دکلدرلر صایریم هر نه ایسه او قور بقالم .

(نورالدین)

« او قور » اسکی بیلدکلرندن هیبه الله قزوی صبح شریفدن عودت
 ایدرکن بورادن کچمشدی کندیمی احباب تدقیقندن صادق العقول بر
 داعیاریدر شامده بولندینی صروده کوروشدیکی اشرف امراسنک
 خوارزمشاه دولتی بتون بوتون اورتدن قالدردمده سائر حکومتلر
 ایچون راحت متصور اولیه جغندن و بو جهته کندیلریله اتفاق ایچون
 ماوک اسلامیه دن بشقه صلیب و تاتار طرفنه ایلچیلر کوندردرک
 مطلوبلرینه موافق جواب آلدکلرندن بحث ایتمکده اولدکلرینی بیان
 ایدیور اعتقادلرنجه تاتار بلیه سی خوارزمشاه دولتی میدانه کتیردیکنندن
 بو فتنه نک سکوتی بو دولتک زوالنه متوقف ایش !

(جلال الدین)

بیوک درایت... کوزل عاقبت بنیمک... عجباً بونلرک نظر ایتباهندم

بيك يرينه يراسه مي او طور بيور ؟

(نور الدين)

« او قور » هم مذهب لری عليهنده اسلام پادشاهلرينك كفاره مراجعتي اسلامدن بعيد کي کور و نور سه ده بنده کز بونزده اسلاميتدن اثر کوره مديکمدن خبرك صحتنه حکم ايديبورم زوجه لريني قاچيران ارککلر ويا چوجقلريني قور تارمق ايستيان قانديلري اله کيپرديکجه قاري قوجه ويا والده اولاد قوللرندن ويا کو کسلرندن يکديکيرينه آرقه يه آرقه يه مخي لامشله صحرالره آتمشله بو اشکنجه يه مبتلا اولانردن بيکدن زياده پيچاره کوردم ياريسي شهيد اولمش قصوري بيك اذيتله جان چکشمکده ايندي .

(جلال الدين)

الوير نور الدين : بو ملعونلر جنکيزي ده کچديلر حجاج ابن زيادي ده ! ... يوق ... بونزك کنديلري ده عسکرلوي ده مسلمان دکالدر . تاتاردن دکل شيطانندن اول آنلرله اوغراشمق اوزر يمزه فرض اولدي . اورخان نه قدر عسکر يمز وار ؟ اما بو جو ارده بو کون چيقارسه ق قاچ کشي کوندره بيليرز .

(اورخان)

يسکزا اون بيك قدر ؟

(جلال الدين)

تجلی اسباب ايله متناسب ظهور ايدر ايشه بزم اونيمك کشي آنلرک يوز بيك حيدودينه کفايت ايدر شمدي کيت ظابطلاره امر وير بواقشام حرکت ايدم .

« نور الدين »

جناب حق معنيگنر اولسون پادشاهم ! اصل ايشه دهها شمدي

ابتدار اولندی .

﴿ جلال الدین ﴾

« الئی باشنه کورتوردرک مایوسانه برطرز ایله » قورقارم که انتھاسنه
 واصل اولمش اولمیهلم : هایدی مولانا : سزده حاضران هم خادمردن
 برینه سویلهدهد ملکهکی بورایه چاغرسون « الئی باشنه کتوردرک اوظهده
 برباشدن برباشه کزینهرک کندی کندینه » خیر ایشک ایتناسنده
 دکلز انتھاسنه واصل اولدق وجودیمی استیلا ایدن بو آتش ندر ؟
 بکامشامتی حقیقت کوستره جک قدر مهرجهانی نیره ظن ایتدیره جک
 قدر خیالات نره دن کله جک حمای حاره آتشدن اولوم مقنمانندن
 کلیر نیره نی کندی المله سند ایرماقارینه بر اقدم ینه کندی المله حقیقارده
 او ایرماغنک کنارینه کومدمده ینه مهرجهانه باقیورم آنی صاغ کبی
 وقت اولیور که خلیامی عین حقیقت ظن ایدیورم اوف !... ملت ..
 پدر ... رکن الدین ... نیره ... قطب الدین ... هبا اولمش بو قدر
 فدا کارلق ... سیف الدین ... ناصر ... غیاث کیفیاد ... اشرف ...
 خیانت ، خیانت ، خیانت « بر طرفه بیقههرق آغلامغه باشلار » مکر
 دنیا دیدکلری دار امتحان ایش مکر انسان دیدکلری قرب انبیه دن
 مطرود مخلوقک غالی بومر کزده ایش « کندیخی طوبیلا یهرق »
 سکرات موت ، سکرات موت ! مکر جناب حق بنی طالعسز بر آتش که
 شهید اولمق ایستدکجه یشادم اوزریمه مهلاک بر حما مسلط اولمش سکرات
 موت بندن آریلیور . اوده حیاتی تمید ایدیور فلک ، فاک بکا
 مصیبتلری نفسمه اعتماد ایتدیکم ایچونمی ویریور سنک ؟ یارب یارب
 بومصیبتلر بوالمر ذهنمه طوقنه جق !... کولک ایچنده بیکارجه
 زبانی اشکنجهلر تلمیم ایدیور بیکارجه دوزخار آتش پوسکلریور

آلهم اللهم ! بن بوحياتدن بيزار اولدم اكر وجوديمه ذهنه ضعف
 كنه چكده اسلامه خدمتدن عاجز قاله جق ايسهم عزتلك حرمتنه بر ساعت
 اول جنمي آلد اسلامك بتون ، بتون ذليل اولديغني بكا كو سترمه :
 غيرت غيرت ! اسلاميتي بنم يوزم دن بر طاقم بد بختلك لسان استهزاسنه
 دوشورمه .

اوچنجي مجاس

جلال‌الدین — مهر جهان

(مهر جهان)

« ايجرى كيره رك شوق و شطارتاه » جاريه كزي چاغر تمشسگن
 پادشاهم ! چوق زماندن برو بوياه بر احسانگزه نائل اولمامشدم ..
 بر لطفكغزه برقات دها حيات بولمش قدر ممنون ايتديگنم . بر اراده -
 گزى وار جالم ؟

(جلال‌الدین)

او قدر ممنون اولمه ايكي كوزم هله شورايه كل ! بن محاربه يه
 كيديورم اوزاقدن اوزاغه اقر بادندر .. اما سن كو جنمزسك دكلى ؟
 قونيه ده كي كيفياد اسلام اياه اوغراشعق ايچون جنكيزه خلف اولماق
 عراقنه دوشمش قدس اهل صليبنه هديه ايچون ايوبيه طاقندن اشرف
 اياه بر لشمش اوزريمه كامور لر اهل صليب اياه تاتار اياه ده اتفاقه چالشيور لر
 ايش

«مهر جهان»

كيفياددن هر حال ما حوظدر قونيه لير سلاجقويقار ايسه بزدن
 دكدر پادشاهم ! معلوم شاهانه گزدر كه اوشعبه دائما بزم طاقنه مخلف
 ايدي حربه كيدياه چكي ايچون نهن ممنون اوليمه شان شاهانه كزه بر

مظفریت دها علاوہ بیورہ جتسکنز !

«جلال الدین»

غلبہ کیمدہ قالہ جغنی جناب حقدن بشقہ کیمک بیامک احتمالی واردز
ولو کہ ظنک برغلبہ استحصالہ دها کیدیم بر قاج کون آری بولنہ جغز
نمون اولیور میسک ؟

«مہر جہان»

نیچون آری بولنہ جغز پادشاهم ؟ کورجستان سفرندہ خدمتجہ
برقصورمی ایتشدم .

«جلال الدین»

دکل بنم راحتیم ایچون سفرك مشقتی بتون بتون سن چکیورسک
آنک ایچون برابر کزدرہ کہ قیہ میورم !

«مہر جہان»

جاریہ کز ایچون سزدن آری بولنوبدہ جنتسدہ اکنمکدن ایسہ
یانکزدہ اونوبدہ دنیانک نہ قدر مشقتی واریسہ ہپسنی چکمک بیک قات
خیرلیدر پادشاهم !

«جلال الدین»

بیلیم ! فقطسنی اذیتدہ کوردکجہ بن مضطرب اولیورم .

«مہر جہان»

جاللم ! قلبکدن کلیمان لقردی لسانکدہ یاقشمیور سوزلرینی بشقہ
معنایہ حمل ایدہ حکم ظنم صحیح چیقارسہ کیروبدہ قورتیلہم دیہ قورقیورم

«جلال الدین»

کل یانمہ کل ! ... مہر جہانک باشنی اوموزینہ آلہرق حیران حیران
برایکی ثانیہ یوزینہ باقدقدن صکرہ کال وشنفتلہ «آجی بکا آجیدہ بوسفر

ز بار کله ! حاملی کور میور میسک او حالک سنبیل نندن بری ده سن اولدیغنی
بیل میور میسک .

«مهر جهان»

جلالم ! بن سزه نه یاپیورم ؟ بن هانکی حالکزه سبب اولیورم ؟

«جلال‌الدین»

«ینه بر قاج دقیمه دقتلی دقتلی یوزینه باقدقد نصکره» کتوره میه جکم !
مطلق کتورر ایسه م طیانه میه جغم مرحمت ایت

«مهر جهان»

پادشاهم ! الله عشقنه نه اولیورسکنز ؟ بنی اولدی ریکزده یوزیمه او قدر
مخزون باقیکنز

«جلال‌الدین»

مهر جهان ! یوره کمی پاره لیورسک ایچنده بر غریب سر کوره
جکسک ! دهشته طاقت کتیره میه جکسک !

«مهر جهان»

بکامتعلق بر سرکنز نیچون قابکنزده طور سونده یالکنز سزه بار
اولسون بن هر بلایه هر مصیبه طاقت کتیریرم طاقت کتیره میه جکم بر
مصیبت وارایسه اوده کوکلکنزده بیگانه قالمقدر ؟ . . .

«جلال‌الدین»

بن او یقوده هیچ برشی صایقلا میورم . او بودیغم یوق که صایقلا یه یم
بعض کره طالب کنندی کندیعه سویلندکجه لقر دیار مدن هیچ برشی
اکلامیور میسک ؟

«مهر جهان»

هیچ برشی اکلامیورم پادشاهم ! سویله الله عشقنه دردک نه ایسه

سویله اندیشه دن قابر چار په ، چار په وجودیمی پور دلیه جق .

« جلال الدین »

آه ... بکزه یورسک ؟

« مهر جهان »

کیمه بکزیورم ؟

(جلال الدین)

او قدر بکزه یورسک که بر بنده ذره قدر فرق یوق ! یالکنز
صاچار نده کی حنیف صاریلندن بشقه هیچ بر بنده هیچ بر حالنده
قیل قدر فرق یوق ، یوزینه باقدجه جناب حق بر یکزی یراندینی
زمان او قدر بکتمش که برده نظیره سنی یا موق ایسته مش دینه جکم کایور .

« مهر جهان »

« دهشته » کیمه بکزه یورم پادشاهم کیمکه آره مزده ذره قدر
فرق یوق .

« جلال الدین »

کیمه بکزه به جکسک ؟ کو کسمن چکل : کنیدی سندا یر ماغنده
صانیورم کیمه بکزه به جکسک ؟ المله قربان ایندیکم ملکیه بکزه یورسک .

« مهر جهان »

« کمال دهشته جلالک یانندن چکیلرک » پادشاهم .

(جلال الدین)

عینیه ، تمامیه بکزه یورسک سیکر لرمده پک بیوک برضعف
ذهنده پک فنا بر قاریشقلق وار بو حالده یوزیمه باقنه تحمل ایده میورم
جلالنده مرحمت ایته ده بوسفر برابر کله ! ... « جلال سرعتله طینشاری
چیقار مهر جهان آغلیه رق بر طرفه یقلیر »

« پرده اینز »

برده

۱۳

برنجی مجلس

(مهر جهان — صکره بر جاریه)

«کندی کندینه طیاندینی یا صدقندن آغیر آغیر طورانهرق»
 مکر بر قاچ سنهک ذوق حیاتک بردنبره مخو اولمسی نه مصیبت ایمش
 روحک او قدر لذتی تأثر لرندن طییعتک او قدر پارلاق تماشالرندن بر
 تانیهک ایچنده آیریلوبده نه طرفه باقارسهک یوقلقندن ظلمتدن بشقه بر
 شی کورمهک حیاتک طبیعته پک مخالف دوشیور . روحه پک منفور
 کورینیور دنیا وجودیمه مزار اولدی دنیا نه قدر بیوک بر مزار انسانه
 نه قدر دهشت ویرر قیز ! . . .

«جاریه ایچری کیرر جاریه» طیشاریده بر کورلتی وار او کیرن نه در ؟
 «جاریه چیقار کندی کندینه» ظالم بی نیچون غفلتدن آیردک ؟
 بن غفلت پرده سنه کوردیکم اشکالی عین حقیقت ظن ایدیوردم او
 سایهده یشایوردم هم ده دقیقهسی فردوسی ابدییه دکشلمیه جک بر لذتله
 یشایوردم بر غافل چوجنی بر عاجز دیوانه بی ضرر سز اکلنجه سنندن
 محروم ایدوبده عمرینی کربله ره الماره وقف ایتمک اتصافه باقیشیرمی ؟
 اوف ... مکر آره صره کوردیکم کوربده اک کوچک نشاته سنی بیک
 بیک جانندن قیمتلی بیلدیکم التفاتلر بکا دکل ایمش مکر بن نظرنده آدم
 دکل بر میتک تصویری ایتمم او التفاتلر آره سنده حس ایتدیکم کولنج
 یوزلی محزولمق جکر یاقیچی صغوقلق هپ آندن نشات ایدرمش مکر
 کو کلمک حسینی بتون بوتون صحیح ایمشده یالکز سببی آ کلایه من
 ایتمم ؛ ... ایکی سلطنت خاندانندن بر برینه تمامیه بکزر ایکی قادین

یتشه جگنی به آنلرک ایکیسی ده بر آدمه مبتلا اوله جغنی کیم تخمین ایده
 بیلیر ؟ دیوانه ؟ ... دیوانه ! ... کاشکه بر میت تصویر ی کچی
 کورونسهک ، ساخته حرمت یلانچی التفات کورمزدک آز بچق اولسون
 کر چکن سویلرک آره صره اولسون منجذبانه بر نظره نائل اولوردک ؟
 شمدی عبتنه نظر عاشقانه به دکل ساخته حرمتنه یلانچی تلطفانه امکان
 قالمدی . ؟ سندن ایکره نیورلر سندن قورقیورلر سنی جاذو ظن
 ایدیورلر ! .. آه شو وجود شو عزار مطرودی شو جازه کولکه می
 قیاس اولنان وجود نیچون اولمزه روحی بولندینی جهنم عذاباری
 ایچنده اسیر ایدر طورر » بر آز دوشوند کدن صکره آغلیرق بر
 طرفه بیتلیر « یارنی ! یارنی مرادک نیره ایله نبی بر قیافته یر اتمیق
 ایمش نبی جلاله آندن اول کوسترمه ایدک سندن طالعفلرندن اکا احسان
 ایتدیکنک راحت دوشکنی بکا نصیب ایتسه یدک نه اولوردی ؟ ترتیب
 خلقتمی بوزولوردی ؟

(جاریه)

« ایچری کیرمک » افندمز تشریف ایدیورلر .

(مهر جهان)

« حیرتله » نصل افندمز ؟

« جهرمسی غایت ضعیف غایت بوزوق بر حالده »

« جلال الدین کیرر »

ایکینچی مجلس

مهرجهان — جلال الدین

(مهر جهان)

« تردده جلالک یاننه کیده رک » پادشاهم بویه خبرسز ...

(جلال الدین)

يورغون عسكرك قونا قجيسى هژده جيسيمى اولور . خبرىنى كندندن
بشقه كيم كتي ره جك .

(مهر جهان)

نصل يورغون عسكرك ؟

(جلال الدین)

عادتا يورغون عسكرك ! غزته طرفارنده قليچ يرينه قرياج ايله
قووالا ديميز تاتارلر كجى يورغون عسكرك ... آلچقار غوغا آره سنده
وجوديمه برياقنلق چوكدى ديگانمك قوتى طوپلامق ايجون بر آخاج
كواكه سنه چكيا، جك اولدم نى قاچيور ظن ايتشار بارى بر كره
اولسون عسكرك يادشمن طرفنه كچمك ويابتون بتون محاولق كجى
برقضايه اوغرامدقجه غوغادن دونمش اولسهم بارى نى قاچيور ظن
ايتدكارى زمان محاربه ده دشمنك غلبه سنه ذره قدر براماره بولنسه ..
آه بن آره او كرتيرم !... يقينده برده اميدانه چيقارز اوزمان المده كى
قليچك قورقوسى بردشمن اردوسنك سلاحندن دها مدهش كورنمزسه
بوزلر نى آرقه يه چويره بياسونلر برده اميدانه چيقارز ديورم چيقسه ق
چيقسه ق تاتار محاربه سنه چيقارز بوندرله حربه دكل !... ملوك طوائف
حضر اتى پدر مرحومك فراچنده بر شيار ... بزم عسكرك بوزولدى
آذر طوتديلر بوزلمش عسكردن قاچديلر . قوتارى ده اوج مثلزمه
يقين ايندى . انلهك عدلى نه بيوكدر وجوديمى طالعه مه متناسب بر اعش ،
بريكى مصيبتة اوغرادق كوكلمده كى آغير ، آغير فنالقار ذهنمده كى مدهش
مدهش ، تصورلر بتون بتون زائل اولانه باشلادى ايسكون او كنده كى
اطمينانم ، خواهشم تجدد ايدىيور هيات !... قورقارم بوشوقلى كوش

باتدقدنصکره افقده قالان اعطف ضیا قیلندن اولسون دکل !..
 کوکلده اویله بر اثراح وارکه : عادتا دنیایه بردها کلش کبی
 اولیورم . بویله مایوسانه خیلارله نیچون وقت کچیرهلم ؟ بن بورایه سنی
 کورمک ایچون کلدیم . او قدر کوره جکم کلدی که طوغدق طوغه لی
 بر بریمزی حسرت ایتمز ظن ایدیورم .

(مہر جهان)

« کندی کندینه » سوزلرینک قلبندن چیقمدیغنی بیلورکن کوکلک
 ننه اینانه جفی کلیور .

(جلال الدین)

نیچون اویله چکینه رک طور بیورسک ؟ یوقه بکا بر انفعال کمی وار ؟

﴿ مہر جهان ﴾

استغفر الله پادشاهم ! جانکزی صیقرم دیه

﴿ جلال الدین ﴾

الله عشقته ملکه اویله محزون طور ویده کوکلده کی انیساطی محو ایتمه
 « بر آز دوشند کدن صکره » آهسن بکا برابر کو تور میدیکم ایچون طارغنسک
 خستلاق شاشغلق حالده سویلدیکم مناسبتمز سوزلر ایچون محزون
 طور بیورسک او وقتکی حامی بیلیمور میدک ؟ ایکی کوزم هیچ انسان
 حمار تیه سویلمیلان هذیانلره اهمیت می ویرر .

(مہر جهان)

محزون دکلیم پادشاهم !

(جلال الدین)

بیلیمورم ، بیلیمورم صاقلامغه حاجت یوق . حمار خیالاتی ده رؤیا کبی
 انسانک خاطر نده قالیور . نه سویلدی کریمک هپسنی بیلیمورم افندم ملکه جکم .

چهره کده کی ساخته مسرت بيله صـبـح کاذب قدر کوزل طور یور
 مهر جهان سنی قارشومده مخزون کورنجه بتون دنیانک کوکله یقلاوب
 کنن بو قدر آلامنه تحمل ایچون نه ایله تسلی بولهیم ؟

(مهر جهان)

آه بیگده برینک صحیح اولدیغنی بیلسم عمریمی حور یارک ازلدن
 ابدہ قدر فردوس ایچنده کچن حیاتندن سعادتلی بیاہ جکم .

(جلال‌الدین)

سومسم نیچون محبت تقلیدی باقمه مجبور اولهیم حالی برکون
 بیچاره زاهدیه سویلشدم بکا « جناب حق سزی او قدر سومشکه
 سودیکگز ی ایلونه فدا ایتدیکگز ایچون او سودیکگزک برعیننی دها
 یرامش . او عنایتی کندیگزه بروسیله : محبتمی عد ایدمه جکسگز »
 سوزیله مقابله ایتدی صحیحاً جناب حقاک هیچ برقولنه نصیب اولمان
 برعنایتی کندیمه بروسیله الم ایده جک قدر عقلسزیمی افندیجکم ؟

(مهر جهان)

« کندی کندینه » کیم ییلور ؟ ... « جلاله » سوسه گده سومسه گده
 ینه مهر جهان سنک اسیرک سنک قربانکدر هر کس کندی روحیه
 یشار نیه سنک وجودکله یشابورم هر کس سودیکیه یشامنی دوشونور
 بن سنک یولنده اولکدن بشقه برشی دوشنمیورم « قپودن کیرن
 جاریه به » ندر ینه ؟ ...

﴿ جاریه ﴾

افندیزه تقدیم اولمق ایچون ایشاریدن شونلری ویردیلر . عجله ایش ؟

(جلال‌الدین)

کثیر بقالم ! جاریه جلاله ایکی اطلس طور به ویرر جلال مهرلرینی

آچار برر برر کندی کندینه اوقوغه باشلار جاریه چیقار « نه قدرده
 نرومسز عنوانر طنطنهلر اکلادق نتیجه سی نه اوله جق ؟ صاح ایستیورلر
 مخصوص الحیده کوندر مشار .

« مهر جهان »

کیم پادشاهم ؟ ...

(جلال الدین)

« کوزلری کاغدلرده اولدینی حالدہ » کیفیادایاه اشرف « اور تہیہ » پک
 اعلا اسلام آره سندہ قان دو کک حرام ایمش . مصالحو سید الاحکام ایمش . حال
 بویله اولدینی بیلورسکنزده نیچون اوزریمه یورودیکمز ؟ سزی محاربه یه بنی
 دعوت ایتدم ؟ بر آزدوشوند کدن صکره « مقصدلری نه اوله جق ؟ طلیعه ده کی
 بر قاچ یوز کشینک هجو منی کوردیلر . انہزامک قضا نوعندن اولدینی
 اکلادیلر قورقدیلر طالعلرینی بردها یالکمزجه تجربہ ایتکک جسارت
 ایدہ میورلر . متفق خالصاری اولان قاتارلری ، اهل صلیبی بکلرلر .
 کیمی بکلرلر سه بکلسونلر . بنم وظیفہم اسلام آره سندہ قلیچی
 قالدیر مقدر . کورہیم هر نه صورتله اولورسه اولسون عقد صلح ایدہیم
 وبال اوزرمدن قالدقسونده آنلر عهدلرینی بوزارلر سه عدالت آلہیہ
 حقارندن کلمکک کافیدر . « ملکہ » اقشام یمکنی برابر یه جکز .

« مهر جهان »

« کمال ممنونیتله » فرمان پادشاهمک .

(جلال الدین)

دها طارغینلنک کچمدیمی ؟ بوندن صکره یمین ایدہر مکک نرہ یه
 کیدر سه سفی یانمدن آیرمیہ جغم . سنسز یشایہ میورم .

« مهر جهان »

الله توفیقنی ، احساساتی ده هیچ بروقت یانگزدن آیر مسون پادشاهم
 « جلال چیقار » کر چکمی در یاربی ؟ بن نظرنده نیره نک جادیسی
 دکلمده نظیره سیمی یم اللهم ؟

« پرده اینرا »

پردہ

۱۴

« جارايله بولتمش براوطه — جلال بر طرفده اويويور — ديگر »
 « طرفنده اسكمله نك اوزرنده يالكز بر موم يانار — نورالدين يردہ »
 « بر كچه نك اوزرنده اوطورر او كنده كي علاج طولی بيوك بيوك »
 « شيشه لره باقار — يانی باشنده خادم آغاسی اويور اوطه نك صول »
 « طرفنده پردہ سی اورتولی ، بر ديگر اوطه قارشو طرفنده ده قبالی »
 « بر قو كورينور »

برنجی مجلس

جلال الدين اويقوده — خادم آغاسی اويقوده

نورالدين — صكره مهر جهان

« نورالدين »

« كندی كندینه بر قاج بيوك علاج شيشه لرینه باقهرق » خير ! ...
 طبييلر هيچده حكيم دكلمش ! ... طب ايله حكمتی يك وجود عدايدنلر
 نه قدرده بيوك خطاده بولتمشله . هيچ ايكي آووج قدر بر معدیه اون
 ايكي ساعت ايچنده اون ايكي اوقه صو طولدير مق اصحاب حكمت
 كاريميدر ؟ ... البته بر زمان كله جك كه شو ايكي شيشه صويك تأثيری
 ايكي ظامله ايله ده حاصل اوله جق ! نه فائده سی وار ؟ رازيلر ، قارابيلر ،
 ابن سينار كشف ايتدكاری حقایق كندیلريله بر بر مناره كتوره مشله .
 شبه يوقدر كه بقراط آثارینی بياغی احيای اموات درجه سنه ياقلاشير
 برات بقراط خستلرینی اجل قضانك پنجه سندن انسانلقدن كوپ حاله
 تحویل ايتمكه قورتارمزدی . اوف ... مجهول ... استقبال آدن زياده
 مجهول ! ازلدنبرو قراكلق ايچنده دنيايه كلشز كوزيمزی آهمنز

بر آرزو نور کورمشز! ابدہ طوغری کیدیورز. ابدک
برنجی منزلی اولان اولوم دوشمکنده کوزیمز قیانور. بر وقت
کلو بده آچیله جق فقط نه وقت آچیله جق؟ ... عجباً مزارک خیالیده
ازیدن دنیا به کلمک زمانی قدر امتداد می ایدہ جک؟ خیالات ایله اوغراشمق
لازم دکل پادشاه خسته نه درلو خسته لق؟ نه غرب مصیبت؟ چهره سی
غروبہ طوغش کونش کبی برصاری طوپراق رنکی باغدی! ... وجودی
آیاغه قالمش مزاره بکزه یوردی دروننه جهنم صافلامش کبی آتشلر ایچنده
یاتور دنیا ده بو حالی کورمکنن ایسه کونشک هیج طوغدیغنی کورمامک
طوغندان اول مزاره کیرمک ده اخیرلی دکلیدر؟ اراده الهیه به قارشو
طورلماز بزم ایچون الدن کلانی صرف ایتمکنن بشقه چاره یوقدر «یاندہ
کی شیشه لری قارشیدر هرق» بوندن ساعتده بر اوتہ کنندن ایکی ساعتده
برقدح ویرمک لازم کلیرمش پک اعلا طیب افندی فقط کیم او یاندیره جق
حیمتک، اسلامیتک، انسانیتک یکی طوغمش کونش هممزک روح
واستقبالده امیدنجاتی اولان برخسته بی ایکی ساعتجک راحت او یقوسندن
قالدیرمغه هانکی کوکل تحمل ایدہ جک؟ والله بزم اطبا خسته لری حقنده
بویله طاورانہ جق اولدقدنصکره جنکیزه عسکر اولسه لر مشربلرینه ده
موافق بر حرکت ایتمش اولورلردی.

«مهر جهان»

«قبودن کوریندرک» مبارک: مبارک:

«مبارک»

«اویقودن قالمغه چالیشهرق» افندم.

«نورالدین»

«مهر جهانک کیردیکی قبونک اوکنه کیدنرک» ملکدبر فرمانکزمی وار؟

«مهر جهان»

پادشاهی سمنی بکلیورسک مولانا؟

«نور الدین»

مبارکله برابر بکلیوردق نوبته کیردک شمدی اوبیچاره اویویور
عفو بیوریکیز .

«مهر جهان»

نیم بر آیدنبرو اویقومی طوپلاسدر جموعی یکریمی درت ساعت و ارماز

«مبارک»

«یاندینی ردن قالمهرق» افندم بر امرکزی وار؟

«مهر جهان»

شوراده طورسن ذاتا بانجی دکلسک «نور الدینه» مولانا : افندمزک
خسته لغندن اکلایورسک حکیمار نه سویلیور؟

«نور الدین»

بنده کزی کوچ بر مسئله به مخاطب ایتدیکز مملکت مزده ذاتا حکم بوق
بندکزک ظنم ایسه کیفسزک خاطر لیدر مصیبت دلالغی المندن کلز
جناب حقک عدالتندن ملت اسلامییه مرحمتندن آنی امید ایدرمکه ظنم
بتون بتون یا کاش چیقار .

«مهر جهان»

اکلایورم اکلایورم. دوشوندی کک شیئی تمامیه اکلایورم حسته لوق قره حمایه
بکزر پادشاده کندینی بو عالمده قالمیه حق قدر عالی کورمش دنیایی دشمنک
الندن قور تاره مدی کندینی دنیانک الندن قور تارمق ایستیور: تلف نفس
ممنوع اولسه یمین ایدرمکه شمدی به قدر بیک کره کندینی تلف ایدردی
«کندی کندینه» آه! ... کندینی تلف ایدر دیده نی بر اقییر قیمتی

نیره سنک یانسه کیدردی « اورتیه » روحنک دنیا محبتارندن خلاصنی
اجلک مرحمتندن بکیور . دولتک سسطوتنه مکنتنه چالیشیر کبی
خسته‌لننک شدتلمسنه تزایدینه غیرت اییدیور بوکانه چاره بوله‌جفز
کوکلنده کی یاسی نه درلو تدبیرلر ایله تسکین ایده‌بیله جکز .
« مبارک »

قولکزک - عاجز بر محاقق ایسه‌ده - ذهنده آتش بوجکنک
ضیاسی قدر انجلاواردر عقلمک ایردیکنه کوره پادشاهی بوغفتدن ،
بویاسدن قورتارمق ایچون تاتار ایله بر محاربه‌دن بشقه چاره بوله‌میز .
(نورالدین)

اسلام پادشاهلرینک تاتار ایله اتفاقندن پک زیاده مایوس اولدی
غیاث‌الدینک خیاتی بیله اودرجه کوکلنه طوقونماشدی : مبارک :
اخوتی اسلامیه حصر ایتمش برنسلن کلیمک کبی سوق طبیعته عاند شیلر
نظرنده هیچ حکمنده قالیور . هر فعلی اسلامیتک نجاتنه صرف ایدر
هر فعلنده نجاتنی اسلامیتدن بکار طوررکن ایبوک خیاتی . ایبوک
وفاسزلغیده ، مسلمانلردن کوردی ... حتی قرداشلری ، هم‌مسندلری
بیله مسلمانلردن ایدی . صانیرمکه حضرت آدم زمان هبوطنده نه‌قدر
مایوس اولدیسسه بیچاره پادشاهمزده کندنجه تصور ایتدیکی فردوس
دنیوی محروم اولدینی وقت او‌قدر یأس کتیرمشدر .
« مهر جهان »

آه اوله‌در اوله‌در ! حضرت آدم صکره ینه جنته کیتمش بوده
کیتیمک ایستیور . جنتده بر ماواسی بر حوریسی وار ...
(جلال‌الدین)

« یادتینی یردن صایقلمغه باشلار » صاچلرنده کی طوپراقلری

سیل !... جادی اولدک مزار گدن قالقدکده نی بورایه تعجیز ایتکمی کلدک ؟ بن سنی الله یولنه قربان ایتشیدم . دنیاده نه ایشک وار ؟

(مهر جهان)

یاربی ! یاربی یینه بن یینه بنله اوغراشیور حما صایقلامه سنی ده کوزینک اوکنده بن طولاشیورم دنیادن وجودم قالقسه فیکرندن حیالم حیقیمیہ جق .

« جلال الدین »

« صایقلا یهرق » هانی جوجق ؟ قطب الدینی نه یاپدک ؟ آتی طوپر اقلرده براقدکده یانکده او جانلامش کابوسی نه کز دیر یورسک ؟ مبارک مهر جهان کدر !... آنک کوله سیدر سنک یاننده نه ایشی وار ؟ سند ایرماغنی کور میور میدسک ؟ خوب طبقی قانه مزار طوپر اغنه بکزه نور . ایچنده اولو میکلری وار تابوت کبی کیمک پارچهلری وار . عیاش ! بولدکمی بلاکی ملعون ؟ کوردکمی اسلامک هنرینه سبب اولمق نه نتیجه لر ویر رمش ؟ بیچاره زاهد ! حالامی بواللهنک رحمتندن مطرود اولمش جانینک باشنده اغلا یورسک نه یاپسون زواللی قادین ؟ نهک ! نهک ! کاشکه بوخزیری طدغور جغنه بر ییلان طوغوره ایدک باری ضرری طوقونسه ، طوقونسه بر قاق کشی یه طوقونه بیلوردی ! جنکیز کبردی ها ! دنیالره صغیمان جنکیز درت آرشون طوپراغه صیغدی اولیهمی ؟ ملعون ! بو دنیایی خالق ایله کندبسنه آرز قیاس ایدیوردی عبادالله ایچون کچینه بشقه دنیا آره سوتنر دیوردی کبرمش طوپراغه کبرمش باق مزارینه شیشیور هایدی ! شیشه شیشه بغداده کلدی عباسیلرک تختنی یرله یکسان ایتدی . یینه شیشیور یینه شیشیور . افلاکه قدر یا قلاشمدی . ملعون ! فلکک دورینی ترسنه چوپره جکده برکره دها دنیایه کلهجک اولماز اللهم

قوللرینه مرحمت ایتده بر سیدیرم کوندر شو ملعونک مزارینی کندی
کبی یرک دینه کچیر .

(مهر جهان)

بن بو قدر فنا صایقلامنه طیانه میه جغم پادشاهی اویاندره جغم بو
عذابلر اویقوده چکلمز .

(نورالدین)

آجیماز میسکز؟ بو قدر کونلردر ایکی ساعت اولسون اویقواویومدی.

(جلال الدین)

« ینه صایقلیه رق » یاربی ، یاربی ، فرعون کبی جنکیز کبی ذات
مقدسنه شریک اولمق ایستیاناره فرصت ویرمشسک؟ حکم حفیدک عقل
بشرك فوقنده در آنلرک جزاسی ده ... فقط بو سنک دینکک ،
پیغمبرینک ، شریعتنک نامنه جنکیزی فرعونی لعنتله یاد اتمکک دیل
وارمیه جق قدر ملعنتلرله یر یوزندن قالدیرمغه چالیشان ظالملر نه وقته
قدر فرصت بوله جق؟

(مهر جهان)

والله قالدیره جغم ! بویله اویقویه راحتسی دنیور !

(جلال الدین)

« یتاغنک اوزرینه طورانه رق » اوف! .. یانیورم سانکه معدمدبه
کو کلمده اتشکده لر وار . اوراده کیمسه یوقی بکا بر پارچه صو یاخود
علاج ویرمز میسکز؟

(مهر جهان)

کثیرییورم پادشاهم ! « آرده کی چاری قالدیره رق غلابی و برر »

« جلال الدین »

یاننده کیلر کیملر ؟

(مهر جهان)

نورالدين ايله مبارک آنک ایچون چارایله اوڭور ییورم پادشاهم .

(جلال الدين)

نه قونوشیورسکز ؟

(مهر جهان)

افتمزك حالندن بشقه نه قونوشورز ! او یقوده بیله احوک علمله ،
اوغراشیورسکز صایقلر کن لسانکزدن زهرلر دو کیلیور .

(جلال الدين)

« لقر دینی کسهرک حدتله » الله عشقنه ، اسلامیت حرمتنه ، بکا
طوقونمسونار . بر قایچ کره شهادته عزم ایتدم یقامی قویورمدیلر .
وظیفه در دیدیار صکره هیچ بریسی وظیفه سنی ایفا ایتدی . غیرت
لازمدر صکره بکا هپسی اغیار اولدی . بن کندی کندیته بر حرقه برلقمه
ایله قانع ایکن هیچ کمنسه ، دنیانک اک بیوک نعمتنه لقمه اک بیوک
خالقنه حرقه نظریله باقق ایستمدی . الله شهید اولانلرینه رحمت ایلسون
صاغقالانلرینه سلامت ویرسون . نه بن آذارک آکلادینی آدملردنم
نه ده آنلر بنم اکلادینم آدملردن ایش .

« مهر جهان »

پادشاهم افتمزنی اکلایه میان ، افتمزك اکلادینغه مطابق اولمیان
آدملرده جاریه کزده داخلیم ؟

« جلال الدين »

دکلسک : نورالدين ده دکل : مبارکده دکل ! ... آذارک خارچنده
برقایچ کشی دها وار . فقط نه پیالم دنیایی فاک پنجه سندن قورتارمغه

اون كشینك غیرتیه موفق اولمق امیدینی نهوقته قدر کورتورهلم ؟
 آه پدر ! ... پدر ! ... بیک قات عاقل ایمشک : یالکمز بر
 قصورک واردی که وظیفه ایله بنم قدر اوغراشمک .

« نورالدین »

پادشاهم : بوندن صکره وظیفه‌یی ترکی ایده جکمز ؟

« جلال‌الدین »

دین یولنده دشمن قارشوسنده املکدن بشقه نهوظیفه مزقالدی ؟
 ذاتاً بز اونی ترک ایتمک ایسته‌سک اوبزی ترک ایتیه جک .

(مهر جهان)

جلالم پادشاهم : مرحمت ایت : کندینه مرحمت ایتکه ایده جکک
 عینیه اسلامه‌انددر بکا حیت وظیفه فکر لرینی سزک محبتکمز اوکرتدی .
 معالیده عالمک استادی اولان جلال‌الدین شمعی بر قادین شاگردندن
 درس آلمغه محتاج اوله‌جق .

« جلال‌الدین »

بنله اولمک می ایسترسک ؟

« مهر جهان »

پادشاهم : ایکی قولک وار بنی الله یولنه فدا ایدرسک برنده
 نیرهک برندهده مهر جهانک یاتار ایسه دیوان الهی به عرض ایده جکمز
 لوحه تماشا چرکینمی کورینور .

« جلال‌الدین »

صدحیف که برینک وجودندن صورلر دوکیله جک !

« مهر جهان »

انشاءالله بنمده بدنمدن خون شهادت صاحیلیر !

ایکنجی مجلس

اولکیر — اورخان

« اوطه قپوسی خیزلی خیزلی چالنیر »

« نورالدین »

کیمدر او ؟

« اورخان »

« طیشاریدن » بنم ! اورخان افندمزنی اویاندیرک بر مهم حادثه

ظهور ایتدی .

(جلال الدین)

بن اویانغم نه سویلیه جکسک ؟

(اورخان)

« ینه طیشاریدن » افندمزنی یالکیز کورمک ایسترم سویلیه جکم

لقردیار پک مهمدر .

(جلال الدین)

سویلیه :

(اورخان)

سزدن بشقه کیمسهیه سویلیهم .

« جلال الدین »

« مبارکه » آج قپویی ده کلسون .

(اورخان)

« ایچری کیره رک » یالکیز افندمزنی کورمک ایسترم .

« جلال الدین »

شونقابی قادین حرم : شو نورالدین : شوده مبارک : تنهالغک
نه لزومی وار .

(اورخان)

کوردم پادشاهم ! شمدی بورادن چیقکز ملکه‌بی نورالدینی
کتیردیکم عسکرک بر آزینی‌ده آلکنز طاغله طوغری چکیلکز !...
عسکرک قصوریله بنده‌کز کویده قاله‌جغم اولنجیه قدر نجاتکیزی
مخافه‌یه چالیشه‌جغم .

(جلال‌الدین)

نجاتکیزی کیمدن مخافه‌ایده‌جکسک ؟
« اورخان »

پادشاهم ! الله عراقده‌کی آدم‌لریمزک جمله‌سنی قهر ایتسون . ذاتاً
قهر اولدیاریا آخرتده غفالتیرینک جزاسنی بولسونلر قراچار پونان ایله
جرماغون چیچونی کچمشار . ایرانک شمالنی محوامتشلر . شمدی
قارغیلری کوزیمزه کیردی . اوقارغیلر کوزیمزه کیرنجیه قدر آتارک
کشنمسی ایتارینک حولامسنی ایشیده‌مدیار یانمزه بشبیک کشی‌یوق .
تاتارلر یوز بیک کشیدن زیاده‌درلر . آره‌دن یارم ساعت کچر ایسه
عمومک اسیر ویاخود هلاک اولمسی ضروریدر . بنده‌گزه امر ایدرسه‌گزه
دشمن اوج درت ساعت تأخیر ایده بیلیرم . افسدمزده باشکوزک
چاره‌سنه باقیکزر .

« جلال‌الدین »

هایدی کیت : مهر جهان ایله مبارکه شو او طه‌یه کیرسه‌کز آ
« اونلر چکیلرلر نورالدینسه » مولانا . بنده اورخانک آرقه‌سنندن
کیدییورم ملکه‌بی کیمه امانت ایده‌جکسکز .

« نورالدین »

پادشاهم : اسلام پادشاهارینک جملہ سی خائن : کیمی یزیدی کیمی
 حاکم با امر اللہی تقلید ای دیور افدمزہ وظیفہ دہ ثبات توصیہ ای دنارک
 برنجیسی بن ای دم . بن برشی یا مامق ممکن اولمدینی اکلادم اور خانک
 آرقہ سنہ دوشمکده افدمزہ مسابقت ای دیورم . رأیمی سؤال بیور میگز کہ
 شمدنصرکہ مقصدم ، فکرم ، رأیم اولسکہ منحصر در . « نورالدین چیقار »
 « جلال الدین »

« کندی کندینہ » سبحان الله بوقدر اصحاب همتك هیچ برنده آلام عالمی
 چکمه اقتدارم قلمدی نه یاپسونار ؟ کوکل اصحاب تصوفک دیدیکی کبی بر بشقه
 دنیا اولسه ینه بوقدر یوکک آلتندہ ازیلیر ... کوکل کندی حسیاتی قدر
 کوچک دینانک محنتی ایسه دنیا قدر بیوک ! طور بقالم ! ملکہ : مبارک : بورایه !
 کسه کز آ « ایچری کیررلر » مبارک : محاربه بشقه بر حال پیدا ایتدی
 ملکہ بی سکا امانت ایدهرم ! ... شو آرقہ طاغرله چکیله بیلیر میسک ؟
 بی دوشونمیکز وظیفہم وار آئی اجرا ایده جکم .

« مهر جهان »

پادشاهم ! پادشاهم ! بن سنک یانندن آریلوبده هیچ بریره کیتیم
 فلک کولکھی برو جوددن آیرمدقدنصرکہ بی سندن آیره مز . زریه
 کیده جک ایسه ک اوغرک آچیق اولسون کولکھی آیاقلرینک او جندہ
 سورونه سورونه کله جکم زریه کیدیورسه ک یاننده بکا بریور ایستر
 جنتده اولسون ایستر قره طوپراقده پادشاهم یتاغنده بر پارچه جق یرم
 واریندی مزارنده او پارچه جینی بدن در یغ ایدر میسک ؟
 « مبارک »

پادشاهم ! بن ملکہ نک کولکھی می ! هر خدمتنه حاضرم فقط تابوتی

طاشیمق المدن کلز شو حاله باقیکنز چکدیکم مختاردن مشقتاردن جهنم
زبانلرینه بکزه دم بنم کی جهنم زبانیسنه بکزه یان بر آدمک شهید مزارنده
نه ایشی اولور مرحمت ایدیکز

« جلال‌الدین »

یقل اورادن نامبارک ! ... « مبارک چیقار مهرجهانه » چاره یوق.
بن آیری اوله رق کیده حکم : لاقردی دیکله . نیره وقعه نی بیایر میسک؟
نیره ده سنک عینک ایدی . او کزده صوظهور ایتدی . صوده بوغدم !
سن دمین بنده انشاالله قانلرا اچنده بوغولیرم دیوردک قان دریاسنی زرده
بوله ییمکه ! سنی ده آنده بوغه یم تاتار انه اسیر اولورسهک نه زبانلردن
ملائکه سؤالندن کوره جکمه امین اولدیم اذیتلری بکا مزارمده سنک
حالك کوسترر فکرته ثبات ایدوبده بر مشرک تاتارینه او طهلق
اولوق ایسترمیسک ؟ ...

« مهرجهان »

آه . جلال ! جلال ! تریه ایسترسهک کیده رم امرک نه ایسه
آنی اجرا ایدرم بوندن صکره هیچ بر فکرینه مخالفت ایتم . بر مشرک
او طهلقمی اوله جغم ؟ یاربی یاربی ! .. انسان او یله بر زمانده کندینی ده
اولدیره مز . اجل حالنه مرحمت ایتمز . سویله پادشاهم نه پیام
یاربی بریمی اولسه ده نی شو پنجره دن ایتویرسه . آه باق کوزلرک کونش
کی بارلیور . بنم بیلدیکم بنم تبریزده کوردیکم جلال ایشته بوایدی یالکنز
چهره سنک بر طرفنه او کنده یانان آتسک ضیاسی او بر طرفنه ده دومان
عکس ایتشدی . شمدی او مبارک چهره نک بر طرفنه غیرت آتشی ، او بر
طرفنه مایوسیت دومان چوکش . بو او برندن پارلاق . آه جلال بایله
جغم ! ... خیر بایلمیه جمع ! ... مشرکله او طهلق اولم ! ... بن

سندن آبرلام ! آبرليرم ! فقط دنياده آبرليرم آخرنده ينه برابرالله
عادلدر البتده برابرز سويله نه ييام ؟ امرايت زويه كيديم ؟

« جلال الدين »

« كال جهد ومكانته مهرجهانك آلندن اوپورك » بنم قدر مكين
اول مباركي چاغر ! امرويرسني شو آرقدهه كي طاغاره كوتورسين .
بن بشقهيره كيده جكم : فلك مساعداولورسه ينه كوروشورز ياننده برآز
عسكردده واردر مبارك حرب ايتكده بيلير .

(مهر جهان)

« كندندن كچمش بر طرز ايله » جلال . جلال ! اوكو كسندده كي
خنچري بكا وير تاتار بني طومتغه كليرسه ، سن ياننده بولتمزسهك ،
عربده اجل كبي مرحتسز چيقار بني اولديرمزسه « زورله جلالك
بانندن خنچري آير » شمدي مهر جهاننه امنيت ايده بيليرسك . بو
غوله حق قان درياسني سن بوله مزسك بن بوله بيليرم . كيت پادشاهم
الله اوغريني آچيق ايتسون « جلال چيقار » مبارك : مبارك « مبارك
كيزر » افندمز كيتدي كوزدكي ؟

(مبارك)

اوت كيديوردی ؟

(مهر جهان)

سكا زويه كيدلك اچون امر ويرديلر ؟

(مبارك)

آرقدهه كي طاغاره كيتمك اچون : لکن ؟ ...

(مهر جهان)

لکن فلان لازم دکل شمدي عسکری حاضرله بن شمدي

کیدپورم بر قات ارکک اثوابی یوقی ؟

(مبارک)

ارکک اثوابی ده وار . فقط ...

(مہر جہان)

« لقر دینی کسہرک » فقطک لزومی یوق : ہانیا اثواب ؟ ...

(مبارک)

ایچریدہ کی او طہدہ . . .

(مہر جہان)

بن کیدر کتیریرم . ایکی دقیقہ یہ قدر حاضر اول « چیقار »

(مبارک)

« کندی کندینہ » سلطان ، سلطان سنک پادشاہی سودیکک قدر
 الہیکہ دینہ محبتک وارسہ مطلق مقام ولایتدہسک : اوتہ کی مبارک
 نرہ یہ کیتدی التہ اولومنی آرامندہر . غریب شی سلطان اما اودہموتہ
 عشق اولش باقدلم زده ! کیدہلم ... موت ایلمی آرہ مز دہ
 اوزا قدر شو مزارستان ایلمی ؟ اوراسنی ہیچ بر وقت بیلدیکمز
 یوقدریا « مباک چیقار »

« پردہ ایزر »

پردہ

۱۵

« برطاغ تپسندہ قارلر ایچندہ اوتہسنہ ، بریسنه چیتلر یاپلش
بریر کورینور »

برنجی مجلس

« جابر »

« موسیقه ایله سویلیهرك »

« طاغلی قارلر بوریمش »

« هر یاتی قانلر بوریمش »

« اولو اولوی سورووش »

« ایسنز طاغار قانلی طاغلر »

« درت یانی اورمانلی طاغلر »

« جیبندن برکیسه آلتون چیقاروب ایله چارپهرق » بزم حاجب
نه بیوک آدم ایمش کندی جنکیزک اوغلنده ده حول ایتدی . حتی بنی
بیله چاندیردی ایشته برکیسه آلتون اکر دیدکارینی یاپه بیلیرسه اون
قاتی دها ویره جکار « کیسه یی آچهرق » توه رنکی نه قدرده کریه
شیلره بکره یور بیلیم انسانلر زهسنه طمع ایتشلرده بو قدر طاپیز
طوررلر ؟ . . ها طارله آلتوننجم ! سن کوزلسک : کونشه بیله
بکزرسک هله یانمدن آیرلمده ینه بکزرهسک ینه بکزرهیه بیلورسک :
عظمتلی جنکیز خان : شمدی یرنده اوکتای طور یور یارین کیم بیلور
کیم او طوره جق « ینه کیسه یه اورهرق » لکن سن هر وقت پادشاهسک . .
اگر حضرت آدم زماننده قیمتک معلوم اولسه یدی مطلق هابل ایله
قابلك غوغاسنه سبب سن اولوردك : هله زماننده کوردکاریمک هپسنه

سبب سن اولوردك ! ... خنزیر آلتون : صاری چیفیت : ... بنی
 اصفر صورتلی کونک ! طور طور طارلمه بنم صاری کل صورتلی آلتونچم :
 الله بلاکی ویرسون ، اما هیچ کیمسه یه ده اسککلکنی کوسترمسون :
 هاه بکا هیچ بروقت ، هیچ بروقت « کیسه بی هوایه قالدیره رق » باق
 سنی بونک ایچنه قویمشار نیچون طولدیرمشار ؟ دینی ایمانی صاتون
 آلق ایچون . کیم طولدیرمش ؟ ینه طاپان برحریفک باصدینی یرله
 طاپان بربقه حریف ! ... آلتون آلتون ! ... به طپان حریف
 کیمدر ؟ بیلورمیسین هانی بزم مملکتاره کلوبده یالکیز بنم اقرامدن ،
 قومشولرمدن ، سکسان کشی بی آتسه یقان جنکیزک اوغلی اوکتای :
 آلتون ! آلتون ! آنک ایاقزینک باصدینی یرله طاپان کیمدر ؟
 آنی ده می بیلمزسک ؟ او کرن بنم صاچی ، قاشی ، کوزی ، وجودی
 سنک کبی صاری اوچ یاشنده مینی مینی برقیز قرداشیمی آیاغنک آلتنده
 چکینه رک براق حاجب ! ... اومبارکک آدینی ده براق قویمشار . الله
 براقزینی شیطاندن اختیار ایدرلرسه بیلیم ؟ فقط بن بومبارکک جنت
 ایله آیش ویریشی یوق آلتون : آلتون : اوبراق حاجب قره خطایلیدر !
 چهره سی قدرده قاره در . بن جلاد ایسه ، ده جلادلرک خیلیدن خیلی
 سوز اکلار طاقندم لاقردی به دقت ایت نورک وار ایسه آنک کبی تمیزلنمز .
 آلتون آلتون : یاسنک چهره کعجبا تمیزلنیرمی دیسه ک نه جواب ویره جکم
 « کیسه بی لندن دوشورم رک » آلتون بنی براق بیچاره سن بنی
 براقه جقسک اما بن سنی براقه میه جغم ایاروده دها طوب طولی کیسه لر
 وار فقط کیمک قانتک بهاسنه ؟ جلالی اولدیره بیلیرسه م آنک قانتک
 بهاسنه بوجلال ندر ؟ کویا اولورده یرک آلتنه کیررسه یرک اوستنه بر دنیا
 دهای چیقاجق ؟ بنم قدر بر آدم . تانارلرده آنک ایکسی قدر یوزبیک

کشی وار لکن آتی یوق ایدم میورلر . بر جلال بردنیا ایله اوغراشیور
 هاهاهای !.. فصل بر جلال ؟ مزار قدر بر جلال !.. شو قدر غریب
 جابر قدر بر جلال ! بردنیا ایله اوغراشیورده شو بر کیسه آلتون بچقه
 اوغراشه میور غریب شی مکر آلتون دنیاده نه قدر مخلوق وار ایسه
 هپسندن زیاده حکمنی اجرایه مقتدر ایش ... آلتون : آلتون :
 غالباً سنی کونشدن قیر پیورلرده بورایه آتیورلر : آلتون آلتون :
 بورایه کل ذاتاً کوکله کیر مشسک قوینمهده کیر . آلتون . آلتون : سنی
 شو کیسه مه طولیدیر دیار اله ویر دیلر ! ... اوقوتله بورایه قدر کلام
 جلالی اولدیر رسهم بر قایچ کیسه دها ویره جکلر بلکه اوقوتله کیدر
 کعبه ده کی آلتون اولوغنی چالارم !... نه مه لازم ! شم دیک شو قدر
 یاره واریا ! جلالی اولدیر رسک دها زیاده لسه جک ... اولدیر ریز
 والسلام ! پدر بزی جلاد اوله رق تربیه ایش ! شم دی به قدر اولدیر
 دیکمز آدماز یوزی کچدی . هیچ بریسی اولمکه لایقمیدر ؟ دکلمیدر ؟
 دوشمندک یا ! انسانلرک هپسنی بریره طوپلایوبده یالکز برانسانز قیافتنه
 قویسه لر یالکز شونک بویننی کسیور دیسه لر کسمکده ترددی ایدرم ؟
 جلال صانکه دنیاده ال بیوک بر آدم ایش . دنیاده کی آدم لک طوپندن
 بیوک ایش . آتی اولدیر رسهم نه اوله جتی ؟ کله جک آلتونلرمی
 آکیله جک ؟ اما جلال ده بنی اولدیره جک ایش آ... آ... او ممکن
 دکل آشو طاشاردن هر برینک آرقه سنده بر آدم . او آدم لره هر
 برینک قویننده بنم کبی بر کیسه آلتون بچق وار « بولندی بی طاش اوززندن
 آشاغی باقه رق » تحف ؟ بریسی کلیور ! ... درویش قیافتنده !...
 نه دیمک ایستربویله بویله بر زمانده بوراده نه ایشی وار ؟ هله بن بورادن
 چکیله ییم ده ! ...

ایکنجی مجلس

« جلال درویش قیافتنده چیقار . جلال بولندیغی طاشک
آرقه سنه او طورور »

« جلال الدین »

کویا اولوم انسانک آرقه سنندن آیرماز ایمش : هیهات انسان
اولیورکه کونرجه ، آیرجه ، ییلارجه اولومک آرقه سنندن قوشیورده
ینه آرزوسنه واصل اوله میور اورخان - نورالدین البتده شهید
اولملردر . نبی بورالره قدر سوق ایدن کیم ایدی ؟ تاتار نصل اولدی
ده آرقه مزنی کسدی ؟ بن بویله درویش قیافتنی پادشاهلقدن .
انسانلقدن بری کورنمک ایچون احتییار ایتدم . شهید اوله جغم زمان
اولسون قرون اولی دهکی مجاهدلرک قیافتنده بولنهیم دیدمده آنک
ایچون بو قیافته کیردم . آرقه مدن کلن عسکرک هپسی کفنی بویتنه
طاقشدی نه اولدیله ؟ .. زه یه کیتدیله ؟ ... آه نه اوله جقلم ؟ شهید
اولدیله تنلی قانلر ایچنده قره طوپراقلمه دوکولدی روحلری نورلر
ایچنده عرش اعلاده کزییور .

— جابر —

« طاشک آرقه سنندن باشنی کوستره رک کندی کندینه » بو جلال
الدینک ادمارنندن بزى اوله جقق !

(جلال الدین)

اویله دکل ! اویله دکل ! قاچدیله . ایچارندن اونده بری اولدی .
الچقار خانلر ! اللهم بن کوزلرینک اوکنده ایکن بکا خیانت ایدنلر
نبی آرمیانلر کوزلرینک اوکندن نهان اولان دینلرینک خده متنده
نه قدر ثبات ایدرلر .

« جابر »

« ینه طاشدن باشنی کوستره رک کنندی کندینه » بوجلاک
آدملرندن دکل غالباً کندیسی اوله جق « کیسه سنی قاریش دیره رق »
او آلتون آلتون ... ای نه ییالم ؟

« جلال الدین »

هپسندن قاچق مأمول ایدی . فقط اورخاندن ، نورالدیندن ،
مبارکدن ، آه آدینی سوئک ایسته مدیکم مهرجهاندن اونیره نک
نظیره سی اولان مهرجهاندن بندن آیرلمنی مأمول ایتزدم . بلکه اولدیلم
ارلدیلر سه بندن اول اولمالدیلم ، بوگون دین اولیور وطن اولیور .
دوکیلان مسلمان قانلری قوجه برسیل اولمش حجازه طوغری اقوب
کیدییور ! بیت اللهی رخنه دار ایده جک ، پیغمبرک اجمالی مزارلرنده
راحت براقیه جقده ینه ملتکم اوغورنده سلاح ارقداش لریمک هپسندن
آرقیه بغی قاله جغم وافعا وظیفه یه اتباع لازم ایدی . فقط اومبارک
وظیفه ده لزومندن زیاده ظالم ایمش « ینه او طوردینی طاشک اوزرینه
یقلور »

(جابر)

« صاقلاندینی طاشک آرقه سندن بر کره دها باش کوستر » بو
مطلق جلالدر « دیر یانته یاقلاشیر » سز بوراده نه کنز یورسکنز ؟

(جلال الدین)

سنک ؟ وظیفه ک ؟ ...

(جابر)

وظیفه م دکل افندم فقط سز کیم اولدیغکزی بیلورمده آنک
ایچون سویلیورم سز بزم پادشاهمز دکلمیسکنز ؟

(جلال الدین)

اوت بن سزك پادشاهكزم : سزك دكل : حتى دنياك پادشاهده
اوله بيلورم چونكه طوغريلق پادشاهي يم دنيا بنی طوغريلغه خدمت
ايتديكم ايجون پادشاه بيلمك لازمكليردي .

(جابر)

طوغريلق پادشاهي يم بيورييورسكيزده دشمن قارشوسندن ايجون
بورازره فرار ايتديكيز آرقه كزده كي درويش قياقتي نه در ؟ اجلدنمی
صاقلانيوسكيز ؟ اولاديني عيالي تاتار پنجمنده براقوبده استمداد
كلانار سزي ايسسز يرلرده درويش قياقتنده ...

« جلال الدین »

« لاقيرديسني كسهرك » حيث ا ... ادبكي طاقك : بن دنياك
اوج طرفنه ايري ايري برر دولت تشكيل ايدن بر پادشاهم بنی امويه
زماننده عراق عربك مشهور اولان نفاق آل عباس دروننده عراق
عجمه انتقال ايتمش عراقده كي مأمورلرم خيانت ايتديلر . اوچنجي دفعه
اوله رق ياپديغم دولت ده ؟ المدين كيتدی بورالره بر دردنچي دولت تشكيل
ايتمكه كلدم . دوريش قياقتنه كيريشمك حكمتني سنك كبي كوپكلر
آكلاماز جناب حقاك عنايتناه بر دولت ده اياپه جغم : ينه تاتارمشركار يابه
سزك كبي قاريسني چوجغني آنلره تسليم ايدن مسلمان مرشدلر يابه
اوغراشه جغم .

(جابر)

« جلال كسندنن كچمش بر حالده بوسوزلري ايراد ايدركن يواش يواش
يانه ياقلاشير . سرعته بلندن چيقارديني برخنچري جلالك قلبی اوزرينه
اورر » اوغراش : اجلك پنجهسندن جياتتي قورتاره بيليرسهك ايتسد .

یکک قدر اوغراش)

— جلال‌الدین —

« یار ملی اولدیغی حالده جابرک الدن طوتهرق و دقتلیجه یوزینه
بافهرق » بن بو چهره‌یی مطلق بر یرده کورمشم : طوغری سویله
سن کیمسک ؟ ...

« جابر »

« برمدتجک الی قور تارمغه چالیشدقدنصکرده » بیله مدیکزمی ؟

(جلال‌الدین)

بیادم ! حاجبک جلادی اولان خنزیر ! سن حاجبک جلادی دکلیسک
« جابر »

اوت ! ...

﴿ جلال‌الدین ﴾

بکا نیچون قصد ایتدک ؟

(جابر)

پاره و یردیله آتک ایچون ! الیمی اوقدر صیقمه ! ... نه صورده
جقسک سویلرم پاره‌یی براق حاجبک طاقی و یردی . اما تاتار طاقی
طرفندن و یردی بنی براق : بن ده سنی براقیم : نه وقت چاغرسهم
شوطاشلری آرقه‌سندن قرق کشی چیقار .

« جلال‌الدین »

اللهم سن عادلسک : بر قاتلک قرق معینی وار ایمش یابن مظلوم
ایکن امدادیمه کل دیسه‌م کیم چیقه جق ؟

(مهر جهان)

« النده جلالک بلندن آلدینی خنچرله میدانه چیقار » بن چیقناجم

پادشاهم اللہک مؤمن قوللری حیقہ جق شورادن آشانی باق نہ قدر
قلیچ امرینہ منتظر طورییور « بو صرہده جابرله کلان آدمار بر
بر طاغلمغه باشلار »

« جلال الدین »

نیردم ملک اولمغه کر چکدن لایق ایدی .

(مهر جهان)

یاربى ینہ نیرہ « جلالہ » نیرہ دکل پادشاهم مهرجهان « کندى
کندینہ » یوردکم ایکی پارچه اوله جق « جلالہ » هانى ایکنجی نیرہک
اولان ، هانى ایکنجی نیرہک اولمق ایستیان مهرجهان! ... مهرجهانى
دها وعد ایتمدیکی کبی قان در یالرنده یوزه میور آئیمی کورمک ایستیمورسک .

« جلال الدین »

یاربى ! یاربى « دائماً جابرک قولندن طوتهرق » احسانکه نصل
تشرک ایدیم قدرمدہ مقتولا وفات ایتک وارمش بنی بر ملعون جلال
پارہ طمعیله شهید ایتدی اسلام اوزریمه قالقوب ظلم ایدیور . یاخود
وظیفه سنی اجرا ایتیمورده دیه پارلهمدی .

(جابر)

« کندى کندینہ » دیوانه میدر ندر ؟ هم اولیور همده اولدیکی
اچون شکر ایدیور .

— جلال الدین —

« جابری شدتله سیلکوب آهرق » ییقل اورادن قاتل . دفع اول اورادن
خائن . شمعدی عسکر کوررسه وجودینک هرلقمه سی بر جانورده نصیب اولور
جهنم اول شورادن ملعون : عفو ایتدم ! اکر نصیب اولان شهادت ایسه
حضور بارى دهده عفو ایتدم .

« مهر جهان »

« یاقلاشهرق » ینه بکزیکز صولوق کوللره بکزه مش ؟ نه اولدیگز
جلالم ؟ « جلال ییقیر قلبنک اوزرندن قانلر بوشانمغه باشلار » بوقانلر
نهدر ؟ قان دریاسنده بن بوغوله جق ایدم ! شمدی غرق اولیورسک
پادشاهم ! ذاتا بنم اسم سنک وصفک ایدی قانلر ایچنده می غروب
ایدیورسک ؟ « قیانک اوزرینه چیهرق عسکره آوازیله » شو قاتلی
طوتک ! پادشاهی هلاک ایتدی ...

(جلال الدین)

صوص بن آتی عفو ایدم . ذاتا بیک جانی اولسه آقندی قانک
برطمله سنه دکمز .

« مهر جهان »

مرحمت بیورک جلالم افندمز ملک نصرتک دوننده قاله جق
دکاسکز یاقانلکیزی ده عفو ایده بیلیرسکز . فقط بز عفو ایده میز
عدالنکزه صغندق قان مقتانک دکل وار اثرینکدر پادشاهم . سز تبعه کزک
عسا کر کزک پدری ایدیگز . ملعون ملیونارجه مسلمان یقیم براقدی
خنزیر . شو امت محمدک تاتاره اسیر اولسنه سبب اولدی .

« جلال الدین »

یانمه کل اولیورم براقچ دقیقهلق حیاتم یاقلادی یاقلمدی . بن الله
کیدییورم دنیاده سندن بشقه یارم یوق . جلالی سورسهک سویله .
اللهی سورسهک سویله ، نورالدین ، اورخان ، مبارک زرده ؟

(مهر جهان)

اورخان ، نورالدین شهید اولدیلر مبارک جاریه کزله برابر کلادی
فرمانکزه انتظار ایدیور .

« جلال‌الدین »

یانمه کل فنا یار ملیم : طویه طویه یوزینه باقه یمده بلکه بر آزیارمه مک
آجیسنه سکونت کلیر .

(مهر جهان)

ایشته کلدیم پادشاهم بر شیئکیز یوقدر انشاءالله افندم ! ...

(جلال‌الدین)

شو صول طرفه باق ! ...

(مهر جهان)

آه قان قان یاربی یاربی : هرکسه بر جاندر باغشلامشسک نیچون
اوحیاتی بشقه سنه ترک ایتمک ایچون بر اقتدار احسان ایتمک ؟

(جلال‌الدین)

صوص اولوم حالنده یز بویله آخرتک اک یقین اولان منزلنده
جناب حق حکم حقیقیسنی نخری ایله اوغراشلماز آه اولیورم نه
حکمی اوله جق ، دنیاده کیم بقا بولمش یاننده کاغد قلم یوقکه اوفاجق
بروعیتنامه یازیم .

(مهر جهان)

نم کوچک پر مغ قلمک ایدر کوملمک کاغذک ایدم بیلیر پادشاهم .

« جلال‌الدین »

حقک وار کوملکنی یرت :

« مهر جهان »

ایشته .

« جلال‌الدین »

کوچک پار مغنی ده بکا ویر : شوقانه باتیر .

« مهرجهان »

« نهایت درجده دهشته کیری چکیله ریک » سزک قانکزه می جلالم ؟

« جلال الدین »

اوت بنم قائمه : ایده جکم وصیت جلالک قانیله یازلمغه دکر
سوزلردندر نه چکنیورسک ؟ قرق ییلد نبری دین یولنه وقف ایتمدیکم
قائمک بوامت مرحومه یه آخر تقسمده مرکب قدرده می خدمتی اولسون
کوچک پارمغنی باتیر .

« مهرجهان »

باتیردم : دنیاده آخرتده پادشاهم امرک ندر یازیم ؟

« جلال »

یاز ! ...

« مهرجهان »

امریت پادشاهم .

« جلال الدین »

« تاتارایله نه قدر اوغراشقی ممکن ایسه او قدر اوغراشدی . مظهر

توفیق اولنه مدی . چونکه توفیق الهی یه لایق دکلدک »

« مهرجهان »

یازدم پادشاهم !

« جلال الدین »

پارمغنده قان قالمدی ! ...

« مهرجهان »

بکا اویله لقردیله سویلمیکز . شمعی چیلدیره جغم .

(جلال الدین)

الله عشقنه متین اول قائم توکنیور اولوم اطرافنی صارمغه باشدی
کتیر یارمغنی اوزات !

« مهر جهان »

حاضرمد پادشاهم .

« جلال الدین »

« بشمز الله ایچون حرب ایدرسهك بش بیکمز کنندی منفعمزنی
دوشنوردك . او اخلاقسزقله تاتاره مقاومت امکائی قالمدی ظنمه کوره
یقینده اسلامك باشنه بوبلایی دعوت ایدن دولت عباسیهیی ده دشمن
محو ایدر »

« مهر جهان »

آنی ده یازدم پادشاهم :

« جلال الدین »

ینه قان آل ! ...

(مهر جهان)

اوف یاربی یاربی ! ...

« جلال الدین »

بیهوده تأسفله وقت کچیرمك لازم دکل : بی سورهك یاز ؟

« مهر جهان »

اراده بیوریکمز پادشاهم ! .

« جلال الدین »

« تاتارلرده انساندر . بر کره ایچمزه قاریشدیالر البته اسلامك »

« فیض و شرفنی کوررلر کولکاری دیانتیه میل ایدر بو حالدیه شمدی »

« اسلامه فرض اولان صر ملت تاتار انه دوشمیانلرایچون اولنجهیه »

« قدر وطنرینک استقبالی محافظه ایتمکه دوشنلر ایچون تانار قومی »
 « مسلمان ایتمکه چالشمقدر » بیتدی می ؟
 « مهر جهان »

بیتدی پادشاهم !

« جلال الدین »

کیت وصیتنامه یی مبارکه ویرده یاتمه کل . « مهر جهان مبارک
 یاتمه کیدر » تانار اسلامی قبول ایندیکنی آخرتده اولسون خبر آویدده
 مزارمده محشرده قدر راحت یاتمه نیله جگمی یم
 « غائبدن برصدا »

امین اول ! ...

« جلال الدین »

« اعارافه باقوبده کیمسه یی کوره مینجه » هاتف غیبیدن تأمینات آله حق
 قدر مقبول قوللر ندنمی یم اللهم ؟ امین اولدم حضور عزته مستریح اوله رق
 کلیورم . بوندن صکره حیات ابدی ایانمه کاسه بر نگاه ایتمکه تنزل
 ایتم ! ... « بایلییر »

« مهر جهان »

مبارک !

« مبارک »

افندم ! ...

« مهر جهان »

ایشته افندم زک وصیتنامه سی بودر تبلیغه سنی مأمور ایندی . آل
 « مبارک »

عسکر نه حرکنده بولنه حق ؟ ...

«مهر جهان»

او قوسهك آ اولنجيه قدر چالیشه جقسکز :

«مبارك»

پادشاهمز نه حالده ؟

«مهر جهان»

هلال ایتدیلر دیه آوازم چیقدینی قدر فریاد ایتدم ایشتمدکمی ؟
 کیت بنی مشغول ایتمه : ای کمزده آخرت یولجیسیز . بودنی دنیادن
 قورتیاه جغز ! ...

«مبارك»

قولکزده پادشاهمک فرماتی اجرایه کیدی یورم حق نعمتکزی

حلال بیوریر میسکز ؟

«مهر جهان»

حلال اولسون انشاء الله لواء الحمد آلتنده کوروشورز

«مبارك»

«مهر جهانک آیاغنی اوپر قلیجینی چکر» دنیا ایله آخرت آره سنده
 اوچورملری کچمک ایچون اک قورقوسنر اک کس دیرمه یول بوکوپری
 ایمش : شهادت : شهادت اللهم آندن بشقه کو کلمده بر آرزو قالمدی اللهم

«مهر جهان»

«جلالک یاننه کیده رک» جاللم ! افندم : پادشاهم

«جلال»

آه نیره : نیره : ...

«مهر جهان»

ینه نیره بن نیره دکلم پادشاهم : مهر جهانکده آزیجق مرحمت
 ایتمز میسک ؟

(جلال الدین)

سنه یسک مهر جهان : ... اولوم حالنده یم : اجل پنجه سندن انسانه
 هر درلو حالر کورینور سویلیه جکلریمه کوجمه : یاربی یاربی ایلروسی
 سعادتدر . امینم حنیب اکرمک حرمتنه غضبنی تمدید ایتمه ضعفایه
 مرحمت ایت ! ... باق سکا مژده ویریورم دینکی ، ملتنی سورسک
 بیلیرمده ینه سویلکه اونوتدم .

(مهر جهان)

دنیا ده هر درلو محبتی سندن او کرندم . سوهرم پادشاهم دینک
 ملتکم اک کوچک مقصدی ایچون بیک جانم اولسه دریغ ایتیم سویله
 پادشاهم نه درلو مژده لر ویره جکسک .

« جلال »

بر زمان کله جک که تاتار عوماً دین حقی قبول ایدم جک ! ...

(مهر جهان)

هیئات

(جلال الدین)

« کسبک کسبک » هیئات دیمه اتیان اللهمکی فصل
 بر بیلیرسک نیم بوراده موجود اولدیغمه فصل اعتماد
 ایدرسهک اولیه اتیان سن مبارکه وصیتنامه یی کتوردیکک
 وقت جناب حقه تاتارک اسلامیتنی آخرتده اولسون اوکر نمک
 ایچون نیازلر ایتشدم مقبول اولدی هاتف غیبدن « امین اول »
 دیه برسس کلدی روحم سرورندن عالم بالایه چکادی
 ظن ایتدم هاتفدن یلان صادر اولماز بو قدر ویا بو قدر
 حما تجر به لرندن صکره هاله سکر ات موت ایچنده کچیردیکم حاللردن

صكره خيالى حقيقت ظن ايتمه جكم ... اعتمادايت « كندندن كچمش بر حال
 اياه » بختيارم مهر جهان ... شهيدم الحمدلله ... اللهم اللهم ...
 بكا بوحلمده ... دنياده كي ... موجوداتك ... جمله سنه غبطه رسان
 ... اوله جق بر سعادت ... احسان ايتك ... سن او عظيم الشانكله
 مخلوقاتارينك قصور ... ايتديكي بر حال ... يراتمش اولسهك اوده
 بيوكلكنك درجه سنى لايقيه ادر اك ايده من آه روح ... بر جهان معنوي ايتدن
 ... بر عالم علوي ايتدن سقوط ايتمشده ... قره طوپر اقلر آرسنه ... آرسنه
 بيك درلو ... اذالر ، بلالر ... ايچنه دوشمشكن بيلمم ... بو قوقمش
 وجودك ... نه سنى سوييور كه ... آيريلير كن بو قدر مضطرب اوليور ... ؟
 دنياده حياتم كي ... كوزدن ... زائل اولدى ... مهر جهان
 سن بيله كورنميورسك ... كورنيور كورنيور ... مهر جهان دكل
 هر درلو عظمتاه ... هر درلو شعشه سيلاه ... مهمازل كورنيور ... »
 بايلير تسليم روح ايتمش كي كورنيور »

(مهر جهان)

« كندندن كچمش بر حالده بر آزدوشندك د نصكره » كتىدى ! اسلاميتك
 اك برنجى عسكرى ، اسلاميتك اك صكره كي ملتجاي ده كيتدى كوكله بر
 دنيا دن بيوك ، اقتدارى بر دنيا طولوسى حلقه غالب اولان جلال الدين
 ياصلاندينى طاشاردن ، سورونديكي طوپر اقلردن عاجز اولمش ياتيور ! ...
 اومسونار ! ... بر طاقم ديوانه لر دنياده وفا اقبلاه بقا اومسونار ! ...
 طوقوندينى يرلرى نورلره ، حياتلره غرق ايدن كوانش كي سايه سنى
 هر نر يه دوشرسه بر قوجه دولت ، بر جهان حميت ، پيدا ايدوبده تاتارك
 قارنجه صايدسند ، قيل اندامنده اردولرينى محوايدن پادشاه قودوز كوپك
 قدر بر قاتاك خنجرينه مقارمت ايده مدي كورنمونار ! ... بر طاقم بيجتارهلرينه

جابه قارشو بازولرینک قوتنه ، مختسزلغه قارشو درایتلرینک پارلاقلغنه
 کونسنونلر « کمال شدتله » آه پادشاهم بوندن صکره صاچ یولان
 طوللرک ، قان آغلیان یتیمارک ، زنجیر ایچنده ایکیان اسیرلرک ،
 قلیچلر آلتنده چارپینان بیچاره لرک امدادینه کیم یتشه جک ؟ یریوزنده
 بر ملک العبارس ایدک . نه عاصی مخلوقار ایمشزکه قهار منتقم سنی ده المزدن
 آدی . شهید اولدک . تا تارک قلیچندن ، قارغیسندن یریوزنده بر
 موحد یشامیه جق یر آلتنده بر صاحب حمیت راحت راحت یاتهمیه جق
 صدخیف : کیمیدی جلال کیمیدی اطرافنی بر ظلمت استیعاب ایتمه
 جناب حقک انوار عنایتی دنیادن چکلمک باشلادی یاربی هنکامه قیامت
 هر درلو هول ودهشتیه یریوزینه می چیقاری سیورسک ، یاربی یاربی !
 بزه بو کونلری بومصیبتلری ده می کوستردک ؟ کوکلمک اوزرنده
 بر شهید یاره می بر جنت پنجره می ده یوقکه بشقه عالمده باقیمده
 کوزیمک اوکنده طولاشان احوال جانکدازی بی اونوته یمده « شاشقین
 شاشقین اللرینک اوستنه باقهرق » آه قانی پارمغده طور سیور ده بن
 خنالر قویمش کبی ذوقی ، اکلنجه می ، آریورم . بوخنچری جلالمدن
 مزارده زبانیارله اوغراشمق ایچونمی آلمشدم ؟ اللهم کنه ایسه جزاسنی
 ویره جک سنسک انسانلر دکل یا « النده کی خنچرله کندیسنی اورر »
 آه : ... یتاغنده اولان یرم مزارنده حالیمی قاله جق « بردهشته یرندن
 صیچرایه رق » دیوانه دیوانه آنک آخرتده نیره می وار . قیمتلی نیره می وار
 سن جان بولمشده یتاغنه مسلط اولمش بر میتک تصویر ی ایدک : سن
 نیره نک باشندن مزار طو پراقلری صاچا کزر بر خیال خزینی ایدک سن
 نیره نک بر جادیسنی ایدک ... هیچ جتنده جلال بر جادی بی یانه آیرده
 سوکیلی ملکنی قیمتلی حوریسنی نصل قسقاندیرر ؟ آه یوق یوق ! یاربی

یاری سکا صغنیورم : شیطان قلبمی استیلا ایتمش بنی عدالتندن اشتباهه
دوشوره جک بنی هم دنیا ده هم آخرتده هر درلو سعادتندن محروم ایتمک
ایچون کوکله بو قدر شدتلی بر محبت ویرمک مرحمتنه نصل یاقیشیر ؟ بو
دارمختده درده قدر بر اشدیره که ما زون اولان کوکلار ، آخرتده باخصوص
شهادت کبی بر دولته نائل اولدقندن صکره نیچون الی الابد بر قادینه منحصر قالوب
طوره جق ؟ جلال نیرمی الله یولونه فدا ایتدیسه بن ده کندیمی او یوله فدا ایدیورم
نیره کوز لسه بن ده کوز لشم که طبقی اکابکز ده دیکمی جلال سویلردی : ... بن
نیرمی قصقاغیمورم او بنی نیچون قصقانه جق ؟ جلالمی کوردیکم کوندنبرو
کوکله بر کونش طوریور کونشدن پارلاق نورمی اولیور که نیره نک عشقی
بنم محبتنه غالب اوله یلسون آه اوده شهید : شهیدلره قصقانه جق کبی
دنی دنی خویار نهدن بولنه جق ؟ عدالت : مرحمت : اللهم عدالتنه ،
جلالک مرحمتنه صغنیورم . جلالندن دنیا ده آریله میورم آخرتده
هجرانه نصل تحمل ایدیم جناب حقت عفوینه مظهر اولان قوللر -
ندن ایسه هجران ایله جنتده جهنم عذابی چکدیرمک غضبینه او غرامش
بیچاره لردن ایسه جهنم ایچنده بنم ایچون بر جهنم عذابی ده ایجاد
ایتمک زنجیک شاننه دوشمز آه پادشاهم : بنی آخرتده یانندن طردمی
ایده جکسک ؟ آه جلال ! ... جلال ! ...

(جلال الدین)

« آیهلرق » آه ... او خزین بسسکله ... بنی آخرتدن دنیا یاهمی ؟ ..
دعوت ایدد جکسک مهر جهان ! ...

« مهر جهان »

پادشاهم ! الحمد لله حیاتده میسک ! ... ؟

(جلال الدین)

دها شمدی عالم حیاته کیده جکم ... نه اولدک ؟

(جلال الدین)

« جلالک قوجاغنه دوشدرک » قوجاغنه قانار ایچنده ... یوارلنهرق
که جکمی وعد ایتماشمیدم پادشاهم ؟ .. ایشته وعدیمی . یرینه کتیردم .

(جلال الدین)

کل نیره صاغده ! ... سن ده صول طرفه کل . . . عالم بقایه ..
عالم حیاته برابر کیدهلم ... اجلاک پنجهسی اجل ... شمدی روحه
صارلغه ... باشلادی ... آمنت بالله ... ورسوله « تسلیم روح ایدر .

(مهر جهان)

آه ظالم ... بکا امید ویرمک ... حیاتی یرینه کتیروبده بر دها
اولدیرمک ایچونمی ... روحک بدنکنه ... عودت ایتمشدی ... ؟
حیاتمه قاره بختم کبی وجودمدن هیچ آیرلماق ... ایچونمی یرا-
دلشدر نه در ... حالا ارمیورم ! جلال کیتدی ... بن دها یشایورم
« خنچرله بر قاچ کره قلبنک اوزرینه باتیرهرق » یاربی ملتنی مذلت
ایچنده ... عرضنی دشمن پنجهسندده کورمهک ایچون دنیاده یشامق
ایستیمان پیچارهیه آجی ... محبت یولنده شهید ... اولان عاجزهیه
صرحمت ایت « جلالی قولنک اوزرینه آلهرق وچهره سنه دقتاه باقهرق »
الله جل جلاله « جلالک جنازه می اوزرینه ییقلیر تسلیم روح ایدر »
(رحمة الله علیها)





3 1761 07978010 2